



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>





600092351Q



-

1

ANTONII LAMPRIDII

D E

SUPERSTITIONE VITANDA,

Sive Censura

VOTI SANGUINARI

IN HONOREM IMMACULATÆ CONCEPTIONIS
DEIPARÆ EMISSI,

A Lamindo Pritanio antea oppugnati, atque a Candido Parthenotimo
Theologo Siculo incassum vindicati.

*Non fit nobis Religio in phantasmatibus nostris. Melius est enim
qualecumque verum, quam omne quidquid pro arbitrio fingi
potest. Sanctus Augustinus Lib. de vera Relig. Cap. LV,*

MEDIOLANI, MDCCXL.
SUPERIORUM PERMISSU.

Prostant Venales

VENETIIS.

Apud Simonem Occhi, sub Signo Italix.

130. h. b. .



AD LECTOREM

PRECES AUCTORIS.

S*I quisquam ad hoc Opusculum legendum accedet , certe duplex hominum genus erit . Alterum eorum , qui Sanguinarium Votum numquam susceperunt , suoque nondum examini subjecerunt . Ab his nihil mihi , nihil lucubrationi huic timendum est . Immo ut ad illorum Tribunal potissimum causa ista deferretur , in votis mihi esset ; quam enim in neutram partem hactenus eorum judicia declinarint , nemo æquius quam illi & rationes perpendere , & sententiam hac de re ferre possit . In classe ista , ni fallor , potiore Catholicorum partem videre mihi videor . Alterum illorum est , qui jam se hujusmodi Voto obstrinxerunt , & quamquam plerique sine ullo examine in illud consenserint , mentibus tamen præoccupatis ipsum tueri , quacumque ratione possint , suum ducent . Non querelæ non iratæ tantum voces ab iis expectandæ , sed & quidquid humana sagacitas , & potentia præstare queat ad eliminandum , opprimendumque Librum , in re præsertim Pietatis , suis oppositum placitis . Sed si quid meæ preces possunt , quemlibet supplex rogo , ut antequam ad hæc legenda se conferat , secum reputet , quanto bonore , quove amore digna sit veritas . Hanc cnixe expiscari , hanc anteferre , idque libenter , opinionibus suis , est hominis bene compositi , seque ac sua recte amantis . Si sapias amicum dicas , non hostem , qui te*

vera aut meliora doceat. Quod non ideo dictum velim, quasi a Lectore exigam, ut antea persuasum habeat, a me stare Veritatem, quam sententiæ meæ rationes exceperit. Id unum ego precibus meis concessum velim, ut pacato dumtaxat animo Lector ista legat, ipsoque in limine lectionis præconceptas tantisper seponat Opiniones, easdem recepturus e vestigio, nisi me propiora vero, sive solidiora tradentem agnoverit. Porro iniquum foret mihi irasci, quod tacentibus aliis istam ego provinciam susceperim. Interest profecto Reipublicæ Catholicæ in examen adduci, quidquid novitii occurrit in Doctrina Fidei, magnique momenti est in Doctrina Morum. De Vita hominum in eo Voto agitur. Num id tibi leve, num contemnendum videatur? At inquis: Pietatem sententiæ meæ præfert. Audio. Sed quid si Superstitionem? Huic adversari, totisque obistere viribus, inficere, si potes, quin veræ Pietatis, quin rectæ Rationis sit opus. Reliquum ergo est, ut uno Veritatis amore ductus pacifice hæc legas, in eam denique concessurus sententiam, quam non Affectus, sed Regina ipsa Veritas amplectendam suadebit.

PRÆFATIO.

Decem & septem jam effluxerunt Anni, ex quo primum prodiiit Lutetiæ Parisiorum Tractatus meus *de Ingeniorum moderatione in Religionis negotio*, alibi postea recusus. Ibi Libro II. Cap. VI. pag. 254. palam prodidi, improbari mihi eorum consilium, qui vovent se daturós Sanguinem pro tuenda sententia, tribuente immunitatem ab Originali culpa Beatissimæ Virgini Mariæ. Nullus me livor, nullius odium, me ad hujusmodi Votum improbandum permovit. Una illius, ut mihi videbatur, & adhuc videtur, deformitas verba censuræ aliqui placidæ ministravit. At post complures annos, hoc est Anno 1729, emerfit tandem Siculus Scripter, immo Theologus, & *sacra Theologiæ Professor*, qui sub nomine *Candidi Parthenonimi* in arenam adversus me descendit, edita Panormi *Dissertatione Theologica*, cui titulus *Votum pro tuenda immaculata Deiparæ Conceptione ab oppugnationibus Lamindi Pritanii vindicatum*. Sero ad me delatus est Libellus, isque etiam me invenit aliis negotiis, curisque distentum, e quibus Eruditorum Respublica, si Deus dabit, aliquando fructum recipiet. Alienum præterea me sentiebam a suscipienda, siue continuanda ejusmodi pugna, non quod putarem, quidquam ereptum veritati ac soliditati sententiæ meæ; sed quod jam longa experientia didici, adeo composita esse, immo male disposita ingenia, animosque mortalium, ut quam semel opinionem imbuerunt, atque firmarunt, fere semper retineant, ac potissimum si concertationibus res agatur. In incendium quippe maximum facile tunc erumpunt homines; & amore sui, suæque famæ tutela urgente ita abripiuntur, ut Veritatem vel ante pedes positam sæpe non agnoscant. Jam judicarunt pro illa sententia, firmumque ei assensum præbuere, immo & alios docuere: molestissimum deinde est, atque intolerandum, judicare contra ingenium proprium, contra se ipsum. Stat ante oculos existimationis propriæ periculum; mentemque agitat ac premit dirum illud phantasma: quid de me docti, quid Populus ipse dicturus est, si vincar, eoque plus, si me victum fatear? Quare effugia omnia quærent, ratiunculas quasque sibi oblatas arripiunt; & quum nihil aliud superest, invidiam adversario creant; odiumque hominum, si quo pacto possunt, in eum concitant. Nullam denique artem, nulla externa auxilia negli-

gligunt, quibus importunum Censorem opprimant, atque consternant. Quod mirum est, ea infelicitate saepe homo laborat, dum gravi adeo affectuum tumultu in pugnis litterariis exaestuatur, ut minime se putet a Veritate, aut Iustitia, aut Caritate discedere, vel quum iniquae causae patrocinium suscipit, & contumelias atque calumnias telorum loco in hostem usurpat. Equidem nescio, num gravius doleam naturae nostrae corruptionem, an ipsius Veritatis quotidiana vulnera, sive pericula, quam tamen omnes & amare, & sincero animo inquirere profitentur.

Et haec quidem tacite concinebam mihi. At ubi factum est mihi aliquantulum otii, simulque recogitare coepi, non de re levis momenti, sed de hominum Vita quaestionem obortam fuisse, aliquid rursus deerevi mandare litteris, quod ad huiusmodi controversiam dirimendam opportunum atque utile non tantum videatur mihi, sed & ab aliis censi possit. Accessit etiam & amicorum aliquot impulsus, putantium, non omnium esse agnoscere, in quo deficiat Parthenotimi Dissertatio; ac rei publicae consequenter interesse, si forte is doctrinam minime probandam tueatur, ab ea adoptanda detertere ceteros Catholicorum filios. En ergo onus subeo. Uter ex nobis rectius senserit, decernet postquam haec legerit, quisquis nullo partium studio ductus inter me atque illum aequus iudex fedebit. Et pari quidem facie ambo pedem hactenus contulimus larvatus ego, larvatus & ille. Nimirum, ut unusquisque, neutiquam spectata in alterutro humilitate, aut splendore nominis, sed una rationum vi, sententiam liberis votis fere possit. Miretur autem Lector, cur haec de me in Praefatione pag. XIV. scripserit *Parthenotimus*: *Ille quidem latere sub Lamindi Pritanii nomine maluit; quoniam id fecerit consilio, ut confert ad praesentem controversiam indagare*. Lepide profecto, quum aequae & ipse latere sub *Candidi Parthenotimi* nomine maluerit. Ubi is nobis revelarit, quoniam id fecerit consilio, tunc & ipse a me responsum habebit. Attramen quando is semetipsum oblitus, mihi poene crimen inferre videtur pag. 103. *Lamindum dictitans hominem recentem, qui vero sub nomine apparere verum est*, hunc etiam locum topicum censoriae illius prurigini mature eripiam. Itaque lubens, apertum volo urgenti Parthenotimo, sub *Lamindi Pritanii* Anagrammatico nomine latere *Anonimum Lampridium*. Quod quum revelo, habebit nihilominus in *Lampridio* Theologus Siculus hominem obscurum, & *vix notum de nomine*, uti is *Pritanium* pag. 75. appellavit; neque opus erit, Panormitanos iratis redarguere verbis, quasi nimium de-

se-

ferant auctoritati Lamindi Pritanii, uti jam fecit idem Parthenocimus pag. 101. ubi in hæc fulmina erumpit: *Erras, quisquis es, Lamindi addictus jurare in verba Magistri, si umquam credis, quod Orbi Catholico Lamindus sit ille bonus vir Horatii.*

Quo multæ, magnæque secantur Judice lites.

Bono sit animo Parthenotimus: sive cum Pritanio antiquo, sive cum nupero *Lampridio* manus conferat, ei certamen erit cum homine vix noto de nomine, & qui rationibus tantum, non vero sui nominis majestate pugnet. Sed jam itineri nos committamus.

Dixi, offerre heic se nobis rem non levis momenti; immo maximi dicendum mihi fuit: id quod nullo negotio unusquisque, dum tantillum consideret, vel me tacente deprehendet. Non agitur heic de privata cujusquam hominis Opinione, in latebris conclusa, & paucis nota, quamquam & in istam exere arma cuicumque liceret, quoties eam adversari rectæ doctrinæ persuasum haberet. Agitur de Opinione, quæ jam in editis Libris disseminata est, quæ Populis integris ingenti conatu e sacris suggestis suadetur, inculcatur, tamquam eximium Christianæ Pietatis experimentum, & quam propagare nonnulli quantis possunt viribus adhuc pergunt. Mutinæ auditus est mihi sacer quidam Orator, e Campania ad nos profectus, Populo sublimè ejusmodi (ut is putabat) sacrificium pluribus commendans. Suasit quidem, at non persuasit: doctis interea mirantibus atque improbantibus informem illius zelum atque sententiam. Nunc tibi aliquantisper finge, sanguinariam hanc Opinionem pugnare cum Dogmatis Catholicæ Ecclesiæ: teterrimum jam sentis monstrum in Italiam invectum, & fieri posse, ut plura hominum millia ad mortem sine ratione incitentur, & horreant cunctorum animi ad incautam hanc & temere quæsitam mortalium carnificinam. Nam quod nullus nunc timor instat cædium, ac nondum natum credere fas est Tyrannum quemquam hac de causa in Catholicam gentem debacchaturum, propterea innoxiam atque ferendam hujusmodi Opinionem immerito quisquam censeat. Si imprudens, si temeraria est, continuo abjicienda, ac ejuranda est, ne altas radices agat, quas comprimere, ac evellere, quum velis, non liceat; & ne probare nunc videaris, quod aliquando sis abominaturus. At enim, inquires, & nunc, & futuris quibusque temporibus stat ac stabit hæc Opinio, utpote solidis fundamentis nixa. Ita censes, & bona fide, ut arbitror. An ita judicaturi sint alii, sitque deinceps

deinceps omnibus judicandum ; investigatum nunc pergo. Inter-
ea ne tu quidem inficias ire potes quin gravissimi ponderis sit
hoc argumentum , maximique referre , non perfunctorie , sed
attenta meditatione , in illud aciem intellectus converti , ut qui
hactenus a Voto isto effundendi Sanguinem sibi caverunt , si for-
te illud temeritate nequaquam carere perspiciant , eo diligentius
in posterum ab eo sibi caveant ; & contra qui incaute illud
concepere , prudenter suæ conscientiae consulere possint . Grandis
flagitii reus esset Theologus , qui vel unum e Fidelibus sua do-
ctrina impelleret ad Mortem temere subeundam . Quid postea , si
integrum Populum ?

I N D E X

C A P I T U M.

CAPUT I. **D**ecreta Romanorum Pontificum, & Concilii Tridentini servanda in Quaestione de Immaculata Deiparæ Conceptione. In quo sita Controversia inter Pritanium & Parthenotimum. Votum de tutanda, voce & calamo, sententia favente Immunitati Marianaë laudatum. Improbatur Votum Sanguinarium pro illius tutela. Pag. 1.

CAP. II. Pietatis Nomine propugnatum frustra a Parthenotimo Votum Sanguinarium. Vera Pietas cum ceteris Virtutibus jungenda. Inter Defectum & Excessum posita. Vitii utriusque exempla. 10.

CAP. III. Vita hominum quam pretiosum Dei donum. De illa custodienda ac minime prodigenda, naturale ac divinum præceptum. Quando mors potius eligenda. Joannis Baptiste, aliorumque exempla commendata. An Corthusiano in discrimine vitæ comedendæ sint carnes. Sancti Elphegi, aliorumque exempla in examen adducta. 19.

CAP. IV. Ut Vita prudenter detur, pro Bono Majori, & aque Certo danda est. Exempla mortis imprudenter electæ. Tenuitas pii operis consideranda, nec contra leges Prudentiæ quisquam in mortem incurrat. 29.

CAP. V. Ad leges sanctissimas minime spectat effusio Sanguinis pro tuenda Immunitate Virginis. Neque ad tutelam Sanctitatis Marianaë. Aliud Pietas Intrinseca, aliud Opinativa. Ad quamnam ex his referenda sententia Scotistica de Conceptione Virginis. 33.

CAP. VI. Minime immunis a crimine, qui vitam daret pro tuenda sententia Scotistica, ac si Fidei Dogma foret. Castrensis & Vasquii in banc rem auctoritas. Temere quoque agat, pro cujus tutela, quando nihil aliud sit nisi Opinio, in mortem incurrere velit. 37.

CAP.

CAP. VII. *Quæ vera & germana Pietas sit . Pium est propugnare sententiam , quæ statuit expertem maculæ Diparam . Impium pro ea sententia occumbere velle . Opiniones piæ laudandæ , laudanda earum tutela . Sed minime pro illis Sanguine suo pugnare . Persuasio Veritatis neuriquam idonea ad honestandum Votum Sanguinarium . Neque Probabilitas . 42.*

CAP. VIII. *An certa sit Sententia Scotistica de illibata Virginis Conceptione . Non ferenda opinio de Certitudine hujusmodi sententiæ , ubi de Vita hominum agitur . Nondum ista exēssit fines humanarum Opinionum . Aliud Certitudo Objectiva , aliud Persuasio Certitudinis . 52.*

CAP. IX. *Sententiæ Scotisticæ minime tribuenda Certitudo formidinem quævis excludens . Quæ Romana Ecclesiæ intentio sit in statuendo Festo Conceptionis . Quantum a Falsitate quavis abhorreat Ecclesia . Vincibilis Ignorantia ac Error tribuentium Certitudinem Intrinsecam Scotisticæ Opinioni . Non hæc hausta e Sanctis Patribus . Ecclesia Romana tantummodo ut Probabilem & Piam eandem Sententiam agnoscit . 59.*

CAP. X. *Unde persuasum multis , dubitationem omnem de veritate sententiæ Scotisticæ sublatam fuisse . E confictis in Hispania quibusdam Historicis . Ex aliis itidem monumentis commenticiis . 68.*

CAP. XI. *Basileensis Concilii auctoritas perperam hic adhibita . Uti & Tridentini & Gersonii . Adulterinæ Laminæ Granatenses quam acriter propugnata , & ab Apostolica Sede tandem damnata . 75.*

CAP. XII. *Communis olim Theologorum sententia contraria Scotisticæ . Gabrielis Saavedræ temerariæ quædam Conclusiones . 83.*

CAP. XIII. *Votum Sanguinarium contra leges Prudentiæ susceptum . Neque ei Probabilitas suffragatur . Neque pietas Opinativa , quæ ipsi inest . Quid Pie aliquid credere significet . 92.*

CAP.

CAP. XIV. *Alius Honor Intrinsecus, alius Opinativus. Alia Sanctitas Intrinseca, alia Opinativa. An statuen- dum fastigium devotionis erga Virginem in tuenda Sco- tistica sententia. Datur & Cultus Opinativus. Menda- cii probrum ab ea Opinione eliminatum. Pia Credulitas, Pia Persuasio explicantur.* 100.

CAP. XV. *Votum Sanguinarium non ferendum, quia ho- minum Opiniones aequat Veritatibus divina Fide creden- dis. Effugia Parthenotimi præoccupata. Idem Votum in Apostolica Sedis injuriam conceptum. Scandalo futurum hostibus Ecclesiae Catholicae. Neque ejus pondus voventi- bus satis perspectum. Præterea illusorium.* 108.

CAP. XVI. *Martyrii Spes Voti Sanguinarii amatoribus perperam facta. Sancti Thomæ, & Cardinalis Capisucci in hanc rem doctrina. Pro Veritate sententiæ Scotisticae revera Voventes se Vitam daturus pollicentur. An Theo- phili Raynaudi sententia de Vita danda pro eadem sen- tentia improbatæ Romæ fuerit.* 119.

CAP. XVII. *An dare Vitam liceat, ne sententiam de Immunitate Mariana damnemus. Quid in casu isto agendum. Accuratus tamen negotium istud perpendendum.* 129.

CAP. XVIII. *Falsu crimina Lamindo Pritanio imposta a Parthenotimo. Qui Visionarium se prodit. Revelatio tribu- ta Dominico a Jesu Maria Carmelita expenditur.* 135.

CAP. XIX. *Sanguinarium Votum Romæ, & alibi insue- tum, quia improbatum. Parthenotimus Consuetudinis oly- peo illud frustra tuetur. Seneca auctoritate abutitur. Sua- rii Doctrina de Votis ad Vitæ discrimen se se extenden- tibus explicata. Cardinalis de Lugo invitatus in controver- siam nostram pertractus.* 141.

CAP. XX. *Thomistica de Conceptione Sententia ne ipsa quidem Certa. Potest & ipsa esse honorifica Virgini. Gersonii locus a Parthenotimo adductus, contra ipsum militans. An erret judicium putantis, licere mortem op- petere pro tutela Scotisticae Sententiæ. An ab hæresi ex- cusari*

cusari possit, negans Christum Filium naturalem Dei. An ante Ecclesiæ definitionem credere quædam liceat spectare ad Fidem Divinam. 148.

CAP. XXI. *Cavillatoris nota Pritanio perperam a Parthenotimo inusta. Inquisitioni Hispanicæ an juste tributa ab ipso quædam Infalibilitatis species. Aliæ Parthenotimi cavillationes. 159.*

CAP. XXII. *Confusio a Parthenotimo somniata in Lamindi censura. Nullum Heterodoxis ex ea censura ministrari posse scandalum, sed quidem e Voro Sanguinario. Neque Lamindus Doctores Catholicos, Theologosve Scholasticos traducit. 164.*

CAP. XXIII. *Theologorum auctoritas commendata. Sed non omnes certi ad Veritatem duces. Quid Amor Factionis, quid Amor Novitatis audere soleat. Excedi etiam posse in extollendis Deiparæ prerogativis. Immo ea etiam viam in Errorem ac Hæresim Pietas intemperans & pervicax prolabi potest. 172.*

CAP. XXIV. **DEBITUM** *Peccati Originalis Veteres omnes in Virgine agnovere. Quando cœpta est tribui eidem ab ipso Immunitas. Patrum & Theologorum chorus concors adversans hujusmodi sententiæ. 179.*

CAP. XXV. *Sententia excludentium Debitum a Virgine concordi Traditione Patrum eversa. A præstantioribus Theologis improbata. Nihilominus Cusentina Civitas adducta ad Votum de tuenda Sanguine suo eandem Debiti exclusionem. Ex hoc temerario Voto, quæ consecraria fluant. 203.*

CAP. XXVI. *Cur Pritanius in Voro Sanguinario Superstitionem timuerit. Quid sit Superstitio. Ab ista cavendum præcipue viris doctis. Ejus facies in novitio isto Voro deprehensa. Quid Panormitanis Civibus in hocce negotio agendum. 210.*

CAPUT PRIMUM.

Decreta Romanorum Pontificum, & Concilii Tridentini servanda in Quæstione de Immaculata Deiparæ Conceptione. In quo sita Controversia inter Pritanium & Partbenotimum. Votum de tutanda, voce & calamo, sententia favente Immunitati Marianæ laudatum. Improbatur Votum Sanguinari-um pro illius tutela.



ED antequam in argumentum ipsum invadam, præoccupanda difficultas est, quæ instituenti disputationem de *Voto Sanguinario* e vestigio occurrit. Nempe fieri non posse, ut sententia de Conceptione Immaculata Sanctissimæ Virginis sæpe non recurat, quum super ipsa sententia innitatur Votum, de quo sermo nobis futurus est. Delicata profecto materies, pluribus Romanorum Pontificum edictis, pœnisque non unius generis circumsepta: quæ omniâ heic innuere tum ad meam, tum ad legentium cautelam necessarium duxi. Primus Sixtus IV. Papa anno 1483. edita Constitutione, *Grave nimis anathema statim incurrendum indixit cuicumque præsumenti affirmare, eos, qui crederent, aut tenerent Dei Genitricem ab Originalis peccati macula, sua Conceptione præservatam fuisse, propterea alicujus Hæresis labe pollutos fore, vel mortaliter peccare.* Deinde Pontifex idem simili pœnæ ac censuræ subjicit eos, qui ausi fuerint asserere, contrariam Opinionem tenentes, videlicet gloriosam Virginem Mariam cum Originali peccato fuisse conceptam, Hæresis crimen, vel peccatum incurrere mortale, cum *NONDUM sit a Romana Ecclesia, & Apostolica Sede decisum.* Subinde sacrum Concilium Tridentinum Sessione V. Constitutionem Sixti confirmavit, inquiens: *Declarat tamen hæc ipsa Sancta Synodus, non esse suæ intentionis, comprehendere in hoc Decreto, ubi de Peccato Originali agitur, Beatam & Immaculatam Virginem Mariam Dei Genitricem; sed observandas esse Constitutiones felicitis recordationis Sixti Papæ Quarti sub pœnis in eis Constitutionibus contentis, quas innovat.* Præeunte potissimum Sancto Pio V. & Cardinali Pallavicino in Historia Concilii Tridentini novimus, ne tunc quidem definitum aliquid fuisse de celebri ista Quæstione, sed eam in illo statu relictam fuisse, in quo jacuit sub Sixto IV. Successit idem Sanctus

Etus Pius V. Pontifex Maximus, qui anno 1570. edita Constitutione super speculam, ut cōhiberet contentiones & scandala in Populo, quæ hujus quæstionis occasione quotidie oriebantur, edixit, *Quatenus nemo cujuscumque ordinis, gradus, conditionis, vel dignitatis existat, in popularibus Concionibus; vel ubi promiscua virorum & mulieram multitudo convenire solet, de hujus controversiæ alterutra parte disputare, rationibus, vel Doctorum auctoritate, asserendo propriam sententiam, & contrariam refellendo, aut impugnando, vel de hac ipsa quæstione, cujuscunque pietatis aut necessitatis prætextu, Vulgari sermone scribere vel dictare præsumat. Qui contra fecerit, Suspensionis pœnam a divinis absque nova declaratione ipso facto incurrat &c.* Infra addit: Ceterum QUAMDIU per Apostolicam Sedem altera pars definita non fuerit, oppositaque sententia condemnata, liceat viris doctis, in publicis Academiæ disputationibus &c. ubi scandali nulla subest occasio, de illa quæstione differere, & argumentis utramlibet partem vel asserere, vel impugnare; dum tamen neutra velati erronea prædicetur, serventurque illa omnia, quæ a dicto Sixto prædecessore nostro statuta sunt &c. Præterea perstringit ibi Sanctus Pontifex illos, qui, cum de gloriøsæ Virginis Mariæ Conceptione sermo inciderit, tam pertinaciter pro alterutra parte contendunt, ac si de illis Dogmatibus esset, quæ corde credere ad justitiam, & ore confiteri ad salutem necessarium est. Quibus illud Prophetæ convenire videtur: Dicunt, ait Dominus, cum ego non sim locutus; cum Sancta Romana Ecclesia omnium Ecclesiarum Magistra, & doctrix disciplinæ, de ea bucusque non definierit, nemo ABSQUE TEMERITATE præjudicare, vel atterius partis sententiam damnare potest; & quasidesint præclarissima Inventricis gratiæ (hoc est Virginis Deiparæ, quam hoc titulo Sanctus Bernardus, ac alii donant, utpote quæ invenit ineffabilem gratiam apud Deum, qualem nulla filiarum Adam unquam consequuta est, aut consequetur) merita; quæ nec Angelica quidem Lingua satis digne referri possunt; & cum (an potius quasi?) ex illo uberrimo fonte, puteoque aquarum viventium non (aut non heic expungendum) possint saluberrimas haurire aquas, quibus Populus magnâ cum utilitate, atque dulcedine reficeretur: ad dissipatas cisternas occurrant, stultas videlicet, & sine disciplina quæstiones, quæ generant lites, quas nec frequens multitudo intelligere, nec viri sapientes, qui capiant, utiliter percipere valeant. Præsertim, quoniam, ut experimento didicimus, ipsorum Concionatorum, qui ad quæstiones hujusmodi proponendas facilius erumpere solent, maior numerus materiæ difficultatem Prorsus Ignorantes, neque intelligentes, quæ loquuntur, aut de quibus affirmant, simplicium animos Indiscretæ Devotionis obtentum, vel potius loquacitatis & ostentationis affectu, ad tumultus & similitates concitant

rant &c. Hæc Sanctus Pius V. cujus Constitutio in Bullario Romano legitur.

Verum quum rixæ nihilominus & scandala in dies graviora hac de caussa fervèrent, Paulus V. Pontifex Maximus anno 1616. edita Constitutione *Regis pacifici*, tenorem Bullarum Sixti IV. & Pii V. referens, atque confirmans, poenis jam propositis addidit contra inobedientes *privationem facultatis concionandi, publice legendi, seu docendi & interpretandi, & vocis activæ & passivæ in quibuscumque electionibus*. At quia ne sic quidem serpenti morbo fatis efficax medicina parata fuerat, Gregorius XV. Pontifex Maximus anno 1622. Decretum edidit, numero 29. in Bullario Romano, in quo perspectis scandalis, jurgiis, & dissensionibus, quæ manabant ex unicuique relicta libera facultate tenendi, atque etiam asserendi utramque partem; propterea volens hujusmodi scandalis ex debito sui muneris providere, decrevit ac præcepit omnibus & singulis &c. ut in posterum, DONEC articulus hujusmodi a Sancta Sede Apostolica fuerit decisis, vel per Sanctitatem suam, & Sedem Apostolicam fuerit aliter ordinatum, non audeant in publicis concionibus, lectionibus, conclusionibus, & aliis quibuscumque actibus publicis asserere, quod eadem Beatissima Virgo fuerit concepta cum Peccato Originali. Contrafacientes autem eadem Sanctitas sua voluit & declaravit subiacere debere, & subjecit Censuris & poenis contentis in supradictis Constitutionibus suorum prædecessorum, & sua, ipso facto incurrendis. Per hujusmodi tamen provisionem Sanctitas sua non intendit reprobare alteram Opinionem, nec ei ullum prorsus præjudicium inferre, eam relinquens in eisdem statu & terminis in quibus de præsentis reperitur &c. Ulterius sub eisdem Censuris & poenis mandans, quod negantium Opinionem, videlicet quod non fuerit concepta cum Originali Peccato, in prædictis publicis actibus asserentes aliam Opinionem, non impugnent, nec de ea aliquo modo agant, vel tractent. Sed nulla favorabilior Constitutio pro sententia affirmante Deiparam immunem a Culpa Originali adferri potest, quam quæ ab Alexandro VII. Pontifice Maximo anno 1661. promulgata fuit. Cujus exordium est: *Sollicitudo omnium Ecclesiarum*. Ibi summus Pontifex hæc habet: *Sane vetus est Christi fidelium erga ejus Beatissimam Matrem Virginem Mariam Pietas, sentiantium, ejus animam in primo instanti creationis, atque infusionis in corpus fuisse speciali Dei gratia & privilegio, intuitu meritorum Jesu Christi ejus Filii, humani generis Redemptoris, a macula Peccati Originalis præservatam immunem; atque in hoc sensu ejus Conceptionis Festivitatem solenni ritu colebantium & celebrantium. Crevitque horum numerus, atque hujusmodi cultus, post editas a felicis recordationis Sixto Papa IV. prædecessore*

nostro in ejus commendationem Apostolicas Constitutiones, quas sacrum Concilium Tridentinum innovavit, atque observari mandavit. Aucta rursus & propagata fuit Pietas hæc & cultus erga Deiparam, post erecta hoc nomine, approbantibus Romanis Pontificibus, Monasteria Religiosorum Ordinum, & Confraternitates, ac concessas ab iisdem Indulgentias, ita ut accedentibus quoque plerisque celebrioribus Academiis ad hanc sententiam, jam fere omnes Catholici eam complectantur. At quia non obstantibus Prædecessorum edictis, pergebant in Hispania aliqui contrariæ illius Opinionis assertores tum privatim, tum publice præfatam sententiam aut impugnare, aut vellicare, & favorem a Romanis Pontificibus cultui & Festo secundum illam præstitum ita interpretari, ut frustrentur; immo Ecclesiam Romanam huic sententiæ & cultui, juxta illam Beatæ Virginis exhibitio, favere negant: propterea Pontifex offensionibus, jurgiis, & scandalis, quæ inde timebantur, obviare volens, subdit: Nos considerantes, quod Sancta Romana Ecclesia de intemeratæ semper Virginis Mariæ Conceptione Festum solemniter celebrat, ac speciale ac proprium super hoc Officium olim ordinavit juxta piam, devotam, & laudabilem institutionem, quæ a Sixto IV. Prædecessore nostro tunc emanavit; volentesque laudabili huic pietati, & devotioni, & Festo, ac cultui secundum illam exhibitio in Ecclesia Romana &c. favere, nec non tueri Pietatem & Devotionem hanc colendi & celebrandi Beatissimam Virginem, præveniente scilicet Spiritus Sancti gratia a Peccato Originali præservatam &c. Decreta a Romanis Pontificibus prædecessoribus nostris, & præcipue a Sixto IV. Paulo V. & Gregorio XV. edita in favorem sententiæ asserentis, animam Beatæ Mariæ Virginis in sui creatione, & in corpus infusione, Spiritus Sancti gratia donatam, & a Peccato Originali præservatam fuisse, nec non in favorem Festi & cultus Conceptioni ejusdem Virginis Deiparæ secundum PIAM ISTAM SENTENTIAM, ut præferatur, exhibitio innovamus, & sub Censuris & Pænis in eisdem Constitutionibus contentis observari mandamus. Et insuper omnes & singulos, qui præfatas Constitutiones & Decreta ita pergent interpretari, ut favores per illas dictæ sententiæ, & Festo, seu cultui secundum illam exhibitio frustrentur, vel qui hanc eandem sententiam, Festum, vel cultum in disputationem revocare, aut contra ea quoquo modo, directe vel indirecte, aut quovis prætextu, etiam Definibilitatis ejus examinandæ, sive Sacram Scripturam, aut Sanctos Patres, sive Doctores glossandi, vel interpretandi, demique alio quovis prætextu, seu occasione, scripto, seu voce, loqui, concionari, tractare, disputare, contra eam quicquam determinando, aut asserendo, vel argumenta contra ea asserendo, & insoluta relinquendo, aut alio quovis excogitabili modo dis-

seren-

serendo, ausi fuerint, præter pœnas & Censuras in Constitutionibus Sixti IV. contentas, quibus illos subjiciendos volumus, & per præsentibus subjicimus, etiam concionandi, publice legendi, seu docendi, & interpretandi facultate, ac voce activa & passiva in quibuscumque electionibus privatos esse volumus &c. Denique addit: Vetamus autem, Sixti IV. Constitutionibus inbærentes, quempiam asserere, quod propter hoc contrariam Opinionem tenentes, videlicet gloriosam Virginem Mariam cum Originali Peccato fuisse conceptam, Hæresis crimen, aut mortale peccatum incurrant, cum a Romana Ecclesia, & ab Apostolica Sede nondum fuerit hoc decisum, pro ut Nos nunc MINIME DECIDERE volumus aut intendimus. Quin potius contrariam illam Opinionem Hæresis, aut Peccati Mortalis, aut Impietatis damnare audentes, præter pœnas, quibus eos subjecit Sixtus IV. aliique prædecessores nostri Romani Pontifices, gravioribus aliis pœnis subjicimus, quas in contrasacientes huic nostræ Constitutioni superius infliximus.

Hæc fulius fortasse quam opus esset a me repetita hoc in loco videri cuiquam possint. At ego illa cum sub meis, tum sub Lectorum oculis volui; nihil enim enixius cupio, quam ea, qua par est, veneratione omnia intacta servare in ejusmodi disputatione Romanorum Pontificum præcepta, eorumque menti ac imperio demisse me in omnibus conformare. Non ergo heic disputatio erit, fuerit ne concepta, an secus, sine labe Originali gloriosissima Dei Mater Maria. Una inter me, ac Parthenotimum controversia est ac erit, utrum amplectenti sententiam de Immunitate Virginis ab Originali peccato liceat Vovere ac jurare, se pro hujus sententiæ patrocinio Sanguinem quoque & Vitam, quoties occasio ferat, daturum. Quæstionem hanc nemo Romanorum Pontificum attigit, liberumque propterea cuicumque futurum est in ejus examen ferri; immo utile, ac necessarium Christianæ Reipublicæ nemo non sentiat, ne forte sub specie Pietatis temere Christi fideles Vitæ discrimen subeant. Quamobrem, uti jam fassus fueram in Libro *de Ingeniorum Moderatione*, iterum lubentissime fateor, sententiam patrocinantem Immaculatæ Conceptioni Virginis non solum *Piam*, sed *summe Piam* in Ecclesia Dei esse. Rectissime faciunt, qui eam Populo in publicis Concionibus, aut editis Libris deprædicant, atque commendant. Neque adversus illam quoquomodo dimicare amplius licet, quamquam liceat aliter sentire in intimis cordibus. Parendum est Pontificibus, Christiani Populi Magistris, qui non aliam potiore viam hætenus invenere ad avertendas similtates, & ad arcenda scandala, quæ olim crebro inter Theologos Catholicos ob ejusmodi controversiam fluebant. Ab eorum Decretis ne latum quidem unguem discedere mihi quoque ani.

animus, ac firma voluntas est. Hoc unum ergo mihi propositum est, videlicet ostendere, ab iis Decretis reapse deflexisse ac deflectere, qui pro Sanguinario Voto, aut olim, aut nunc propugnant; quippe abutentes silentio contrariæ parti indicto, licere fortasse sibi putant quidquid volunt, quasi Romani Pontifices, dum piæ sententiæ favent, licentiam quoque tribuerint quidlibet superaddendi, neminique futurum fas sit contra hæc superaddita hîscere, vel quum a veritate & rectitudine doctrinæ Catholicæ aberrare creduntur. Exemplum dabo, quod postea fufius infra reccurret. Theologis quibusdam parum visum fuit docere, Virginem Sanctissimam *ab Originali Culpa*, singulari inter filios Adam privilegio, præservatam fuisse, quod sane laudandum est, illam etiam *à Debito ejusdem Culpæ* immunem fuisse contenderunt, quod hanc sententiam gloriosiore Virgini censerent. At gravior, meliorque Theologorum chorus adversus Opinionem istam incaluit, eamque nonnulli gravetiam nota inusserunt. Ita superadditum est sententiæ de Immaculata Virginis Conceptione Votum de ipsa tuenda, vel Sanguine effuso, quod hisce verbis ego antea indicaram Libro Secundo, Capite Sexto, de Ingeniorum Moderatione: *Satis quibusdam non fuit, calamo & rationibus Immaculatam Deiparæ Conceptionem tueri: quod procul dubio cum vera Pietate consonat. Nescio quid etiam illustrius invenisse sibi sunt visi, quo suum in Virginem testarentur obsequium. Sacramento videlicet se se obstrinxerunt, atque voverunt, se pro huiusmodi Opinione tuenda Sanguinem, & Vitam daturus, quoties occasio posceret.*

Hæc mihi se obvium e vestigio facit Parthenotimus pag. 10. scribens, non legi in *Academiæ formulis*, quas fere omnes refert *Lanius de Conceptione* a §. 1412. particulam illam *Usque ad Sanguinem*. Egregie sane. Multas ego illi gratias habeo, quod minime rogatus, rem fassus sit peropportunam ad controversiam hæc dirimendam; idque Lectores animadvertant velim diligentissime, neque excidere e memoria finant. Si Academiæ, in quibus Theologorum, ac Literatorum hominum potior pars numerari solet, a Voto Sanguinario abstinere, legitime inde argumentari licet, non alia de causa ab eo abhorruisse doctissimos illos viros, nisi quod illius deformitatem ac temeritatem probe sentirent. Quin devotione erga Virginem excellant omnes ii Sapientum cœtus, nemo neget, nemo sibi non persuadeat. Attamen voverunt ii quidem se tutaturos piam sententiam. Dum autem Sanguine testari illam fugerunt, jam satis indicarunt, ultra germanæ Pietatis metas sibi videri, Vitam quoque velle pro illa ponere. Proinde vel ex hoc ipso intelligat Lector, me in acie non stare contra Opinionem per Catholicorum Regna

gna & Academiæ placide exceptam, sed contra paucorum persuasionem, cui si forte adversetur Catholica Ecclesiæ doctrina, obstandum est, ne morbus propagetur. Quod autem Parthenotimus de tot Academiis liberalissime confessus est, ne ipsum, rogo, pigeat idem perpendere in tot celeberrimi & Sanctissimi Instituti sui Sociis per Italiam, Galliam, Hispaniam, & Germaniam diffusis. Non is, ut reor, credat, aut dictitet, tot viros doctissimos (ut alios aliorum Ordinum Theologos summe pios præteream) Pietate erga Deiparam paucis Siculis suis concedere. Tuentur & illi concordi studio sententiam Immaculatæ Conceptioni Virginis faventem, & quantum possunt Devotionem erga ipsam Dei Matrem tum in se, tum in aliis alunt & augent. Cur vero non & ii *Magnanimum Votum* emittunt, quo glorioso nomine suum Votum Siculus Theologus exornat? Ita me Deus amet, non quod minori affectu in Mariam Sanctissimam ferantur, sed quod majori cura saniolem doctrinam scrutentur, ejusque Voti minime sibi ignoti consecraria perversa agnoscant, & abominentur. Addit Parthenotimus, non deesse, qui Votum de Vita danda concipiant; Equites enim de Calatrava hoc pacto vovent: *In qua CERTISSIMA VERITATE tuenda ad honorem tantæ Virginis usque ad Mortem decertabimus*. Ita Equites Sancti Jacobi Votum edunt *Defendendi hanc VERITATEM non solum intra privatos nostros parietes, sed etiam publicitus animo & ore, Vita & Morte, juxta uniuscujusque sexum & conditionem*. Hæc ille, e certis, ut puto, monumentis deprompta adfert. Auctor Histor. Controvers. Conception. nullam de Sanguine effundendo ab iis Equitibus mentionem habet, & fortasse verba illa *Vita & Morte* tantum significant *in Vita & in Morte*. Præterea die 16. Novembris anno 1624. ut constat e Lib. 1. Cap. 8. Libri, cui titulus *Palermo Divoto*, Auctore Canonico Antonio Mongitore, Viro ex aliis etiam Libris notissimo, *Illustrissimus Senatus Panormitanus Immaculatam Conceptionem vel ipso Sanguine defensurus, ejusque pervigilium jejuniis celebrandum suscepit*. Neque segnius, addit Parthenotimus, *hanc animi constantiam professæ est pietas Capituli Primariæ Metropolitanæ Ecclesiæ Panormitanæ anno 1698. in hæc verba vovendo: Ac etiam si opus fuerit, usque ad Sanguinis & Animæ effusionem, Dei gratia cooperante, defensuros spondemus*. Præterea pergit Parthenotimus: usque ad Sanguinis effusionem, post emissam professionem Fidei, vovent, jurantque, quotquot in Canonicorum ejusdem Metropolitanæ Ecclesiæ numerum referuntur. An ita se res habeat, videat nobile illud Canonicorum Collegium. Equidem apud prælaudatum Mongitorem hoc unum reperio additum Formulæ Fidei apud eos & reliquos consuetæ: *Insuper ego idem N. sponte profiteor, & affir-*

affirmo, *Beatissimam Virginem Mariam Dei Genitricem absque Originalis peccati macula in primo instanti conceptam*. Et hanc VERITATEM me non modo nunquam impugnaturum sed in privatis etiam colloquiis, & publice, dum spirabo, opportune docturum esse & propugnaturum, juxta Decreta Summorum Pontificum jam edita, aut deinceps edenda. Denique subdit Parthenotimus: *Ad Sanguinem usque, vel ipso Sanguine, se primævum Virginis candorem millies defensoruros promiserunt Episcopus Cephalotanus, Siciliae Regni Praeses; Dominus Franciscus Gisulfo; & post ipsum Frater Dominus Martinus de Rhedin Siciliae Prorex*. Expectabam ego gravissimorum Theologorum nimbum, qui suo calculo, ac professione, Sanguinariū Votum probassent, suaeque auctoritate me ac ceteros ab eo alienos absterrent. At videant recti rerum aestimatores, quibus Theologis, quibus exemplis nitatur Votum tanti ponderis, quale est profundendae Vitae. Immo quando Equestris Ordinis Viri heic memorantur, qui se se hujusmodi Voto obligant, agiturque de militaribus viris, inquirendum foret, num ita vovendo eorum animus sit tolerandae dumtaxat mortis pro pia sententia, an etiam inferendae aliis, & in arma ruendi, si quis contra sentiret. Postremum enim hoc quantopere a recta ratione absonum foret, nemo monitore me indiget, ut illico perspiciat. Interea mihi rogandus est Siculus Theologus, ut edicat, quare Johanettinus Doria S. R. E. Cardinalis, Archiepiscopus Panormitanus, & Prorex Siciliae, anno 1624. & Dux de Infantado Siciliae Prorex anno 1655. & Martinus de Leon, & Gardenas Archiepiscopus Panormitanus, & Dux de Offuna anno 1656. & Dux de Acalona anno 1701. & Franciscus de Judice S. R. E. Cardinalis anno 1702. & Marchio de Bedmar anno 1705. & Dux Sexti anno 1707. Siciliae Proreges, quum Votum tuendae Scotisticae Sententiae nuncuparunt, quod eorum verbis conceptum refert ante memoratus Mongitor, nullam de fundendo Sanguine pro illa mentionem fecerint. E Pietatis tepore si quisquam reponat, vix credendum. Verisimilius est, ab eo illos abstinnisse, quod paucorum praedecessorum neque exemplis, neque Opinione moverentur. Unum proinde illi praestitere Votum de tuenda sententia: quod & Academiae praestant; at Sanguinem pro Fidei dumtaxat articulis, si oporteret, fundendum servarunt.

Duplex ergo Votum concipi potest pro tutela Immaculatae Conceptionis Mariae: alterum tenendi ac defendendi sententiam illi faventem, neque contrariam amplectendi aut docendi; alterum impendendae etiam Vitae in hujus ipsius sententiae patrocinium. Audi nunc Parthenotimum numero X. *Hanc, ait, Votorum distinctionem Lamsius*

das

aus omisit. Ejusmodi omisso muneri Moderatoris Ingeniorum nescio an congruere possit. At hinc mature discere Lector poterit, an rectum e Theologo nostro sit sperandum judicium, quando in ipsius quæstionis vestibulo cæcutientem se prodit. Hæc mea prima verba Libro II. Cap. VI. de Ingenior. Moderation. quæ repetere juvat, atque opus est. Satis quibusdam non fuit, calamo & rationibus Immaculatam Deiparæ Conceptionem tueri: quod procul dubio cum vera pietate consonat. Nescio quid etiam illustrius invenisse sibi sunt visi, quo suum in Virginem testarentur obsequium: Sacramento videlicet se se obstrinxerunt, atque voverunt, se pro hujusmodi Opinione tuenda Sanguinem & Vitam daturus, quoties occasio posceret. Novitium certe Martyrum genus &c. Quid est ergo quod Parthenotimus ait, me non distinguere, me non explicare mentem meam, an pium sit defendendæ Virgineæ Immunitatis Votum extra mortis periculum? Si calamo & rationibus tuentes Immaculatam Virginis Conceptionem laudo; si unice verba mea feruntur in illos, qui Sanguinem se daturus pro eadem Sententia pollicentur, quis continuo non perspiciat, mihi primum Votum minime improbari, alterum vero neque mihi, neque aliis probandum credi? At morem geramus homini quærenti nodum in scirpo. Itaque dico, Prudenter agere, qui voce & scriptis propugnaturus se vovent sententiam eximentem a Peccato Originali Deiparam; Prudentius agere, qui eandem sententiam tuentur, sed Voto omisso; Prudentissime denique agere Academiæ, si pacis causa tutelæ ejusdem sententiæ Votum adjungunt. Primi commendandi, quod Pia, atque admodum Probabili Opinioni studium suum addicunt, in cujus Probabilitate asserenda non falluntur. Secundi, ut reor, Prudentiores, quod eandem protegentes sententiam, libertatem ingenii sibi servant, quam multis aut imperium Principum, aut aliæ humanæ causæ ademerunt. Videlicet nescii, quo inclinaturum aliquando sit judicium definitivum Apostolicæ Sedis, & Veritatis super omnia cupidi, quam post acrius & sincerius studium deprehendere aliquando possent in opposita sententia, Probabili & ipsa, nolunt ita se se obligare ad patrocinium unius Opinionis, ut integrum sibi non sit, infirmioribus perspectis rationibus in contrariam (quod faciunt meliora edocti Sapientes) deflectere. Demum laudanda maxime Academiarum Prudentia, quod ad Scotificam sententiam amplectendam ac profitendam se se obstrinxerint, ut ita e Scholis removerentur jurgia & scandala, olim e conflictu utriusque Opinionis progenita, quæ causa etiam Romanæ Sedis prudentiam adduxit olim ad eripiendam vocem Thomisticæ Sententiæ, eamque uni relinquendam Scotificæ. Hæc autem nil rei habent cum Voto Sanguinario, quod unum & Lamindo Pritanio, & præsentī Opusculo argumentum scribendi præbuit.

Ceterum majoris eruditionis copiam optassem in Theologo Siculo, dum tamquam certum propinat Lectoribus suis, Academiam Parisiensem anno 1346. tam tenaciter triumphis ac sententiæ Johannis Duns Scoti Doctoris subtilissimi adhæsisse, ut se se *Voto ac Sacramenta* obstrinxerit, ad eam in posterum tuendam, atque docendam, *Academiam*, inquit, *uovisse, ferant antiqua tabula, quas integras refert Raynaudus Tom. VIII. pag. 280. anno 1346.* Atqui in Decreto, quod idem Raynaudus adfert, disertis verbis scriptum est, *questionem hanc paucos post annos in sacro Basileensi Plenaria Concilio agitam fuisse.* Qui ergo ad annum 1346. aut 1396. spectare potuit Facultatis Parisiensis Decretum? Errorem hunc etiam erravit Wadingus in Annalibus Minorum, quem propterea falsi postulavit Natalis Alexander, ejusdem Facultatis Doctor in Histor. Ecclesiastic. Tom. VII. pag. 150. ubi ostendit, anno dumtaxat 1497. Academiam Parisiensem primum imperasse alumniis suis Juramentum de tuenda sententia Immaculatæ Conceptionis; neque solidis fundamentis niti decantatam illam disputationem ac triumphum Johannis Scoti, qui etiam non ea, quam Vulgus credit, confidentia sententiam suam proposuit, ac tutatus est, sed eximia moderatione, scribens: *Si auctoritati Ecclesie, vel auctoritati Scripturæ non repugnet, videtur Probabile, quod excellentius est attribuere Mariæ.* Paria habet Du-Pinuis Doctor & ipse ejusdem Facultatis, in Biblioth. Scriptor. Ecclesiastic. Tom. XI. ubi de Johanne Scotto loquitur.

C A P U T II.

Pietatis nomine propugnatum frustra a Parthenotimo Vetum Sanguinarium. Vera Pietas cum ceteris Virtutibus jungenda. Inter Defectum & Excessum posita. Vitii utriusque exempla.

UNicum ergo Votum de Sanguine fundendo pro tutela sententiæ stuentis Virginem sine labe conceptam, hisce ego verbis aggressus facram Lib. II. Cap. VI. de Ingenior. Moderatione: *Novitium certe Martyrum genus, quod nusquam Majores nostri sumnarunt, numquam passeri nostri, si quidquam sapiunt, præbent. Nequa Evangelium, neque ratio recta nos docent, adeo levibus de causis animam prodigere. Non pro Opinionibus nostris, sed pro divinis revelatis, legibusque sanctissimis, profundendus est Sanguis. Hominum animæ Opinionibus tam falsum quam verum complecti possunt, & hominis parum prudentis est pro incerta Opinionem (quæ falsa esse potest, & certe necessario defendenda non est) ultro jugulum offerre carnifici. Ad ista respondet Parthenotimus pag. 18.*
Quis

Quis anquam somniabit, pro incerta Opinione fas esse jugulum offerre Carnifici? At mori pro Pietate, quæ certo inest Actui Opinativo, ut se morituros sponte pia voventes, & Majores nostri docere, & Posteris nostri, dummodo dociles, discent. Infra addit: Non Martyr esset pie vovens; quia assentitur Immaculatae Beatae Virginis Conceptioni, nec pro ejusdem directa Certitudine, quæ nondum est de Fide, mortem oppeteret: sed pro defensione Sanctitatis Mariane, quæ Virtutem Religionis sapit: & hæc est illa Veritas, pro qua moreretur: Subdit etiam: Virtutis opus est, Virginem ut a habe immunitem venerari, quia primum est, ipso fatente Pritanio: Virtutis opus est, vovere actum Virtutis, & Vovum servare: Vovere & reddite. Quid ergo impedimento esse potest, ut pro his Virtutis actibus mortem quis subeat; & MARTYR nuncupetur? Vel ipse Pritanus non negat, pro legibus sanctissimis fundendum esse Sanguinem. Numquid inter leges sanctissimas non est, Virginem venerari? Virginem venerari ut Sanctam? & exsequi Deo promissam venerationem erga eius Matrem? Hæc Parthenotimus. Grandia hercule nomina, & quæ mentem oculosque feriunt Lectorum: Mori pro defensione Sanctitatis Mariane: mori pro Pietate: mori pro Virtutis actibus; nemo istis neget gloriosum Martyris nomen. Ita Parthenotimus edicit. Qui leviter doctrinis Theologicis imbutus est, immo & qui iis operam diutissime dedit, nisi consistat, nisi hæc singula meditatione intenta perpendat, minime intelliget, quam tenebrosa, quam inania sint ista: fortassis etiam, quamquam ab hisce novis Martyribus admittendis interna se sentiat formidine absterri, dubitare tamen primum incipiet, an excipiendi potius sint, quam repellendi. Curabo ego, quantum meæ vires ferent, ut nemini fucum faciant meæ voces; & an jure ad quæstionem nostram dirimendam magnifica hæc verba adhibeantur, ut spero, ostendam.

Et primo Pietatis nobilissimum nomen, quando illud in hanc rem Parthenotimus usurpavit, ne ego quidem refugio; atque illud accipio pro Virtute docente ac reddente cultum debitum Deo, nostro omnium parenti, ejusque beatis Servis. Nam etsi cum cultum præscribere, & quo exercere spectet ad Virtutem Religionis, teste tamen Sancto Thoma (post Sanctum Augustinum) 2.2. Quæstion. 101. Artic. 3. Pietas, magistra cultus debiti parentibus & patriæ, transfertur excellentius ad Deum, quia Deus excellenter dicitur Pater noster. Promiscue ergo liceat heic mihi nominibus Religionis & Pietatis uti; sed ita ut præcipue Pietatis vocabulo significare velim eam devoti ac bene affecti animi propensionem, quam vulgaris Lingua appellat *Divozione*. Animadvertendum autem est, Pietatem, reliquarum Virtutum amore, in sacro consistere debere; quippe circumobident illam quoque duo ex-

trema vitiosa, nimirum *Defectus & Excessus*. Ad hæc, ut Pietas defendenda sit germana Catholici hominis Virtus, necesse est, ut cum *Veritate*, cum ceteris *Virtutibus*, cum *Præceptis Dei & Ecclesiæ*, arctissimum fœdus ineat; uno verbo, cum doctrina, quam Catholica Romana Ecclesiæ, errandi nescia, tradit. Necesse vero super omnia est, ut eam *Prudentia* ducat, omnium Virtutum futura comes. Si ex his aliquid desideretur, grandibus quidem buccis nonnulli *Pietatem* sonabunt, suisque Ritibus aut Opinionibus sanctum hoc nomen obtendent; & nihil minus quam Pietas vera ac laudanda in iis occurreret. Nam datur etiam *Pietas falsa*, *Pietas imprudens*, *Pietas superficialis*, & non solida; & quæ interdum *Pietas* creditur, *Error* est, *Fanaticismus* est, *Superstitio* est, *Fanaticismus* ac *Deliramentum* est, sub specie videlicet Pietatis pestis aliqua in Mundum invecita. Hæc autem monstra modo ex Ignorantia ac simplicitate nimia prodeunt, modo ex æstu ultra fines exuberante Ingenii, sive Devotionis. Utrumque sane extremum sollicite cavendum vitandumque homini Christiano. Præstabit tamen exemplo aliquo meliori in lumine collocare materiam, alioquin utilissimam, atque ampliorem, quam primo aspectu videatur, & dignam præ multis aliis, quæ iusto aliquo Tractatu exhaustiatur.

• Devotus erga *Christum Dominum* animi affectus, ejusque Amor, ac in illum spes, & ad eum preces, quanti sint ponderis, neque utilitatis tantum, sed & necessitatis homini ad cœlestia, atque ad perennem in ejus Regno vitam aspiranti, vel tirones Catholicæ Religionis norunt. Atque utinam nos, ac totus exardesceret Orbis *Amor Jesu*. Ipse via nobis ad Cœlum, ipse propitiatio pro peccatis nostris; per ipsam nobis datur quidquid in Regno Dei habemus, quidquid speramus; & sine ipso nihil boni salutaris, nihil salutis. Quamobrem, qui in hujus amore proficit, præcipuo Christianæ Religionis officio fungitur, & per tramitem rectum, ad divina ac sublimia contendit. Ac propterea in paucorum mentem suspicio subeat, posse cum hoc beatissimo ac necessario Amore, & cum tanto Pietatis dogmate commisceri aliquem ex Defectu errorem. Attamen & heic error occurrere potest (atque utinam inter possibilia tantum numeretur) non quod satis amari, satis coli, satis exorari a nobis possit divinus iste Redemptor, sed quod solus a nonnullis ametur interdum atque invocetur. Profecto rarum inter Catholicos invenies, qui Deum Unum & in personis Trinum non fateatur, sequæ ejus sacro nomine sæpe non signet, & *Gloria Patri* &c. quotidie etiam non recitet; hæc enim ab ineunte ætate aut a parentibus, aut in Catechismi scholâ didicere. Verum si quod excelsum divinæ Trinitatis Myste-

rium

rium pueri nihil intelligentes ebiberint, & doctrinam handes ad majores annos deducti numquam amplius explicari audiant; sive quod unum Christum in Eucharistia, sacrisque Imaginibus passim spectent, Deum vero invisibilem excogitare, aut retinere nesciant; sive etiam quod interdum audiant nonnullos ex iis, qui sacra tradunt, in Concionibus, aut in Penitentiae foro unum fere semper alloqui Christum, & ab eo culparum veniam, & beneficia petere fieri potest, ut rudis minervæ homines, aut sagaces etiam in Seculi rebus, sed incuriosi in divinis, etsi millies quoque Deum aut memorent, aut ab animarum Pastoribus memorari audiant, sub hoc tamen nomine Christum tantummodo concipiant, & de ipso uno omnia dici arbitrentur. Consequenter etiam fieri potest, ut aliqui unam tantummodo adorent ineffabilis Triadis personam; ad illam unam amore ac precibus ferantur, neque unquam cogitent de ejus divino Patre, & Spiritu Sancto, hoc est de Trinitate necessario nobis credenda, atque adoranda. At quis non intelligat, quam informis & manca, atque aliena a principiis Christianæ Religionis esset ejusmodi Pictas? Si de salute æterna hominis Theologi dubitant, aut actum putant, ejus Fides aperte integram Triadem non amplectitur: quid de eo dicendum, qui non integram etiam veneraretur & amaret? qui Filium Dei, consubstantialitatem quidem, ejusdemque naturæ cum Patre & Spiritu Sancto, adoraret, æternum vero illius Patrem, divinitatis principium, & omnium conditorem & rectorem, minime agnosceret, aut nunquam recogitaret, nunquam coleret, nunquam invocaret? *Hæc est vita æterna* (inquit de Patre suo ipse Dominus, Johannis Cap. XVII. vers. 3.) *ut cognoscant te solum Deum verum, & quem misisti Jesum Christum.* Atque in hunc finem potissimum Filius Dei missus est, ut Patrem suum clarificaret, atque ut Mysterio sacre Triadis aperto, humanum genus excitaretur ad agnitionem, amorem, & adorationem non Geniti tantum, sed & Ingeniti, & Procedentis. Proinde rite faciunt, qui tum suo exemplo, tum prædicatione ita Populum ad amorem sanctissimum Domini nostri Jesu Christi veri Dei, verique Hominis, sollicitant, atque accendunt, ut simul doceant, quam impense amandus quoque & invocandus sit illius ineffabilis Pater; ne Christianus, dum unum curat, sibi desit in altero præcipuo sanctæ Religionis nostræ officio, Deprædicanda quoque indefinenter spes in divinum Mediatorem Dei & hominum Christum Jesum, a quo omnia, per quem omnia, in quo omnia. Sed ea cautela, ut Populus sibi nunquam persuadeat, ignorari ac negligi posse amorem, spem, & confugium ad cœlestem ejus Patrem, ad quem nos eruditura plerisque suas orationes Ecclesia com-

ver.

vertit, adjecta in fine efficacissima clausula illa, se petere ac sperare quæ petit *Per Dominum nostrum Jesum Christum*; & ad quem ipse divinus Magister noster nos docuit dirigendam esse celestem illam, ac omnium sanctissimam Orationem *Pater Noster* &c. Solenni hoc ritu edocti intelligimus, fundendas sæpissime esse preces ad immaculatum illum Agnum, qui peccata Mundi tollit, ac præcipue quum ad ejus Mensam venerabundi accedimus. Sed simul sæpissime etiam genua esse flectenda, ac preces deducendas ad Patrem Domini nostri Jesu Christi, patrem misericordiarum, qui amore unigeniti & consubstantialis Filii sui, hominis pro nobis facti, nos adoptavit in sortem filiorum Dei, illiusque meritis gratiam omnem in nos est effusus. Sæpissime etiam adorandum atque invocandum omnipotentem Deum, quo nomine tres beatissimæ Triadis personas intelligemus. Heic neminem e doctis peccare in Pietatem ex Defectu putari; at potest Populus non satis eruditus. Contra; obnoxia quoque Excessibus est ipsa *Pietas*, nisi doctrinam Ecclesiæ Catholicæ diligenter vestiget, & præ oculis habeat. Dogma Catholicum est, justum & laudabilem esse honorem Sanctis exhibitum, & quum fert occasio, cultum eis impendere jubemur; & negare crimen foret; cultum, inquam, Dulciæ Beatis illis Dei Servis, & Hyperduliæ sanctissimæ Virgini parenti Salvatoris nostri. Eorum quoque pro nobis implorare opem ac intercessionem apud Deum, & bonum, & utile est, ut decrevit sacrosancta Synodus Tridentina. Quapropter laudanda Devotio & Pietas erga illos, suadenda, quoque omnibus eorum invocatio; nam si vel piorum viventium precibus nos commendare & licet & prodest; quanto plus licebit ac prod erit præsidium apud Deum petere ab his, qui ad illius aulam jam adsciti; ejus gratia ac beneficentia mirum in modum fruuntur, & quam Caritatem in terris coluerunt, longe uberius in cælis exercent? Maxime vero & amore & veneratione digna beatissima Redemptionis nostri Mater, quam *gratia novimus plenam*, & cui *magna facit Qui Potens est*, uti divina Scriptura testatur. Mater Dei est: qualem majus elogium proferas? & in amanda & honoranda illa quis e Christi Fidelibus non certet? Eam quoque orare filiali affectu, ut pro nobis Deum exoret, utilissimum & decentissimum est, quum plura per ejus intercessionem ac merita, Filii sui meritis conjuncta, nobis beneficia a Deo speranda sint, quam e reliquorum Sanctorum precibus. Anathema sit cuiusunque Devotionem ac Pietatem veram erga Deiparam & Sanctos improbanti sive minuenti. Veram dixi potest animæ & hæc ipsa Devotio erga illam ceterosque Sanctos em cadere fines ab Ecclesia statutos, & in Superstitionem etiam dilabi.

Et de causa: *Honor Regine, judicium diligit*, ajebat Sanctus Bernardus Epistolæ 174. significaturus iudicio utendum esse ac modo vel in ipsa Virgine honoranda; & celebratum illud antiquorum *Ne Quid Nimir;* locum in ejus quoque cultu esse habiturum. Certe Bernardum in honore ac amore Virginis sanctissimæ frigidum ac seipsum nemo appellabit. Atque huc respiciens Theophylus Raynaudus vir doctissimus (Diptych. Marian. Caut. 2.) in nonnullis damnavit aliquam *Deiparæ amorem intemperatum, ac minime probandum*. Subdit; *Hanc erga Sanctos intemperantiam amoris & honoris, vigere maxime erga Deiparam in iis, qui illam non secundum Scientiam diligunt & colunt*. Quam sententiam atque censuram ille confirmat auctoritate Petri Gellensis, Sanctorum Anselmi, Bernardi, Epiphani, ac aliorum, quorum verba repetere in præsentia nihil attinet. Itaque cum Ecclesia dicimus, colendos esse Sanctos, potissimum vero peculiari honore & amore prosequendam Deiparam, singulari Dei privilegio supra reliquos Sanctos, & supra Angelos ipsos exaltatam tum dignitate tum sanctitate. Sed & ipsa Ecclesia cavendum docet, ne huic se ingerat error; sive ex ignorantia, sive ex intemperanti Devotionis ardore, sive e novitatis desiderio, ne alias peiores causas commemorem. Si quis enim sibi, aut aliis, exempli causa, persuaderet, devotionem solam erga Sanctum aliquem, ac præcipue erga Christi Matrem; tanti futuram vigoris, ut de evitanda subitanea morte, aut morte in peccatis, aut de Infernis pœnis minime subeundis, firmam cautionem præbeat: errabit profecto, & ultra limites Pietas temeraria excurret. Gravius etiam a vera Biotate deflectet, si hanc fiduciam in superficiali quadam devotione constitueret, qualis esset diurna aliquot precum recitatio, labris tantum perfoluta, dum interim in flagitiis vivit, certamque nihilo secius sibi spondet in cœlis sedem. Errabit etiam, quotiescumque honores Deo debitos improvide Sanctus, ipsique Deiparæ impendat; errabit, qui nulla posse, nisi per eos, & in primis per Virginem Sanctissimam impetrari a Deo beneficia doceat, aut credat; errabit, qui laudibus inmodicis Sanctos oneret, eosque Deo pares facere videatur. Plura alia prætereo. At hæc improbat, hæc damnat Catholica Ecclesia. Habemus, quid illa statuerit de Sanctorum Invocatione. Ad hanc normam exigenda nostra devotio, & invocatio, & laudes eorum; neque sinendum, ut affectus pius exorbitet, aut opiniones ab ea discordes invehantur, sive nutriantur. Certe sacrum Tridentinum Concilium Sessione XXV. postquam mandavit, ut Fideles diligenter instruantur *de Sanctorum intercessione, invocatione, Reliquiarum honore, & legitimo Imaginum usu*, quorum omnium germanam proponit atque

atque explicat doctrinam, hæc subdit: *In has autem sanctas & sacratissimas observationes si qui abusus irrepserint, eos prorsus aboleri Sancta Synodus vehementer cupit, ita ut nulle falsi dogmatis imagines, & rudibus periculosi erroris occasionem præbentes, statuantur.* Hæc regula Fidei, expressa e divinis Scripturis, & Traditione Patrum; atque huc si recentiores Hæretici sincera voluntate oculos converterent, a tot calumniis temperarent, quibus in Catholicorum Ecclesiam utuntur, non alia de causa, quam quod interdum deprehendant aut in rudi popello, aut in parum castigatis nonnullorum Libris, quasdam Pietatis anomalias & excessus, quos plenis buccis crepant, in concionibus aut Libris editis, ludicrum ex his genti suæ spectaculum facientes. Quo in genere impiæ ac ridendæ eruditionis excelluit nostris temporibus Missionius quidam Calvini Sæcutor, dum iter per Italiam a se susceptum descripsit, ne quid dicam de nupero falsæ Reformationis Apologista Jacobo Picenino, sive quisquis sit ille impius Catholicæ Ecclesiæ hostis & accusator. Plumbei hæc tela sunt; nosse quippe & fateri coguntur vel ipsi Heterodoxi, non e privatorum ritibus ac opinionibus, sed ex ipsa Ecclesiæ doctrina, in Conciliis potissimum & Catechismis firmata, deducendum esse, quid eadem Ecclesia tradat, ac sentiat. Nemo tamen e nostris neget, quin cederet in singularem Ecclesiæ utilitatem, si universam hanc æruginem deterfam e regionibus nostris cerneremus; semperque optandum esse, ut docti ea heic severitate & circumspectione utantur, quam prælaudata sacra Synodus exigit, ne ulla falsi dogmatis, ullave Superstitionis & periculosi erroris occasio rudibus præbeatur.

Fuit mihi olim amica contentio cum Viro non minus Pietate quam Doctrina spectatissimo. Laudabam ego in illo animum effusum in obsequium & affectum erga Deiparam. Quis enim in Ecclesia Catholica non laudet & amet colentem & amantem illam, cujus encomium Angelus in Evangelio contexere cœpit, & quam Sancti Patres ornare laudibus non cessant? Ejus cultus, amor, & honor, ad Fidem Catholicam spectat. Verum minime mihi in illo probabatur, ita extollere Devotionem erga Mariam, ut sine ista speranda salus æterna non foret, & cum ista Cælum e manibus Fidelium elabi nequiret. Afferebat ille in hanc rem Sancti Anselmi verba: *Sicut, o Beatissima Virgo, omnis a te aversus, & a te despectus, necesse est, ut intereat: ita omnis ad te conversus, & a te respectus, impossibile est, ut intereat.* Similia sunt & alia ejusdem Sancti verba e Libro de quatuor Virtutibus Beatæ Mariæ deprompta: *Impossibile est, ut aliquis homo ad eam conversus, & ab ea respectus*

Aut damnetur : A Sancto quoque Augustino (ita ille addebat) eadem Beatissima Virgo in Sermonē XVIII. de Sanctis appellatur *Spes unica peccatorum*. Ac de ipsa dicitur Eccli. XXIV. vers. 31. *Qui elucidant me, vitam eternam habebunt* ; & alia, quæ commemorare superfluum foret. Quibus ex verbis ultra quam par esset, ut mihi videbatur, auditoribus suis fiduciam Regni cœlestis adipiscendi faciebat, dum ejusmodi devotioni ac laudibus Virginis quisque insisteret. Contra ego aiebam, componenda hæc esse cum vera sanctissimæ Ecclesiæ nostræ doctrina, atque ita explicanda, ut adversus eam nulla ex parte pugnent. Non ignorasse Sanctum Anselmum, quæ hac de re sententia Ecclesiæ foret, neque censendum ab ea discedere voluisse. Si quid crudum nimiumque exciderit Sanctis viris, sive devotionis fervore, sive Oratoria licentia in laudandis Sanctis, emolliendum esse ad canonem Orthodoxæ doctrinæ, & nihil verbis iis insistendum, sed eorum intentioni, ut scite monuit Cardinalis Bellarminus Lib. I. de Sanct. Beatit. Cap. XVII. aliique Theologi Polemici. Neque omnes Sanctos in Sanctorum Patrum cœtum esse inferendos ; & quamquam eum honorem Sancto Anselmo deferre malissimus, illius tamen verba sano illo sensu accipienda & explicanda esse, quem supralaudatus Theophylus Raynaudus, hæc ipsa Anselmi, aliorumque similia loca expendens, sapienter, & secundum Ecclesiæ mentem iis tribuit in Diptych. Marian. Punct. X. num. 37. pag. 237. Quod est ad Sancti Augustini locum, etsi prodesse multum nobis possit apud Deum patrocinium Sanctorum, ac præsertim Deiparæ : Fidei tamen dogma esse, præcipuum & maximum Christianæ Spei fundamentum in misericordia & clementia Dei, ac in meritis divini Redemptoris nostris esse collocandum ; usque adeo ut quidquid ii nobis impetrant a Deo, impetrent per Christum Dominum nostrum. *ἡ ἀγὰρ ἡμῶν ἐλπίς ἐν χριστῷ* : *omnis namque spes nostra fita est in Christo*, aiebat Sanctus Cyrillus Alexandrinus in Concilio Ephesino Cap. V. pag. 313. Editionis Labbeanæ ; atque ad Fidei Dogma spectat appellare *Jesum Christum Spem nostram*, uti jamdiu Apostolus in 1. ad Tim. 1.1. ipsum appellavit. Hæc doctrina Catholicæ Ecclesiæ, cujus verba sunt in Concilio Tridentino Session. XIV. Cap. VIII. *Omnis gloriatio nostra in Christo est, in quo vivimus, in quo moreremur, in quo satisfacimus, facientes fructus dignos penitentiae, qui ex illo vim habent, ab illo offeruntur Patri, & per illum acceptantur a Patre*. Quare illud de Maria dictum *Spes Unica Peccatorum*, si cum rigore acciperetur, sententiam complecteretur a Fide omnino absonam, quippe quæ in injuriam divini ipsius Mediatoris evinceretur vergeret. Ad hæc minime tribuendus est, uti neque a do-

his Viris tribuitur, Sancto Augustino Sermo ille; uti ex editione Patrum Benedictinorum constat. Denique illud ipsum verbum *Unica* mitiori illic significatione accipiendum, ut non *Unum* seu *Solum* significet, sed ut *Grande*. Suis nimirum precibus Deipara Virgo præ omnibus aliis Sanctis spem nobis uberiores facit veniæ a Deo per Jesum Christum impetrandæ. Ita Natalis Alexander Ordin. Prædicator. in Append. Tom. II. Theolog. Dogmat. Epist. 49. *opere præstans duxit exponere*, quid significant in *Salve, Regina*, verba illa *Spes nostra salve; ne in Errorem Fideles inducantur, & ne vera Devotio in Superstitionem degeneret*. Præterea nihil confici posse ex iis divinarum Litterarum verbis: *Qui me eluculant, vitam eternam habebunt*. In illo enim Ecclesiastici loco ad litteram sumpto, de *Virtute Sapientie* agitur, non de Maria; de *Sapientia Dei*, aut de *Verbo Dei*, increata *Sapientia*, non de Christi Matre. Quod si Ecclesia Capitulum illud, ut & alia e veteris Testamenti Libris hausta, legit in Virginis beatissime festis diebus, id ob eam causam facit, quod Mysticus & Symbolicus sensus interdum insignes & incomparabiles Virtutes, prærogativas, ac merita Virginis jam aliunde nota, adumbrare potest, uti complures e Catholicis jamdiu ostenderunt. Ceterum si quisquam insistere, & superadificare vellet Mystico sensui verborum illorum, quasi literaliter ea de Virgine pronuntiata fuissent, ibique fundare prærogativam non aliunde notam Ecclesie ac certam, is profecto in nubibus ædificaret; immo divinis Libris abuteretur, in quibus non quod nos pie optamus, sed quod litera sonat, ac Traditio Patrum agnoscit, Deus edocere nos voluit. Propterea etiam complures ad Deiparam secundum Mysticum sensum referunt verba illa Cant. IV. 7. *Tota pulchra es unica mea, & macula non est in te*: Ecclesia tamen hæc nunquam usæ fuit, aut utetur ad fundandum Dogma aliquod; quippe constans Ecclesie Catholice regula est, e literalis Scripturæ sensu, non vero e Mystico & Symbolico petendas esse Veritates divinitus revelatas. Denique recte nos agere, si devotionem erga Sanctos, & præsertim erga Sanctorum Reginam, Populo suadeamus & commendamus; sed hoc non sine prudentia ac moderatione faciendum, ne incertam aut periculose doctrinam disseminemus; aut ne indocti hæc statuant præceptum sine Pietatis negotium; negligentque amorem & obsequium, quod debemus ante omnia, & super omnia, & ex præcepto, Creatori & Conservatori nostro Deo, ac Mediatori Dei & Hominum Christo Jesu. Hæc & alia amice disputata sunt; æque ut in altero profunda Humilitas ac Docilitas cum ceteris Virtutibus certabat, ita gratias mihi amice monenti habuit, & egit,

egit, ac in meam sententiam concessit, idque opere deinde confirmavit.

C A P U T I I I.

Vita hominum quam pretiosum Dei donum. De illa custodienda ac minime prodigenda, naturale ac divinum præceptum. Quando mors potius eligenda. Joannis Baptistæ, aliorumque exempla commendata. An Carthusiano in discrimine vitæ comedendæ sint carnes. Sancti Elpbegi, aliorumque exempla in examen adducta.

Nihil est ergo quod Parthenotimus *Votum Sanguinarium* magnifico *Pietatis* titulo tueri se posse putet, nisi prius certum habeat ac faciat, *Pietatem* hanc cuncta germanæ *Pietatis* lineamenta complecti; quippe datur etiam *Pietas* imprudens, temeraria, fanatica, a qua cavendum nobis, *Theologiæ Catholicæ* documenta concordia clamant. Atque hæc eadem consideratio cadit in *Theologorum* ipsorum varias *Opiniones*. *Pietatem* præferre possunt, piæque appellare prout aspectu liceat; si vero componantur cum aliis inconcussis *Theologiæ Catholicæ* dogmatis, iisque adversari deprehenduntur, tunc frustra adhibeas *Pietatis* nomen ad avertendam ab ejusmodi *Opinionibus* notam erroris, fabulæ, imprudentiæ, superstitiosis. Multum hac de causa debet *Litteratorum* ac *Fidelium* *Respublica* CL. V. *Theophilo Raynaudo* e *Societ. Jesu*, quem supra laudavi, & qui mihi non semel laudandus occurret. Is enim imperterrita calamo duobus *Tomis*, quibus titulus est *Heteroclita spiritalia ac terrestria*, aggressus *Opiniones* non *Vulgi* tantum, sed & eorum, quorum munus est alios doctrina coelesti imbueret, plurima somnia, falsas, aut periculosas sententias, actusque superstitiosos, aut certe minime laudabiles deprehendit atque repressit. Addidit insuper & alium *Tomum*, *Diptycha* videlicet *Mariana*, quibus exorbitantem nonnullorum *Pietatem*, ac *Opiniones* non ferendas de prærogativis sanctissimæ *Virginis* exagitavit, quamquam nemini is concederet *Devotione* & *Pietate* in *Deiparam* ipsam. Hæc ille adidit non sine utilitate & plausu totius *Ecclesiæ*; quæ qui diligenter evolvet, temporis profectio prodigus non erit; intelligetque, nullo negotio in *Anomalias Pietatis* (quo nomine recte utitur idem *Raynaudus*) *Christianorum* *Devotionem* ac *Zelum* sine scientia abripi posse. Quo-

re antequam Siculus Theologus obtenderet Voto suo venerandam *Pietatis* nomen, dispiciendum ei fuit, num inter Anomalias *Pietatis* numerandum quoque ejusmodi Votum foret. At inquit ille, Pritanius ipse cum reliquis Catholicis, quin sententia de Immaculata Conceptione Virginis, *summe pia* sit, non negat, immo diserte fateatur. Qui ergo mortem oppetat pro illa tuenda, Sanguinem prudenter ac legitime dabit, quippe dabit pro causa pia; atque adeo pro *Pietate*, quæ procul dubio Virtus est, occumbet. Hæc illius argumentatio, splendidis terminis, & eo aspectu veritatis concepta, ut mirum non sit, si in illa conquiescat is Scriptor, & postquam illud ab ea se passus est, illusionem forte eandem in alios quoque parum attentos transfuderit. Verum quanta lateat in ejus argumentatione æquivocatio & falsitas, meum erit aperire, & suo loco prodere, quid *Pietas* in sententiis significet, & quam inani effugio Parthenotimus declinare censuram sui Voti contendat. Statuamus interea Quæstionem, quæ revera ipsum contra me ad arma excitavit. Nempe: *An liceat homini Christiano vovere se daturum Sanguinem & Vitam pro tuenda Sententia Scotistica de Conceptione*. Affirmat Parthenotimus, Pritanius negat. Quæ rationes Pritanium ad negandum impellant, nunc Judicibus æquis perpendendas offero. Atque ante omnia statuendum est, eam esse mentem voventium mortem pro tutela sententiæ hujus, scilicet se ita credere *Veram ac Certam* eandem sententiam, ut prompti sint ad eam suo Sanguine testandam. Germanum hoc & verum est Voti illius objectum, non vero sententiam hujusmodi tantummodo esse *Piam* ipsæ voventium formulæ evincunt. Supra vidimus Vota ab Equitibus Calatravæ, & sancti Jacobi concepta, atque ab ipso Parthenotimo adducta, videlicet *de Certissima Veritate tuenda; Defendendi hanc Veritatem*. Neque alia mens est reliquis voventibus, se illam sententiam numquam dimissuros, & semper defensuros, quamquam sine *Sanguinis* mentione: nam & isti ad illud Votum feruntur persuasionem ducti, se propugnatueros *Veritatem*, quam inesse ei sententiæ credunt, sive eam putent *Certam*, sive *Probabilem* tantummodo ac *Piam*: quod faciunt quicumque circumspecto judicio in Veritatis inquisitione procedunt. Quantum vero a Catholicæ doctrinæ luce atque ab Ecclesiæ mente ejusmodi Votum Sanguinariū absit, luculentius perspiciemus, si aliqua prius præmittantur.

Primo igitur statuo, maximum bonorum temporalium omnium esse *Vitam* naturalem hominis, sive maximum appetibilem inter bona corporalia; & contra omnium terribilissimum inter mala temporalia esse *Mortem* naturalem. Proinde Vita nostra pretiosior est quam honor & fama, & res exteriores, uti docet Sanctus Thomas 2. 2.

Quæst.

Quæst. 73. Art. 3. Secundo, Vitam nobis adimere semper gravissimum crimen est, semper Malum; adimere vero aliis, regulariter est crimen, idque gravissimum: Homicidium quippe a Deo atque Natura vetitum est, primumque locum tenet inter Peccata in proximum commissa. Tertio, a legibus ipsius Naturæ ac Dei homo jubetur non solum sibi manus numquam inferre ad mortem sibi consciscendam, sed etiam caute servare propriam Vitam, neque eam scienter periculis exponere, neque arbitrio suo aliis tollendam offerre. Postrema hujus conclusionis ratio manifesta est; nam, ut ait idem Angelicus Magister 2. 2. Quæst. 64. Art. V. *Vita est quoddam donum divinitus homini attributum, & ejus potestati subiectum, qui occidit, & vivere facit: Et ideo qui se ipsum Vita privat, in Deum peccat: sicut qui alienum servum interficit, peccat in dominum, cujus est servus; & sicut peccat ille, qui usurpat sibi judicium de re sibi non commissa. Ad solum enim Deum pertinet judicium Mortis & Vitæ.* Hæc ille de interimente semetipsum, sed ratione, quæ etiam militat contra subeuntes arbitratu suo necem ab aliis, immo & exponentes se sine justa causa periculo evidenti necis. Donum enim grande sibi a Deo collatum custodire debent, neque illud sine injuria veri Domini, idest Dei, in manifestum discrimen, aut in mortem certam adducere possunt. Quippe contra Virtutem Justitiæ peccant; peccant & in Virtutem Caritatis, qua quilibet se ipsum diligere debet. Quid enim differt ab interimente se suis manibus, eligens mortem ab alienis sine necessitate, sine legitima causa? Quid, qui se ultro in flumen aut in incendium præcipitat, ab eo differt, qui ab alio præcipitari se vult & curat? Illud est se physice, ac immediate necare, hoc se necare moraliter & mediate. Quarto, quum tamen præceptum custodiendæ Vitæ affirmativum sit, legitimæ causæ occurrere possunt, cur interdum liceat non servare Vitam, immo & Mortem eligere ab aliis intentatam sit opus: Hasce leges doctrina Ecclesiæ suppeditare debet. Sunt autem hujusmodi. Si agitur de cavendo *Malo Certo*, quod in comparatione Mortis corporalis longe majus sit; tunc non solum licet, sed necesse est Vitæ præsentis jacturam subire. Quare quum peccare in Deum, ejusque in nos iram provocare, sit omnium Malorum maximum: potius offerre caput securibus jubemur, quam Vitam servare, si servanda est cum aperta Dei offensione. Veniat impius mortem nobis comminando, nisi Catholicam Fidem, aut unum ex ejus articulis ejuremus, nisi Idolis sacrificemus, aut falsum testimonium dicamus, aut alia patremus, quæ Lege Dei certa prohibentur. Minime obtemperandum est; fortiter Vita est danda. Mandat quippe Dominus,

Mat.

Matthæi X, vers. 28. ut nolimus timere eos, qui occidunt Corpus & Animam autem non possunt occidere; sed potius timeamus eam, qui potest & Animam & Corpus perdere in gehennam. Sunt etiam quædam gravissimæ & sanctissimæ leges Ecclesiæ, pro quibus servandis Vitæ minime parcendum est: qualis est obligatio non revelandi Confessionem Sacramentalem, aliæque Leges, pro quarum tutela gloriosam mortem oppetiere Sanctus Thomas Cantuariensis, Sanctus Johannes Nepomucenus, & alii. Constat enim, Ecclesiæ mentem esse, ut harum gravissimarum legum custodia, quoties necessitas exigat, amor vitæ nostræ anteponatur. Certissimæ sunt nobis ac notissimæ hujusmodi leges; etiam cum vitæ periculo sunt observandæ. Ad hæc dantur Opera quædam Virtutis, spectantia ad Religionem, aut ad Caritatem erga proximum, ad quæ etsi divina sunt Ecclesiastica lex Christianum minime obliget, certum tamen est e doctrina Ecclesiæ, hæc adeo placere Altissimo, ut liceat pro iis exponere se se periculo Mortis, immo ipsam mortem subire, æternamque a Deo mercedem inde sperare; aut saltem ejus sunt generis Opera ista, ut ex consensu Theologorum mors æterna prudenter eadem facientem nequaquam maneat. Exempli causa eligere potius mortem ab impio inferendam, pro Virginitate amore Dei servanda; aut mortis discrimini se se exponere, Caritate impellente pro juvandis peste infectis, pro prædicanda Fide Christi inter Infideles, aliaque id genus. Universi autem conatus Parthenotimi eo collineant, ut ad hanc ipsam regulam deducatur *Votum Sanguinarium*, & sub ejus umbra defendatur. Is quidem fatetur, sententiam de Immunitate Mariana non esse de Fide, ac propterea neminem ad eam Sanguine propugnandam adigi: quum tamen *opus Virtutis, Pietatis, Caritatis, Honestatis* sit eam tueri, propterea contendit, licere in ejus defensione Vitam quoque impendere, atque ob egregium hoc facinus præmium esse sperandum in cœlis. At quantopere hæc Opinio a Veritate, atque a Doctrina Ecclesiæ abhorreat, an ostendere nunc possim, sentiam Lectores, nullo partium studio corrupti, judicabunt.

Ad hoc enim ut Vita nostra objici periculis gravibus ultero ac licite possit, eoque magis, ut certæ morti destinetur in casibus, in quibus neque ab ulla Divina, neque ab Ecclesiastica lege id facere jubemur: necesse est, ut legitima ratio id faciendam suadeat, & *Prudentiæ* leges in re tanta exactissime observentur. Scilicet *Bonum*, quod effusione Sanguinis & Vitæ quærimus, futurum est *Bonum Certum* ac *Majus* ipsa nostra temporali Vita. *Prudentia* quippe Virtus est, quam ducem & comitem ceteræ Virtutes habere debent, ejusque lumine cuncta sapientis Christiani opera regenda sunt. Hæc Pru-

Prudentiam Deus ipse nobis præscribit, & Ecclesia summo opere custodiendam jubet. Christo Domino præcipiente curandum est, ut simus *Prudentes sicut serpentes*; & Apostolus ad Roman. XVI. vers. 19. ait: *Volo vos sapientes esse in bono, & simplices in malo*. Et quid, quæso, Consilia, Opera, Opinionesque hominum erunt, si sine Prudentia incantur, quæ ab Augustino definitur *appetendarum rerum & vitandarum scientia*, & Virtus, *qua dignoscimus inter Bonum & Malum*? Si ergo dat homo Vitam suam corporalem pro consequendo Bono Certo, simulque Præstantiore: tunc prudenter agit, legitimamque causam habet incurrendæ Mortis, quum Prudentis sit commutare, si velis, minus Bonum cum majori, dum utrumque sit certum. Contra ubi Vitæ nostræ conservatio majus Bonum sit, quam alterum, quod quærimus; aut Incertum sit ipsum Bonum, quod quærimus, tunc Sapientiz ac Prudentiz legibus injurius est, ac se ipsum inconsulte lædit, immo aperte Deo displicet ac peccat, qui Certo Bono, hoc est Vitæ, renuntiat, pro Incerto Bono; aut minus, inferiusve Bonum eligit, dimisso majori. Ad hosce Canones edimponere se debet cura Vitæ nostræ, simulque Pietas, quæ nisi legibus istis regatur, in vitium & ipsa degenerabit; atque evadet, uti supra innuimus; Pietas imprudens ac temeraria; interdum quoque a Superstitione ac Fanaticismo non aberit. Ad hæc Prudentiz munus atque obligatio est, non tantum eligere Bonum Certum, atque comparatione Majus, sed etiam circumspicere circumstantias agendi, hoc est Tempus, Locum, Modum &c. Fieri enim potest, ut ratione ejusmodi circumstantiarum Bonum illud aut desinat esse Certum; aut non retineat majoris pretii prærogativam, quæ primò occurrerat. Utique Pium opus est Orationi insistere, atque in sacris Templis incruento Sacrificio devotè interesse. Nemo neget, quia hoc sit Certum Bonum, & Majus quam secularibus negotiis operam dare. Verum ubi agatur de viro, qui labore manuum suarum alimenta filiis præstare debet; aut de femina, cui onus custodiendi parvulos filios, aut nobiles filias, incumbit; aut de Magistratu, cujus est Populo solícite ac indefinenter ministrare justitiam: si tempus immoderate in Templo sive in Oratione impendunt, Pium erit quidem illorum Opus, sed simul imprudens, & culpabilis dicenda erit eorum Pietas. Ratione nimirum circumstantiarum Certum ac Majus Bonum, quod est ad illos, erit quærere victum liberis, curamque habere diligentiosam familiæ aut muneris sui, quam piis illis occupationibus tantum temporis dare. Illud, non istud, exigit ab iis Deus; ac propterea Pietatis nomine ii frustra methodum suam excusarent.

Con-

Congerit hęc Parthenotimus exempla , quibus ostendat , non solum licere , sed laudabile esse mortem oppetere pro Virtute , pro Pietate , pro Honestate operis alicujus. Hęc libenter accipimus ; visuri nunc , an ex his subsidium rite possit peti ad dealbandum Sanguinariū Votum . Primum est Sancti *Johannis Baptiste* , qui non Martyr est , quia fassus est , Herodem esse adulterum ; nec pro certitudine adulterii mortem subiit ; sed pro illius reprehensione , quę Virtus est. Et hęc est illa Veritas , pro qua occisus est *Johannes* , ut loquitur *Divus Gregorius* . Hęc Theologus *Siculus* pag. 19. Utique Martyr Præcursor , utique pro reprehensione Herodis is vita exutus : ut nihil in ejus Martyrio desideratum est Veritatis , Justitię , atque Prudentię . Circumstantias respice . Pro reprehensione occisus est ; sed addendum pro reprehensione criminis certi , & scandali certi inde manantis ; & quod præcipue animadvertendum , pro reprehensione , quam uti Propheta , atque homo missus a Deo , facere potuit ac debuit . Is quippe non secus ac Hieremias , destinatus a Deo , ut evelleret , destrueret , & disperderet , & ædificaret , atque plantaret . Proinde impellente Deo , suo munere rite est functus , ac pro lege Veritatis , pro æquitate , pro justitia occisus , ut ait Sanctus *Augustinus* Enarrat . in Psalm. CXL. Nunc etiam si quisquam Episcoporum , quibus animarum cura divinitus commissa est , Regem adulterum aut homicidam redargueret (quod Sanctus *Ambrosius* ac alii fecere) si ob id interficeretur , gloriosa morte periret , dum tamen Prudentię legibus satisfecisset , circumstantiis bene perspectis , propter quas reprehendendi obligatio cessare potest , aut ipse reprehensor imprudens videri . Contra , si quis privatus homo , nulla fultus auctoritate , Regem adulterii aut homicidii argueret , præcipueque si palam , atque in se iram illius propterea provocaret : nemo sapiens illum laudaret , immo temeritatem ac zelum sine prudentia in illo quisque deprehenderet . Secundo , quoties Christianus mallet vitam dare , ut Virginitatem amore Dei servaret , ejusque custodiam Matrimonio , ne dicam fornicationi , anteponeret , laudabile opus Fortitudinis , Religionis , ac Prudentię exerceret . Virginitatis amor ex amore Dei procedens , testante Apostolo , & concinente Ecclesia , præstantius Bonum est quam Nuptiæ ; & quidem Bonum Certum , ita ut pro illo conservando recte Vita impendatur . Tertio , inquit Parthenotimus pag. 63. *Carthusianus* dum non pro Veritate , sed pro custodia veteris religiosę consuetudinis a carnibus abstinet , & mavult mori , quam carnibus vesci , ex Theologorum consensu laudandus est , ac Numini placebit . Hęc ille , sed nulla distinctione adhibita , & quasi nulla inter Theologos sit de hujusmodi casu disputatio . Nam ubi ægritudine vexatur

ut Carthusianus; censeatque Medicus, eum moriturum, nisi carnibus vescatur, prudentissime religiosus vir faciet, & abstinere ab iis pergat, dummodo alii adsint cibi, quibus pasci possit. Falsum quippe est, homini mortem obventuram, nisi carnibus vescatur, quum tanta non sit virtus solis carnibus, ut ægotantem a morte eximere possint, quando, ut suppono, ad vitam sustentandam alii cibi præter carnes tunc non desint. Deinde statuendum prius est, sitne apud Carthusianos abstinencia a carnibus Votum ab Apostolica Sede probatum, an religiosa tantum Consuetudo; quæ inspectio diversitatem sententiæ secum feret. Verum sub alio aspectu casus hic est exhibendus.

Et præstat imprimis audire Thomam Tamburinum Siculum Soc. Jesu, ita scribentem Lib. VI. Explicat. Decalog. Cap. 11. §. 1. ubi Homicidium sui damnat: *Neque, ait, opponas, Carthusianos, vel in periculo mortis laudabiliter, sive ex Voto, sive ex pia Consuetudine a carnibus abstinentes. Ita Fagund. Lib. V. in Decalogum Cap. XI. num. 89. & 20. citans Sayrum, aliosque. Azor. part. II. Cap. III. quest. 13. & 24. Ne hos, inquam, opponas. Nam pari modo affirmo cum Thoma Sanchez in Consil. Lib. V. Cap. I. Dub. 34. (cui addi potest Filliucius Tractat. XXIX. Cap. V. in Decalogum) eos debere in periculo mortis carnes comedere, si alius aptus cibus absit, ut si essent in deserto, ubi non nisi carnes haberi ex venatione possint &c. Scio, Johannem Sanchez Dist. 3. num. 7. Gerson. Tract. de tempore Caribus. Probabiliter sentire, etiamsi nulli alii sint cibi, atque adeo in necessitate extrema, posse, immo & teneri suum Votum (si tamen Votum est, ut sentit Lessius Lib. IV. Cap. 3. D. 2. n. 12. Nam si sit mera regula, ut putat Gerson. loco citato, & Thom. loc. cit. num. 2. certum est non teneri) a carnibus abstinendo custodire: quia sæpe licitum est ob justam causam (ut esset heic ob conservandam religionis disciplinam, publicumque bonum ac fervorem sue Religionis) non conservare vitam: quod non est occidere se (ajunt) directe vel indirecte. Verum prior sententia mihi magis placet. Adde & Cardinalis Bellarmini votum, qui Lib. II. Cap. XXXII. de Monachis hæc habet: *Dico, si jejunii lex, aut Votum, corporis valetudini vehementer nocent, potest, ac debet non servari: cur igitur non idem dicatur de Voto Continentiæ?* Respondéo non esse eandem rationem Jejunii & Continentiæ: nam cibus ordinatur per se ad salutem individui; idcirco illa non uti, cum necesse est ad salutem conservandam, Vitium est, non Virtus, proinde nec Voti materia. Et Lessius Lib. IV. Cap. III. Dubit. 2. testatur, a multis Doctoribus censi Invalidum & Illicitum evenire, se nullo eventu, etiamsi mors impenderet, carnes esuriam.*

Videat ergo Pathenotimus, an rem certam nobis propinet, dum licere putat Carthusiano, vel in casu certi & extremi periculi vitæ, abstinere a carnibus. Quod plus est, Gersonius ipse, qui in calce Opusculi *De non esu carniū apud Carthusienses* Tom. II. Oper. pag. 717. inclinare videtur in sententiam affirmativam, in Libello tamen Regular. Moral. Tom. III. pag. 94. diserte scribit: *Votum Carthusiense de non esu carniū; Votum insuper aliorum Religiosorum de multis observationibus duris, alias licitis; Votum denique particularium personarum de certis cibis non edendis in æternum, in certis casibus necessitatis extremæ, probabiliter, si Vota hæc tenerentur, imminētis; DEBENT IMMUTARI. Non enim licet alium contra Dei Præceptum occidere; quanto minus se ipsum? Secludimus tamen in omnibus scandalum pusillorum. Immo Auctor idem in prælaudato ipso Opusculo De non esu Conclusionem secundam ita efformat, ut licere neget Carthusiano in extrema cibi necessitate posito, a carnibus abstinere, si nihil aliud sibi offeratur ad vescendum, quam carnes. Quare in hanc ille sententiam concesserit, referre juvat: Lectoresque rogo, ut attente hoc animadvertant. Si diceret aliquis (ita is subdit) quod potius eligere habebit mortē fame; dicere eundem oportebit ex consequenti, quod in se ipsum manus injiciet, & fuimet erit occisor; juxta illud vulgatum Augustini: *Pasce fame morientem. Si non parvisi, occidisti. Nec ad se minus, quam ad alios Præceptum hoc extenditur. Præterea Consuetudo aut Constitutio generalis Ecclesiæ de non comedendo carnes in die Veneris, non obligaret ad sui observationem in casibus prioribus extremæ necessitatis; immo nec excusaret aliquem ab homicidio, qui quum posset salvare vitam per esum carniū, se, vel alium mori spontanee permetteret abstinento: secludendo tamen semper casum grandis scandali in Fide, de quo dicetur postea. Porro de Votis idem est argumentum. Est autem fundamentum radicale præfactæ rationis in hoc, quoniam a Lege Divina nulla Lex aut Obligatio pure humana potest absolvere, aut excipere, vel instituere, quod non observetur. Sed hæc est Lex Divina: Non occides, Deuter. XX. 13. a qua Lege non legitur per aliquod aliud divinum Jus facta exceptio, ita ut pro observatione Constitutionis aut Consuetudinis pure humanæ supervenientis, eam transgredi liceret, & se mori sinere fas esset. Alia addit Gersonius, apud eum legenda, quæ prætereo, quum hæc satis sint ad infirmendam eorum Opinionem, qui contrarium sentiunt. Atque hæc diligenter adnotanda, utpote magni ponderis ad controversiam dirimendam, quæ inter Parthenotimum & me agitur. Eo in loco Gersonius objectionem sibi opponit, nec solvit; curabo ego pro viribus infra, ut ei faciam satis.**

Quar-

Quarto addit Parthenotimus pag. 81. *Captus a Barbaris Elphegus Cantuariæ Episcopus noluit, appenso ingenti litro, vitam redimere. Cæsus a Barbaris est. Hinc suborta dubitatio, an Elphegus Martyr esset. Martyrem non esse, contendit Lanfrancus (Cantuariensis & ipse postea Archiepiscopus, & vir doctissimus) eo quidem nomine, quod immoderatum litrum negasset. E contrario Martyrem eam ob causam esse, tuitus est Divus Anselmus, quia pro iustitia Elphegus dicitur occubuisse: dum, ne latrones ditaret, suas deglubere noluit oves. Nec ullus comparuit Pritanius, qui Divi Anselmi Opinionem superstitionis accusaret. Nullus sane prodiit, neque prodibit Pritanius, qui Sancto Elphego Martyrii gloriam neget, aut Sancti Anselmi iustæ sententiæ adverfetur. Sed prodibit quidem contra Parthenotimum, undique conradentem laudanda & sancta exempla, ut Opinionem suam minime laudandam incautis gratam efficiat. Accipe Eadmeri verba in Vita Sancti Anselmi Lib. I. Aiebat Beatus Lanfrancus, ab inimicis Dei Paganis factam Elphego potestatem se redimendi; at immensam pro hac ab eo pecuniam expetiisse, quam quia nullo pacto poterat habere, nisi homines suos eorum pecunia spoliaret, & nonnullos forsitan invisa mendicitati subjugaret, elegit vitam perdere, quam eam tali modo custodire. Tum Anselmus ita respondit: Palam est, quod is, qui ne leve quidem contra Deum peccatum admittat, mori non dubitat; multo maxime mori non dubitaret, priusquam aliquo gravi peccato Deum exacerbaret. Et revera gravius peccatum videtur esse, Christum negare, quam quemlibet terrenum Dominum, pro redemptione vitæ suæ, homines suos per ablationem pecuniæ illorum ad modicum gravare. Sed hoc, quod minus est, Elphegus noluit facere. Multo igitur minus Christum negaret, si vesana manus eum ad hoc mortem intendendo constringeret. Unde datur intelligi, miram pectus ejus iustitiam possedisse, quando vitam suam maluit dare, quam sprete Caritate proximos suos scandalizare. Nec immerito, ut reor, inter Martyres computatur, qui pro tanta iustitia mortem sponte sustinuisse veraciter prædicatur. Addit Eadmerus, causam necis Beati Elfegi non illam solam, sed aliam fuisse ista antiquiorem. Nam non ideo tantum quia se pecunia redimare noluit, sed etiam, quia Paganis persecutoribus suis, Civitatem Cantuariam, & Ecclesiam Christi in ea sitam concremantibus, Civisque suos atroci morte necantibus, Christiana libertate obistere, eosque a sua infidelitate convertere nixus est, ab eis captus, & crudeli exanimatione est occisus. Et profecto hæc potior causa, immo germana, referendi inter veros Martyres Elphégi. Sed constat in unica Sancti Anselmi ratiocinatione. Supponit ac præmittit, Elphegum Peccati reum fuisse futurum, si redemptionem suam*

tam gravi suorum hominum incommodo procurasset; neque *Scandalum* abfuturum, si tam caro emisset sui corporis liberationem. Hoc autem etsi non tam grave Peccatum fuisset, quam Christum negare, Peccatum tamen esse non desisset. Atqui Christianæ Legis dogma est, mortem potius subeundam, quam *Peccato* vel levi in Deum consentire. Ergo recte inferebat Anselmus, Elphegum sancte elegisse mortem, & *pro tanta justitia* sanctissime vitam sibi eripi passum fuisse. Accedat nunc Parthenotimus, & quæso dicat, num *Peccatum* sit non credere immunem ab omni macula Conceptionem Mariæ? Exploratum est, inquiet, ut puto, inter Catholicos, nullum heic occurrere *Peccatum*. Immo si quisquam forte contenderet; locum heic esse *Peccato*, sciat se anathemate constrictum, quo Romani Pontifices percellunt quemcumque affirmantem, *Hæresis aut Peccati* reos esse, qui Mariam credunt cum Labe Originali conceptam. Frustra igitur hujusmodi exemplo Sanguinarium Votum, nimium ab eo diversum, cohonestari posse confidit.

Quinto Parthenotimus pag. 98. ait: *Velit nolit Lamindus, cum Theologis necesse est consentiat, quod extra Fidei aleam licitum sit sinere, se occidi, ni velit damnare Militem, qui ne a statione discedat, ab hostium manipulo perimatur. Ni velit christianum strenuumque pectus criminari, quod ut peste affectis inserviat, ipsa contagione necetur.* Infra addit: *Fidei perfusa lumine Christiana Theologia statuit, quod in carcerem, maxime justum, redeat, qui juravit, se illuc rediturum, quamquam esset ibi occidendus.* Quod est ad inservientes amore Dei pestilentia infectis, immo quod est ad quoscumque alios, qui eadem Caritate ducti, Proximo aut ægrotanti aut periclitanti opem ferunt, ut ei salutem Animæ procurent, immo interdum & Corporis, uti in Nosocomiis accidit: Dogma Fidei est, eis in tam laudabili Christianæ Caritatis exercitio morientibus ingens in Cælis paratum esse præmium. Rectissime quippe Minus Bonum, idest corporalis Vita nostra impenditur, ut Proximo nostro inde Certum ac Majus Bonum obveniat. Quo tamen in ministerio summe pio Prudentia quoque est adhibenda; scilicet tam generosis Christianis Caritate ferventibus, solícite & quantum fieri potest, custodienda est propria vita ac salus, tum ut Caritati, quam quisque habere debet erga se ipsum, satisfiat, tum etiam ut reliquis indigentibus idem subsidium conferri diutius possit. Ad Militem vero quod attinet, eligentem in excubiis sibi demandatis mori, non ille tantum, sed & ceteri milites in bello regulariter se licite exponunt certo vitæ discrimini, immo quoties occasio se exhibet, se se exponere debent, sive ex pacto licite inito cum

Prin-

Principe legitimo, five quia id exigit conservatio Reipublicæ, quæ Certum ac Præstantius Bonum est, quam Vita privati hominis. Exemplum vero carcerem repetentis, in quem se rediturum juramento pollicitus fuerat, etiamsi esset ibi occidendus, ad regulam supra notatam referendum est: nempe eligendam esse mortem, ne in Deum peccemus. Jusjurandum quippe iuste interpositum fraudari sine injuria Dei in illo casu non potest. Publica fides præterea humani commercii Certissimum Bonum est, immo ejus pretii, ut anteponenda sit illius conservatio conservationi Vitæ. Quare non solum redire in carcerem tunc licet, sed opus est ei, qui rediturum se juravit; ipsumque redire, & mortem tolerare, si ita casus ferat, Virtutis opus est appellandum. Atque hæcenus exempla a Parthenotimo adhibita, quibus honestari Votum Sanguinarium posse, ille sibi persuadebat. Verum quam inani successu, jam partim intelleximus, & partim infra intelligemus.

C A P U T I V.

Ut Vita prudenter detur, pro Bono Majori, & æque Certo danda est. Exempla mortis imprudenter electæ. Tenuitas pii operis consideranda, ne contra leges Prudentiæ quisquam in mortem incurrat.

Regulam posuimus, videlicet ad hoc ut Prudenter homo pretiosum Vitæ corporalis depositum sibi eripiendum aliis offerat, cum laude apud homines, & merito apud Deum, aut saltem sine Peccato, duo concurrere debere. Alterum, ut Bonum, quod per mortem Corporis appetimus, five servatum volumus, sit æque Certum atque ipsius Vitæ nostræ conservatio. Alterum, ut sit *Majus ac Præstantius Bonum*, quam conservatio ejusdem Vitæ. Si enim agitur de Bono dumtaxat pari, cujusmodi foret, Vitam suam dare, ne alter propria privetur, tunc disputationes multæ incurrere possunt, quas delibare nihil in præsentia refert. Ex hac autem Regula fluit consequenter altera: Videlicet, tunc Temere ac Imprudenter, id est sine laude ac merito, immo non sine Peccato, exponi Vitam nostram certæ neci, quoties Bonum per eam expetitur, five servandum, sit leve ac Minus, quam Bonum ipsius Vitæ, aut non sit æque Certum, atque est ejusdem Vitæ conservatio. Tanti enim ex institutione Naturæ, atque ex ipsius Dei præcepto, facienda est Vita nostra (ingens scilicet Bonum nobis a Deo commodatum) ut illam abjicere, nosque ultro mortem subire pro leviori ac Minori Bono, aut error non ferendus, aut crimen etiam

etiam sit. Idque in operibus ipsis *Pietatis ac Religionis* locum habet, in quorum consideratione constrictam nunc volo orationem meam. Nimirum opera dantur, quæ certissime ad *Pietatem* spectant, & nihilominus ejus non sunt ponderis, ut fas sit, aut laudabile sit, Vitam potius exponere gladio, quam illa omittere, dummodo tamen contemptus Religionis, & grave Scandalum inde absit. Nulla dubitatio est, quin sancta sit Oratio Angelica, sive *Ave Maria*, & sancta precandi formula *Rosarium* sanctissimæ Virginis; certissimum quoque est, piam & sanctam rem esse Orationis illius, atque Rosarii recitationem ex devotione factam. Finge tibi Tyrannum, aut furiosum quemquam, comminantem ense exerto mortem recitanti, ni cesset, & cessare nolentem interfici: Prudens-ne existimabitur, qui sine ulla necessitate pium illud opus peragens, mortem potius elegerit, quam silere? Neutiquam sane. Exigebat Prudentia, ut ille ea occasione ab opere quamquam pio desisteret, quum in aliud tempus & locum differri posset pium illud opus; neque tanti sit ipsum, ut profusione Vitæ, quam nobis Deus servandam mandavit, sit peragendum. Dixi, dum secludatur contemptus Religionis & grave Scandalum. Si enim constet, Tyrannum recitationem illam ideo vetare, quod impiam rem putet Orationem Angelicam, sive Rosarium; tunc non licebit solum, sed opus erit pati potius se trucidari, quam a pia illa recitatione desistere; nam in iis, quæ ad doctrinam Fidei spectant, non datur parvitas materiæ. At secluso ejusmodi contemptu, & ex alio fine interdicta recitatione illius Orationis, Prudenti homini desistendum tunc est, & Vita servanda; quum nihil detrimenti in Religionem, nihil Scandali in Populum inde sit obventurum, atque alia ratione commode possit eidem Devotionis operi satisfieri. Ita visitare sacras *Ædes*, ut ibi preces ad Deum fundantur, Pium opus procul dubio est. Si quis igitur statuatur visitare Templum, & quamquam monitus latrones latere in itinere, qui sine misericordia certissime viatores spolient, ac trucidant, obfirmato tamen animo proficisci velit, mortemque incurrat: Imprudens erit illius Pietas, ac temere is mortem subibit. Quod plus est, etiamsi Votum in ejusmodi piis non magni momenti operibus intercedat, tunc obligatio Voti cessat; ut si quis voverit invisere verno tempore Lauretanum Templum, & non fallax nuntius habeatur, infestari quotidie a Turcis, aut a sævis prædonibus viam, ita ut aut captivitas, aut mors certa proficiscenti iuste sit formidanda: complendum minime tunc erit Votum, atque ad tempora pacatiora reservanda erit illius solutio, aut illius petenda commutatio. Quod si quis Votum conciperet peregrinationis sacræ, quamquam certo prænosset, se in certum libertatis

aut

aut vitæ discrimen adducendum: Votum illud erit nullum, utpote Prudentia repugnante emissum. Ratio est, quam supra Gersonius attulit, nempe nullam obligationem pure humanam posse nos absolvere a Lege divina. Est autem divina Lex, nos Vitam nostram debere ab imminente certoque periculo arcere; & tunc solum opus esse eam ultro dare, ne peccemus; aut licere eam dare, si commutanda sit cum Certo ac Majori Bono. Atqui visitare illam sacram Ædem non est opus pium tanti ponderis, ut sit captivitas aut mors eligenda, ne ab illo desistamus, quum Pietati nostræ erga Beatam Virginem in alia sacra Æde consuli prudenter tunc possit, aut ad meliora tempora deferri pium illud opus. Quæ hæcenus dixi, auctoritate firmantur Martini Magistri in Tractat. de Fortitud. Quæst. V. ubi & is agnoscit quædam opera Virtutis ac Pietatis tam parvæ necessitatis & utilitatis, ut non liceat secundum dictamen rationis pro iis se exponere morti, & ratio ipsa nos doceat, esse omittenda. Cardinalis autem Cajetanus in 2. 2. quæst. 124. artic. V. idem fufius confirmat, scribens, *opera Bona ex suo genere tantum non esse universaliter opera Virtutis, nisi sint etiam Bona ex circumstantiis, quoniam bonum confurgit ex integra causa. Immo si absque debitis circumstantiis fiant, Mala moraliter sunt, quoniam solum sunt contra Prudentiam, quæ forma est Virtutis Moralium &c.* Proinde & is statuit, non opus Virtutis tunc fieri, sed Peccatum, moriendo pro illo opere, quod e circumstantiis definit esse opus Virtutis.

Atque ad hanc ipsam regulam referendum puto, quod Gersonius idem sibi objiciebat, dum quæreret, an Carthusiano liceat eligere potius mortem, quam a carnibus vesci in extrema necessitate cibi: *Quum etiam non vovens, ait, possit licite pati mortem pro conservatione Castitatis perpetuæ, quomodo hoc pari nequaquam obligetur, vellem, ut nobis darent diversitatem rationis in Castitate & Sobrietate, quare non utrobique erit similis hujus divini Præcepti transgressio: Non occides.* Hæc mihi ratio diversitatis creditur: nimirum esse quidem pium, & sanctum opus tam Virginitatis & Castitatis conservationem pro Dei amore, quam abstinere a carnibus intuitu ipsius Dei; non idem tamen esse pretium utriusque operis. Præstantissimum enim Bonum est, teste Apostolo, Conciliis, ac Patribus, Castitatem Deo dicare, unde uberes fructus spiritualis vitæ emanare solent; at quamquam abstinentia a carnibus sit Bonum ac laudandum opus, longe tamen altero inferius est, neque in genere abstinentiæ tanti est, ut cum Castitate perpetua sit equiparandum. Idque patet ex ipsius Ecclesiæ ritu; nam etsi illa præcipiat abstinere a carnibus Feria Sexta, & Sabbaro, atque in Vigiliis, si tamen iis diebus Mortis periculum immineat

mineat homini, nullum alium cibum præter carnem habenti, tunc ei non solum licet, sed opus est ab interitu Vitam suam eripere comedendo carnes. Aliter faciendo peccaret, si monitus in electione mortis pervicaciter persisteret. Contra semper laudabit Ecclesia quoscunque vitam ponentes pro Castitate Deo dicata, hoc est eximium illud spirituale Bonum præferentes Vitæ suæ corporalis conservationi. Ad hæc renuntiari Castitati non potest, nisi peccando, aut nubendo. Primum nullo pacto licet; alterum per usum debiti matrimonialis custodiam Castitatis plenæ perpetuo tollere potest; Castitatis inquam, omnem actum venereum propter amorem Dei averfantis. Verum etsi Carthusianus, in extrema necessitate positus, carnes comodat, ut mortem tunc evitet, poterit necessitate sublata reliquum vitæ agere, sancte ab iisdem carnibus abstinendo.

Exempla hæc pauca, quibus aliæ id genus adjicere nullo negotio unusquisque possit, jam satis sunt ad agnoscendum, quam dubio ac fragili scuto Sanguinarium Votum Parthenotimus tuendum susceperit, dum inquit, licere, ac laudabile esse *pro Pietate mori*. Quod pium sit aliquod Opus, non continuo sequitur, prudenter aut licite pro illo Vitam posse impendi, & potissimum si alteram conditionem repetamus, Christiano homini necessariam, ut secundum Prudentiam, neque temere, aliis occidendum se præbeat. Nimirum necesse est, ut Bonum, pro quo subeunda mors est, non solum pretio superet Bonum Vitæ nostræ, sed etiam sit æque ac illud Certum. Si enim Incertum ac dubium Bonum sit, quocum commutanda est Vita, quis rogo non Imprudentem, aut Fanaticum, aut Dementem eum appellet, qui Bonum tam pretiosum & Certum, & cujus possessio manu tenetur, quale est Vita nostra, deponere sponte velit, ut Bonum consequatur, de quo dubitatio est, an existat, & fieri potest, ut numquam existat? Ad hæc Certissimum est divinum Præceptum servandæ, & non projiciendæ Vitæ nostræ, quum nos domini illius non simus sed Deus; ita ut in Deum peccet, qui sine certa & legitima causa a Deo probata jacturam illius facere velit. Quomodo ergo non injustitiæ, non temeritatis, ac imprudentiæ arguendus erit, quicumque Mortem eligat pro re, quæ Incertum est an placeat Deo, quum nullum Dei Præceptum aut Consilium adsit de præferendo objecto illo conservationi Vitæ nostræ? Certum est divinum Præceptum de non sacrificando Idolis, de non neganda Fide Christi, de non fornicando, uno verbo de non peccando. Certum est divinum Consilium de Castitate Deo dicanda, laudante Domino illos, qui se castraverunt propter Regnum cælorum, & præferente Apostolo eandem conjugio. Certum Consilium, interdum & Præceptum

ptum Caritatis de procuranda Vita spirituali Proximo nostro. In hisce casibus veri ac prudentis Christiani est Vitam impendere, si occasio id postulet, quia Certum quidem Vitæ nostræ Bonum datur, sed datur pro altero Bono æque Certo, ac insuper majori ac præstantiori, quam Vita nostra; aut evitatur Morte nostra Malum Certum, simulque longe majus, quale est Peccatum. Constat etiam, ita agentibus paratam esse in cœlis ingentem a Deo remuneratore mercedem. Hæc certa. Attamen plerumque in Prudentiam peccaret, qui palam prædicare Christi Fidem inter Turcas vellet. Cur quæso? nisi quia esset incertum, an quidquam spiritualis fructus inde consequeretur, & contra esset certa illius mors, certoque discrimini exponerentur reliqui Fideles in Turcarum ditione degentes. Et quamquam norit unusquisque Fidelium, confiteri Christum coram hominibus, Vitamque dare pro ejus nomine esse gloriosum opus Amoris Dei & Fortitudinis, cui non deerit æternum ac ingens a Deo præmium: attamen ne arbitrio quidem nostro dare Vitam pro Christo licet, sed tum solum quum certum est, Deum exposcere a nobis, aut gratum habiturum esse hujusmodi sacrificium. Olim minime laudati, immo improbatî fuere Christiani, atque e Martyrum Diptychis nonnumquam exclusi, qui sponte, ac sine necessitate, se se Tyrannis necandos offerebant; & contra ii tantum commendati, qui mortem non improvide quæsitam, & quam evitare alia ratione non poterant, nisi peccando in Deum, forti, invictoque animo pro Deo tolerabant. Sunt in hanc rem Clementis Alexandrini, Origenis, Athanasii, Nazianzeni, aliorumque Patrum verba diserta.

C A P U T V.

Ad leges sanctissimas minime spectat effusio Sanguinis pro tuenda Immunitate Virginis. Neque ad tutelam Sanctitatis Mariæ: Aliud Pietas Intrinseca, aliud Opinativa. Ad quamnam ex his referenda sententia Scotistica de Conceptione Virginis.

A Ccedamus nunc tandem ad Quæstionem, quæ huic Opusculo causam dedit. Censet Parthenotimus, non solum licere, sed laudabile esse, jugulum carnifici offerre pro tuenda Veritate sententiæ, excludentis a Deipara maculam Originalis peccati; immo tanti pretii ac meriti futurum hoc opus, ut Martyris nomen negandum non sit pugili tam generoso. Contra sentio ego, non solum laude indignum, eoque magis Martyrii corona atque

appellatione, sed ne licere quidem. Cum legibus hæcenus præpositis conferantur illius rationes. Hoc est perpendatur, num tutela sententiæ Scotificæ sit Bonum Majus ac præstantius Vita nostra, ac insuper Bonum æque Certum ac eadem Vita. *Vel ipse Pritanius* (repeto Parthenotimi verba pag. 18.) *non negat pro legibus sanctissimis fundendum esse sanguinem. Numquid inter leges sanctissimas non est Virginem venerari? Virginem venerari ut sanctam?* Ita ille, ejusque paralogismum facile quisque sentiat. Nam ubinam quaeso sunt *sanctissimæ leges*, Christiano Populo mandantes, ut credant Virginem sine labe fuisse conceptam? Conscius sibi est vel ipse Parthenotimus, nullam heic legem occurrere. Liberum est Catholicis e duabus Opinionibus contrariis illam amplecti, quam magis piam ac Veritati propiorem arbitrentur. At, inquit, *numquid inter leges sanctissimas non est Virginem venerari?* Procul dubio. Consequentiam nunc infer: Ergo credere ac tueri sententiam Scotificam lex est Ecclesiæ Catholicæ. Quis non intelligat, quam claudio seu nullo pede argumentum procedat? Venerari Virginem lex profecto sanctissima est. At nulla lege jubentur Catholici eam quoque credere sine originali culpa conceptam. Nam & qui contra sentiunt, Virginem venerantur, & cultui erga illam debito nulla ex parte defunt. Ad hæc: quando Parthenotimi ratiocinatio vim habitura heic esset, & lex universalis ab eo producta complecti deberet hunc etiam casum singularem venerandæ Virginis, eam credendo in Conceptione immaculatam: nonne is videt, non sibi tantum, sed omnibus Catholicis eligendam esse mortem pro tuenda eadem sententia, ne venerationi erga Deiparam defint? At istud ab omni veritate alienum est, neque id Parthenotimus ipse diffitetur. Ergo prima ejus ratio extra officinam rectæ ratiocinationis fabricata est.

Addit ille eadem pagina 18. *Non Martyr esset pie vovens, quia assentitur Immaculatæ Beatæ Virginis Conceptioni, nec pro ejusdem directæ Certitudine, quæ nondum est de Fide, mortem oppeteret, sed pro defensione Sanctitatis Marianæ, quæ Virtutem Religionis sapit: Quæ hæc est illa Veritas, pro qua moreretur.* Alterum paralogismum habemus. En ejus argumentatio. Defendere Sanctitatem Mariæ spectat sine dubitatione ad Virtutem Religionis; & qui Sanctitatem Mariæ suo sanguine testatur, recte facit, & Martyr certissime fuerit, Atqui tueri suo Sanguine sententiam faventem Immunitati Marianæ, idem est actueri Sanctitatem Mariæ. Ergo hanc sententiam suo Sanguine propugnans, recte facit, atque inter Martyres numerabitur. Hæc, puto, Theologi Siculi mens & argumentatio, neque alia esse potest. Et sane si syllogismus veritate nititur, longe Majus Bonum est pro-

pugnare Sanctitatem Virginis, quam parcere Vitæ nostræ. Verum falsitate omnino laborat Minor. Ecquando enim Catholica Ecclesia sensit, pendere Sanctitatem Mariæ ex illius exemptione ab Originali peccato? Sancta & Sanctissima semper fuit, est, & erit supra omnes mulieres, supra omnes Sanctos, & Angelos, Beatissima parens Salvatoris nostri, sive fuerit, sive non fuerit concepta sine originali peccato. Tot quoque in cœlis cum Christo regnantes ut Sanctos cœlimus, quorum Sanctitati nihil detraxit, aut detrahit, incurrisse culpam primi parentis. Neque sine temeritate dices, derogari Sanctitati Virginis ab iis, qui contrariæ sententiæ de illius Conceptione adherent. Nam & isti nemini concedunt in fovenda ac promovenda veneratione erga Reginam Sanctorum; eosque non Apostolica tantum Sedes, sed & Ecclesia universa ut pios & orthodoxos Catholicos habet, amat, atque honorat: secus actura, si Mariæ Sanctitati contraria illa opinione aliqua ex parte officeretur. Accedit, quod si Deiparæ Sanctitas cum Scotistica sententia connexa reapse foret; uti opinari videtur Theologus noster, inde rursus consequeretur, non Parthenotimo tantum, sed & Catholicis omnibus dandam esse Vitam pro tuenda eadem sententia Scotistica, quippe jubemur cuncti Sanctitatem præcellæ Genitricis Dei capite etiam nostro tueri. Quis autem hoc umquam somniavit? Sophismate igitur laborat altera hæc etiam argumentatio Siculi Scriptoris; immo si intime expendatur, in gravem injuriam vergit Apostolicæ Sedis, perinde quasi non satis ei curæ sit de Virginis honore, ejusque Sanctitatem minui, aut lædi sinat a tot Catholicis, qui Thomisticam sententiam Scotisticæ præferunt in ejusmodi Quæstione. Plura non addo; infra enim hæc eadem consideratio recurret.

Tertio Parthenotimus idem pag. 18. nobis edicit, mortem oppetere pro tutela sententiæ a se propugnata, non aliud esse, quam *morì pro Pietate, quæ certo inest actui Opinativo, ut se morituros spondent pie videntes pro Immaculata Conceptione*. Verum & heic latet ingens æquivocatio, quam necessaria distinctio prodet. Non enim idem est *Pietas*, quæ inest Dogmati Fidei, & actui Intellectus, credentis illud certum de Fide; ac *Pietas*, quæ inest objecto tantum Probabili & actui Opinativo de re illa probabili. Prima est *Pietas intrinseca*, absoluta, & quæ connexa ita est cum objecto, ut illud nunquam possit esse non Pium, & actus credentis non Pius. Altera vero *Pietas Opinativa* est, & quodammodo conditionata, sive *extrinseca*, & quæ cum objecto ita conjungitur, ut separari ac tolli etiam possit. Vim enim suam sive firmam, sive infirmam recipit prædicatum *Pietatis a Veritate*, quæ aut certa, aut incerta

inest rebus sacris sive motivis affirmandi sive negandi aliquid de iis rebus. Numquam non *Pium* erit credere, Mariam fuisse semper Virginem, Mariam fuisse Matrem Dei, quia id *Verum* semper fuit, neque *Falsum* unquam id esse potest. At quæ in Opinione adhuc versantur, sæpe quidem *Pia* credere possumus, & vere *Pia* sunt non ratione certæ ac stabilis Veritatis, sed unius tantum Probabilitatis, quæ sane potest Veritatem complecti, exempta tamen non est a formidine Falsitatis. Postremi hujus generis est sententia de Immaculata Virginis Conceptione, quæ certe *Pia* est, sed conclusa intra limites Probabilitatis, hoc est innixa motivis Veritatis probabilibus, non ita consequenter firmis ac evidentibus, ut omnis formido absit, ne aliquando possit apparere non Vera, atque adeo non *Pia*. Quod accideret, si forte Apostolica Sedes, quæ judicium de hac re hætenus suspendit, sibi quæ reservavit, contrariam sententiam cum divinis Scripturis ac Traditione concordi Patrum aliquando consentientem inveniens, eam inter Dogmata Fidei referret. Proinde recte quidem *Piam* appellamus Scotisticam de Conceptione sententiam; minime tamen *Pietas* hæc æquiparanda est *Pietati*, quæ inhæret objectis ad Fidem spectantibus, atque intrinseca Veritate nixis; & præsertim quum nemo Fidelium vetetur *Piam* quoque credere oppositam sententiam, immo diserte sub anathematis pœna illam prohibeamur appellare *Impiam* sive *Hæreticam*. Adde, nos animadvertisse, dari *Opera* quædam Intrinsece etiam & non Opinative *Pia*, non tanti tamen momenti, ut pro iis faciendis morti Vitam nostram exponere liceat. Quanto ergo minus licebit pro *Pietate Opinativa*?

Nam *Pietas* ista opinione innixa, Probabilibus quidem fulcitur motivis, & sufficientibus, ut *Pium* nos facere opus credamus, ei sententiæ adhærendo. At neutiquam immutabili Certitudine constat, quum Certum non sit objectum, in quod illa fertur. Proinde non arbitretur Parthenotimus, se per hanc rimam evadere posse; hoc est non putet, sub specioso nomine *moriendi pro Pietate*, Sanguinarium a se posse Votum honestari. Ita moriens, adhuc pro Opinione quidem *Pia*, sed semper pro Opinione Vitam profunderet. Interea animadvertant velim Parthenotimi clientes, jam confessum fuisse illorum Magistrum, non licere Sanguine asserere sententiam Scotisticam *tamquam Veram & Certam*: Nam & ipse agnoscit, nondum illam excessisse e finibus humanarum Opinionum, atque errori propterea obnoxiam esse posse, quando consentit, haberi de ea posse *actum* dumtaxat *Opinativum*. Animadvertant etiam, quo effugio ille declinandam curaverit sui Voti censuram, contendendo videlicet, voveri Sanguinem non *pro Veritate ac Certitudine* ipsius Sententiæ, sed *pro Pietate*, quæ

quæ inest *Actui Opinativo* : quod tamen discipuli ejus ignotum plane sibi fatebuntur, ut puto, quum formulæ voyentium rotundis verbis exprimant tutelam non *Pietatis*, sed *Veritatis*, quæ inesse certo creditur eidem sententiæ. Hæc signa labantis causæ quis neget? Et præcipue quum ipsa Pietas hujus sententiæ *Opinativa* sit, neque ejus vigoris, ut pro ea tuenda fas sit commutare Bonum Certissimum humanæ Vitæ. Quod stuporem augeat, verba tantum dare Theologus noster videtur, quandoquidem veluti oblitus *actus* sui *Opinativi*, alibi contendit, nobis persuasum esse posse, Scotisticam sententiam Certam esse, idque a Voti Sanguinariî sectatoribus necesse esse ut credatur, si mortem sine Peccato, offerente se occasione, tolerare velint. Accedit, quod ipse ex aliorum opinione alio in loco insinuat, posse etiam *divinam Fide* credi Certam ejusmodi sententiam. Quare duas ego Conclusiones hanc in rem præmittendas censui.

C A P U T V I.

Minime immunis a crimine, qui vitam daret pro tuenda sententia Scotistica, ac si Fidei Dogma foret. Castrensis & Vasquii in hanc rem auctoritas. Temere quoque agat, qui pro ejus tutela, quando nihil aliud sit nisi Opinio, in mortem incurrere velit.

Primo igitur statuo: *Temere quoque acturum, & graviter peccaturum, qui Mortem vellet subire pro tuenda sententia de Immunitate Mariana, ac si ea esset Fidei Dogma.* Non heic multum immorabor; nam vel me tacente quisquis Christianæ eruditionis rudimenta hausit, probe etiam novit, numquam spectasse, neque spectare ad Dogmata Fide supranaturali credenda sententiam eandem. Proinde fallaci motivo, fallaci persuasione ductus, imprudenter vitam projiceret, qui eam ob causam sive fiduciam ultro in agone periret. Nostrium non est, Articulos Fidei, & Dogmata Ecclesiæ procudere; sed quidem id munus est Ecclesiæ, quæ falli non potest. Et quoniam nemo ignorare potest, aut debet, in censum Dogmatum Fidei sententiam hanc post tantas æ tot disputationes numquam fuisse inveciam, intolerandæ propterea temeritatis ac superbiæ, & consequenter Peccati reus esset, qui eam pervicaciter esse vellet, qualis non est, suumque judicium præferret Prudentiæ, ac Scientiæ summorum Pontificum & Ecclesiæ. Graviori etiam censura tantam audaciam perculerunt celebres

Consisto heic, & e vestigio fateor, non semel Parthenotimum protestatum fuisse, sibi loco Dogmatis divina Fide credendi non esse sententiam, propugnatricem Immaculatæ Conceptionis. Is etiam negat, Votum Sanguinarium ideo conceptum, quod ejusmodi sententia Certa de Fide a voventibus credatur. Mihi contra non videtur, & ne aliis quidem videbitur, esse hæc mens ejusmodi Votum concipientibus. Ut infra patebit, non aliunde originem traxit hoc Votum, nisi e quorundam Theologorum Hispanorum persuasione, quibus Scotistica sententia ad tantam Certitudinem visa est deducta, ut laudandus foret, immo *Martyr* esset dicendus, qui pro ejus Veritate mortem obiret. Nam & Granadus, & alii scripsere, posse Christianum divina Fide credere, sine labe Virginem fuisse conceptam, quoties sibi persuadeat, id fuisse a Deo revelatum: Et nostris temporibus Viva in Trut. Theol. ad Proposit. XXI. damnatam ab Innocentio XI. hæc ait: *Equidem censeo, posse Immaculatam Virginis Conceptionem Fide divina credi ab eo, cui moraliter constat, eam esse implicite in Scriptura revelatam.* Quippe, ut idem scribit, *hæc probabilissime, immo etiam cum morali Certitudine ex Scripturis evuitur, & est proxime definibilis a Pontifice, præsertim post decretum Alexandri VII. decernentis, cultum Conceptioni Virginis exhiberi ab Ecclesia secundum piam sententiam, quam fere omnes Catholici amplectuntur.* Arripe hanc præmissam: tum ei alteram adijunge e Cardenas in Crisi Theol. Tract. I. Disput. 9. num. 265. *Post Bullam Alexandri VII. quotquot de Conceptione scripserunt (præter Caramuelem, & Murciam) affirmarunt Sententiam piam esse in statu Certitudinis, non Fidei (scilicet manantis ex Dei revelatione, quæ sit ab Ecclesia Fidelibus proposita) sed Moralis, Physicæ, & Metaphysicæ.* Ergo secundum ista principia inferre quisque poterit: Quicumque firmam Certitudinem de ea sententia habent (ii autem præcipui sunt, qui Votum Sanguinarium edunt pro ejus tutela) possunt credere, atque ut ego opinor, revera credunt Fide divina Virginem sine labe fuisse conceptam. Quod si ita est, videant illi, qui se subducere possint censuræ Castrii, Vasquii, & Raynaudi. Neque enim ad eam enervandam prodest afferre Constitutionem Alexandri VII. quum luce meridiana clarius sit, eum minime retulisse inter Fidei Dogmata sententiam Scotisticam; atque injurios esse Pontifici illi, quando contradictionem in ejus Bullam invehere videntur, quasi is controversiam hanc dirimendam Sanctæ Sedi reservavit, & nihilominus eam diremerit, favendo iis, qui sententiam Scotisticam tenent, & secundum illam celebrant Festum Conceptionis. Quoniam vero Parthenotimus agnoscit, non esse hanc sententiam ex iis, quæ ad

ad Fidei Dogmata pertinent, ac tacite etiam improbare illos videtur, qui morti se se offerrent pro sententia hujusmodi, contendendo eam esse de Fide; progrediamur.

Dico ergo secundo: *Temere iidem acturum, & peccaturum, qui Vitam suam impendere vellet pro defendenda eadem sententia, quando eam putet; minime Certam esse, neque spectare ad Fidei doctrinam.* Et ratio est, quia sententia Scotistica, etiam post Alexandri VII. Constitutionem, nondum supergressa est limites humanarum Opinionum; ac propterea ita Certa esse non potest, ut excludat omnem formidinem Erroris. Contra Certum de Fide est Præceptum servandæ Vitæ nostræ, & de hoc nemo dubitat. Quum vero Certum quoque sit, & extra controversiam positum, Imprudentiæ, Temeritatis, & Peccati Reum fore, qui pro Incerto Bono Certum commutet: necessario consequitur, Temere atque Illicite mortem eligi pro tutela ejusdem sententiæ. Rursus, ex quo aliquid intra limites humanarum Opinionum concluditur, numquam potest esse ejus pretii atque momenti, ut æquet pretium tanti faciendum Vitæ nostræ. Ex quo enim subesse potest Error Opinioni illi, quantamcumque speciem majestatis ac pulchritudinis objectum gerat, Minus semper erit Bonum istud (quandoquidem Certi nondum sumus, aut esse interim nequimus, quin possit esse Falsum) præ Bono Certissimo, ac summe pretioso Vitæ nostræ, cujus curam novimus sollicite commendatam, immo sub pœna gravis Peccati mandatam nobis a Deo fuisse. Supra vidimus, frustra memorari a Parthenotimo exempla quædam laudatissima eligentium mortem, quamvis directe in iis de abjurandis Fidei Dogmatis non agatur. Illa nempe tunc jure laudata, quando pro æque Certo, simulque Majori Bono, Vita datur: quod in casu nostro nequaquam accidit. Atque heic Parthenotimus capitis sibi chari Conclusionem me addere sinat. Is est nuper mihi laudatus Theophilus Raynaudus e Societate Jesu, doctissimus & celebris Scriptor, quem fortassis ego pluris quam Parthenotimus ipse, facio. Itaque ille in Tractat. de Martyrio per Pestem, Part. II. Cap. 2. num. 18. quærens, quid dicendum sit de oppetente mortem *pro motivo non aperte idoneo, aut dubio*, hæc edicit: *Statuendum est, Vitam TEMERE, nec absque SCELERE, atque adeo sine Martyrii fructibus abjiciendam, pro assertione aliqujus Propositionis, cujus Veritas non sit in Ecclesia prorsus rata, ita ut non sit exploratum, quod ejus assensus a FIDE edicatur.* Quum ergo exploratum sit, ipso Parthenotimo fatente, non edici a Fide assensum sententiæ de Immunitate Virginis; certumque sit, ejus Propositionis Veritatem in Ecclesia Dei ratam non esse,

esse, hoc est *Firmam & Certam*: quid aliud restat, nisi Temeritas & Sceleris reum esse, qui pro ejusmodi sententia tutanda Sanguinem & Vitam fundere velit? Neque pluribus fortasse heic opus, quum in eandem ferme Conclusionem universalem conveniat vel ipse Parthenotimus, scribens pag. 15. *Nullus Theologorum est, quod ego sciam, qui asserat, posse quempiam honeste (hoc est licite) mori ob causam Immaculatæ Conceptionis, si hæc tantum sit Opinio, & pro mera ipsa Opinione Sanguinem profundere quis velit.* Idem ab eo infra pag. 18. repetitum videas, & quidem non sine animi commotione: *Quis, ait, unquam somniavit, pro incerta Opinione fas esse jugulum offerre carnifici?* Immo addit hæc præsertim nobis adnotanda: *At mori pro Pietate, quæ certo inest Actui Opinativo, ut se morituros spondent pie videntes (Sanguinem pro Immaculata Conceptione) & Majores nostri docuere, & Posterì nostri, dummodo dociles, discant.* Quibus verbis diserte fatetur, eos, qui Voto Sanguinario se se obstringunt, minime vitam dare velle pro *Actu Opinativo* de Immunitate Virginis, quem ne ipse quidem præstare potest nixum fundamento Certo, & in Ecclesia rato; sed quidem pro *Pietate, quæ certo inest Actui Opinativo*. Lectores rogo, ut confessionem hanc Parthenotimi e mente sua, suisque ex oculis elabi non sinant. Jam enim multum itineris progressi sumus, quando Theologus noster factus est, non licere mori pro *Opinione*, neque revera suos *Videntes pro Actui Opinativo de Conceptione Immaculata* morti se se tradere.

C A P U T V I I.

Quæ vera & germana Pietas sit. Pium est propugnare sententiam, quæ statuit expertem maculæ Deiparam. Impium pro ea sententia occumbere velle. Opiniones piæ laudandæ, laudanda earum tutela. Sed minime pro illis Sanguine suo pugnare. Persuasio Veritatis neutiquam idonea ad honestandum Votum Sanguinarium. Neque Probabilitas.

Sed quia sacrum nomen *Pietatis* exeruit Parthenotimus, ac sub ejus umbra confidit, ut vidimus, Sanguinarium suum Votum a censura se posse vindicare, jam res poscit, ut dilucidius explicem, quid hoc nomine significetur, ne fucum nobis faciant speciosæ quædam voces, quarum non bene perspecta significatio lites parit, & bene perspecta dirimit: *Pietas* ergo, quæ apud Græcos *εὐσέβεια*, *verum cul-*

n significat , atque a Sancto Augustino in Epistola CLV. olim dicitur *verus Dei cultus*. Quidquid igitur pertinet ad verum Deum, qui etiam complectitur honorem debitum Deiparæ, ceteris sanctis, & rebus sacris, *Pium* recte appellatur. *Pietas* autem, virtus, seu uti donum Dei, *est habitualis dispositio animæ, quæ potest mobilis est a Spiritu Sancto ad habendum filialem affectum Deum, ut ad patrem, eumque colendum, & amandum, ea ratione qua ipse vult a nobis coli & amari*. Additamentum feci verangelici Doctoris 2.2. Quæst. 121. Artic. 1. Pietatem definiunt pote nobis nunc necessarium. Sed sollicite animadvertendum non tantummodo *Pium* dici, quidquid certo per Fidem creditur, sed etiam, quod probe & prudenter verisimilibus rationibus opinamur placere Deo, sive sententiis, sive actionibus nostris. *itis* etiam nomine intelligere possumus obsequium & affectum um erga Deiparam, cujus *Veneratio* & *Cultus* revera ad ipsum n refertur, & inter munera Christianæ Religionis enumeratur, n in sanctissima illa & benedicta supra omnes mulieres, dona effusiora, quam in reliquos Sanctos, venerari nos jubeat Ecclesia aut gratum habeat. Quum vero, ut supra monui, Parthenotipræsenferit, temere Bonum Certum vitæ nostræ profundi, nisi demus pro consequendo æque Certo ac Majori Bono; & ruranimadverterit, ejusmodi Certitudinem desiderari posse in VerisSententiæ Scotificæ: eo tandem se recepit, ut diceret, *Pietas* esse illud Bonum Certum, pro quo Voti Sanguinariii fautores licere sibi Vitam commutare. Quis enim neget, quin *Pia* sit i sententia, quando *Piam* Alexander VII. ut alios omittam, eam illavit? Ad hæc venerari Virginem, ejusque privilegia & gloria deprædicare atque tueri, *Pietatis* opus est, illudque *Certum*. o pro isto Certo Bono prudenter & cum laude jugulum Tyranniferatur. Certe, inquit ille pag. 59. *facinus est Opiniones æquare rationibus Fidei. At Vovens, non pro Opinione, sed pro Deiparæ tumoreretur*. Et pag. 58. *Etiam Religio Virtus est: ad Religionem, ad Virtutem hanc affinem (idest ad Pietatem) pertinet Virginis tus*. Et pag. 19. *Virtutis opus est, Virginem ut a labe immanem erari, quia Pium est, ipso fatente Pritanio*. Ita ille, unicam deæ rationem statuens honestandi Voti Sanguinariii in speciosissimo aine *Religionis, Pietatis, Cultus Deiparæ*. Neque dubito, quin no aspectu ejusmodi rationem complures acceperint, ut aureum, simumque numisma. Sed quid, si & hoc adulterinum, falsum, ad lydinum lapidem Logicæ veræ, ac veræ Theologiæ agnoscus?

Et sane ad hoc ut hominum sententiæ ac opera sint actus veræ ac germanæ Pietatis atque Virtutis, debent, uti præfatus sum, verari in *Cultu vero* veri Dei, ejusque Sanctorum; hoc est exhibere Deo, ac Beatis civibus cœli Cultum illum atque honorem, qui a Deo ipso per Ecclesiam probetur, eique placeat. Si enim Deo, aut Cœlitibus, alium honorem, cultumque exhibemus, qui a Deo diserte, sive ab Ecclesia improbetur: non amplius vera, sed spuria est nostra Pietas; neque Virtus, sed Vitium, & quandoque Peccatum & Impietas in Opinionibus, Operibusque nostris deprehendetur. Notissimum est facinus Collyridianorum, qui Mariæ sacrificium offerebant. Nempe, ut scribit Sanctus Epiphanius Hæresi LIX. sive LXXIX. *mulieres quædam currum sive sellam quadratam adornantes, ac linteo desuper extento, sollemni tempore per aliquot dies panem proponunt, & in Mariæ nomen offerunt. Tum ad unam omnes illo vescuntur.* Liquid non constat, in quo situm foret muliercularum illarum delirium; attamen quum ex hujusmodi actione aut constaret, aut probe inferretur, illas uti Deum habere, ac adorare Mariam: propterea Epiphanius in eas invehitur, earumque stolidam aut impiam oblationem execratur, in hæc tandem verba desinens: *Maria in honore sit; Dominus adoretur.* Pium opus se peragere, ut puto, arbitrabantur mulieres illæ: at quia opus illud a Deo minime probabatur, etsi affectus bonus fortassis erat, actio tamen non Pia, sed Impia evadebat. Quare omnes intelligunt, Parthenotimum nihil pro sua causa agere, quum licere ait, ac laude dignum esse, mortem oppetere pro tuenda sententia Scotistica de Conceptione Virginis, quia illud est mori pro *Pietate*, pro *Cultu*, pro *Veneratione* Deiparæ. Adhuc enim inquirendum atque ostendendum restat, num pro illa sententia mori sit verus Cultus ac Veneratio Mariæ, hoc est, an Opus sit a Deo per Ecclesiam probatum, ac Deo gratum. Heic rhodus, heic saltus. Certissimum quippe est, spectare ad Religionem Catholicam Cultum Beatissimæ Matris Dei; at minime Certum est, quæcumque homines sentiunt, aut agunt pro illius Cultu ac honore, placere Deo, ac Virgini ipsi; quum multa quoque sint, quæ Christiani sentire, scribere, aut egere, persuadentes sibi, se honorem deferre Virgini; & nihilominus aut temeritate ac imprudentia, aut superstitione, aut impietate non caruerunt eorum Opinionibus atque opera. Vide *Diptycha Mariana*, mihi semper laudanda, Theophili Raynaudi e Societate Jesu. Felicia nimis forent deliramenta omnia in Religionis negotio, si eis per portam, quam nimis amplam Parthenotimus aperuit, in sacrarium Pietatis in-

gredi liceret. At heic Siculus ingeminet: Nonne & tu fateris, *Pium* esse amplecti, docere, ac tueri sententiam excludentem a Virgine labem Originalem? Utique, & lubens repeto. Ergo subdet ille, *Pium* quoque, & Pietatis opus erit, Vitam pro ejus sententiae tutela impendere. Consequentiam nego, & addo: Immo scelus erit, & a Pietate alienum, atque adeo imprudens facinus, simulque Peccatum, Sanguine suo eandem propugnare sententiam.

Animadvertendum quippe est, occurrere heic duas Quæstiones inter se plane diversas. Prima, *an Pium sit tueri voce & scriptis sententiam de Immunitate Virginis*. Altera, *an Pium sit, eandem Sanguine etiam & Vita tueri*. Prima affirmative resoluta, sine dubitatione Certa est apud omnes Catholicos, firmata nimirum suffragio Apostolicæ Sedis, ea tamen conditione, ut eam tueamur, non uti Fide divina credendam, sed uti Probabilem ac Piam. Altera negative resolvenda est: non enim ullum Ecclesiæ suffragium pro ea adferri potest; neque hæc cum superiore confundenda est; & perperam fluere ista creditur ex altera. Nam in istam Propositionem novum subjectum, atque illud illicitum, confertur, per quod omnino immutatur innocens ac honesta qualitas prioris Propositionis. Nimirum *Pium* & innoxium est, pugnare voce & scriptis pro sententia Scotistica, quia teste Romana Ecclesia nondum constat, an eadem adversetur Scripturæ Sacræ, immo cohærere cum ea posse videtur: licitumque propterea est ac laudabile, tenere interea, ac docere (uti fit in tot aliis Quæstionibus Theologicis) quod Verisimilius ac Probabilius creditur, quando certa Veritas adhuc obtineri non potest. Nullum vero inde manat incommodum in Ecclesiæ doctrinam, nullum in Reipublicæ tranquillitatem ac regimen, sicuti neque manat e tot aliis Quæstionibus & Quodlibetis (ut appellant) quæ a multis Seculis agitantur in Scholis. At alterius plane generis est tutela Immaculatæ Conceptionis, quando eam vis Sanguine ac Morte tua propugnare. Etenim *Pium* non est, immo est *Impium*, prodigere Bonum Certum ac pretiosum Vitæ nostræ pro Opinione, seu pro Bono Incerto ac Minori, quam ipsa Vita. *Pium* est, ac Virtutis opus, ut exemplo utar, e propriis fortunis Eleemosynam propter Dei amorem pauperibus præbere. Contra definit esse Pietas, ac Scelus evadit, Eleemosynam conferre inopi e bonis non nostris, eorum domino minime consentiente. Quia non sunt facienda Mala, ut eveniant Bona; neque licet furari, ut Eleemosynam faciamus. *Pium* est, sacrarum Reliquiarum possessionem sibi procurare. At eas dolo aut vi aliis eripere (quod olim

olim in more fuit) crimine & Impietate non caret. Ita Pietatis ac Religionis opus est, tueri rationibus sententiam de Conceptione Scotificam; nefas contra est illam tueri Sanguine nostro, quia Mandatum Dei *Non Occides* obstat: & Suicidii reatum non effugit, qui alienis manibus occidendum se offert sine necessitate, sine Ecclesiae suffragio, atque adeo suo tantum arbitrio, atque imprudenter, ut Opinionem videlicet propugnet, cujus est adhuc Veritas dubia. Quonam ergo abeat decantatum suum *Morè pro Pietate, Mori pro Cultu, ac Veneratione Virginis*, ex his intelligere potest Parthenotimus: intelliget saltem, qui sine ullo amore ac odio ista meditetur. Ille verus est Dei & Virginis Cultus, quem Ecclesia probat: Vitam vero dare pro Opinionibus, numquam probavit Ecclesia, Prudentiae magistra. Quod si non est verus Deiparae cultus, Vitam pro incerta adhuc sententia Scotistica impendere, consequenter neque erit vera Pietas, sed quidem facinus imprudens, & in quo non immerito Superstitionis vitium sapientes timeant, aut intueantur.

Ut autem evidentius Lector perspiciat, quam falsam Regulam Parthenotimus in sententiae suae praesidium adsciverit, illius consecraria perversa perscrutari pergamus. Innumera sunt Miracula, & Acta Sanctorum, in divinis Libris minime comprehensa; innumerae sunt eorum Reliquiae; innumerae Opinionēs Theologicae in Scholis, aliaeque multa ad Historiam Ecclesiasticam spectantia. Quotiescumque verisimili ratione spectare ista noscantur ad cultum & gloriam Dei atque Sanctorum; neque appareat fragmenta esse, aut repugnare doctrinae Ecclesiae: possunt haec omnia in censum venire *Pietatis*. Et quamquam divina Fide credenda non sint, *Opiniones* tamen *Piae* ac laudabiles sunt; easque Ecclesia aut laudat, & gratas habet, favoreque & Indulgentiis interdum prosequitur; aut saltem tolerat, quia etsi materialis aliquis populi Error se se iis inmiscere possit, nihil tamen iste orthodoxae Religionis officere potest. Si legitima foret producta a Parthenotimo Regula, jugulum pro his omnibus offerre liceret. Et quidni? Effet hoc *Mori pro Pietate, quae certo inest actui Opinionario*, ut is ait pag. 18. Effet actus *Virtutis, Religionis, Cultus Dei, aut Sanctorum*, ut is alibi scribit. Verum abeat ac absit e Christi Fidelium mentibus enormis haec Regula, & fallacissima doctrina, quae aut stoliditatis, aut Superstitionis, aut Fanaticismi dedecus ac reatum, aut saltem Imprudentiae culpam saepe in nos derivare posset. Habemus enim Opiniones non paucas de una re contrarias in Scholis, quales sunt, exempli causa, de Quaestione illa: *An etiamsi Adam non peccasset, Verbum Divinum sumpturus carnem humanam fuisset*: & quales peporit celebris controversia *de Auxiliis, sive de Gratia, & Libero*

Ar-

Arbitrio. Contrariæ autem Opiniones istæ, quia ad cultum Dei pertinent, atque ad sacram doctrinam, neque in Fidei Dogmata ulla ex iis impingere censetur, *Probabiles* propterea ac *Piæ* appellari non injuria possunt ac debent. Quid ergo Catholici, eoque magis quid Heterodoxi dicerent, si quos cernerent pro hæc oppositis sententiis tuendis Vitam vovere, aut reapse Mortem subire? Omnium animos, ut puto, horror invaderet. Ad hæc inter tot objecta *Pietatis Opinione* fieri non potest quia multa, aut saltem aliqua ex iis Errori sint obnoxia, & Falsitatem contineant. Vastum ac insigne Opus percurrere, hoc est, Acta Sanctorum a Patribus Antuerpiensibus Societatis Jesu collecta ac illustrata. Ibi occurrent non una unius Sancti Corpora, & multiplicata per varios Populos eadem sacra Reliquiæ, quibusque contendentibus legitima ac vera esse sacra illa Cœlitum pignora, quæ ipsi possident. Et sane unicuique licet habere suis honorem, veteremque de iis Opinionem Piam tueri. Immo Apostolica ipsa Sedes Indulgentias, aliosque favores non raro eam ob causam diversis iis Populis atque Reliquiis elargitur. Da nunc mihi homines, qui pro tuenda Pia ac Probabili Opinione, quam fovet de Sanctorum suorum Lipsanis, mori etiam elegant: nonne meridiano Sole clarius est, ex illis aliquos pro Errore ac Falsitate Vitam daturus? Unum tantummodo ex iis sacris Corporibus aut pignoribus Verum sit, cetera Falsa, necesse est. Fortassis etiam interdum ne unum quidem e controversis præstare Verum ac Certum poterimus. Eorum ergo, qui pro hisce Opinionibus prodigi forent Vitæ, quis non argueret Zelum sine scientia, Pietatem sine Prudentia? Aut depravatæ imaginationis, aut temerariæ pervicaciæ facinus esset mors eorum spontanea. Et nisi invincibilis ignorantia illos excusaret, reos se proderent male custoditi Depositi, & quidem pretiosi, sibi a Deo crediti, quando illud pro Errore perderent.

Ufus autem & hoc ipso argumento fuerat Pritanius, quum contra Votum Sanguinarium scripsit, in hæc verba loquens Lib. II. Cap. VI. pag. 256. Editionis Parisiensis. *Et tamen si hoc ferendum est, non video, qui in immensum protendere non liceat novum hoc Martyrii genus. Nam & alii vitam vovebunt, atque exponent, quo exempli causa Lauretanam Ædem sustineant Servatoris Conceptione illustratam revera fuisse; & Francisco Affissinati, atque Catharine Senensi, Stigmata fuisse divinitus impressa, & ab aliis Sanctis viris miracula quædam procul dubio fuisse patrata. Quod certe in Ecclesia Dei numquam tolerandum, ne idem divinis atque humanis habeatur honor, neve temere, & pro Mendacio interdum projiciatur pretiosa hominum Vita. Hæc insurgit Parthenotimus, atque inter cetera respondet pag. 79. In primis*

mis homo, qui non moderati ingenii tantum, sed Moderator ingentium videri vult, castigatius, reverentiusque hoc loco loqui debuit; & non Mendacii nomine sugillare directam ipsam sententiam de Virginis Immunitate, etiamsi permitteremus esse meram Opinionem. Sed parcat Parthenotimus mihi verenti, ne docti Panormitani, immo & reliqui Litterarum cultores, ad hunc locum continuo exclament: Quæ Theologum istum idoneum ad hosce nodos extricandos, & Veritatem in quæstione ista detegendam arbitremur, quando is sibi videre visus est, Pritanium Mendacii nomine sugillantem directam ipsam Sententiam de Virginis Immunitate? Prostant ejus verba. Excutiat oportet, qui Pritanii verba non videt cadere in Opiniones Pias, a Scotistica de Conceptione omnino diversas. Harum infinitus est numerus; & quum inter eas aliquæ saltem Falso niti possint motivo, etiamsi Piæ dicantur, quicumque pro iis tuendis occumberet, pro Mendacio occumberet. Hæc in omnium oculos incurunt, præterquam unius Parthenotimi, qui quum calumniam hanc dedisse opera struere voluisse credendus non sit, fateatur saltem, se non in tranquillitate animi & ingenii ad controversiam istam accessisse, quæ ad Verum e Falso discernendum necessaria est. Ego interea perpendam, quæ is habet de Lauretana Æde; inquit enim pag. 76. Si cui persuasum sit, Deiparæ honorificum esse tueri, quod Lauretana Domus fuerit servatoris Conceptione illustrata, esset item honestum hanc ob causam mori. Lauretana Domus exemplum, quo Lamindus adversus pie Voventes utitur, in Lamindum pie Voventes hoc pacto remittunt. Honestæ mortis periculum subiret, ut barbarum arceret militem, qui Lauretana Domus minaretur excidium: & nedum quia dulce & decorum pro patria mori, Horat. Od. 2. verum etiam, quia pro servanda ab excidio Domo, quæ fertur Servatoris Conceptione illustrata, moreretur. Cur ergo honestum non erit mortis subire periculum, immo & mori, ut ab omni labe defendatur Immunitas Virginis? Disparitatem exempli nemo non videat. Licitum est, omnium Theologorum consensu, non Lauretanam tantum, sed & reliquas sacratas Ædes, & patriam, & vitam propriam, immo & fortunas suas tueri cum periculo etiam vitæ propriæ, si eis injustus aggressor excidium inferre velit. Parum dixi: licet etiam injustum ipsum aggressorem remove, inferendo ei mortem, dum fiat cum modamine inculpatæ tutelæ, & de re maximi momenti agatur. At qui in Lauretana Domo tuenda mortem incurreret, Vitam non daret pro tutela piæ Opinionis suæ, sed pro defendendo celebri illo Christianæ Pietatis loco, ejusque sacra Imagine, atque thesauro: quæ omnia quum Certa sint ac pretiosa bona, propterea pro iis exponere

nore periculo Vitam licet. Contra, si tutor iste Lauretanz Ædis, sine armis, sine spe ac animo pugnandi, se se objiceret Turcarum turmaz, sacrum illum locum invadenti, barbaris indicens, prius se trucidandum, quam fores intrent; Vitam temere ac imprudenter projiceret. Excusandus fortasse foret, non certe laudandus, quippe neque ad tutelam sacratissimæ Ædis, neque ad tutelam piæ Opinionis suæ, se trucidandum offerret impiis, sed ut improvido Zelo suo sine ulla necessitate aut utilitate satisfaceret.

Verum nihil est quod ad emendicatum atque inopportunum exemplum Parthenotimus heic recurrat. Teneat germanum, quod Lamindus proposuit. Si Tyrannus (quod Deus avertat) Panormi Parthenotimum ipsum ad suum tribunal deductum interrogaret, an credat quæ de origine Lauretanz Domus feruntur, mortem minatus, si credat. Satis ille jam pròdidit, quænam futura foret responsio sua; nempe se nihil horum pro certo habere, officiose recusaturum dulce donum mortis sibi a Tyranno oblatae pro tutela tam piæ Opinionis. At inquit ille: mihi persuasum non est, sive propugnetur, sive non propugnetur hæc opinio, crescere quidquam posse, aut minui Virginis honorificentiam. Ceterum *si cui persuasum sit, Deiparæ honorificum esse, tueri Opinionem de origine illius sacri loci, esset honestum hanc ob causam mori*. Animadvertant heic Lectores, in quo Theologus noster statuatur causam, cur honesta ac laudanda foret hominis mors, videlicet in *Persuasione* de re grata Deo ac Virgini. Principium utique fallacissimum, quia sine ulla restrictione propositum. Si enim *Persuasio* sufficit, quam in cerebro suo procudere quisque potest, pro adducenda prudenter in discrimen Vita sua; jam nulla erit anilis fabula, nulla Superstitiosa Devotio, nullas in Pietate excessus, quem quilibet non censeat se posse legitime vel moriendo tueri. Circumcelliones ipsi non amplius damnandi, sed commendandi forent, uti & qui Idola Ethnicorum sine ulla necessitate frangerent, aut Turcarum Meschitas incenderent. Videat Parthenotimus, quot e principiis suis absurda consequantur, & saniora quæso nos doceat. Atqui prudentem *Persuasionem*, reponet ille, volui heic designare. Ut habet. Attamen sapientes iterum ei instabunt his verbis: Esti *Persuasio* prudens, quod aliquid placeat, sive honorificum sit Deo & Sanctis, sufficiat, ut Opinionem unam alteri præferamus, ac voce & scriptis tutemur: numquam tamen sufficiet, ut pro nostra illa Opinione defendenda in necem nostram conspiremus. Hoc enim pacto pro tuendis contrariis de una eademque re Opinionibus, Christi Fidelibus Vitam suam vovère

fas esset, quum persuasum tam istis; quam illis esse possit, sententiam suam honorificam esse, aut placere Deo & Sanctis. At quis hoc ferat in sanctissima ac prudentissima Religione, quam profite-
mur? Ad hæc: si sufficit ista *Persuasio*, jam in manu privatorum hominum jus propriæ Vitæ relinquitur; atque ut sunt ferè omnium superba, simulque levia multorum ingenia, plerique contendunt, se prudenter opinari, sibi que *prudentem esse Persuasionem*, atque adeo licere sibi pro illa in mortem ruere. Anne hæc toleranda, quum tam facile Vita possit hac ratione pro *Errore* profundi? Nusquam gentium sane. Parthenotimos ipsi, ut reor, Fanatici, Imprudentes saltem, viderentur Colonien-
ses, qui freti spisso Opere P. Crombachii, ac Opinione Majorum, pro tuenda Historia Undecim milium Virginum, aut trium Regum Magorum Corporibus ad se advectis, carnifici col-
lum offerrent: aut Hispani, qui pro tuendis tot Sanctis, nulli veterum notis, & nihilominus in eorum Martyrologium a Tamayo intrusis, & a Cardoso in Lusitanicum, ex auctoritate dumtaxat quorundam Chronicorum (bone Deus, qualium!) hoc est Flavii Dextri, Lin-
prandi, Juliani Toletani &c. fortiter, sed temere occumberent. Non ergo deducendum jus voluntariæ cladis nostræ per aliorum manus & *Persuasionem* nostra, quum Sapientia Proverb. III. edicat nobis: *Ne innitaris Prudentiæ tuæ*; neque iudicio proprio in re tanti momen-
ti fidendum sit; sed tantummodo petendum istud jus e voce Eccle-
siæ, falli nesciæ, quæ Dogmata & casus statuit prudentissime im-
pendendi Vitam nostram, si occasio ferat. At hæc numquam pro-
fecto decrevit, neque decerneret, licere pro Opinionibus jugulo no-
stro pugnare, quantumcumque persuasum sit nobis placere illas, atque honorificas Deo & Sanctis esse. Prudentiæ quippe & rectæ
Rationi adversabitur, pro sententiis, de quarum Certitudine certos
nos Ecclesia non fecerit, Certum & pretiosum pignus Vitæ profun-
dere.

Attamen heic Voti Sanguinarii patronus aurem mihi vellit, in-
quiens pag. 66. *Quod si Laminus Prudentiam inde impugnet, quod in
Re Incerta hic versamur: egregie fallitur. In primis meminerit fas est,
ad prudenter operandum non requiri perfectam Certitudinem.* „ Mate-
ria moralis (quæ plerumque est materia Prudentiæ) „ talis est,
quod non est ei conveniens perfecta Certitudo „ „ docuerat D. Tho-
mas Sect. 3. in Lib. I. Et hic. Aristot. Subscribit Divo Thomæ Di-
vus Antoninus 1. part. tit. 3. cap. 10. §. 10. „ Certitudo, quæ re-
quiritur in materia morali, non est Certitudo evidentæ, sed
probabilis conjecturæ „. Hæc Parthenotimos. Fuisset hercle mi-
serus, si Theologus noster clypeum quoque non arripuisset e ditissimo Pro-

Pro-

Probabilissimi armamentario. Nimirum, si illum audimus, etsi Certitudinem evidentiae non habeat sententia de Immaculata Virginis Conceptione, *Probabilitas* tamen in ea ætenuam desideratur, At qui Prudenter operatur, qui in materia morali, deficiente Certitudine evidentiae, Probabili conjectura se regit: Ergo Prudenter Vita dabitur pro tuenda Probabili hac sententia. An ita argumentari velit Parthenotimus, perspicax Lector dignoscet. At nobis Theologus iste doctrinam heic propinat, quam ne ipsi quidem laxiores Probabilistae docere sunt audi. Repetendum quippe est, Probabile esse, Virginem fuisse sine labe conceptam, quum ad conciliandam huic Opinioni justam ac solidam Probabilitatem prudentes conjecturae concurrant, ita ut merito liceat ei intellectu & affectu adherere, quamvis contraria altera Opinio vigeat, cui ne sua quidem Probabilitas deest. Sed hoc minime est, quod nunc quaeritur. Altera nos controversia exercet, nempe: An Probabile sit, licere mori pro tuenda hac, aliisque id genus Opinionibus Probabilibus. In proposito autem argumento Parthenotimus inponit nunc, nos *in re Incerta* versari. Hoc & ego contendo, quod est ad Veritatem sententiae Scoticae, tum nego, Probabile unquam fuisse, aut esse posse, licere subire certum discrimen Vitae nostrae pro Opinionibus Incertis; neque animi intrinsecae rationes, neque extrinseca auctoritas a temeritate absolvit, qui Certo & Maximo Bono sciens se se certo privat pro consecrando Integro Bono. Addo, etiamsi Probabilitas aliqua extrinseca adesse Voti Sanguinari patronis ex improvida assertionem alicujus Theologi, non possit tamen Speculativam hanc Opinionem in Praxim sine peccato deducere. Et ratio est, quia agitur de periculo, immo de Certitudine gravi damni, sequendo heic Opinionem Probabilem, relicta tutiori. Quippe, ex una parte Certum Malum, illudque summi momenti, sine necessitate incurritur, quum quis ultro animam ponit pro tuenda Opinione Probabili; at ex altera parte Bonum, quod moriendo quaeritur, Probabile tantummodo est, & minime Certum. In Voto Sanguinario nequaquam Vita impenditur pro Certo ac evidenti honore Virginis: nondum enim Ecclesia nos docuit, Deum revera voluisse Mariam maculae Originalis expertem. Damnavit Innocentius XI. in Proposit. I. affirmantes: *Licetum esse in Sacramentis conferendis sequi Opinionem Probabilem*. Statuunt & ipsi Probabilistae, peccare *Judicem* sequentem in judicando sententiam Probabilem, contempta tutiore ac probabiliori: uti & *Medicum* exhibentem ægro Pharmacum Probabile, quando alterum novit, ac præsto habet, Probabilius & tutius ad salutem ægrotanti adferendam. Quæ rationes militantes, cur damnetur in hisce casibus tum Sacerdos, tum Judex, & Medicus, æque

saltem militant contra eligentes pro re Incerta iacturam propriæ Vitæ, hoc est maximi Boni a Deo nobis collati, cujus domini non sumus, & cujus cura & conservatio sub gravi præcepto nobis ab ipso Deo mandatur. Quare quicumque sub Probabilismi umbra adiutum hominibus aperit ad projiciendam temere Vitam suam, nescio quei effugere possit ac debeat fulmina Apostolicæ Sedis. Agitur-ne de re exigui momenti, quum de Vita hominum agitur?

C A P U T V I I I.

An Certa sit sententia Scotistica de illibata Virginis Conceptione. Non ferenda opinio de Certitudine hujusmodi sententiæ, ubi de Vita hominum agitur. Nondum ista excessit fines humanarum Opinionum. Aliud Certitudo Objectiva, aliud Persuasio Certitudinis.

QUam infirmo ac inani patrocinio suam hætenus causam tutatus fuerit Parthenotimus, vidimus. Plures ille vias, nunc istam, nunc illam tentavit, ut a Sanguinario suo Voto censuram, si quo posset pacto, averteret; at nondum, quantum quidem mihi videtur, ullam aptam invenit. Quod potissimum Lector animadvertat velim, curavit ille hucusque perquam sedule, ne quisquam sibi persuaderet, Votum illud emitti pro *Veritate ac Certitudine* Sententiæ Scotisticæ, diserte scribens, voventes tantummodo Sanguinem & Vitam polliceri pro *Pietate, pro Honore, pro Veneratione, & Cultu Virginis*. Idem ab illo repetitur pag. 61. iis verbis: *Deinde non semel jam diximus, rem, pro qua vovens, de quo loquimur, vitam profunderet, videlicet Honestatem tuendi Piam Sententiam*. Numquam est ausus dicere pro *Veritate, pro Certitudine, pro Evidentia* piæ sententiæ. Sed Proteum nunc intueri in omnes formas se se vertentem, ne quid prætermittat, ex quo speretur nutantis sui Voti ac doctrinæ tutela. Is ergo probe præsentiens, quamdiu intra fines Opinionum consistat Pia sententia, neque ea Certa sit voventibus, avolare leves in auras, quidquid ipse hætenus excogitavit pro honestando suo Voto: non uno in loco clientibus suis insinuat, Sententiam de Immaculatæ Deiparæ Conceptione, non amplius Probabilem, sed *Certam* esse. Negaveram ego hanc Certitudinem. Is vero pag. 20. eam nos assequi posse ait per *Theologos*, inter cetera scribens: *Numquid homo suadet sibi Certam esse Immaculatæ Virginis Assertionem, quia ipse fallax Certam sibi esse dicit? Nequaquam, sed quia id insinuant Patres, docent Theologi, fert communis*

nis sensus, suadent alia id genus argumenta: quæ ea sunt, ut faciant, ne creatura fallacissima, seu quæ falli maxime potest, in præsentī fallatur. Tum distinguit triplicem Certitudinem: primam, quæ sit ex divina Revelatione jam per Ecclesiam proposita. Hanc sententiæ Scotisticæ non adesse fatetur. Secunda oriri potest e divina Revelatione, sed quæ non sit Fidelibus per Ecclesiam proposita; atque hanc etsi Parthenotimus amplecti non videatur, ita tamen proponit, & auctoritate Gersoni & Granadi fulcit, ut sibi libertatem retineat eandem amplectendi, hoc est divina Fide credendi, sine labe Virginem fuisse conceptam, cum sibi persuadeat id fuisse a Deo revelatum. Tertiam denique Certitudinem sententiæ Scotisticæ tribuit, quam Plerique, ait, adstruunt; videlicet non ortam ex pura Dei Revelatione in Scripturis contenta, & clare sibi nota, sed ex consensu Academicarum, ex universalibus Patrum locutionibus, aliisque non paucis, quæ hic referre, non est præsentis instituti. Multos enumerat ita sentientes, usque adeo ut scribere Veritus non sit Johannes de Cardenas in Crisi Theolog. Tract. I. Disput. 9. num. 255. Post Bullam Alexandri VIII. quotquot de Conceptione scripserunt (præter Caramuelem & Murciam) affirmarunt, sententiam piam esse in statu Certitudinis, non Fidei, sed Moralis, Physicæ, & Metaphysicæ. Ita Parthenotimus, qui in tertia ista Opinione conquiescit. Et ne quis dubitet, quid hac in re sentiant, qui Voto Sanguinario se se obstringunt, ait pag. 54. Existimat Lamindus, quod pie voventes, & Voti Pietatem commendantes solummodo opinentur, Virginem ab Originali labe fuisse præservatam. Sed in eruditione Theologica hospes est, aut videri vult. Nam Theologorum plerique Certum id putant & tuentur. Addit pag. 62. Pie voventes ac jurantes jam sibi non ut Probabilem, sed Certam persuadent primævam Virginis Immunitatem. Denique pag. 78. hæc habet: Qui vovet Virginis Immunitatem tueri, necesse est, ut persuadeat sibi, quod re ipsa Virgo immunis fuerit a macula. Gratiæ sint Parthenotimo, qui disertis tandem verbis significat, quæ sit sua, & quæ sit Voventium mens in emittendo Voto de fundendo Sanguine pro Immunitate Virginis.

Profecto neque illi, neque cuicumque alii Scotisticam sententiam veluti Certam tuenti, ac voventi etiam illius tutelam, quidquam obistere mihi animus est, dum in ore & scriptis ejusmodi tutela consistat. Hanc sententiam laudavi, iterum laudo, non uti Certam, sed uti Probabilem ac Piam. Non enim desunt graves conjecturæ & congruentiæ ad eam persuadendam; & quamvis explicite non habeatur in Scripturis sacris, neque in Sanctorum Patrum scriptis, implicite tamen contineri posse in iis videtur. Neque contrariam sen-

rentiam explicite habent divini Libri. Quod si Patrum Sententia Immunitatem hanc a Deipara excludere videntur, curant ejusdem patroni, ut illorum dicta explicant, sibi que minime contraria ostendant. Denique pia huic Sententia favent Romani Pontifices. Quare etsi Certa reputaretur a multis, immo ab innumeris, nullum ex hac persuasionem in Ecclesiam, nullum in ejus doctrinam, uti neque in Rempublicam incommodum fluere. Nam ut ait Ephraem Antiochenus apud Photium Codice 228. *Disputatio illa de questionibus ad Fidem minime spectantibus, recte quidem se habeat, si optatum finem veritatis assequantur. Sin autem ab eo excidant, id quidem non bene successerit: non tamen in exitum animae vergit.* At quando nonnulli super istam Opinionem, & illius, ut sibi videtur, qualiscunque ea sit, Certitudinem superedificare volant, ejusque firmitatem adeo extollere, ut pro ea, non secus ac pro Veritatibus ad Fidem pertinentibus, animam ponere decernant, alioquin ad idem faciendum sollicitant, novum hoc additamentum ingentes, namque maximi momenti res est, in quam intentus sit quilibet oportet, ejusque examen suscipere, tum Ecclesiae, tum Republicae proximi interest, ne detrimentum grave aut nunc, aut aliquando in Ecclesiam ipsam & Populum ex hujusmodi doctrina emanet. Et enim si Opinionum fines nondum excessit Sententia Scotistica, & nihilominus Christi Fideles vident, non deesse Theologos, qui sentiant ac suadeant, posse licite pro illa Vitam impendi, dum sibi homo persuadeat, Certam eandem esse: jam ad credendum induci possit, si eere Christiano etiam pro Opinionibus tutandis animam ponere (quod falsum omnino ac imprudens est) aut sufficere Persuasionem, ut Certum sit, quod adhuc *Dabium* est, atque in linea Opinionis adhuc conclusum; simulque eandem Persuasionem satis esse, ut Christianus eligat mori, ac inde speret laudem ac praemium a Deo, immo & nomen *Martyris*. At hoc sane, ut vidimus, minime in Ecclesia Dei tolerandum, quum *Persuasio* ista in rebus ac sententiis ad Fidem minime spectantibus ducere possit incautos ad propugnandum non minus Verum, quam Falsum, Vitamque fundendam aequae pro Errori ac Veritate. Beatissima profecto nunc est pax Ecclesiae, abestque a temporibus & oculis nostris ferale spectaculum illud, quo Fideles, uti olim, pro doctrina Fidei animas generose & prudenter ponebant, ita nunc pro sententia Scotistica de Conceptione atrocissimis tormentis & gladiis Vitam imprudenter exponant. Sed quid, si aliquando id contingeret, neque a temeritate excusari possent sponte pro causa ista ruentes in mortem? Nonne probris onerandus esset, qui non unum hominem, sed integros Populos ad supplicium contra mentem Dei & Ecclesiae

clesiæ adduxisset? Nonne reliqua Chriscicolarum gens rectius edocta, & a Sanguinario Voto abstinens, hosce tam improvide occumbentes miraretur ac doleret, veluti mentis inopes, aut ab imprudenti Devotionis æstu miserrime extra orbitam abreptos? Quare & Ecclesiæ Catholicae decus, & Reipublicæ ab omnibus curanda utilitas, poscit, ut ejusmodi doctrina sine mora ad amissim Veritatis exigatur, ac potissimum postquam Parthenotimi studio eam palam protectam, ac longe lateque jam disseminatam sentimus. Quod mihi majores etiam animos facit, Apostolica Sedes numquam agnovit *Certam* eorum sententiam, qui pro incontaminata Virginis Conceptione pugnant; eoque minus quidquam protulit, quo tolerare, nedum probare censenda sit novum hoc, atque ut ego reor, novitium ac falsum Martyrii genus. Probat Ecclesia uti *Piam* sententiam Opinionem de Immunitate Mariana, præbo & ego. Verat eandem impugnari, non impugno. Id unum mihi sumo, illam ostendere minime Certam, aut saltem non ita Certam, ut prudenter, ac sine temeritate & peccato pro ea Sanguis effundi possit. Hoc minime vetuit Sancta Sedes; immo si ex hoc ipso examine tandem constabit, Sanguinarii Voti patronos abuti favore, quem Ecclesia piæ sententiæ impertitur, illudque Votum cedere in ipsius Ecclesiæ injuriam, atque in perniciem publicam: spes mihi est, non solum æquo animo, sed etiam grato excipiendum hunc meum, qualicumque sit, pro ipsius Ecclesiæ doctrina & gloria laborem.

Itaque præmitto duo certissima in Quæstione de Conceptione Virginis. Alterum est, potuisse Deum eximere a Peccati Originalis macula Matrem futuram divini Filii sui, Qui negare hoc auderet, omnipotentia Dei contumeliam inferret. Alterum est, æque potuisse Deum finire, ut Virgo non diversa a reliquis Adami filiis conditione conciperetur, eam mox sanctificaturus. Quod ubi sivisset, & contigisse pateret, summa adhuc esset Mariæ Sanctitas, summa & dignitas; neque ulli, nisi impudenti ac impio in mentem veniret, minoris facere Deiparam, quam hætenus universa Christianorum Respublica fecerit, aut æquitatem desiderare in Deo. Non enim consilia Dei, consilia hominis: quod & ipse per Isaiam Cap. LV. vers. 8. denuntiavit, inquiens: *Non enim cogitationes meæ, cogitationes vestrae: neque viæ vestrae, viæ meæ, dicit Dominus.* Utra vero ex hisce viis Deo placuerit in Conceptione Deiparæ, & quid revera tunc operatus fuerit omnium conditor Deus, non e ratiunculis ingenii nostri est erendum, sed ex ipsius Dei Revelatione, sive scripta in sacratissimis Libris, sive per Traditionem Patrum ad nos transmissa. Et quidem revelaveritne Deus, an non, jam per quinque vel sex Secula disputatur, & adhuc sub Judice lis est. Porro neque ignota Ecclesiæ hæc

hæc disputatio, neque ab ea neglecta; immo notissima; quando tot jam Bullæ Pontificum hæc de re prodierunt, ipsumque Tridentinum Concilium quæstionem sub oculis habuit. Quid tamen inde? Sixtus ipse IV. Pontifex, Ordinis Minorum, qui primus legitimum de celebri hujusmodi controversia decretum emisit, quamquam ante Pontificatum pro Scoti sententia Librum scripsisse feratur, nihil tamen aliud decrevit, nisi ut nemini liceret eam Sententiam Hæresis aut Impietatis arcessere; idemque de contraria constituit. Exploratum pariter est, subsequutos quoque Pontifices incertam reliquisse utramque Sententiam, quamvis ad evitanda contentionis scandala Thomisticæ patronis silentium prudentissime indixerint. Hinc autem duo principia fluunt inconcussa. Primum est, tam sententiam faventem Immunitati Virginis, quam adversantem, tenebris adhuc circumfunderi in Ecclesia, & versari adhuc utramque in Incertitudine apud Apostolicam Sedem; quæ veri, falsi, ac dubii constituta a Deo fuit index & iudex, falli nescia. Secundum est, in incerto esse, ac futurum esse, quamnam in partem inclinatura erit Ecclesia, si quando maturius examen quæstionis hujus suscipere velit, ac definitivam proferre sententiam.

Quamobrem ubi quempiam audimus, cui Certa sit alterutra ex hisce sententiis, animadvertendum e vestigio est, triplicem dari Certitudinem. Prima est *Fidei Divine*, quum nempe sine ulla dubitatione credimus aliquid a Deo revelatum, testimonio Ecclesie, quæ columna est & firmamentum Veritatis, innixi. Secunda est *Evidentiæ*, quam Philosophi *Objectivam* appellant, videlicet quum obiectum adeo clara ac certa demonstratione & cognitione ab Intellectu apprehenditur, ut aliter esse non possit, neque aliter excogitari. Ejusmodi Certitudinem in compluribus, immo & innumeris tam *Physicis* & *Metaphysicis*, quam *Moralibus* notionibus reperimus; atque hæc evidentia Intellectum tanta efficacia determinat, ut pariat cognitionem certam atque infallibilem, excludatque omnem merito suspensionem Erroris. Tertia est Certitudo *Persuasionis*, quæ *Subjectiva* in Scholis nuncupatur, hoc est, quum Evidentiæ & Certitudinæ objectiva deficiente, Probabilibus propositionibus nihilominus firmum præstamus assensum, non quod evidenter intrinsecam Veritatem obiecti intueamur, sed quod rationes pro illa propositione tam fortes, debiles vero pro contradictoria aut contraria propositione, se se nobis offerunt, ut Intellectus noster in illa non Veritate certa, sed apparentia Veritatis, conquiescat, ac se falli vix posse putet. Postrema hæc Certitudo locum item habet in plurimis, immo innumerabilibus notionibus tum speculativis, tum practicis, Scientiarum,

rum, & Artium, humanique commercii. Veritatem enim nudam, sive Certitudinem Evidentiæ, sæpissime assequi possibile non est; ac propterea satis est Intellectui arripere Verisimile ac Probabile, sive Probabilius, quando ipsam certam ac evidentem Veritatem non potest. Et quidem ultra quam vulgo credatur, vastissimum est regnum Opinionis. Hæc autem *Certitudo Persuasionis*, quæ aliud denique non est, nisi *Persuasio Certitudinis*, trepidationem saltem aliquam, ne Error eidem Persuasioni subit, secum semper adducat oportet, quum Evidentia absit, ac propterea objectum possit esse aliud ab eo, quod nobis apparet, ac nobis persuademus. Tot hominum Judicia, sive in Theologicis, sive in Physicis, atque in actibus humanis, perpende. Præter illa, quæ ex Evidentia cognoscimus, aut Fide Divina infallibiliter credimus, innumera sunt alia, de quibus judicamus, & quæ multis, non satis circumspecte Veritatem inquirentibus, Certa etiam videntur. At in postremis hæc quanta Incertitudo! quanta Erroris facilitas! Immo non desunt, qui scribant, ipsam Evidentiam ac Certitudinem Moralem compossibilem, ut ajunt, esse cum Falsitate. Proinde Sapiens istis numquam tam firmum præbet assensum, ut certissimam Veritatem, sive *Certitudinem Objectivam* assequutum se credat, deponatque omnem errandi metum. Qui vero improvide & inconsulte agit, pro Certis quotidie plurima immerito habet, minime animadvertens, judicium suum ex ignorantia proficisci, aut ex neglecto maturiori examine, aut ex animi affectibus Intellectum subducentibus, aut denique ex præsumptione ac superbia: quum contra alii cautius, ac majori sinceritate & diligentia agentes, eadem aut Falsa credant, aut saltem Dubia ac Incerta agnoscant.

Venio nunc ad geminas de Conceptione Virginis oppositas sententias; ac puto mecum me habiturum concordem Parthenotimum, asserentem, neutram posse sibi tribuere Certitudinem Fidei aut Evidentiæ. Ergo superest, ut quam ipse Certitudinem de Scotistica Sententia profert, non aliam appellare possimus, nisi *Certitudinem Persuasionis*. At hæc ipsa sine formidine saltem aliqua Erroris esse non potest, ut diximus; & consequenter verbis quidem ea sententia veluti *Certa* a nonnullis appellatur, at re ipsa nihil aliud est, quam *Opinio*, quæ formidinem Erroris semper conjunctam habet, aut habere debet. Parthenotimus ipse pag. 18. *Actum Opinativum* habere se fatetur de Immaculata Conceptione, contendens, tantummodo, *Pietatem, Veritatem illam esse, pro qua morerentur Voto Sanguinario additi, & quæ certo inest Actui Opinativo* de ipsa Conceptione. Tum pag. 62. scribit: *Pie Voventes ac jurantes, jam*

sibi non ut Probabilem, sed Certam Persuadent primævam Virginis Immunitatem. Ac proinde apud Voventes sita est in *Persuasione* Certitudo illa, non vero in objecti Evidentia, ejusque cognitione; & per consequens Erroris metum excludere non potest; nec debet, prout fatebitur quicumque prudens ac sapiens est. Ita tot aliis propositionibus Scholasticæ & Moralis Theologiæ, Physicæ, Metaphysicæ, Historiæ &c. adhæret Intellectus, servata tamen prudenti aliqua dubitatione, nunc majori, nunc minori, Verum-ne, an Falsum sibi persuaserit. Quare nihil est, quod Theologus noster clientibus suis deprædicet, *plerisque Certam* videri Scotisticam Sententiam. Certam quippe ii ipsi ita habere credendi sunt, ut non abjiciant omnem Erroris ac Falsi metum. Et quidni? quum ne ipse quidem Parthenotimus alibi audeat asserere, se illam habere pro *Certa*. Ei tantummodo sufficit dicere pag. 28. *Non est igitur adeo clarum, ut sibiimet Pritanius blanditur, quod pia sententia sit Opinio, & mera Opinio, cui subesse possit Falsum.* Sed quando is etiam Johannem de Cardenas adduxit, scribentem, *sententiam piam esse in statu Certitudinis, non Fidei, sed Moralis, Physicæ, & Metaphysicæ*, uti jam asseruerant tres Hispanici Scriptores ab ipso de Cardenas commemorati; atque hæc a Parthenotimo adducuntur, ut animus addatur voventibus Sanguinem & Vitam pro ejusmodi sententia: non hæc sane toleranda, utpote *femina doctrinæ*, quæ in apertum abusum vergunt decretorum Apostolicæ Sedis, & credulitatem falsam, & Martyres antea ignotos invehere in Catholicorum Rempublicam possunt. Neque enim Summi Pontifices vetando, ne Scotistica sententia impugnetur, vetuerunt etiam, ne impugnaretur quicumque contra Ecclesiæ Romanæ mentem Decreta Apostolica interpretatur, atque iis abutitur, ad impellendum temere in mortem nimis credulos **Christi Fideles**.

CAPUT IX.

Sententiæ Scotisticæ minime tribuenda Certitudo formidinem quamvis excludens . Quæ Romanæ Ecclesiæ intentio sit in statuendo Festo Conceptionis . Quantum a Falsitate quavis abhorreat Ecclesiæ . Vincibilis Ignorantia ac Error tribuentium Certitudinem Intrinsecam Scotisticæ Opinioni . Non hæc hausta e Sanctis Patribus . Ecclesiæ Romana tantummodo ut Probabilem & Plam eandem Sententiam agnoscit .

Dico ergo, deliria esse præ Phantasiæ asserta hæc Cardenæ, neque eum de temeritatis culpa excusari posse, dum Scotisticæ Sententiæ Certitudinem tribuit *Moralem, Physicam, Metaphysicam*, ubi is suadere velit, aut Evidentiam cum ista Certitudine conjungi, aut nullam amplius superesse dubitationem de Veritate ejusmodi sententiæ; nosque ita certos de ea esse, uti certi sumus, Alexandrum Magnum, ac Julium Cæsarem Romanorum Imperatorem olim vixisse, & cras Solem oriturum; & unum cum duobus junctum facere tria. Universa enim Catholicorum Respublica evidenter novit, ejusmodi *Evidentiam* ac *Certitudinem* desiderari in sententia Scotistica; immo novit, ipsam evidenter in *Incertitudine* positam, postquam Ecclesiæ, disputationis conscia, ita sententiam illam probavit, ut suam vim & credibilitatem contrariæ numquam ademerit. Et quidem obtestor ego Proceres in primis omnes Ecclesiæ Romanæ, tum doctos quoslibet viros, ut edicant, an quisquam Romanorum Pontificum litem istam hætenus diremerit. Negabunt omnes, & Cardenam aut ridebunt, aut audaciæ damnabunt, quod ex institutione Festi Conceptionis (cujus tum ipse, tum Parthenotimus pag. 41. ajunt, *objectum esse præservationem Virginis ab omni macula* ex Alexandri VII. Bulla) contenderit, ascendisse Scotisticam sententiam ad statum *Certitudinis Moralis, Physicæ, & Metaphysicæ*. Immo e præmissis suis plus quam ille intendit potuisset inferre, videlicet Festo Conceptionis a Romana Sede probato, sententiæ quoque eidem accessisse Fidei divinæ Certitudinem: quod tamen minime factum omnes agnoscunt, neque ipse Cardenas diffitetur. Quod ergo hac in re verum est, Festus dies Conceptionis ante aliquot Secula institutus a Singularibus quibusdam, Eccle-

sis, a Sixto IV. deinde probatus fuit, & peculiari etiam Officio ornatus; demum vero a Sancto Pio V. ad universam Ecclesiam propagatus. Verum sub Innocentio X. ex occasione cujusdam Decreti sacrae Inquisitionis Romanae, interdicentis appellari *Festum Immaculae Conceptionis*, acris disputatio renovata est, contendentibus quibusdam, sub nomine *Conceptionis* nihil aliud ab Ecclesia celebrari posse ac debere, quam *Sanctificationem* Virginis, non vero *Præservationem*: Hispanicorum querelis ac precibus fatigatus Alexander VII. anno 1661. controversiam hac ratione sustulit. Nimirum de mente Ecclesiae, quod est ad illud Festum, nihil statuit; sed quidem eorum Fidelium *Pietatem* commendavit, qui *secundum piam sententiam*, tribuentem Deiparae in primo instanti Immunitatem a macula peccati Originalis, & in hoc sensu ejus Conceptionis Festivitatem solenni ritu colunt & celebrant; & volens *laudabili hujus Pietati, & devotioni, & Festo, & cultui secundum illam exhibitis favere*, dicitur decernit Festum celebrare, cultumque Conceptionis ejusdem Deiparae *secundum piam istam sententiam* exhiberi; præcipiens, ne quisquam audeat illorum Pietati ac intentioni adversari. Sed ne unum quidem verbum addidit Pontifex, quo alios improbare, qui secundum alteram sententiam sub diversa consideratione *Sanctificationis* solenne habent Festum illud. Quare etsi aliquando Decretum Apostolicae Sedis Emamaret (hoc autem possibile nemo negat) quo Thomistica sententia de Conceptione Virginis ad Fidem spectare statueretur; attamen ita res composita est, ut adhuc illud Festum in suo vigore una cum suo Officio, ac Indulgentiis conservandum foret. Interca quid de hoc Festo, cujus causa nobis insularum olim ac nuper Heterodoxi, quasi sibi Ecclesia contradicat, dum Festum celebrat, & nihilominus pro Incerta sententiam habet, responderint insigne duo S. R. E. Cardinales, de Polemica Theologia optime meriti; juvat heic repetere. Primus est celeberrimus Cardinalis Bellarminus, Societatis Jesu, (cujus verba etsi Cardenas temere falsitatis arguit, supposito falso ipse immixtus) ita loquitur Lib. III. de Cultu Sanctor. Cap. XVI. *Dico secundo; fundamentum hujus Festi præcipuum non esse Conceptionem Immaculatam, sed simpliciter Conceptionem Matris Dei futurae. Qualiscumque enim fuerit illa Conceptio, eo ipso quod Conceptio fuit Matris Dei, singulare gaudium affert Mundo ejus memoria; tunc enim primum habuimus pignus certum Redemptionis.* Alter vero est Clarissimus S. R. E. Cardinalis Vincentius Ludovicus Gotti, Ordinis Prædicatorum, nunc vivens, purpurati Senatus ornamentum, qui in Libris de vera Christi Ecclesia contra Pigeninum Hæreticum

Part. II. Tom. II. Art. XIV. §. V. post Bellarmini verba hæc addit : *Huc respexit Clemens XI. in sua Constitutione pro ipso Festo die VI. Decembris 1708. Cujus Conceptio gaudium annuntiavit universo Mundo. Atque ut nemo in animum inducat, voluisse illam hoc facto dirimere controversiam, non illud appellat Festum Immaculatae Conceptionis Beate Virginis Mariæ, sed Festum Conceptionis ipsius Beate Mariæ Virginis immaculatae.* Certam porro est; & ab aliis præcedentibus Pontificibus *Immaculatae* titulum detractum fuisse & Conceptionis Festo. Neque exemplo caret ejusmodi genus Festi; nam Græci, ut erudite monuit idem Cardinalis Bellarminus, celebrant a multis Seculis Festum *Conceptionis Sancti Johannis Baptiste*, quem tamen nemo credit a contagione culpæ originalis præservatum. Ac proinde etiam Græci ipsi Festum quoque celebrant Conceptionis Sanctæ Annæ, quam nos Conceptionem Virginis appellamus, nihil ad rem facit exemplum hujusmodi, quum & hoc factum videamus de Johanne Baptista. Adde & a Latinis omnibus idem Præcursoris Festum per plurima Secula celebratum fuisse die XXIV. Septembris, nam ut Cl. V. Daniel Papebrochius & Soc. Jesu adnotavit ad diem XXIV. Junii in Act. Sanctor. Cap. 2. §. 2. Festum Conceptionis Johannis Præcursoris, diversum ab ejus Nativitate, *inscriptum est vetustis omnibus Latinis Martyrologiis, Hieronymi, Bedæ, Adonis, Ufuandi, Notkeri, Rabani. Nec invenio, qui Festum illud omiserit notare ad diem XXIV. Septembris, ante Bellarium de Padua, hoc est usque ad annum 1498. Vide etiam Calendarium ad calcem Agnelli Ravennatis editum Part. I. Tom. II. Ren. Italicar. pag. 218. ubi idem Festum commemoratur. Quamobrem recte quidem faciunt, qui secundum piam Scoti sententiam Festum celebrant Conceptionis Deiparæ; sed nihil ibi insistendum, ut Certitudo aliqua sententiæ ipsi concilietur. Hac de re vido præsertim, quæ differuntur a celebri Scriptore Societatis Jesu, mihi jam non semel laudato, & sæpius infra laudando, qui in *Carone circa Roman. Pontif. Veritat. VIII. pag. 153. inter alia scribit de Conceptione immaculata Beate Virginis: Quamvis certum sit, eam non esse de Fide; quia tamen pium est, & admodum probabile, aut etiam probabiliter certum, Beate Virginis Conceptionem fuisse exemptam originarie noxæ: merito Ecclesie Rectores religiosam ejus cultum omnibus Fidelibus præscripserunt. Quippe, ut is ait, cultus ejusmodi ex prudenti judicio desertur.**

Neque tamen heic stetit quorundam confidentia; nam uti nuper memoratus Cardenas scripsit (quod repetere necesse est) *Theologi præcipue Hispani, jamdiu ostendunt, etiam ante Bullam Alexandri XII. hanc*

hanc sententiam non esse in gradu Probabilitatis, sed ascendisse ad omnimodam Certitudinem, non Fidei, sed Moralem, Physicam, & Metaphysicam: post Bullam autem Alexandri VII. sententiam piam esse multo evidentiorē. Immo inter paucos suos Scriptores Bellarminum quoque recenset, qui tamen disertis verbis Lib. IV. Cap. KV. de amiss. Gratiae statuit: *Non haberi apud Catholicos pro ve Certa & explorata, ac Fide Catholica tenenda, Beatam Virginitatem sine peccato fuisse conceptam.* Tum id solum contendit, *Non esse hanc ipsam Opinionem temerariam, sed Piam admodum ac Probabilem, atque adeo contraria sententia Probabiliorē.* Quae plena modestia ac moderatione nemo non videt. Atque hoc unum sufficere posset ad prodendum, quam caute in reliquis adjungenda sit iis fides, qui tanta confidentia Certitudinem Moralem, Physicam, & Metaphysicam de sententia Scotistica, nimis incaute genti, & contra Ecclesiae mentem, olim venditarunt, & quidem ante ipsam Alexandri VII. Bullam. Sed undenam nata ejusmodi Certitudinis persuasio? Libere dicam, e fraudibus, quas nonnulli contexuerunt olim, ea spe fortasse ducti, sibi fas esse quidquid vellent etiam temere comminisci, ac inepte effutire, quum obstructa essent ora contentibus. Sed basilice falluntur, qui ita Summorum Pontificum Bullas, ac mentem interpretantur, ut patent, ne licere quidem ulli hincere, si quando signenta & commenta exeruntur in patrocinium causae alioqui bonae atque laudabilis: ac praecipue si quisquam iis abutatur, ut Populum Fidelem in mortem inconsultam infestissime impellat, Felices nimium imposturae forent, si palam prodire possent, revelari, & argui palam a nemine possent. Quis non videat, gravem injuriam sanctissimae Sedi Apostolicae inlatum iri ab eo, qui in animum induceret, atque contenderet, silentio indicto uni factioni per Ecclesiam, alteri relictam fuisse licentiam quidlibet audendi, hoc est fingendi atque mentiendi? sublatumque omnibus etiam jus haec ipsa detegendi atque accusandi? Nemo quippe ignorat, quantopere Ecclesia ipsa execretur quaecumque in Religione signenta. Neque illa Veritatis custos unquam patrocinata est, aut patrocinabitur Falsarius, eorumque fortibus abominandis. Praecipue vero quum agitur de Dogmate persuadendo atque statuendo (re videlicet omnium gravissima & delicatissima) uti horrendum facinus est haec aliquid falsi adhibere aviditate victoriae referendae, ita in summum dedecus ac opprobrium Catholici Populi cederet, si pacifice & liber cursus hisce ludibriis apud nos permitteretur, & nemini liceret adversus illa insurgere. Atque hoc ipsum accidisse in Conceptionis Quaestione, & in Hispania praesentium, brevi ostendemus.

Ne quis tamen heic fallatur, neve ego minus videar morigerus erga Summorum Pontificum Bultas, quibus venerationem ac obedientiam deberi ab omnibus, atque a me in primis, agnosco: antequam ultra procedam, monitum hæc paucæ Lectorem volo. Nempe adesse tanti ponderis rationes, congruentias, & conjecturas pro Immunitate Virginis (*Probabiles tantum, congruentesque rationes eas* appellat loco nuper laudato celebratissimus Cardinalis Bellarminus) ut *Probabilem* eam innumerorum mentibus reddiderint; Certitudinem vero illam, quam per vetustiora Secula sententia contraria sibi tribuere videbatur, & ipsam ad *Probabilitatis* limites deduxerint. Quare non immerito, donec accuratius perpendantur utriusque Opinioni momenta, Romani Pontifices decernere, neutram ex his inhonestam aliqua gravique censura esse censendum. Has ego rationes veneror, has intactas volo, utpote quas Sixtus IV. alique Pontifices impugnari noluerunt. At si quis Probabilitate ista, quam etiam maiorem contraria credere ac appellare cuique licet, minime contentus, alia fabricat non probata ab iisdem Pontificibus, & præter, immo contra eorum mentem, audet adeo Certam, exploratam, indubitatamque deprædicare ejusmodi sententiam, ut pro ejus tutela mortuæ vitam æternam, immo & coronam Martyrii polliceatur: insurgendum quibusque doctis est, & serio examine novæ hujus doctrinæ, ejusque confectariorum suscepto, succurrendum est Populo in omnem credulitatem prono, ne imprudenter feræi carnificinæ se tradat, & ne incaute Incertum pro Certo assumens, & somniatâ Certitudine fretus, Verissimum, Certissimum, ac Evidens bonum Vitæ suæ profundat. Itaque ajo, si quisquam in eum sitent, ut Christi Fideles pertrahat ad asserendam Sanguine suo Scottificam sententiam, eam *Moraliter*, aut *Physicæ*, aut *Moraphysicæ* Certam esse contendit, in *Errore* versari, eoque *vincibili*; & *Ignorantiâ* laborare, eaque *vincibili*. Quod aliquis rerum Christianorum minus peritus, atque in Theologia hospes credere possit, pertinere aliquid ad Fidem, quod revera non pertinet, ne pro tali sententia, quam is invincibiliter Veram credat, mortem subire cum laude possit ac debeas, si occasio poseit, & ego concedo. At ejus Error ac Ignorantia tam solum Invincibilis dicenda, ac proinde excusanda erit, quum diligentiam, quam potest, ante adhibuerit, ut erudatur a doctis de vera Ecclesiæ doctrina. Hanc enim omittens, temere is ac imprudenter morti se tradet. Veram quod Viri docti putent, aliisque persuadeant, tam exploratam esse Veritatem Immunitatis Mariæ, ut non solum liceat, sed opus famanæ Virtutis sit pro ea tuenda gladiis impiorum se offerre; *Vincibilis* est, atque inexcusabilis hæc error,

error; ipsique jubentur prius diligenter, ac deposito omni privato affectu investigare, num revera subsistat in Objecto, an tantummodo in Persualione sua ejusmodi Certitudo. Theologi quippa ignorare non possunt, aut non debent, præter *Firmitatem Intellectualem* proveniente[m] e clara ac evidenti cognitione objecti, dari etiam *Firmitatem Affectivam*, hoc est quum Voluntas aliquo raptu affectu imperat assensum Intellectui, & vult ut credat, quæ sibi proponit: cujusmodi Firmitatem passim in Hæreticis deprehendimus, qui pertinaciter credunt falsissima Sectæ suæ Dogmata. Nullo autem negotio Error hic atque Ignorantia deponetur in questione de Immunitate Deiparæ, si debitæ non parcatur diligentia. Nam quis, rogo, Certitudinem hanc hauriat e *decretis Romanæ Ecclesiæ*, quando evidens est, Incertam adhuc esse apud illam utramque de Conceptione sententiam? Neque hæc Certitudo e *divinis Scripturis* peti potest, quum ex ipsorum hujus sententiæ tutorum confessione nullus divinarum Litterarum locus adseratur, unde saltem explicita doceamur, Virginem originalis maculæ expertem fuisse, Mysticus vero, Allegoricus, & Typicus sensus numquam aptus fuit ad fundandum Dogma de divina Revelatione, non aliunde nota.

Neque Certitudo hæc e *Patribus* expectanda, uti Parthenotimus censuit, postquam Petavius Vir Cl. e Societate Jesu, quantacumque diligentia usus in deducenda ex iis Catholicæ Ecclesiæ doctrina, ubi de Conceptione Virginis agit, hoc est Lib. XIV. Cap. II. de Incarnat. nullum ex antiquis Patribus adducendum pro ea sententia novit; immo quos ipse deprompsit, in contraria sententia fuisse aut fatetur, aut suspicatur. Et quandoquidem Ferdinandus Quirinus de Salazar anno 1618. vel 1622. spissum Opus edidit pro Defensione Immaculatæ Conceptionis, in quo multa congeffit Sanctorum Patrum loca pro eadem sententia, idque & alii postea præstiterè, quid de illorum labore sentiat Doctissimus Theologiæ Dogmaticæ restaurator, aut parens, non est omittendum. In eorum vero plerisque (ita ille scribit) uti *Pietatem*, & *ornandæ sanctissimæ Dei Matris conatum* & *studium probare soleo*: sic in illa questione tractanda, *diligentiam* & *Criticam sagacitatem requiro*. Nam nec in citandis Auctoribus *FIDEM*, ac *delectum adbibent*, qui omnium maxime necessarius est; & quos ex antiquitate idoneos arcessunt, eorum dicta *FALSIS* interpretationibus, & alienis ab eorum mente detorquent. Non est necesse de singulis hoc loco dicere. Porro neque ex universalibus Patrum assertionibus ea Certitudo manare potest, quum idem Petavius animadverterit, inferri nihil posse e Latinorum Patrum dictis, aut e Græcorum versionibus, *Intemeratam* aut *Immacula-*

culatam appellantibus Deiparam; quum ejusmodi Voces aut ejus in-
violatam Virginitatem, aut ab omni iniquatione peccati actualis;
etiam levissimi, immunitatem significare possint. En ejus verba:
*Etenim si quid apud veteres, Græcos præsertim, increpuit, quod Bea-
tam Virginem ἀχπαρτος, ἀφθαρτος, ἀμάρτος, idest illibatam, incor-
ruptam, impollutam, & id genus alia ferare videtur: in hoc tam-
quam secundo Mercurio sibi oblatum involant, & ad rem suam ac-
commodant; sed non est consequens. Siquidem illi etiam, quibus pla-
cuit, originali contactum labe fuisse Virginem, partim in utero ipso,
antequam nasceretur, partim sub ipsum Redemptoris conceptum, tan-
ta gratiæ sanctitatisque copia superfusam esse putant, ut omnes origi-
nalis morbi reliquiæ, cum ipso, qui dicitur, fomite Concupiscentiæ,
sanatæ, vel in perpetuum compressæ fuerint &c. Frustra igitur sunt,
qui iis & similibus ex vocabulis, quæ summam in Beata Virgine
munditiam, integritatemque significant, confectum sibi negotium pu-
tant, ut apud quos ista repperint, eos sibi in testimonium asciscant
illius, quem probare volunt, intacti, immaculati que Conceptus.*

Demum ad eam Certitudinem persuadendam frustra commemora-
tur *Academiarum & Populorum Consensus*; etenim postquam e pru-
denti Ecclesiæ decreto sublata est contrariæ sententiæ fautoribus lo-
quendi & scribendi facultas, campusque liber unis Scotificæ patro-
nis est relictus: incertum est, quid Viri docti revera de hujusmodi
Quæstione sentiant. Nam quod pleræque Academiæ hanc ample-
ctantur, id factum, quia aut hanc Probabiliorem altera, aut ma-
gis Piam arbitrantur: quo more tot alia in Scholis propugnantur,
quæ Probabilia tantum esse, non Certa creduntur. Et sane referri
huc possunt Caramuelis verba in Theolog. fundament. num. 312.
fund. V. latiori significatione ab eo concepta, sed a me restricta
ad solam quæstionem de persuasionem Certitudinis. *Hodie, cujus opi-
nionis sint Doctores, nescimus. Nam si qui contrariam tenent, præ-
cipiuntur tacere, aut loqui nobiscum, qui piam defendimus. Ego quam
opinionem habeam, scio; quam habeas, nescio. Nec ex verbis eam col-
ligere possum; nam si forte severam teneas, nec licite, nec impune
illam proder. Et si prudens sis, malles in materia Probabili (damna-
re enim hæreseos piam sententiam, delirare est) & te accommodare
Superiorum dictamini, quam coram Deo in conscientia, coram Mun-
do in honore & commoditate pati jacturas & censuras. Quamquam
hæc sunt superflua, quum fateatur Parthenotimus ipse pag. 77. dis-
sensionis compescendæ causa nuncupata fuisse Vota ac juramenta Aca-
demiarum, quemadmodum in Hispaniis pro Immaculatæ Conceptionis
defensione accepimus nuncupata. Ac proinde non quod Certum sine*

formidine Erroris eam sententiam putent, Academiae censendae sunt ei adherere, sed quod unam illam tradi posse in Scholis, Apostolicæ Sedi obsequentes animadvertunt. Facultas ipsa Parisiensis, quæ Seculo XV. ac præcipue vigente Basileensi Concilio, adeo fervida fuit in tuenda Scoti sententia, ac deinde Maldonato Viro. Cl. e Societate Jesu neganti hujus sententiæ Certitudinem, negotium non leve successit, æstum illum jamdiu deposuit, agnovitque & in ista controversia, quantum præstet non tantum auctoritas, sed & sapientia Romanæ Ecclesiæ, quæ decretum Concilii Basileensis de Conceptione Virginis expunxit, & pro nihilo habuit. Ita vero ab eo fervore declinavit celebris illa Academia, ut nullam crearet Johanni Launojo molestiam, qui circiter annum 1675. Librum edidit mihi minime visum, sed ut ajunt, temerarium adversus eandem sententiam: quam Parisiensium Theologorum indolentiam dolet Auctor Historiæ de Controversia Conceptionis. Denique etiam si daretur recentiorum consensus in istam sententiam, inde tamen inferri illius Certitudo nequit, quum vel ipsi Scotisticæ Opinionis Sectatores Probabilem & Piam agnoscant etiam Opinionem oppositam, eamque apud antiquiores *Communem* fuisse non negent, quamquam nunc suam magis Piam ac Probabiliorē, quam altera, arbitrentur.

Quod tamen omnium maxime considerandum est, semper ineluctabile illud argumentum recurrit, numquam tribui posse sententiæ Scotisticæ Certitudinem *Moralem*, neque *Physicam*, neque *Metaphysicam*, quoties ab ista Certitudine exclusam velis omnem Erroris formidinem, ex quo Ecclesia Romana Veritatis magistra pergit adhuc eam considerare uti Incertam ac Dubiam, eamque dumtaxat habet, ut Probabilem ac Piam. Quo posito, Incertum quoque sit oportet, si quando dirimere velint controversiam istam Summi Pontifices, utram e duabus sententiis decreturi sint ad Fidei doctrinam pertinere: quod sibi ipsis reservarunt statuendum. Gregorius etiam XV. anno 1622. hisce verbis scripsit ad Regem Catholicum, instantem & urgentem, ut Immaculatam Conceptionem definire dignaretur: *Cum nondum æterna Sapientia Ecclesiæ suæ tanti mysterii penetrabilia patefecerit, in Dei, Romanorumque Pontificum auctoritate debent fideles Populi conquiescere.* Quid est ergo, quod nonnulli acquiescere nolentes Pontificum auctoritati, incauto Populo tanta confidentia annuntiant, Revelatam implicite fuisse in divinis Libris & Patrum scriptis Immunitatem Marianam, idque jam *ascendisse ad omnimodam Certitudinem*, *Moralem*, *Physicam*, & *Metaphysicam*? Nōne hoc est, apud domesticos, eoque magis apud hostes, argue-

re, aut traducere veluti cecos & obstinatos non solum adversæ sententiæ sectatores, sed & socios ipsos, qui eam tantummodo Probabilem censent? Nonne hoc est, Romanam Ecclesiam exponere probris, quasi ipsa aut præ ignorantia illud non videat, quod tamen in oculos audacium ejusmodi Doctorum incurrit; aut defectu Pietatis erga Deiparam, post tot Secula; post tot Populorum, & Regum preces, uti Incertam adhuc & Dubiam vigere sinat adeo celebrem controversiam? Abeat ergo somniata ista Certitudo, & firma stet illa tantum pia Probabilitas, quam in sententia Scotistica agnovere Summi Pontifices, omnesque Catholici agnoscunt. Et ubi Parthenotimus veritatem hanc discere a me nolit, discat saltem a semetipso, dum pag. 55. scribit: *Existimat Lamindus, quod pie voventes, si solum opinarentur, Virginem ab originali labe præservatam, voverent defendere ut veram certamque Virginis præservacionem. Etiam hic decipitur; quandoquidem dumtaxat iidem putarent, quod dum falsitas ignota est, & apparentia pro Veritate fiat præservacionis, licitum & honestum sit illam defendere. Istud autem neque periculosum neque falsum est; etenim si deprehenderetur Veritas, & hæc esset in sententia Piæ contraria, Votum desineret: cum ad mentem & decreta Summorum Pontificum mos sit vovendi ac jurandi. Hæc quæso Lector consistat, atque animadvertat, consequi ex hujus Theologi doctrina, neque periculosam, neque falsam esse vovendi etiam Sanguinem & Vitam pro tuenda Immunitate Mariana, tametsi dumtaxat apprehendatur ut Opinio: nam, ut is ait, dum Falsitas ignota est, & apparentia pro Veritate fiat præservacionis, licitum & honestum est illam defendere. Dixi, istud consequi ex ejus doctrina; sed reapse id ipse directe docere mihi videtur; nomine enim Vovendum significat eos, qui animam pro pia sententia tuenda se posituros jurant. At erit eorum, qui e specula vigilant, ne periculosa & falsa dogmata venditentur in Ecclesia Dei, considerare, an tolerandus sit qui doceat: licitum esse ac honestum pro Opinionibus tuendis ultro mortem subire; idque ea ratione firmet, quod dum Falsitas ignota est, satis est Apparentia Veritatis ad legitime ruendum in gladios. Quis sapiens non videat, quam periculosa & falsa sit hujusmodi doctrina? Quantum vero ad illos attinet, quos Parthenotimus ait, vovere Vitam pro pia Sententia, quia Certam si ipsi putant & tuentur, potuisset ac debuisset ipsemet fallaciam deprehendere ritus hujus ac voti. Nonne fatetur ipse hoc in loco, fore ut Votum continuo evanesceret, si deprehenderetur Veritas, & hæc esset in sententia Piæ contraria, cum ad mentem et decreta Summorum Pontificum mos sit vovendi ac jurandi? Nonne idem repetit*

pag. 71. voventes non aliter nuncupare Vota, quam sub hac, quam passim exprimunt, formula: *Juxta Summorum Pontificum Decreta jam edita, aut deinceps edenda?* Ut omnes intelligunt, nihil aliud significat ejusmodi protestatio, nisi se tamdiu tutaturos eam sententiam, quamdiu illam tueri sinet Romana Ecclesia; atque ab ea se illico recessuros, ubi secus ab ipsa Ecclesia decerneretur. Veniat ergo Parthenotimus, aut quisquam alius, *Certitudinem* sine formidine tribuens defensoribus Scotisticæ Sententiæ. Ipsa eorum Vota ac iuramenta oppositum clamant. Fieri non potest, quin sit *Opinio* sententia illa, cujus adhuc *Veritas* aut *Falsitas* ignota est: quod & fateari coactus est illius tutor Parthenotimus, agnoscens, definitionem hanc judicio Sanctæ Sedis esse reservatam, & posse per novum ejusdem Sedis decretum constare, *Veritatem esse in sententia Piæ contraria*. Interim vero, dum pendet ejusmodi judicium, si quis e Voventibus Sanguinem funderet pro tuenda Scotistica sententia: nonne patet, ipsum pro *Opinione* Vitam profusurum, idest imprudenter, temere, & peccando, ut supra ostendimus, atque ut Parthenotimus pag. 18. sentire & ipse videtur, scribens: *Quis umquam somniavit, pro Incerta Opinione fas esse jugulum offerre Carnifici?* Discant ergo Sanguinari Voti clientes a præceptore suo, abesse a Voto suo *Certitudinem* Intrinsecam, Objectivam, Moralem, Physicam, & Metaphysicam, quando cras potest a Romanis Pontificibus deprehendi *Veritas* in contraria Thomistarum sententia; ac proinde Votum suum tantummodo fuisse ædificatum super *Apparentiam Veritatis*, cui subesse etiam potest *Falsum*; eaque de causa se tradere tortoribus & lictoribus pro tuenda Opinione hac, idest *Apparentia* illius *Veritatis*, a temeritate ac peccato excusari non posse.

C A P U T X.

Unde persuasum multis, dubitationem omnem de veritate sententiæ Scotisticæ sublatam fuisse. E confectis in Hispania quibusdam Historicis. Ex aliis itidem monumentis commenticiis.

SEd quei, denique postules, factum est, ut tam firmo assensu Scotisticæ de Conceptione sententiæ adhæserint nonnulli, atque inter eos non pauci doctrina Theologica exculti? Ad Populum quod attinet, non est heic numerandum illius suffragium; is enim credit quod audit, neque contrariæ sententiæ adhuc vigentis rationes umquam audit. De unis ergo doctis est interrogatio. Iterum repeto, quod

Eruditi omnes in Italia, Germania, & Gallia norunt, sed Parthenotimo, & aliis sub alio cœlo viventibus adhuc ignotum videtur: repeto, inquam, ut Siculorum, quos magni facio, multumque diligo, necessitati succurram. Fraudes, figmenta, falsæque interpretationes, quæ se se in istam intrudere controversiam, rationibusque legitimis, quas Theologi melioris notæ pro Immunitate Virginis attulere, & quas non solum Probabiles ac Pias agnovit, sed etiam intuitu pacis impugnandas vetuit Apostolica Sedes, se se addiderunt: in causa fuere, cur Certitudinem, ignotam adhuc Romanæ Ecclesiæ, omnibusque rite Eruditis, nonnulli sibi persuasierint se intueri in eadem sententia. Non est una auri sacra famas, quæ mortalia pectora ad infanda pertrahat. Interdum & hoc facit immoderata gloriæ & existimationis cupiditas. Atque utinam nullum hujus veritatis exemplum in Pietatis regno haberemus. In *Pietatis*, inquam, *Opinativæ*; non in *Fidei*, ac *solidæ* sive *Intrinscæ Pietatis*; postremum enim hoc firmum semper fuit, firmumque semper erit ex promissione Dei, neque portæ Inferi adversus illud prævalebunt. Itaque dico, non defuisse olim, in Hispania homines, qui hac aviditate gloriæ mirum in modum succensi, & potissimum cupientes videri apud Populum tum doctrina, tum Pietate erga Sanctissimam Dei Genitricem, præstare contrariæ sententiæ fautoribus, nihil intentatum reliquere, ut victores evaderent in controversia de ejusdem Conceptione. Fieri id non posse recte illi perspiciebant solis rationibus Probabilibus, quas ad ea usque tempora docti viri adhibuerant, & Ecclesia uti verisimiles ac pias exceperat, atque probarat. Quare ad aliam vincendi rationem se contulerunt: congersere quippe e veterum monumentis multa, additisque falsis interpretationibus, eadem in rem suam pertrahere. Multa etiam confinxere; neque enim nova sunt eorum detestanda exempla, qui mentiri pro gloria suæ patriæ, immo & pro Pietate, non erubuerunt, fortassis etiam licere putarunt. Et quidem tanto successu progressu temporis peracta res est, ut non Populo tantum, sed & piissimis Regibus Catholicis persuasum plane fuerit, nihil dubitandum amplius de Veritate Scotificæ sententiæ; immo ejus tutelam ac propagationem esse peculiare officium ac debitum (*Impegno* nos appellamus) generosæ Hispanicæ gentis, quum Veritatem & Cultum istius Mysterii Hispania, prima omnium, peculiari privilegio ab Apostolis acceperit. Notum est, quantum regionum illarum Populi, quibus & Lusitanos jungo, amore gloriæ ferveant, ac potissimum ad hanc inhiare in Pietatis rebus, & recta Fide Catholica in sinu suo conservanda. Sed simul notum est, felicissimam illam gen-

gentem, quæ acutissimi ingenii viros parit, totque insignes Theologos, duobus præcipue postremis Seculis, Ecclesiæ dedit, non adeo felicem semper fuisse in melioris Criticæ, solidæque Eruditionis cultura. Itaque illuc interdum non difficilis aditus ipsi imposturæ fuit, dum Pietatis faciem hæc præferret. Neque vero ibi desideratum, quam suere gravissimi viri, subacto iudicio, & Eruditione prædari; sed non semper eis licuit nimium præcipiti minus doctorum torrenti obistere, ubi res erat de augenda aut minuenda gloria Nationis. Satiùs propterea illi duxerunt sibi sapere, & publica odia vitare, aut etiam filere sunt iussi.

Et ne quis putet, me temere heic loqui, uno exemplo rem confirmabo. Anno 1594. cura Hieronymi Romani de la Higuera famosi Impostoris, coepit se ostendere apud Hispanos Chronicon *Flavii Dextri*, cujus Historici mentio est apud Sanctum Hieronymum; idemque post aliquot annos etiam publici juris factum fuit. Succesere deinde alia veterum Chronica aut Opuscula felicissime reperiata, atque e tenebris eruta, *Marci Maximi*, *Braulionis*, *Liutprandi*, *Juliani Toletani*, *Auberti Hispalensis*, & *Helece*. Nihil gloriosius visum fuit magnanimæ genti, quam tot patriæ suæ antiquitates, tot Sanctos antea ignotos e pretiosis hisce promptuariis accipere. At scripta hæc nil aliud erant, quam solemnes male feriatorum hominum imposturæ; atque adversus illa non unus in Hispania ipsa insurrexit. Sed nihil profuit. Adeo affatus gloriæ animos reliquorum invasit, ut meliores diutius stare in acie, immo aliquid contra hircere periculosum deprehenderint. Rem accipe ab egregio Scriptore Hispanico, qui extra Hispaniam suæ gentis honori consuluit, hoc est a Nicolao Antonio, cujus Bibliothecam veterem Hispanicam edidit Romæ insignis vir Joseph Cardinalis de Aguirre, qui & ipse ejusmodi figmenta Tomo II. Concil. Hispan. Dissertat. III. libera sinceritate sugillavit. Inquit autem Nicolaus Antonius Hispalensis Canonicus, & Sancti Jacobi Eques, Lib. II. Cap. VIII. *Visa in publica hominum luce illustrium horum virorum, alias celebrium, tam propria secundaque rebus Hispaniæ nostræ monumenta, vetuti ex orci faucibus erepta, miram quantum exultare, subsultare omnes, qui aliquo honoris sensu, Pietatisque ruerentur, statim fecere; provincias, urbes, Ecclesiarum Collegia sacra, Religiosorum hominum coetus efferte se, ac nova sibi delata in gremium, clarissimorum civium, sodalium, tutelarium, inclytarum actionum gestorumque olim famæ celebris ornamenta iudicare, confectæque invictæ & gratulari: tanquam si Pyrenæi salus igne iterum correpti, Hispaniæ, quantæ est, fines omnium metallorum, liquescentium torrentibus inundavissent.*

fent. Addit infra: *At quamvis huic facilitati res tam novas credendi, non unus aut alter ex nostris, cui dextra in parva mamilla cor saliret, indignatus, continere intra prudentia limites Civium nostrorum Philantiam, quæ vera Iudicia omnes faciabat partes tam verbis præsentibus, quam scripto per litteras diu procuravissent: victi demum, suppressique, & quasi tacere compulsi sunt, prævalente suffragiorum numero, ac lenocinante cæco Patriæ amari novæ mercis cupiditate. Nisi quod ante aliquot annos re penitus considerata, casuque repertis non quidem levibus suspitionis argumentis, negotium pœne jam apud nos confectum retractari coepit, advocata ad partes libere sentiendi, quæ rationis compates sumus, ac dicimur, facultata; fereque jam ea res processit, ut admoneri se nostri Cives non ægre patiantur, a novis his Chronologicis Historiæ nostræ non lætas vires, sed tumorem inditum; & quæ turgida & inflata sit, habitioem falso apparere. Hæc Nicolaus Antonius; quem excessisse limites moderatæ Censuræ quum ait Auctor Historiæ de Conceptione, vereor ne risum Eruditorum commoverit, quibus nempi adulari mos est, sed unam Veritatem scrutari, eamque intrepide annuntiare. Si verum est, Hispanos haud ægre nunc pati, se de spuria origine hujusmodi Chronicorum moneri, sperandum est fore, ut æquo etiam animo patiantur se admoneri de falsis monumentis, quæ in quæstionem de Conceptione Virginis irreperere. Vereor tamen, ut hoc omnibus persuadeam. Nam et si adulterinos illos fœtus aut abjecerint, aut impugnarint Johannes Baptista Perez, & multi e Societate Jesu doctissimi Viri, Petrus Ribadeneyra, Johannes Mariana, Ferdinandus de Salazar, Cornelius a Lapide, Melchior Inchofer, Philippus Labbe, atque in primis Clarissimi Patres ex eadem Societate, Bollandus, Henschenius, Papebrochius, ceterique, qui Antuerpiæ Acta Sanctorum a tot annis illustrant; & licet Marchio de Mondexar in suis Dissertation. Ecclesiast. imposturam meridiano sole clarius prodiderit; attamen teste prælaudato Cardinali Aguirrio, imperitorum hominum, aut semidoctorum vulgus, immo etiam alias doctorem nonnulli, in oppositum clamant, voluntque, ea scripta esse cedra digna & veneranda. Et clamabunt, dum severiori Criticæ diligentioris operam navent, discantque Veritatis amorem Patriæ suæ amor præponere. Et revera prodit anno 1727. Tomus I. Historiæ Academiæ Regiæ Lusitanæ, atque ibi pag. 100. quæritur, quis futurus sit usus ejusmodi Scriptorum, *Dextri, Lustrandi* &c. Multis statuitur eorum pretium. Et quid refert, ajunt, quod Scriptores nonnulli eorum Historias impugnarint? Alii Auctores æque bonæ notæ easdem probaverunt, ac propugnaverunt. Et numquid non pro illis pugnarunt, utii*

ut ii memorant (sed meliorum iudicio pro dealbando Æthiopæ) Bivarius, Carius, Tamayus, Higuera, Ramirez de Prado, Morenus de Vargas, Johannes Marques in Defensorio Augustiniano, Quintanadvegnas in Sanctis Hispalensibus, & undecim docti Viri in Martyrologio Lusitano efformando? En quid faciat immodici gloriæ sitis, & quo pascantur interdum homines etiam ingenii sublimis, qui non decus Literaturæ, sed dedecus, tanto ardore sibi mereantur.

Age vero paucis innuamus nonnulla, quæ aut adulterinæ originis producta fuere, aut falsis interpretationibus depravata, per vim pertracta fuere in subsidium Hispanicæ potius, pœnie dixi, quam Scotificæ sententiæ. Nam etsi ea sint Eruditis notissima, fortasse tamen alicui minus perito supervacanea non erit brevis illorum commemoratio. Primo itaque venditarunt *Concilium Apostolorum*, in quo definita fuit Immunitas Deiparæ ab Originali Peccato. Sosa, Velasquez, & Messias de la Cerda referunt Apostolorum in hanc rem effata, e Granatensibus Laminis, de quibus infra sermo erit, ut puto, excerpta. Sanctus Andreas dixit: *Quando totam humanum genus damnatum fuerat, totum perierat, totum privatum fuerat hereditate: tu sola Virgo a communi omnium damnatione preservata fuisti.* Sancto Matthæo hæc verba tribuuntur: *O Maria Immaculata, scirpus es modo carens. Multiplicabuntur festivitates tuæ, augebuntur festa tua.* Sanctus item Thomas hæc addidit: *Et Adæ peccato prævisso non fuisti cum aliis omnibus condemnata.* Denique Sanctus Mathias ait: *In peccato concepta non fuit; omni gratia, & omni sapientia fuit impleta; neque ullum donum creaturæ conveniens fuit illi denegatum.* Ineptissimas habes imposturas, quas exsecratur quicumque honorem Ecclesiæ vere amat. Et nemo sanè e doctis, nisi desipiendo, fidem adjunxit Concilio, apertissime in gratiam Conceptionis confecto. Nam quod apud Surium in Actis Sancti Andree ad diem 30. Novembris Sanctus idem Apostolus dixisse traditur, nempe: *Quomodo de Immaculata terra factus fuerat homo primus, qui per lignum prævaricationis mortem intulerat: necessarium fuit, ut de Immaculata Virgine natus Christus perfectus homo, qui est Dei Filius, vitam æternam, quam perdiderant omnes, repararet: præterquam quod Acta illa sunt dubiæ fidei, nihil ea verba ad Conceptionem Beatæ Mariæ faciunt, quam Virginem Immaculatam, Virginem Inviolatam, non nos tantum, sed antiqui etiam omnes agnoscere, hoc est Virginem ante partum, in partu, & post partum.*

Secundo, ut in Hispanorum corda altius infingeretur Immaculatæ Conceptionis tutela, quasi peculiare decus illius gentis, persuasum est

est Regibus piissimis ac Populo, institutum fuisse vel ab ipsis Apostolis in Hispania Festum ejusdem Conceptionis, & a Sancto Jacobo præcipue deprædicatam fuisse præservationem Deiparæ. *Flavius Dexter*, Sancto Hieronymo synchronus, de quo nuper sermo fuit, in suo Chronico, ad annum 308. hæc scripsit: *A Jacobi prædicatione celebratur in Hispania Festum Immaculatæ & Illibatæ Conceptionis Dei Genitricis Mariæ*. Cujus pretii sit Chronicon Dextri, nihil attinet ultra monere. Alter Scriptor, qui Seculo VI. floruisse fingitur, in scenam prodiit, nempe *Marcus Maximus Episcopus Cesaraugustanus*, cujus hæc verba ex Hymno quodam referuntur. *Hæc, idest Deipara Virgo, jam Jacobo Apostolo, & suo consanguineo, Eodem jubet conficere cunctis manentem Seculis. Ostendit ille fo. bilarem, suoque natalitio Conceptionis aureæ templo manent encomia. Conceptionis hinc diem Jacobus Hispanos docet, & prædicat, ceu ceteri, ab omni labe liberam. Hinc mos habet principium, hunc celebrandi jugiter Populis Iberis diem, qui perdurat usque bodie*. Et iste putidissimus est Scriptor, in officina tantum Higerz natus Seculo XVI. Profertur & Charta, si Superis placet, vetustissima, exarata videlicet Seculo VII. in qua Wamba Hispaniæ Rex donat Abbati Sancti Salvatoris Villam & Ecclesiam Libiz ea conditione, *ut quotannis celebret Festum Conceptionis Beata Mariæ, Hispanis prædicatæ a Sanctissimis viris, Jacobo, Petro, & Paulo, Apostolis Domini*. Quis, rogo, impudentem imposturam & heic non sentit? Præterea e Chronico edito ab Hispanis Liutprandi, qui Seculo X. floruisse dicitur, ad annum 676. insigne hoc testimonium profertur: *Beatissima sedes de Columna (del Pilar) in Urbe Cesaraugustana, quæ constructa est jussu Virginis a Beato Jacobo, cum in Hispania prædicavit Anno XXXVII. a Nativitate Domini, & consecrata ejusdem Immaculatæ Conceptioni (quam omnes Apostoli prædicaverunt ubique) hoc tempore celeberrima, multorum peregrinorum contubernio visitatur*. Delirum tantummodo caput hæc in hominum commercium attulisse potuit; & sane Pseudo-Liutprandi istius Chronicon jam ab omnibus Eruditis, præterquam ab Hispanis, exhibitum est. Additur & *Julianus Toletanus*, qui anno 1037. vixisse fertur. Ita ille in Chronico jam edito anno 1618. Erat *Bernardus Archiepiscopus Toletanus, Beata Virginis devotissimus, qui faciebat celebrare Festum ejusdem Domina cum magna devotione, & fecit celebrare devotius Festum Immaculatæ Conceptionis ejus, quod prædicavit in Hispania Sanctus Jacobus, & incepit ab Apostolis in Concilio decernentibus*. Idem quoque in Advers. num. 395. ait: *Traditio ab Apostolis in Concilium congregatis, Beatam Virginem Marianam*

Peccato Originali incontaminata esse. Sed & iste Scriptor, ejusque Chronicon, ab Eruditis omnibus, si paucos Hispanos excipias, jamdiu sententiam damnationis subiere, & inter manifesta commenta exulant. Tertio, Segoviensis Ecclesia anno 1621. publico juramento & voto testata est, se a temporibus Apostolorum per hereditatem accepisse *Traditionem publici Cultus Immaculate Conceptionis*; atque didicisse a *Beato Hierotheo discipulo Sancti Pauli*, & *prima Episcopo Segoviensi*, tueri, ac celebrare *Illibatam Conceptionem Deiparae*. Paria testata est iisdem temporibus Ecclesia Abulensis, principium hujus Traditionis referens ad *Sanctum Secundum discipulum Apostolorum*. Tolosanam quoque Ecclesiam antiquissimis temporibus idem Festum celebrasse ajunt, ejusque festivitatis mentionem occurrere in *Messidi Mozarabico*, & in Martyrologiis *Sancti Hieronymi*, *Bedae*, & *Ussardi*, atque in vetustissimo *Kalendario Capuano*: quæ omnia meræ fabulæ ab Eruditis dignoscuntur. Si ejusmodi Traditionibus fides præsumma gens Hispanica, quis non videt, aereo plane fundamento suam fidem niti? Ad hæc, magno plausu in ea regione excepta est Visio quædam, quæ Eliæ Prophetæ de *Nubecula orta e mari* facta traditur, quæ significabatur *Deipara infantula*, quæ jam in suo ortu esset munda ab omni peccatorum sorde. Licet namque *Nubecula* illa esset originaliter ejusdem naturæ cum mari; alterius tamen fuit qualitaris. Nam quævis in quolibet alio homine natura humana instar maris sit in sua origine ita amaritudine peccatorum & vitiorum pondere pressa, ut fateri cogatur: *Iniquitates meae supergressæ sunt caput meum*; *Beata tamen Maria de hoc mari*, idest natura humana, aliter fuit cæta, quia in suo ortu non fuit onerata amaritudine delictorum. Legitur hæc Visio in Libro de Institut. Monachor. Cap. 32. qui Joanni Hierosolymitano Patriarchæ quadragesimo quarto tribuitur. Floruisse autem iste creditur iisdem temporibus, quibus Sanctus Hieronymus & Augustinus. Sed hæc somnia esse, jam Eruditi omnes consentiunt; & Liber ille recentiorum Seculorum foetus est, ab aliquo Carmelita compactus, fabulisque, visionibus, ac formis de Eliæ Prophetæ ad saturitatem repletus, quo tempore jam disputabatur de Conceptione Virginis. Quamquam negari etiam possit de ipsa Conceptione illic agi, quam tantummodo Auctor loquatur de ortu. Hisce addidit *Pauli Orosii* celebris Scriptoris Hispanici, qui Seculo V. floruit, luculentum testimonium. Is enim hæc habet in Epistola ad Eustochium, sive ad Heliodorum & *Coram Deo novi*, & in veritate comperi, quod nulla mulier in partu periclitatur, supra quam devote *Mariae gratia* imploratur, & dies Conceptionis ejus celebratur. Sed & hæc Epistola nihil aliud est, quam purum

rum patrum signentur eorum, qui pravis artibus in suæ sententia subsidium uti non sunt veriti. Quid? Quod & Lezana & Velasquez in confirmationem puritatis originalis Deiparæ adducunt *Concilium Epheſenum Tertium*, & *Conſtantinopolitanum Sextum*, & *Nicænum Septimum*, ubi *Maria Immaculata* dicitur. Quo titulo etiam alii Græci Patres Deiparam exornant. Verum nuper auctoritate Petavii vidimus, nihil hæc facere ad Virginis Conceptionem. Sancti quoque *Ambrosii*, *Cyrilli Alexandrini*, aliorumque Patrum adulterina & conficta loca adferunt, quæ commemorare nihil attinet, uti neque privatas Revelationes, quibus notum est, Ecclesiam non uti ad firmanda Dogmata, non aliunde nota, sanctissimæ nostræ Religionis.

C A P U T X I.

Basileensis Concilii auctoritas perperam heic adhibita. Uti & Tridentini & Gersonii. Adulterina Lamine Granatenses quam acriter propugnata, & ab Apostolica Sede tandem damnata.

ET ecce qualia vincendi estus aut procudit, aut ab aliis præcisa accepit, ut quæ sententia e germanis Theologorum placitis, & quorundam Patrum locis, ac summorum Pontificum decretis, Probabilis erat, ac est, Certa etiam, & Antiquorum Traditione confirmata videatur. Dolendum sane, inclytam gentem Hispanicam, tam prudentem, tam doctam, sivilisse diu, ac finire, & ludificari hisce fabulis. Dolendum, ejusmodi comments, ex Hispaniis ad nos commigrasse nonnullorum consilio, ut post suam nostram quoque gentem, si possent, volentem nolentemque ad credendum adducerent, nullam amplius dubitationem superesse de Certitudine Scotificæ sententiæ. Est mihi Liber anno 1673. Mediolani typis æreis clandestine impressus, cui titulus: *Epilogo de' fundamenti, e delle ragioni, che fonda & efficacemente persuadono l'Immacolata Concezione della Vergine, e la di Lei prossima Doffinibilita*. Ejus Auctor dicitur P. Andreas Mendo, Catholicorum Regum Philippi IV. & Caroli II. Concionator, qui & in Libro *Statera Opiniorum*, a Romana Congregatione prohibito, hoc argumentum pertractasse affirmatur: Ibi potissimum locum invenere fabellæ, hæcenus superiori Capitulo recensitæ. Quæ quum ego improbo, & quisque cordatus mecum profecto improbabat, jam omnes intelligere possunt, int. nihil iustitias adversus doctrinam illibere

Conceptioni Virginis faventem, quæ non impossibilis nãitur, sed rationibus ab ipsa Sancta Sede probatis; immo pro illa me dimicare. Nam si titulis confectis atque mendaciis quisquam sibi sumat eandem tueri, nã ille Populum seducit, atque ad unum tandem lucrari potest, ut ab ea credenda vel ipsos antea credentes imprudentia sua ac mala fide avertat. Græviter ergo, quantum lubet, pro Virginis Privilegii Opinione piorum ingenia pugnent. Bonam causam protegent, quum stant pro gloria, quamquam Opinativa, Alius, cui *sest magna qui Potens est*. At fraudibus & fabulis in causa Pietatis uti, quo Falsum credatur Verum, aut Incertum jam Certum, non leve tantum crimen est, sed ingens Impietas. Et præsertim si id agatur, ut doctrina Fidei reputetur, quod tale nequaquam est: nam huc, uti infra videbimus, nonnullorum conatus collineant. Porro eadem ratione arguendus erit, quicumque traditur adulterasse loca Patrum in contrariæ sententiæ patrociniũ, aut Revelationes confinxisse Conceptioni Immaculatæ adversantes. Hæc omnia execrantur probi viri, Veritatis unius, non gloriæ propriæ amantes; & præsertim execratur Apostolica Sedes, quotidie vigil & sollicita, ne falsitati aditus sit; & perosa illos, qui secundum quod prædixerat Apostolus II. Timoth. IV. vers. 3. *sanam doctrinam non sustinent, sed ad sua desideria concervant sibi magistros, prurientes auribus*. Et a Veritate quidem dubium avertant, aut Fabulas autem convertantur. Quod etiam æquo animo minime ferendum est, quidam sunt, qui existimationis propriæ cauti custodes, commenta ejusmodi non jam impudenter adhibent, sed ita pro sua sententia adferunt, ut illorum nosint præstare veritatem; simul tamen ipsa congerunt, Lectorique propinant; rati non defuturam bonam gentem, quæ hisce etiam impossibilis ac ineptis adhibeat fidem. Atque hæc præter alias non paucas rationes fuisse videtur, cur sacra Romana Congregatio hominum oculis eneptam voluerit Historiam controversiæ de Conceptione Virginis, anno 1700. Panormi editam, hisce fabulosis aut falsis monumentis minime destitutam. Neque multa laude dignus Parthenoticus noster, qui pag. 47. *Ut autem, ait, dicamus, quod in Revelatione, scripta aut tradita, prævineatur sententia, tot Doctorum consensus sat esse videtur*. Consensere Patres Concilii Basiliensis, qui rem hanc iussu Eugenii IV. vocantur ad terminam; & hoc tulere decretum: *Doctrinam de Immaculata Conceptione nunquam piam & consonam calari Ecclesiastico, Fidei Catholicæ, ac recte rationi, & sacre Scripturæ ab omnibus Catholicis approbandam fore, tenendam, & amplectendam*. Et quamquam hæc non habenda sit tamquam Patris definitio, quippe Basiliensis Concilium exisset in *Acephalam* & *Schismaticum*,

cum, nihilominus illorum Patrum auctoritati, quo ad punctum præsens, nedum deferat Natalis ab Alexandro plus ceteris; verum etiam deferunt plerique Theologorum, & Concilium Avenionense anno 1457. Consensere aliquot Episcoporum decanibus in Concilio Tridentino, solum quinque dissidentibus, teste Nicolao Lancitio Tom. 2. Opuscul. II. Cap. 13. qui legit acta ejusdem Concilii, quæ afferuntur in Castro Sancti Angeli; & ex eisdem colligitur, quod parum absit, quin communi Patrum calculo definiretur.

Diligentius quæro studeat Parthenotimus iis, quæ sibi affirmanda sunt, ne fucum faciat clientibus suis. Falsum omnino est, quod is scribit, videlicet Basileense Concilium rem hanc jussu Eugenii IV. vocasse ad trutinam. Quo tempore Basileensis coetus decretum illud confecit, hoc est XV. Kal. Octobris anno 1349. ad paucos contra Eugenium Papam contumaces redactus fuerat; & non solum nullam ipsi Papæ obedientiam præstabat, sed eundem exautorare, Hæreticumque declarare ausus jam fuerat. Eugenius vero tunc Generale Concilium, Basileensi irritato, Florentiæ agebat. Vide Odoricum Raynaldum in Annalibus Ecclesiasticis ad annum 1439. Quare tunc revera decretum Basileense de Conceptione emanavit, quum ii magis alieni ab Eugenio IV. erant, atque is in illos iratus. Secundo, cum veritate pugnat, Natalem ab Alexandro illorum Patrum auctoritati, quo ad punctum præsens, detulisse plus ceteris. Tantum abest, ut Natalis Alexander multum hac in re Basileensibus deferat, ut diserte scribat, ab iis minime definitam questionem, sed tantummodo tamquam Piam ab iis promuntiatam fuisse. Et commemoratis decretis in hanc rem summorum Pontificum, non aliam ait esse sacre Facultatis Parisiensis sententiam, quam quæ Concilii Tridentini, & Romanæ Ecclesiæ; neque ab ea haberi uti Fidei Dogma Conceptibnem Immaculatam Deiparæ. Tertio, ridet contra Veritatem pugnat, plerosque Theologorum deferre hac in re Concilio Basileensi auctoritati. Nam quicumque injurii esse volunt veris Summis Pontificibus, pro Schismaticis habent Concilium Basileæ temporibus iis congregatum, atque a definitionibus tunc ab eo promulgatis recedentes, con- quiescant in Pontificis Decretis, quibus universæ Ecclesiæ hac in re, etiam & Gallicæ, religiose obsequantur. Quarto, Avenionense Concilium, quod anno 1457. celebratum dicitur, a Labbeo viro diligentissimo, cui magna Conciliorum Collectionem acceptam reformatus, frustra conquistum fuit; ejusque mentionem tantummodo habemus in Hippolythi Maracci Libris pro Immaculata Conceptione editis, quos præscripsit sacra Congregatio

Romana. Et quamvis etiam germanus sit scetus, non plurimum causa ista faciendus est, quam ipsa Basileensis Synodus, cuius decretum Ecclesia Romana abiecit, aut correxit. Quanto, neque fidem merentur, quæ Parthenotimus, testimonio tantum fretus Lan-
citii, refert de Tridentino Concilio, quasi *parum obfuerit, quin com-
muni Patrum calculo sententia Scotistica definiretur, & solum quin-
que dissensisse*. Certe major fides Cardinali Pallavicino, immortalis
nominis Historico, debetur, qui Libro VII. Cap. VII. Histor. Con-
cil. Tridentin. tradit, nequaquam fuisse disputationem de celebri
hac Quæstione tunc dirimenda, sed tantummodo de Formula, quæ
e decreto de Peccato Originali excipienda esset Deipara, intactis de
illius Conceptione contrariis sententiis. Quum propositum fuisset
Pie credi, Virginem sine Peccato Originali conceptam, ne hoc qui-
dem tulere i Vescovi, e gli altri che intervenivano dell'Ordine Do-
minicano, ed ebbero de' seguaci. Addit, ex ipsis tribus Legatis Pon-
tificiis, Cardinalem de Monte adductum fuisse sententiæ Scotistica de
Conceptione; secundum, idest Cardinalem Cerveinum, Thomistica
adhæsisse: quæ vero tertiæ sententiæ foret, sibi incompertum esse.

Denique Parthenotimo pag. 37. tantopere urgendum non erat,
quod Gersonius scribit, videlicet: *Beatam Mariam non fuisse conco-
ptam in peccato Originali, de his veritatibus est, quæ noviter sunt
revelatæ, vel declaratæ tam per miracula, quæ legimus, quam per
majorem partem Ecclesiæ, quæ hoc modo tenet*. Hæc Gersonius in
Sermon. de Conceptione. Irascitur autem Theologus noster Du-Pi-
nio affirmanti, Gersonium tantummodo censuisse *Probabilem*. O *Pia*.
Immaculatæ Conceptionis sententiam. Vellet, ut opinor, Theologus
noster, persuadere clientibus suis, a Gersonio habitam tamquam
Articulum Fidei sententiam de Immunitate originali Deiparæ. Et-
iam si id credidisset Gersonius, num, rogo, nostris temporibus idem
sentire licebit contra Ecclesiæ Romanæ decreta, e quibus eviden-
ter deducimus, a tam sublimiloco abesse ejusmodi sententiam? Sed
neque istud credidit Gersonius, qui in eodem Sermone post pauca
addit: *Securius est sic tenere, quam oppositum, contra hoc quod vo-
luerunt dicere aliqui, quod esset hæresis expressa, vel peccatum mor-
tale, contra quos Universitas Parisiensis determinavit*. Idem etiam in
Lib. de suscept. human. Christi Verit. XI. tribuit Virgini Conce-
ptionem ab omni labe puram, additque: *Veritas hæc Probabilis est*
O *Pia*. Idem repetit in Epistola ad Johannem Bassandi. Tom. I.
pag. 45r. Quid ergo in Du-Pinium hac de causa invehitur Siculus
noster? quum is pura puta Gersonii verba laudarit, atque addide-
rit & ista ex ejus Conclusionibus impressis Tomi II. Part. II.
pag.

pag. 287. Ad Episcopos non spectat propositionem aliquam hæreticæ, quæ ex se, & de jure **PENITUS DUBIA EST**, an ad Fidem pertineat repugnantem, neque est scandalosa, & potest sine periculo ejus veritas vel falsitas ignorari. Exemplum de istis: *Virgo Maria fuit concepta in peccato Originali*, & de similibus, quæ apud maximos Doctores in Theologia, non corruptos in affectu, vel intellectu, judicantur Probabiles, neque scandalizant, neque oportet eas sci- re ad bene vivendum, vel credendum. Quare nullam hæc in Dupinio hallucinationem inveniunt Lectores, sed quidem in Theologo nostro, cujus invektivam & rationes contra Editorem Operum Gersonii, atque abusum Gersonianæ ipsius sententiæ, nihil est quod ultra expendamus.

Atque hisce aut fabulis, aut contortis in alienum sensum Veterum sententiis antea prædicant nonnulli, & adhuc, ut vidimus, deprædicant, sententiam præservationis Virgineæ a labo Originali de Probabili, qualem Ecclesia agnoscit, evasisse Certam. Addiderunt & nonnulla Sanctorum Patrum loca, nullo sane delectu, utpote e supposititiis scriptis petita, aut e veris pessime explicatis, scilicet Sanctorum Cypriani, Hieronymi, Ambrosii, Augustini, Bernardi &c. Exemplum unum dabo. E Libro contra quinque Hæreses, quem Augustino multi tribuunt, sed recentiori, antiquissimo tamen, Scriptori tribuendam norunt Eruditi, hæc verba desumunt: *Hanc, quam despicias; Manichæe, mater mea est, sed manu fabricata est mea. Si potui inquinari (Codex Colbertinus fatigari) cum eam facerem, potui inquinari, cum ex ea nascerer. Sicut transitu meo illius non est corrupta Virginitas, sic mea ibi non est maculata majestas. Saulis, unde sordes in Virgine matre, ubi non est concubitus cum homine patre? Unde sordes in ea; quæ nec concipiendo libidinem, nec pariendo est passa dolorem? &c. Sicut ille natus est Solus inter mortuos liber, sic istius, ex qua natus est, matris pudor Solus est integer. Quid virium in oculos internos & externos hominis habeat affectuum altius, numquam evidentius, quam ex hoc loco deprehendas. Pro Immaculata Virginis Conceptione adfertur, atque hæc evidentissime de Conceptione Christi sermo est, qui in purissimo Mariæ utero conceptus, neque ab ea inquinamenti quidquam retulit, neque ei intulit. Immo contra ipsam Scoti sententiam militat hic locus, dum ratio, quare neque Maria, neque Christus sordes contraxere, quum in utero ejusdem Virginis Verbum Dei caro factum est, illa est toties a Patribus inculcata, quia nulla libido interfuit, & nullus cum homine patre concubitus, Spiritu Sancto immaculatum illum præparante factum: quod de Sancta Anna concipiente Ma-*

Mariam verificari non potest. Et quid quæso significant verba illa: *Sicut Christus natus est SOLUS inter Mortuos liber, sic Maria postquam SOLUS est integer?* Habes hæc vim vocis *Solus*. Attamenrum supereff magni momenti, quo olim nisi sunt non timentes pro Pietate mentiri, ut absolutam Piæ ac Probabili sententiæ Certitudinem procurarent, Anno, ut vidimus, 1594. emergere coepit Pseudo-Dactyl Chronicon. Anno insequenti 1595. effossa sunt in Hispania in Granatensi agro in Monte, quem deinde Sanctum appellarunt, Corpora, quæ dicebantur esse Sanctorum Cæcilii primi Granatensium Episcopi, Ichn Tarifensis, ac Thesiphontis Boriensis, discipulorum Sancti Jacobi & Martyrum. Ibi quoque *Lamina* quædam *plumbæ* effossa, *Arabicis literis exarata*. Interpretes conquisiti retulere, spectans *Laminarum* tempora Apostolica; miraquæ *Mysteria* continere, ibique in primis legi disertam mentionem *Deiparæ sine labe Conceptionis*. Fatetur *Audax* Historia Conceptionis, universam Hispaniam incredibili lætitiæ persuasam ex effossione tanti thesauri, & inusitata pompa tunc conceptam celebrari ejusdem Conceptionis Festum. Nimirum vix minus fuit e populo, cui persuasum tandem non fuerit, jam definitur esse contra versam de Virginis Conceptione, certamque jam *stare victoriam* factoribus Scotificæ sententiæ. Quoniam verò Hispali *mutare* nulli sunt quidam e Prædicatorum familia contra veritatem ac legitimam ejusmodi *Laminarum* adversa factio in illos Populum concitavit, ahisque in locis tumultus ac jurgia invalere. Graviora subsequuta sunt post Annum 1614. nam *eo perducta res est* (quod *vin postera credant seculo*) *ut sacra Doctoris Angelici imago, per ludibrium vili jumento superposita, per vias, per fora, per compita, circumducta fuerit, dementi lymphatæque insequente Populo, ac per subsannationem clamitante: Sin peccado Originali sin peccado Original*. Hæc Augustinus Le Blanc in Histor. Congregat. de Auxiliis, Lib. 4. cap. 27. qui & fatetur, si plusquam civilia bella, tunc eam ob causam in Hispania adversus Ordinem Prædicatorum commota, quisquam describenda sumeret, Librum non unum imple-ret. Atque hæc ipsa jurgia & scandala, ut in posterum averterentur; suæ prudentiæ putavit Gregorius XV, Papa Anno 1622. Prædicatoribus ora prorsus obstruere, uti supra animadvertimus. Reddebat *Laminas* Granatenses. Clemens autem VIII. Summus Pontifex certior de hisce factus, liberum quidem fecit Archiepiscopo Granatensi judicare de Corporibus creditis sacris, quod rationi consonum crederet secundum sacros Canones, & decreta Concilii Tridentini; at sibi & Sanctæ Sedi judicium reservavit de *Laminis plumbæis*. Nihil hoc obstitit, quominus rem protegente Philippo III. Rege, *Laminarum* interpretatio, divulgata fuerit. Præcipue vero animos bonæ & credulæ gentis

gentis rapuit Concilium Apostolorum (idem puto, quod supra in-
am) de quo fidem faciebant Laminæ, & in quo *Conceptio sine
macula* diserte tribuebatur Virgini Deiparæ. Proinde non secus ac
monumenta Canonica, atque e Cælo demissa, haberi cœptæ sunt
apud Hispanos admirabiles istæ Laminæ. Et quia clam nonnulli
earum fidem in dubium revocabant, *Consalvus Sanchez* palam cum
aliis patrocinium illarum suscepit. O quantis erroribus ac insulsi-
bus obnoxia foret & ipsa Pietas, nisi nobis dedisset Deus Summos
Pontifices & Pastores, quorum sapientia & vigilantia imposturis
pravisque doctrinis quotidie occurreret! Et reapse anno 1642. Ur-
banus VIII. insipientem hunc æstum Hispanicæ gentis diutius non
ferendum ratus, Bulla promulgata in ipsas Laminas insurrexit, fi-
demque eis ademit, donec iudicium de illis Apostolica Sedes pro-
nuntiasset. Adhibitis denique multis arietibus, deductæ Romam
fuere famosæ Laminæ, quæ acribus ac diuturnis disputationibus adi-
tum aperuerunt, præfractæ pro eis pugnante credulitate Hispano-
rum; ac tandem protracta lis est, positique tot obices, ut usque
ad Pontificatum Innocentii XI. pependerit iudicium Romanæ Ec-
clesiæ. Hic ergo Pontifex, invicti animi vir, & nullius faciem
respicens, Laminas easdem tamquam adulterinas merces, & mo-
numenta malitiose conficta, proscripsit, atque æternum damnavit:
quæ sententia incredibilem universæ Hispaniæ moerorem attulit,
quum in Laminis iis triumphum Scotificæ sententiæ, & gloriam
non modicam suæ gentis, antea statuisset. Sed neque his detex-
ritus Carolus II. Rex Archiepiscopum Tranensem Romam ad Pon-
tificem misit, sententiæ revisionem implorans; sed constantia ac
sapientia Romana hac in re exaudiendum Regem minime cen-
suit.

Erunt, qui hæc a me commemorari arbitrabuntur, ut Scotificæ
sententiæ, ejusque tutoribus invidiam creem. Quibus responsum vo-
lo, toties me confessum fuisse, iterumque fateri, sententiam hanc
non e Commentis hæcenus recensitis, sed e Rationibus, ante eas
fraudes per viros doctos excogitatis, Probabilitatem suam, quam
& Romani Pontifices agnoscunt, accepisse. Hæc autem in medium
afferre necesse mihi fuit, quia, ut facile constabit, inde potissimum
apud Hispanicam gentem, ac sensim ad Siculos, Hispanis tunc sub-
jectos, manavit persuasio, Certam demum evasisse prærogativam
Immunitatis Mariæ, ac licere pro ejus tutela occurrere morti,
immo & gloriam Martyrii pro ea occumbentibus esse sperandam.
Et sane novimus, ineunte Seculo XVII. quo scilicet tempore ani-
mos Hispanorum pervasit credulitas, suum pecuniarie decus esse, su-
scipe-

scipere patrocinium Scotificæ Opinionis, quum & Chronica Dextri, Liutprandi, Juliani, aliorumque, de quibus supra fuit sermo, ac Laminæ Granatenses hoc præcipue testarentur; tunc, inquam, commotione incredibili animorum non tantum gentem illam, Pietatis cultricem indefessam, simulque gloriæ propriæ avidissimam, nihil non tentasse, ut sibi ac aliis persuaderet, in meridiana luce positam jam fuisse hujusmodi controversiam; sed etiam Catholicos Reges pia hac persuasione imbutos, importune apud Romanos Pontifices egisse impotenter, ut Quæstio de Conceptione dirimeretur, & sententiæ Scotificæ tandem decerneretur victoria. Quod quum impetrare a Prudentia Romanæ Ecclesiæ nequiverint, saltem a Paulo V. Gregorio XV. & Alexandro VII. decreta & Bullas retulere, silentium omnino Thomisticæ Opinioni, pacis servandæ, & scandali vitandi causa, præcipientes. Iis ergo temporibus, hoc est anno 1615. coeperunt Hispanicæ Academiæ, fortassis etiam urgente Rege (nam & interdum extorta juramenta testatur Caramuel Theolog. fundament. Tom. I. Fundam. V.) Votum concipere de tuenda sententiâ, favente Immunitati Virginis, conditione tamen adjecta, decretis Sedis Apostolicæ editis ac edendis se se semper conformandi. Tunc etiam auditi in Hispania, qui dicerent, sententiâ suam e Probabilitatis finibus transiisse in *Certitudinis*, & quidem *Fidei* regnum. Tunc etiam alii sunt ausi *Martyrii* laureolam polliceri occumbentibus pro ejusdem sententiæ tutela. Iisdem quoque temporibus prodit Liber *Ferdinandi de Salazar*, qui tanta confidentiâ hoc argumentum pertractavit, ut contortis in suam sententiâ Liturgiis & Patribus Græcis ac Latinis, minus eruditæ genti non solum propinaverit Certitudinem Conceptionis Immaculatæ, sed etiam Virginem a *Debito Peccati Originalis* exemerit; quod facinus infra recurret. Nemo in Hispania tanto torrenti adversari audebat; successit & Decretum Gregorii XV. ora obstruens Thomisticæ sententiæ propugnatoribus: quare nil mirum, si anno 1624. Panormi quoque, & in aliis Siciliæ Urbibus Catholicorum Regum cura, ejusque Ministris adnitentibus, coepta sunt emitti Vota pro tutela Scotificæ sententiæ, Vitæque etiam impendendæ pro illa. Et ut quisque intelligat, quibus rationibus permoveretur pia gens ad ejusmodi Votum, animum advertant ad verba, quibus est usus Johannes Tellez, Dux Ossunæ, Siciliæ Prorex, anno 1656. Leguntur ista in Panormo devoto Canonici Mongitoris. Nimirum is vovet ac jurat, se propugnaturum Immaculatam Conceptionem Deiparæ, *per essere questo Mistero fondato in più luoghi della Sacra Scrittura, ed autorizzato con la dottrina degli Apostoli, con l'autorizzazione di*

di quattro Concilj Generali, e di molti altri Provinciali: con l'autorità della Chiesa Universale, che ne celebra la Festa: con Decreti de' Sommi Pontefici, che concedono Indulgenze e Grazie speciali a quei, che celebrano e favoriscono questa sì Pia Opinione: co' testimoni de' Padri della Chiesa fin dal tempo degli Apostoli: con particolari Revelazioni, e certe &c. Si revera Apostoli, & Concilia Generalia, & Patres &c. Virginiem nobis exhibent Macula Originali carentem: cur dubius quisquam amplius est in amplectenda tam aperta Ecclesiæ doctrina? Verum hæc quidem sibi videre visi sunt quidam, in Critica arte, ac in Eruditione non satis periti, simulque immoderato affectu huic Sententiæ addicti; at nondum vidit Ecclesia Romana, neutri factioni dedita, & in unam Veritatem intenta, melioribusque oculis in Veri ac Falsi, in Certi ac Incerti cognitione semper usa. Quinam quæso credendum?

C A P U T . X I I .

*Communis olim Theologorum sententia contraria Scotificæ.
Gabrielis Saavedræ temerariæ quædam
Conclusiones.*

AT quid faceret aliquibus in locis Populus, Pietate ac devotione erga Deiparam, uti par est, fervens, quum sibi proponi audiebat Votum dandæ ipsius Vitæ pro tuenda Scoti sententia, quam ab Apostolis ipsis, a tot Conciliis vel Oecumenicis, a Patribus, ab Ecclesia Universali confirmatam audiebant? Non consuevit Populus, quæ Pietatis sunt, in examen adducere, neque ad hoc aptus plerumque est, sed credit, quæ sibi a doctis nuntiantur. Præterea, quando nonnulli e Siculis Sanguinarium Votum emitte cœperunt, jam contrariæ sententiæ tutoribus indictum fuerat silentium, & obistere nemo audebat Scotificæ patronis, sub Regio patrocinio quidquid lubebat audientibus, ac præcipue in Regno Hispaniæ subjecto, & Regni moderatoribus pro ipsa sententia ad imitationem Regis pugnantibus. Accessit ad ista mirabilis aliorum confidentia, qui nihil veriti sunt, firmissime asseverare, ac edicere Populis, eandem sententiam canonizatam ab Apostolica Sede jam fuisse: uti constat e Libris Francisci a Sancto Joseph, & Ægidii a Præsentatione. Alii proximam ac imminens definitionem a Sancta Sede pollicebantur. Videndus hæc de re Johannes Antonius Velasquez, qui multos numerat *proximæ definibilitatis tutores*. Eps quo-

quoque post Salazarium enumerat Parthenotimus pag. 43. Sed an sint inter eos recensendi Suarez, Valentia, & Vasquez, aliorum erit perpendere. Hos quidem dicam ego, post tot supposititia in hanc rem monumenta, quæ nuper innuimus, caute procedendum in habenda fide epistolæ celeberrimi Theologi Francisci Suarez, quæ post ejus mortem prodiisse dicitur. Alteram quoque Johannis Garamuelis Episcopi Viglevanensis Parthenotimus ipse pag. 27. commemorat, in qua is, licet in editis scriptis alienus a Certitudine sententiæ Scotificæ, dixisse fertur: *in defensionem Immaculatae Conceptionis Sanguinem se libenter fusurum, & quamquam ad id sustinendum sibi deficeret Pietas, adigeret tamen naturalis amor in Matrem sui Dei*. Quæ postrema verba inter se conciliare nondum perui. Illud contra certum est, si quando Ecclesia absolutum examen suscipere velit celeberrimæ hujus Questionis, subeundum illi esse non leuem laborem in discernendo, quæ fuerit mens, non dicam Sanctorum Patrum, sed veterum Theologorum, quum tot tenebras in hanc rem disputatores advexerint, ut quid eligere parum petiti debeant aut possint, jam nesciant. Nam unius sententiæ pugiles arguunt alterius fautores, quasi textus antiquorum corruerint; ac nobis complures ex iisdem vetustis Theologis nunc exhibentur veluti contraria sibi docuisse; ac præcipue Sanctus Thomas, quem Petrus de Alya, & Johannes Ludovicus Schenleben, pro Immaculata Conceptione sterisse anxie contendunt, quum præteritis Sæculis semper Theologi crediderint, & adhuc meliores credant, ipsum apertissime in contraria sententiâ fuisse. Quod etiam omnium admirationem poscit; usque ad tempora Scoti nemo negavit, quum sententiâ Communis Scholarum Sanctificationem quidem Virginis in ætæro admitteret, Conceptionem vero sine labe negaret. Sanctus Bonaventura, quem nemo nisi in meridie exequens inficias ierit, quum Immaculatae Conceptionis sententiæ fuit adversatus, in 3. Dist. 3. art. 1. quæst. 2. scripsit: *Omnes forte illud tenent, quod Beata Virgo habuerit Originale*. Et infra: *Nullus invenitur dixisse de his, quos audivimus auribus nostris, Virginem Mariam a Peccato Originali fuisse immunem*. Hæc Sanctus Doctor, Sancto Thomæ Aquinati Synchronus. Immo & ipse Scotus circiter annum 1305. in 3. Dist. 3. Communem falsus est usque ad ea tempora sententiam Immunitati Marianæ contrariam. Quam veritatem etiam agnovere ex antiquis Alvarus Pelagius Episcopus Silvensis, Philippus Faber, & Franciscus Pitignanus, omnes Minoritæ, Baptista Mantuanus Carmelita, & ex recentioribus Franciscus Suarez, Gabriel Vasquez, Salmanticensis Theologi, Cordova, a Paramo, Salmeron, Palacios, & Mar-

Marsilius; ut alios omitam, *Communem* appellantes Thomisticam de Conceptione Opinionem. Et nihilo minus emerere Seculo XVII. qui ita paginas miscuerunt, ut persuadere Orbi voluerint, eosdem veteres Theologos, ipsosque Sanctos Anselmum, Bonaventuram, Thomam &c. oppositam plane docuisse sententiam. Jam vidimus, non defuisse in Hispania (melioribus certe repugnantibus) qui se non adversari, sed favere Religioni temere censuerunt, quum tot Concilia, Historias, aliaque monumenta consinxere, quibus Populo persuaderetur tamquam certa eorum Opinio. Nil mirum foret, si Suarezio quoque jam vita functo supposita fuisset Epistola, ut eximium Theologum in censum suorum pugilum ii aliqua ratione pertraherent. Alia certe opinio fuit, ut Eruditi norunt, alteri ejusdem Societatis Theologo, & quidem emunctioris naris, neque minoris nominis viro, *Johanni* scilicet *Maldonato*. Mihi temperare non possum, quin aliquot ejus verba adferam, a Richardo Simone memorata Tom. I. Epist. 27. *Quisquis* (ajebat Maldonatus) *composuit Breviarium illud brevissimum Quignoni* (Cardinalis Hispani), *fecit Lectionem unam constatam ex testimoniis veterum Auctorum, ut persuaderet, omnes sensisse, Beatam Virginem fuisse conceptam sine Peccato Originali. Quod profecto fuit hominis impudentissimi, quum nemo eorum Auctorum, quos citat, ita senserit; & quod amplius est, non poterat ignorare, D. Thomam esse in contraria sententia; tamen voluit nobis persuadere, etiam illum ita sensisse: quod non est bonam causam bene agere, sed prodere.* Alteram quoque Epistolam *Johannis Caramuelis* &c.

En quibus commoti fuerint multi ad credendam Scoti de Conceptione Opinionem, non tantummodo Probabilem & Piam, quam nunc quisque agnoscat, aut magis Piam ac Probabilem Thomistica, quod & eximii viri credunt; sed etiam Certam, quum non deessent audaces Theologi, qui Scotistica tribuerent Certitudinem, si Superis placet, *Physicam, Metaphysicam, & Moralem*. Quoniam tamen progressa fuerit in hocce negotio nonnullorum licentia, ne dicam temeritas, satis nondum perspexere Lectores. Juvabit ergo Libellum *Andrea Mondo*, Mediolani anno 1673. impressum, de quo supra mihi fuit sermo, rursus in scenam adducere. Ibi Cap. IX. pag. 66. Auctor ille, ut animos adhuc reluctantium gravissimo arte prosterнат, eorum oculos ferit Conclusionibus quibusdam a *Gabriele Saavedra*, Ordinis Beatæ Mariæ de Mercede, ut is ait, editis in Libro, cui titulus *Sacra Despara*, Disput. 17. num. 312. Iste Saavedra unus est e Theologis, quos Theologus noster Siculus pag. 44. laudat, uti plaudentes imaginario *Martyrio* occumbentiam pro

Immaculata Conceptione : quod Lectoribus animadvertendum est, ut discant, quam egregiis Scriptoribus Parthenotimus causam vitæ nostræ commendat. Prima Saavedræ Conclusio est : *Afferuimus, de potentia absoluta sacram Deiparam maculari non posse Originali Pccato*. Ita ille, cuius sententiam horreat quisquis vel rudimenta Theologię delibavit. Si enim, ut verba sonant, de absoluta Dei potentia heic agitur, blasphemiam habes, aut certe Conclusionem temeritate scatentem; quam non miror excidisse homini illi, præ devotione furenti; miror ab aliis placide exceptam, & in sinu Ecclesiæ, nemine contradicente, rursus typis in Italia editam ac propagatam. Alteram Conclusionem accipe: *Immaculata sacra Deipara Conceptio evidenter est credibilis (tametsi remota) Fide Divina*. Cerebrum sane hominis supra modum audacis, qui adversus notissimas Summorum Pontificum Bullas novum Dogma Fidei obtrudere nobis molitur; atque uno *tametsi remota* sperat audaciam suam ereptum iri censuræ. At pejora continet Tertia Conclusio hisce verbis expressa: *Piissima sententia ab Originali Macula Virginem purissimam præservans, his nostris temporibus ita est vera, ut nullo modo a parte rei possit esse falsa*. Ad ista fremat oportet, quicumque Romanæ Ecclesiæ iura intuetur heic impudentissime conculecata. Sibi iudicium de Quæstione Conceptionis Mariæ Pontifices Maximi reservarunt, exploratumque est, illos iudicare posse tam pro una, quam pro altera sententiâ, pro ut eorum sapientiâ, eruditio, ac animi Veritatis studium exiger. Qui vovent tutelam Scotisticæ sententiæ, ut vidimus, conditionem semper apponunt, seu subintelligunt, salvam nempe semper se velle auctoritatem Ecclesiæ Romanæ, & decreta per eam edenda. Neque diffitetur Parthenotimus possibilem sententiam ejusdem Sanctæ Sedis pro Thomisticâ Opinione. At ecce nunc Theologastrum, qui ita *Piissimam* Scoti Opinionem esse *Veram* edixit, ut *nullo modo* possit in se ipsa esse *falsa*, libertatemque Ecclesiæ in iudicando de hac re impugnât. Et quid, quæso, (ut hoc ipsum annuam) est illud *his nostris temporibus ita est vera*, quasi in Ecclesiâ Dei aliquid nunc verum esse possit ad Fidei doctrinam pertinens, quod elapsis quoque Seculis verum non fuerit? Profecto illud Verum ac Certum de Conceptione Virginis erit aliquando nobis, quod Romanus Pontifex e Cathedra Petri credendum docebit, non quod nunc e Cathedra sua privati homines temere statuant.

Quarta Saavedræ Conclusio : *Probabile est, Ecclesiam jam determinasse, piam sententiam ita esse veram, ut a parte rei falsa esse non possit, idque implicare, & virtualiter saltem*. Non probabile tan-

tantum est, sed certum, Scriptorem hunc sibi atque auditoribus suis nimium illudere. Nam vel puer intelligat, Ecclesiam ab hujusmodi determinatione abstinuisse, ac voluisse abstinere, quando Romani Pontifices a Sixto IV. usque ad Alexandrum VII. non *implicite*, neque *virtualiter*, sed disertis verbis iudicium sibi reservant de Veritate utriusque sententiæ, ac utramque argui falsitatis ac erroris vetant. Quinta Saavedræ Conclusio hæc habet: *Dicendum igitur est, piissimam sententiam per Sedem Apostolicam posse definitur, declarari, & propterea Ecclesiæ Fide Divina credendam*. Id hercle certissimum, si tamen eadem Sancta Sedes deprehendet, Scotticam sententiam aut niti auctoritate divinæ Scripturæ, sive quod ibi sit expressa, sive quod ex ipsa fluat per ineluctabilem argumentationem; aut ex divina Revelatione nobis in Traditione Sanctorum Patrum servata descendere. Nam ubi utrumque desit, iam indecisam, incertamque relinquet, uti relinquit tot alias Theologicas Quæstiones a Scholasticis jamdiu agitas. Immo si Litteras sacras, aut unanimmam Traditionem Patrum militare pro opposita sententiâ agnosceret, pro ista & non pro illa judicaret. Sexta Saavedræ Conclusio: *Afferendum omnino est, ex eo quod veritas aliqua sit Proxime definibilis ab Ecclesia, Necessario inferri, tum illam iam esse Revelatam a Deo, tum esse de Fide priori modo ex illis, quos explicavimus; id est esse objectum Fidei divinæ iis, quibus sufficienter videatur Revelata a Deo, etsi nondum ut talis proposita ab Ecclesia*. Nemo sapiens non doleat, per temeraria hæc somnia a vigilantibus somniata fucum fieri nimium incautæ & credulæ genti. Quis enim Scriptori huic revelavit, veritatem Immaculatæ Conceptionis esse *proxime definibilem ab Ecclesia*? Jam fluxere centum & ultra anni, ex quæ confidentia aliquot Hispanicorum sibi ac aliis ejusmodi definitionem pollicebatur, in Laminis nimirum Granatensibus, in Flaviis Dextris, Lautprandis, aliisque id genus monumentis spuris, aut potius in omnipotentia Regum suorum sua spe collocata. Verum sapientia Romanorum Pontificum id semper respondit, quod in Epistola Gregorii XV. anno 1622. hac de re ad Catholicum Regem scripta legimus: *Magnum sane pondus apud nos habuere preces Majestatis vestre: sæpe etiam ac sæpe accurre perpendimus rem tanti momenti, desiderio ducti gratum aliquid faciendi vobis ac Regnis vestris*. Tum addit: *Cum nondum eterna Sapientia Ecclesiæ suæ tanti Mysterii penetralia patefecerit, in Dei, Romanorumque Pontificum auctoritate debent Fideles conquiescere*. Nos ferius nati jam vidimus, quo abierit tantopere illa promissa a divinatoribus Hispanis *proxime definita*. Et nihilominus & tam ruinoso suppositi-

posito secundum illos, *Necessario* consequebatur, Scotificam Sententiam esse jam *Revelatam a Deo*, ac posse ab ejus propugnatoribus credi illam *esse de Fide*. Quare quisnam in Saavedra, ut mitissime loquar, Prudentiam non desideret, sine qua Theologum ageres plena periculi semper fuit ac erit?

Septima illius Conclusio : *Piissima sententia probabiliter jam Ecclesie est revelata*. Mitto incitiam hominis, qui sibi ac aliis persuadere videtur, aliquid novi ad Dogma pertinens nunc a Deo revelari. Notum est, aliam esse Theologorum, immo totius Ecclesie Catholice sententiam. Id tantum Ecclesia nobis credendum proponit, quod olim Deus Prophetis ac Apostolis revelavit, & ad nos usque sive per divinas Scripturas, sive per Traditionem & scripta Patrum pervenit. Quod si in neutro ex hisce Libris revelatum aliquid apparet, nequaquam Ecclesia petit a Deo, ut quæ olim non revelavit, nunc revelet; sed humili tantum fronte agnoscat, Deum sibi reservasse scientiam illius Veritatis, neque illam esse e Veritatibus, quæ necessarium aut utile sit Fidelibus certo tenere ac credere. Ceterum Conclusio ista in manifestam Apostolicæ Sedis contumeliam vergit. Si enim *piissima sententia jam revelata est Ecclesie*, eamque Fidelibus proponere Ecclesia negat, quamvis tot Regum & Populorum in Hispania degentium precibus fatigatas quid aliud hinc inferat Populus, nisi Romanos Pontifices aut ex incuria, aut ex Pietatis defectu, aut alio aliquo parum laudabili consilio, distulisse hætenus proponere Revelationem, quam eis notam audaces ii Theologi arbitrantur? Temere etiam hoc pronuntiari intelligas, quum nuper viderimus, Gregorium XV. disertis verbis scripsisse, *nondum eternam Sapientiam Ecclesie suaranti Mysteriorum penetralia patefecisse*. Et quid quæso deinde aut rationum, aut monumentorum attulere Theologi, ut eadem penetralia referata tandem Ecclesia agnoverit? Octava Conclusio : *Probabile est, in sensu literali Immaculatam Conceptionem contineri in sacra Scriptura*. Nona : *Non desunt in Novo Testamento testimonia, quæ videntur probabiliter in sensu literali Immaculatam Conceptionem sacre Doctrinæ continere*. An ita se res habeat, tum certo sciemus, quum de Quæstione hac definitivum Apostolicæ Sedis judicium prodibit. Decima Saavedræ Conclusio : *Dicendum est, si pia sententia est jam Revelata, non esse improbabile asserere, quod etiamsi Immaculata Virginis Conceptio nequa sit ab Ecclesia definita, neque suffragienter Fidelibus ad credendum cum obligatione inducente assensum supernaturali Fidei proposita, & explicata, formaliter loquendo est falsi objectum*. Utique sapientes mirari non poterunt hominem adeo intre-

intrepide superædificantem super præmissis patentissime falsis. Equando enim pia sententia est jam Revelata, ut Fidei objectum evasisse potuerit? Atque hæc ingenia sunt, qui Certitudinem Scotisticæ sententiæ confirmandam ac deprædicandam sumpsere. Undecima: *Dicendum existimo, quod si Angelicus Doctor, fulgentissimus Sol, vivens nunc lampade phœbea cunctas illustraret Ecclesias, PROCUL DUBIO amplecteretur ultroneus sententiam piissimam.* At quis tantam huic confidentiam fecit, ut procul dubio hoc futurum affirmet? Tot millia doctorum hominum nunc vivunt, qui Thomæ Aquinatis se discipulos profitentur, iique nondum Scotisticæ adhærere sententiæ. Et numquid fulgentissimus ille Sol-eclipsim patiebatur, quum oppositam sententiam tenuit & docuit? Sed hæc somnia missa faciamus, ut culmen Saavedranæ doctrinæ attingamus: Duodecima illius Conclusio est: *Dico primo, qui Sanguinem & Vitam profunderet, ut asseveret, Ecclesiam Catholicam pie & religiose servare, & celebrare Festum Conceptionis Immaculatæ, & nullo falso cultu illud Fidelibus celebrandum proponere; piumque esse, & Catholicum, & sacris Litteris, & Sanctorum testimoniis nullatenus dissonum; sed patrius consentaneum valde & conforme, illam prædicare & defendere: vere esset Martyr.* Nemo Catholicorum non amplectatur Conclusionem istam; & ego in primis amplector. Attamen quia immixta sunt nonnulla, quæ lucem poscunt, hanc ego adjoiam. Qui Sanguinem daret pro afferenda auctoritate Ecclesiæ in Festis diebus indicendis, & obligatione Fidelium de iis observandis, quæ sub præcepto indicuntur, Martyr foret, quia pro Dogmate Ecclesiæ tuendo mortem subiret. Verum quod est ad objectum Festorum, cum distinctione procedendum est. Festi dies, quibus aliquod Mysteriorum, aut factum, revelatum a Deo in Scripturis divinis, aut in Traditione Patrum, a nobis celebratur, objectum habet divina Fide credendum: exempli gratia dies Resurrectionis, Natalis, Ascensionis, Corporis Domini &c. aut dies Annuntiationis, Nativitatis, Purificationis, Desponsationis &c. Beatissimæ Virginis, aut dies Apostolorum, Angelorum &c. At quod est ad dies Festos Sanctorum, quos veneramur non e Revelatione Dei, sed ex Constitutione Ecclesiæ, earum quidem objectum Summe Pium, ac Religiosum est, & ad disciplinam Ecclesiæ pertinet, quam violare Peccatum est, non tamen ad Fidei Dogma spectat, neque divina Fide credendum est. Non enim divina Fide credere jubemur, tot Sanctos a singularem Ecclesiarum Pietate cultos, quorum festum ac Officium Ecclesia probat, singulos in cœlis regnare cum Christo. Et ii concluduntur in amplissimo Regno Pietatis Opinatæ: multum.

tumque falleretur, qui ex quo eorum festivitas celebratur, Fide supernaturali credendum putaret, eos in Cœlum receptos, non secus ac Sancti, nobis e Sacris Litteris noti. Numquam vero in his Festis præscribendis aut probandis Ecclesia fallitur, quia Sanctorum cultus terminatur in Deum, ac propterea quum affectus noster in Deum & tunc feratur, falsus esse non potest. Porro ad Festum Conceptionis Marianæ quod attinet, jam diximus, ex eo nihil evinci posse ad dignoscendum, fuerit ne, an non, Virgo exempta ab originali peccato, quum *apud nos etiam*, uti inquit Cardinalis Bellarminus. Lib. III. Cap. 16. de Cultu Sanctorum, *non sit Certum, an Beata Virgo sine peccato Originali concepta fuerit*: Ecclesia enim utramque Opinionem permittit; & fundamentum hujus festi præcipuum non est Conceptio Immaculata, sed simpliciter Conceptio Matris Dei futuræ: & hoc Festum etiam illi celebrant, qui putant Virginem in peccato conceptam. Denique si licet, sub nomine hujus Festi Præservationem Virginis celebrare ex Pietate Opinativa; licet etiam aliis Sanctificationem Virginis sub eodem nomine celebrare; neque enim hoc interdixit Bulla Alexandri VII. Illud tamen Saavedra in Conclusionem ista Lectoribus suis, venditando, *servari ac celebrari a nobis Festum Conceptionis Immaculatae*, quum e decretis Romanorum Pontificum nihil aliud celebremus nisi *Festum Conceptionis Mariæ*. Quare Conclusio hæc circumspecte accipienda, & certe non ad omnia, quæ is persuadere nobis voluit, extenditur spes & nomen *Martyrii* in tuendo Festo ejusdem Conceptionis.

Ultima Saavedræ Conclusio superest, hisce concepta verbis: *Dica Secundo: Qui mortem occumbere pro asserenda Immaculata Conceptione, sumit solum ut est VERITAS SPECULATIVA, & ut præscindit a præxi, quam prima Conclusionem explicuimus, vere esset Martyr*. Intactam liceat mihi relinquere Conclusionem istam. In eam quippe infra conferta acie invadam. Interea animadvertisse juverit, unde apud quosdam Hispanos, & apud alios Hispanis fidentes processerit Opinio, siue Persuasio *Certitudinis* Scotificæ de Conceptione sententiæ, quam Piam tantum ac Probabilem cum Romana Ecclesia ceteri agnoscunt, & ego in primis: Hoc est, e suppositiciis monumentis, quorum fidem diu in Hispania pervicacissime tutati sunt, qui suæ factionis & patriæ gloriam amori Veritatis præferebant; e Patrum locis, quæ falsis interpretationibus, & alienis ab eorum mente, uti Petavius animadvertit, in suam rem detorserunt; denique a mirabili nonnullorum confidentia, venditantium incauto Populo eam sententiam veluti doctrinam Fidei, & proxime definibilem, contempta interim auctoritate Ecclesiæ Romanæ, quæ secus hætenus judicavit,

cavit, contempto quoque exemplo Academiarum, voventium quidem tutelam ejusdem sententiæ, sed *secundum decreta Summorum Pontificum edita, atque edenda*: qua formula aperte significarunt debitam Fidelium promptitudinem ad deponendam ejusmodi sententiam, illiusque tutelam, si pro opposita aliquando staret Apostolicæ Sedis iudicium. Quid plura? Teste ipso Parthenotimo pag. 5. Viennensis Academia coacta a Ferdinando III. Romanorum Imperatore vovere tutelam Immunitatis Marianæ, vovit ac juravit, *Donec aliter a Sancta Sede Apostolica definitum fuerit*. Quamobrem nil ultra requiri puto, ut demum intelligamus, Intrinsecam, veramque *Certitudinem* in Scotistica sententia desiderari, neque *Persuasionem* istius *Certitudinis* niti bonis tabulis; ac propterea nihil a Parthenotimo hætenus adulatum fuisse, quo temeritas morientium pro tuenda Immaculata Virginis Conceptione excusari queat. Quod si Parthenotimus auctoritatem heic adhibet eximii Theologi Francisci Suarez afferentis sufficientia motiva haberi ad definiendam de Fide Scotisticam sententiam: norit Lector, magnum illum quoque Virum non satis heic sibi cavisse aut ab exuberantia affectus, aut a nimia credulitate. Nam eo ipso in loco, quem Parthenotimus laudat, scribit de eadem sententia referenda in album Dogmatum: *Quia sæpe in Scriptura indicata est, ut vidimus, deinde ab antiquissimis Patribus, & (ut credimus) etiam ab Apostolis* (hoc est a falsissimis Laminis Granatensibus, a Pseudo-Dextro, aliisque commentis Hispanicæ eruditionis) *est tradita*. Supra etiam vidimus, Parthenotimum objecisse nobis auctoritatem Johannis de Cardenas, tribuentis Scotisticæ sententiæ *Certitudinem Moralem, Physicam, & Metaphysicam*. At Cardenas & ipse ex illis est, quibus fucum fecere famosæ eadem Laminæ Granatenses, & tot Pseudo-Chronica in Hispaniis edita: quod evincunt illius verba. Quum enim Caramuel hæc de controversia Marianæ Conceptionis scripisset: *Videtur non fuisse ratio a Patribus ante quingentos annos*: Cardenas respondet; *Hæc periodus multa continet certo falsa*. Ex *Apologia* enim Petri de Hojeda, & ex P. Nierembergii in *Tractat. de objecto Festi Conceptionis*, & ex P. Granado *Tractat. de Conceptione*, & ex multis aliis satis clare constat, fere ab **INITIO NASCENTIS ECCLESIE**, non *Controversiam*, sed *pacificam Assertionem* in sinu veterum Patrum natam esse. Quære nunc monumenta, e quibus haurias, vel ab initio Ecclesiæ Immaculatæ Conceptionis sententiam pacificum cursum inter Christianos obtinuisse. **NULLUM** aliud occurreret, nisi Granatenses imposturæ, & suppositicia Dextri, Liutprandi, aliorumque ejusdem furfuris scripta. His autem positis, ad cri-

sim tandem veniamus Voti Sanguinarii, quod *magnanimum Votum* a Parthenotimo appellatur, mihi vero Votum a Ratione Absorum, Temerarium, ac Intolerandum creditur.

C A P U T X I I I.

Votum Sanguinarium contra leges Prudentiæ susceptum. Neque ei Probabilitas suffragatur. Neque Pietas Opinativa, quæ ipsi inest. Quid Pie aliquid credere significet.

Dico primo : Imprudenter ac temere emitte Votum de Sanguine fundendo pro tuenda Sententia, asserente sine labe originali Santissimam Virginem. Et qui pro tuenda Veritate hujus sententiæ ultro moretur, a Peccato immunem minime futurum. Et manifesta ratio est, quia adversus Prudentiæ leges homo operatur, qui Bonum Certum, & quidem maximi pretii, quale est Vita hominis, commutare vult cum Bono Incerto, quale est Opinio Scotistica. Ex quo enim, ut vidimus, sententiæ hæc nemini ita Certa esse potest, ut omnem formidinem Erroris ac Falsi prudenter excludat, quam adhuc Incertum dubiumque sit, quale futurum de ea sit judicium Ecclesiæ; quumque Parthenotimus ipse agnoscat pag. 55. posse contingere, ut definiente summo Pontifice, *deprehendatur Veritas, & hæc sit in sententia Piæ contraria* : Scotistica eadem sententia consequenter adhuc restricta sit oportet inter limites *Opinionum*, pro quibus tuendis eligere mortem idem Parthenotimus nefas judicavit, scribens pag. 18. *Quis unquam somniavit pro incerta Opinione fas esse jugulum offerre carnifici?* Præterea fatetur idem Siculus pag. 71. consuetudinem Academiarum, & reliquorum voventium tutelam Immaculatæ Conceptionis, conditionatam semper esse, quum tacite aut expresse tutelam ejusmodi polliceantur, *juxta Summorum Pontificum Decreta, jam edita, aut deinceps edenda*. Et sane apud Montanorem Tom. I. Cap. IX. Panormi devoti Votum Martini de Leon Archiepiscopi Panormitani Anno 1655. conceptum legitur, *salvis semper sanctæ Catholicæ Romanæ Ecclesiæ approbatione, censura, & judicio inerranti*. Ita Votum Francisci Osozii Episcopi Cephaludensis & Siciliæ Proregis hæc habet : *Per quanto mel permeste la Santa Catholica Romana Chiesa*. Votum quoque Martini de Redin Proregis Siciliæ Anno 1656. conditionem istam apponit : *Suggestandolo però tutto alla censura e determinazione della Santa Chiesa*. Votum pariter Francisci Cardinalis de Judice Proregis Siciliæ Anno 1702. hæc

hæc addit : *Conformando nos con las declaraciones decretos, y constituciones Apostolicas, que pudieren determinarse en este punto*. Denique Votum Canoniorum Cathedralis Panormitanæ clausulam hanc præfert : *Juxta decreta summorum Pontificum jam edita, aut deinceps edenda*. Clausulæ istæ, quæ aut adduntur, aut subintelligi debent in omnium Votis pro tutela Scotisticæ Sententiæ susceptis, nemo non agnoscit quid significant. Scilicet agi de tuenda sententia, quæ Pie creditur Vera, sed minime Certum iis est, an re ipsa sit Vera, quum Voventium animus (uti decet ac necesse est) paratus sit ad mutandam Opinionem, quoties Sanctæ Sedis judicio decerneretur, Veritatem stare in Thomistica Opinioe contraria. Num Certum ac Evidens a parte rei aliquid esse potest, quod cras Romana Ecclesia Falsum deprehendere poterit? Quare quantumcumque Certa alicui videri possit Immunitas Mariana, Certitudo illa aliud esse nequit, nisi *Certitudo Subjectiva & Persuasionis*, cui ex omnium consensu potest tam Verum subesse, quam Falsum. *Persuasio* autem ista vim quidem interdum habet excusandi hominem, & Deo etiam gratum faciendi, dum pro sententia, quæ non spectat ad Fidem, sed is Ignorantia aut Errore invincibili ductus, spectare ad Fidem certo sibi persuadet, mortem appetit. At in casu nostro Ignorantia aut Error Invincibilis adferri non potest, sed quidem tantummodo Vincibilis, ac proinde ineptus ad excusandam temeritatem & crimen. Quum nempe nulli e doctis viris ignotum sit, Ecclesiam, cui nostram mentem in omnibus conformare debemus, quamquam sit probe conscia rationum hinc inde militantium in Quæstione de Conceptione, nullam tamen hætenus *Certitudinem* agnovisse in sententia Scotistica, immo sibi judicium de ea reservasse, ita ut temere ageret, quicumque contenderet, pro hac una, & non etiam pro altera, Pontifices Maximos definitivum decretum pronuntiare posse.

Contra : Certum ac Evidens Bonum est hominis Vita idque exitium : qua de re nemo dubitat, aut dubitare potest. Est etiam inter leges non solum Religionis Christianæ, sed & Naturæ, ut quisque suam Vitam conservet ; ac proinde gravissimum crimen est, eam sponte perfundere sine gravi ac legitima causa. Peccatur nempe eo casu contra Charitatem, quæ præcipit amorem & conservationem individui nostri ; peccatur contra Justitiam, quæ respicit Deum. Non enim nos Corporis ac Vitæ nostræ domini sumus, sed Deus. Ut quid ergo id quod nostrum non est, sed Dei, Deo minime præcipiente, neque Ecclesia, divinæ Mentis interprete, illud probante, perdere quisquam audeat arbitrio suo? Et, fortassis pro Errore, hoc est pro tuenda sententia, quæ, ut ut, ille sibi per-

sua-

tot Reliquiis, quas *Pie*, hoc est *Probabiliter* pertinere credimus ad hos illosve Sanctos; de tot Miraculis, aliisque innumeris in Historia Ecclesiastica narratis; denique de tot sententiis etiam contrariis, quæ in Scholastica Theologia extra Dogmata Fidei quotidie agitantur. Quo plus aut minus Verisimilitudinis, sive Probabilitatis hæc præferunt, quo plus aut minus ad Evidentiam accedunt, aut inde recedunt, eo etiam major est gradus istius *Pietatis*. Ecclesia vero & huic *Opinativæ Pietati* locum facit in oeconomia Religionis. Et merito quidem. Nam etsi materialis aliquis Error in Persuasione hominum de hisce rebus aut sententiis accidere possit, dummodo eorum falsitas ignota sit, non fallitur affectus, qui in Dei cultum tendit. Taceo heic de *Pietate*, quæ nititur motivis nimium levibus, aut falsis; hæc enim, ut alibi dixi, non est legitima *Pietas*, sed Impudentia, Superstitio, Impietas, Fanaticismus. Ut laudabilis *Opinativæ Pietatis* exemplum adferam, prudenter creditur, Sancti Jacobi Apostoli Corpus Compostellana in Ecclesia honorari, Marthæ, Magdalenzæ, & Lazari apud Provinciales; & Bartholomæi Apostoli Benévænti, aut Romæ. Credere, sacra illa pignora spectare ad eosdem Sanctos, ibique eorum intercessionem apud Deum implorare, laudesque illorum celebrare, *Pietatis Opinativæ* actus est. Etiam si non ea essent celeberrima ejusmodi Lipsana, quæ vulgo reputantur; immo etsi ne sacra quidem illa Corpora forent: devotio tamen Populi ad Deum secuta pergit, quem in illis creditis Sanctorum Reliquiis honorat, & a quo uno, uti omnium bonorum largitore, beneficia poscit & sperat, dum ad sepulchra Sanctorum orat. Nullum hinc in Ecclesiæ doctrinam aut Rempublicam incommodum; immo ad alendam, aut augendam Populi devotionem conducere potest. Rursus in Scholis Quæstiones non paucae servantur, his in unam, illis in aliam euntibus sententiam, quæ tamen singulæ *Pietatem Opinativam* sibi tribuere possunt. Dum istæ concertationes, Opinionesque variæ, prudentibus innitantur rationibus, & minime adversentur Revelatis a Deo, neque detrimento sint sanæ doctrinæ, atque in praxim deductæ nihil officiant recto regimini Ecclesiæ, aut quieti Reipublicæ, sive fortunis ac Vitæ hominum, disparent quantum velint docti, etiam ad raucedinem; in tuto est Ecclesia atque Respublica. Verum ac Certum assequi nequeunt, Verisimilia ac Probabilia eos sequi non dedecet, ac nemini nocet.

Ad hanc normam exiguntur sententiam speculativam de illibata Conceptione Virginis. *Pia*, est, & *Pia* ab omnibus habetur, atque habenda est, quippe Probabilibus ac prudentibus fulta rationibus, per-

pertinere creditur ad cultum Dei, atque ad honorem Virginis. Sed Pia est *Pietate Opinativa*, non *Intrinseca*, non *Objectiva*. Eam quoque in praxim deducere *Pium* est, nempe colendo Virginem uti conceptam sine macula in primo instanti; ejusque Festum ac Officium celebrando secundum istam sententiam. Nemini exploratum certe est, subsit ne Veritas huic sententiæ, an non; attamen dum pendet Ecclesiæ judicium & apparentia Veritatis pro ea militat, nullum ex hujusmodi cultu ac persuasione detrimentum fuit in Ecclesiæ doctrinam ac disciplinam, quum sibi Romana Ecclesia reservavit, quando opportunitas aut necessitas exegerit, decernere, stetne revera pro illa sententia Certa Veritas, an pro opposita. Et quoniam conflictus duarum Opinionum istarum tranquillitatem Reipublicæ turbabat, in Hispania præsertim, sustulit prudentia Romanorum Pontificum hæc scandalorum ac tumultuum semina, indicto Thomisticæ sententiæ fautoribus silentio, sed inlæso jure ejusdem, si forte aliquando Veritatem in illa deprehenderet Apostolica Sedes. Neque enim & hæc altera definit esse *Pia*, atque *Probabilis*; quod inde manifeste elucet, dum Ecclesia illius sectatores, æque ac alterius patronos, caros habet; neque solum non averfatur, nec damnat, sed honoribus auget, non secus atque ante eis indictum silentium. Profecto in alterutra ex hisce sententiis, siue Opinionibus, Error latet, sed hætenus est materialis Error, quem depellere, nunc nequimus, & tum solum perspicere licebit, quum Ecclesia Questionem dirimet, aut quum misericordia Dei faciente in conspectum supremæ Veritatis post mortem veniemus. Quamobrem perspicax Lector intelliget, quantum ponderis sit Parthenotimi nostri fiduciæ, dum pag. XIV. Præfation. scribit: *Quod sententia de Immaculata Virginis Conceptione jam pridem in Ecclesia nuncupata sit Pia, ipso Romano Pontifice hunc titulum approbante, spem maximam facit Propugnatoribus, fore ut ejus Veritas aliquando tandem declaretur, & palam fiat*. Ita sane, ex quo Sixtus IV. venit, ne Scotistica sententia Hæresis aut Impietatis titulo oneraretur, hæc probante Apostolica Sede justam possessionem *Pietatis* obtinere cœpit. At quid inde? Nihil Parthenotimus distinguit inter *Opinativam* atque *Intrinsecam Pietatem*. Id tantum consecuta est Scoti Opinio, ut negari *Pia* in posterum, dum pendet judicium, sine temeritate & culpa non possit. Sed *Pia* perrexit esse & altera Thomistarum Opinio, neque ei hunc titulum sine impudentia & peccato quisquam auferre potest. Proinde utraque sententia nunc versatur inter limites *Pietatis Opinativæ*, non vero *Intrinsecæ*. Quod etiam ediximus ex usitata inter Theologos dicendi formula.

hoc est quum dicimus: *Hoc Pio creditur*. Significat ista, rem aut propositionem aliquam non spectare ad doctrinam divinæ Fidei; adduci tamen nos ad credendam eam Veram tum religioso quodam affectu, tum rationibus verisimilibus ac probabilibus pro ea militantibus. Quod quum dicimus, indicamus & sentimus, rem aut propositionem illam adhuc *Opinionis* naturam retinere, ac tantummodo e *Persuasione* atque affectu nostro efformari iudicium illud, quod propterea *Opinativum* est, non vero e certa cognitione Veritatis inherens objecto. Interroga quemvis *Pio credentem aliquid*, an ita credat, ut omnem Erroris formidinem excludat. Negabit procul dubio, si sapit. At hoc ipsum est affirmare, *pinionem* in illo iudicio involvi, quum Opinionis proprium sit involvere metum saltem levissimum alicujus Erroris. Propterea quisquis moderate, & circumspecto iudicio inter Catholicos loquitur, oculoque intenta Magistram nostram consecretur Ecclesiam Romanam, sentit ac dicit, se *Pio credere* Immaculatam Virginis Conceptionem; hoc est se in ea sententia agnoscere *Pietatem* dumtaxat *Opinativam*, non vero *Pietatem Intrinsecam*, omni videlicet suspitione & formidine Erroris carentem. Atque ita sane loquuntur eximii viri, atque ornamenta Romanæ Ecclesiæ, e quibus duos tantum laudabo. Contra Picinum Hæreticum scribens Clarissimus S. R. E. Cardinalis Vincentius Gottus Ordinis Prædicatorum Tom. I. Cap. IX. §. 8. ait: *Ci deride egli, perchè Piamente crediamo la Vergine preservata dal Peccato Originale*. Alter S. R. E. itidem Cardinalis celeberrimus Franciscus Maria Casinus Ordinis Minorum Cappuccinorum Tom. I. Serm. II. scribit: *Della sola Vergine c'insegna la Fede, che fu esente da ogni colpa attuale, e la Pietà ci persuade, che fu immune per singolar privilegio, ancora dall' originale*: quod idem est ac dicere, nos Pio affectu & religiosa Persuasione eam credimus, idest Opinamur, ab originali labe preservatam. I gregiis hinc viris adjungere liceat doctissimum quoque virum, & Polemicæ Theologiæ pugilem Clarissimum, Cajetanum Mariam Merati, Clericum Regularem, & Sacræ Congregationis Rituum Consultorem, qui in Libro de Veritat. Religion. Discurs. XVII. pag. 62. scribit: *Per uno speziale privilegio Piamente si crede, che anche la Madre di Dio Santissima sia stata preservata dall' universale contagio della Colpa Originale*.

Licita ergo est, & laudabilis *Opinativa Pietas*, ejusque officia & exempla passim habemus in Oeconomia Christianæ Religionis, cum in Scholasticis & Speculativis Theologorum quæstionibus, tum in praxi devotionis erga Sanctos, eorumque Reliquias, atque in aliis

[illegible]

CAPUT XIV.

Alia Honor Intrinsicus, alius Opinativus. Alia Sanctitas Intrinsicca, alia Opinativa. An statuendum fastigium devotionis erga Virginem in tuenda Scotistica sententia. Datur & Cultus Opinativus. Mendacii probum ab ea Opinione eliminatum. Pia Credulitas, Pia Persuasio explicantur.

QUOD de *Pietate* diximus, idem dicendum de *Honore Virginis*, & *Sanctitate* Virginis, quibus speciose nominibus confusa Parthenotimus, se tutaturum voventes mortem pro Scotistica sententia. Idem ibi eadem equivocatio. Nam alius est *Honor Intrinsicus*, & *Sanctitas*, usque *Intrinsicca Sanctitas*; alius *Honor Opinativus*, usque *Sanctitas Opinativa*. Primus Honor, uti & Sanctitas Mariæ, citus est in incomparabili prærogativa Maternitatis Dei, in Virginitate perpetua, in Immunitate ab omni actuali peccato, in Humilitate eximia, in Caritate, ceterisque Virtutibus, quæ in eam mirabili consensu & singulari gratia Dei coaluere, ita ut in ea omnium Virtutum habeamus exemplar. Hæc novimus e divinis Scripturis, & Traditione Patrum, & definitionibus Conciliorum; eaque propterea divina Fide credimus; atque ob ista supra reliquos Sanctos, etiam Sancta Dei Genitrix Mariam. Præter istam vero *Sanctitatem Opinativam*, de qua dubitatio ulla Christiano homini esse nonquit, nec cui consequenter singularis Honor ab unoquoque Fidei habetur, agnoscenda quoque est *Sanctitas Opinativa*, seu *Putativa*, quæ eodem Deipare tribuimus, sita in variis *Opinionibus*, quas pia gens habet de aliquibus privilegiis, actionibus, miraculis, ad ipsam Salvatoris nostri parentem spectantibus. Hæreticus foret, qui pœnitenter Sanctitati primæ se adversarium præberet. At aliter, si non *Opinativa*, quæ Sigillo Veritatis ac Certitudinis careat, nos minime obligat ad credendum; liberumque est cuique sentire libere, quod magis consentaneum rationi censebit. Et quoniam ejusmodi Sanctitas in Opinione sita est, immo nihil aliud est, nisi Opinio Sanctitatis, propterea qui pro illa tuenda ultro se trucidandum Terram præberet, imprudentiæ ac temeritatis damnandus foret. Si nulli ratione datur *Honor putativus*, seu *Opinativus*, Virgini, aliisque Sanctis delatus, probante, aut saltem non improbante Ecclesia,

clesia. Pie sibi persuadent nonnulli, se possidere *Annulum*, quo Beata Virginem Sanctus Ioseph desponsavit. Alii se habere putant *Vestes*, *Velamina*, *Capillos*, aliasque ejusdem Deiparæ Reliquias. Honorem Virgini habent in honorandis hisce Reliquiis, sed Honorem ab Opinione progenitum. Huic autem Opinioni, dum falsitas atrunde non appareat, eique possessio immemorabilis patrocinetur, Ecclesia nullam infert molestiam, immo etiam favorem importitur. Cultus enim ille & Affectus in Virginem tendit, cui reverera equum est, Christi Fideles omnes maximum habere Honorem. Proinde si quis pro *Opinativo* isto Honore Mariæ impendere Vitam vellet, contendens videlicet, ad Honorem Virginis illum Annulum, Reliquias illas spectare, pro *Opinione Honoris* Virginei moreretur: quod jam statuiamus nefas esse Homini Christiano.

Atque heic erit, fortasse, qui petat, cur in *Pietate Opinativa* (scilicet *Sanctitate Patativa* Virginis, quod est ad illius Conceptionem, nonnulli veluti Palladium & culmen eximie Devotionis erga Virginem constituant, quum tot alia Privilegia ac dona illi a Deo sine ulla dubitatione collata, & ad Intrinsecam illius Sanctitatem spectantia, habeamus, in quibus sat laudandis & honorandis nos ferre ac tempus deficiant? Nonne Maria, vel sine prerogativa Conceptionis Sanctissima semper fuit, semperque erit? Et ne temere hoc sciscitari quisquam videatur, verba repetet, quæ Capitulo Primo attulimus a Bolla Pii V. ubi ait: *Quasi desint præclarissima Mariæ merita, quæ nec Angelica quidem lingua satis digne referri possunt, Quasi ex illo uberrimo fonte, puteoque aquarum viventium non possint saluberrimas haurire aquas, quibus Populi magnam utilitate, utque dulcedine reficeretur: ad dissipatas cisternas accurrant.* Sed Hæc Romanus Pontifex, & quidem Sanctus, & quidem doctissimus, & Deiparæ devotissimus. Cur ergo, instabit aliquis, heic fastigium Pietatis erga Virginem Sanctissimam collocemus, hoc est in re Incerta ac Dubia, potius quam in tot aliis indubitatæ Intrinsecæ Sanctitatis Marianæ argumentis, quæ nobis Fides sup-
 peditat? Quid solidae responsionis ad interrogationem istam, daretur, inquirere non juvat. Repetam ego potius, quæ Sanctus Bernardus habet in celebri Epistola 174. ad Canonicos Lugdunenses: *Virgo regia, inquit, falso non eget honore, veris cumulata honorum vitalis, insulis dignitatum.* Ad ejus imitationem & ego Lib. II. Cap. VI. de Ingeniorum Moderatione dixeram: *Ut sit post Filium suum supra ceteras creaturas laudanda Maria, non indiget ipsa dubiis laudibus, neque imprudenti speculatio.* Ad quæ verba; Parthenotimus pag. 57. ita respondet: *Dei O. Virgini Filium se esse honoratum*

rum fatetur, quem tu Probabiliter existimas esse inopem, eique si-
pem liberaliter impertis. Est quidem persolum Probabilis illius ino-
pia; at certo honesta tua eleemosyna. Non inficior ergo, Beatam Vir-
ginem non indigere dubiis laudibus: Certa tamen est laus tueri,
quod sine labe sit Concepta, etiamsi Certum non esset, quod fuerit
ipsa Concepta sine labe. Hæc Theologi nostri mens: uti honestum
est eleemosynam amore Dei conferre homini, quem Probabiliter
existimas indigere, quamquam fortasse non indigeat; ita etiamsi
Certum non sit, sed tantum Probabile, Virginem fuisse sine labe
Conceptam, honestum tamen est, ac Certa laus eam tueri in ipsa
Conceptione Immaculatam. At insto ego: si tu plures cernens sine
dubitatione egenos, præcipuam gloriam tuæ Caritatis collocares in
ferenda ope non illis, sed aliis, quos non Certo, sed Probabiliter
indigere putares: num Prudentia tua multum laudis referret? Num
ordinem Caritatis recte sectari dicereris? Quin laudabilius, Deo-
que gratius esset, illis potius, quam istis opitulari, nemo sapiens
negabit. Ita recurrit petitio: cur tu prærogativam Conceptionis
Immaculatæ, quæ Probabilis quidem est, sed simul Dubia, ac er-
rori obnoxia, tam vehementi studio exornare, tueri, Regibus ac
Populis uti sublime pignus Pietatis erga Deiparam commendare
pergis? Cur huic Persuasioni peculiares ubique honores procurare
non desinas, ita ut tot alia Virginis merita, & prærogativæ, lon-
ge majores, ac divina Fide certissimæ, tibi vilescere videantur,
aut certe pari studio minime a te colantur? Num factionis tuæ
amor, & victoriæ cupiditas, incauto tibi hunc æssum ministrat?
Verum hæc alii confiderent. Interea animadvertamus, quæ æqui-
vocatio lateat in iis Parthenotimi verbis: *Certa est laus tueri,
quod sine Labe Virgo sit Concepta, etiamsi Certum non esset, quod
fuerit ipsa Concepta sine labe*. Per me sane liceat, Parthenotimo,
& cuicumque sententiam Scotisticam propugnanti, persuadere sibi,
certam ex illius tutela laudem relaturum, dum tutela in verbis &
scriptis consistat. Sub ista conditione cuiquam molestum esse nolo.
Verum ubi Theologus noster Certam hanc laudem stabilire hoc in
loco conetur, ut laudabile quoque venditer Sanguinarium Votum
eidem superstructum, Caritas erga fratres reclamare me cogit,
Laudem hanc sub Opinione adhuc constringi, non sub Certitudi-
ne; ipsamque Conditionatam esse, non Absolutam, quum ejus qua-
litas e qualitate objecti pendeat, ita ut Certa sit Laus, si Certa
sit Veritas objecti; Probabilis vero dumtaxat, si objecti Veritas sit
tantum Probabilis. Ergo in supposito, quod Parthenotimus ipse heic
amplecti non detrectat, *Certum videlicet non esse, quod Maria fac-*
sit,

Ne concepta sine labe, numquam poterit esse Certa Læus, ita velle tibi Incertam hanc Dubiamque sententiam, ut pro ea Certissimum, eximiumque Viræ Bonum profundere liceat. Quippe statuimus, nefas esse in Opinionum tutela impendere Vitam.

Eandem porro æquivocationem sub diversis nominibus refricatam videas a Theologo Siculo. Dixerat Lamindus: *Non indiget Maria imprudenti sacrificio, & tu contra indiges Vita tua, ut eam in Fide tuenda ac Virtutibus exercendis iustius impendas.* Quid reposuerit Parthenotimus pag. 57. accipe: Inquit, *ne ipsum quidem sacrificium improprie dictum Virgini offerri. Nemo pro Virginis Cultu moriens, se Virgini litaret, sed Deo. Non Ecclesiæ, pro Ecclesiæ iuribus tuendis occumbens, sed Deo vitæ sacrificium obulit Thomas Cantuariensis. Etiam Religio Virtus est. Ad Religionem, aut Virtutem huic affinem (idest ad Pietatem) pertinet Virginis Cultus. Posses ergo etiam ex mente Lamindi pro exercitio Cultus Mariani vitam impendere pie Vovens. Ex mente mea? Apage. Neque ex mente mea, neque ex eorum mente, qui hæc non perfunctorie scrutentur, licebit mori ob tutelam Immaculatæ Conceptionis. Hic enim Cultus est Opinativus dumtaxat, & cum Veritate minime certo conjunctus. Fortiter mortem toleravit Sanctus Thomas Cantuariensis, sed pro legibus gravissimis, quas evidenter sciebat iustas, atque ab Ecclesiâ certissime promulgatas, & quas sibi custodiendas ex vi sui muneris agnoscebat. Peccasset, si vili timore ductus pessumdanti Regi jura Ecclesiæ concessisset. Ac proinde de eo Ecclesiâ canit: *Pro lege Dei sui certavit usque ad mortem.* Quidnam heic paritatis cum iis, qui Vitam offerrent causa tuendæ Immunitatis Marianæ? Numquid ulla Dei, aut Ecclesiæ lex adferri potest de amplectenda ac tuenda Scoti sententia? Nulla, ut omnes norunt; immo liberum semper fuit, & adhuc est Fidelibus, oppositæ sententiæ adherere. Neque Cultui Sanctitatis Marianæ necessarium fuit, aut est, ei tribuere expertem omnis maculæ Conceptionem; nam incomparabilis Mariæ Sanctitas, ab Apostolicis temporibus semper deprædicata, numquam indiguit Laude ista, & Cultu Opinativo, quem nunc adeo illi gratum, & supra ceteras prærogativas carum, nonnulli ex Opinione tantummodo arbitrantur. Per undecim profecto Secula, atque ultra etiam, tum Sancti Patres, tum ceteri Pietate ferventes Christi Fideles, nihil nobis concede-bant in observantia ac devotione erga Deiparam; atramen nulla apud eos mentio erat Immaculatæ Conceptionis. Quare nulla jubente aut urgente lege Dei, & sine ulla necessitate, aut occasione vitandi peccati, ex arbitrio dumtaxat illo, quod vulgo *Capriccio* dici-*

dicimus, occumberent Voto Sanguinario addicti, idest pro Opinione tuenda Vitam darent : quod, millies repetam, fieri sine crimine nequit. Hæc etiam Parthenotimus addit pag. 76. *In Deiparæ honorem cedit ejusmodi defensio, estque Deiparæ honor generatim a Deo revelatus.* Exploratum certe est, Honorem Virginis spectare ad leges divinitus promulgatas, atque ad doctrinam Fidei. Sed in mille ridenda; aut detestanda abripi posset Pietas, quæ posito hoc principio Virginem ad arbitrium nostrum honorari posse censeret. Idcirco singulares etiam Honoris hujus rationes Ecclesiæ suffragio probandæ sunt : alioquin facile homines imprudentia laborent, temeritate, superstitione, impietate. Indicet mihi quæso Theologus noster, ubinam & quando Ecclesia probavit sacrificium Vitæ nostræ oblatum Deo pro Scotistica Opinione. Immo non solum nova hæc honorandæ Virginis ratio profusione Sanguinis & Vitæ, nequaquam revelata a Deo fuit, neque continetur in generali Revelatione honoris deferendi Salvatoris nostri Matri, neque suffragio Ecclesiæ comprobata est; sed Revelatio contrario nobis ante oculos stat. Revelatum quippe a Deo fuit, ejusque præceptum nobis ab Ecclesiâ proponitur & commendatur : videlicet, curam habendam esse Vitæ nostræ, neque licere nobis arbitrio nostro eam prodigere, & præsertim nefas esse animam ponere pro tuenda Opinione nostris.

Dixeram ego, si ad vitam dandam pro tutela Opinionum nostrarum, quantumcumque Piarum, sive pro *Pietate Opinativa*, satia esset *Persuasio*, innumera esse; quæ Pie creduntur, & pro quibus, quamquam Falsis nonnumquam, Vita ipsa daretur : quod certe in Ecclesiâ Dei numquam tolerandum, ne idem divinis atque humanis habeatur honor, neve temere; & pro Mendacio interdum projiciatur pretiosa hominum Vita. Parthenotimi responsio est pag. 79. *In primis homo, qui non moderati Ingenii tantum, sed Moderator Ingeniorum videri vult, castigari, reverentiusque hoc loco loqui debuit, & non Mendacii nomine sugillare directam ipsam sententiam de Virginis Immunitate, etiamsi permetteremus esse meram Opinionem.* Hæc fidem hominum, Superumque appellare liceret. Placide tamen petam, quandonam ego Mendacii probrum conjecerim in sententiam de Virginis Immunitate? Unus Parthenotimus, aut immoderato animi æstu raptus, aut ad hæc pertractanda ineptus, hæc mihi patenti errore, ne dicam calumnia, affingit. Quicumque alius Latinas literas didicit, illaque verba mea legit, continuo intelligit, me non de Scotistica sententia (quam nemo nisi impudens inter Mendacia referat) illuc agere, sed de aliis bene multis, quæ quidem *Pia* dicuntur.

cūtur & creduntur, atque in regno *Pietatis Opinitiva* continen-
 tur. Ex istis quis, rogo, neget, quin aliqua originem suam ab er-
 rōre, falsitate, immo & ab impostura traxisse potuerint? Qui pro
 hisce moreretur, *pro Mendacio* vitam profunderet. Id autem lice-
 ret e Parthenotimi doctrina; at numquid istud in Ecclesia Dei
 unquam tolerandum? Alia heic Parthenotimus addit, scribens:
Deinde qui vovet Virginis Immunitatem tueri, necesse est, ut per-
suadeat sibi, quod re ipsa Virgo immunis fuerit a macula. Hec per-
suasio, ipso non refragante Lamindo, nequit esse Mendax, ni dicere ve-
limus, quod Pium possit esse Mendacium. Ita ille, de sophismate in
 sophisma intrepido cursu delabens, Utique Pium non potest esse *Men-*
dacium, neque nobis Pium credere licet id, quod novimus & credi-
 mus Falsum; nam ad cultum Dei veri, ejusque servorum, spectare
 Mendacium, Falsitas, ac Error nequeunt. Potest tamen *Persuasio* ef-
 se *Mendax*, idest fallax, quum fieri possit, ut sit de objecto, quod
 nobis sine ulla culpa nostra persuadeamus esse Verum, & tamen a
 parte rei sit Falsum. Et sane ut *Pia* dicatur aliqua *Opinio*, sufficit
 Persuasio e rationabilibus motivis, etiam extrinsecis, nata, Verum
 esse ejus Opinionis objectum, praevalens motivis suadentibus falsa-
 rem objecti ejusdem. At quod nos ita nobis persuadeamus, num-
 quid propterea Verum erit Certumque illud objectum? Neutiquam
 profecto: potest & Falsum esse. Atque heic meminisse debuit Par-
 thenotimus rem cunctis notam, nempe *Pie credere* aliquid, hoc
 ipsum significare, videlicet persuadere quidem nos nobis ex veris-
 simis motivis, & religiosa affectione quadam, aliquid esse Ve-
 rum, & spectare ad Religionem veram; sed simul ignorare, an
 illud Certe ac reapse sit Verum, quum formido Erroris ab ejusmo-
 di Persuasionē disjuncta non sit, nec esse possit in iis, quae ad Opi-
 nionem pertinent. Multa Pie credimus de Sanctis, eorumque Miracu-
 lis, atque Reliquiis. *Persuasio* nostra *Pia* est, *Opinio* nostra *Pia* est;
 non enim liquet, nos credere Falsum; simulque Falsum non est (uti
 infra e Gersonio videbimus) nobis apparere illud objectum Probabi-
 le, quum nobis revera constet de Probabilitate, atque de apparen-
 tia Veritatis. Nihilo tamen secius in objecto potest esse Falsitas;
 neque enim *Pia credulitas* sive *Persuasio* illa cadit super *Veritatem*
 vel *Falsitatem objecti*, sed super *apparentiam* vel *probabilitatem Verita-*
tis. Firmam Persuasionem Lucenses nutriunt, complurium Seculo-
 rum possessione firmatam, sibi esse veram Salvatoris e Cruce
 pendentis Imaginem, a Nicodemō, ut ajunt, effictam. Messianisti-
 bus iidem persuasum est, apud se servari Epistolam a Sanctissi-
 ma Dei Genitrice conscriptam. Florentini quoque Imaginem ejusdem
 Dei

Deipara ab Angelo, ut putant, depictam præferunt, quemadmodum & alii Imagines a Sancto Luca depictas. Hæc illi Pie credunt, Dicat quæso Parthenotimus, num *Persuasio* ista efficere possit, ut Verum Certumque sit, quod ipsi sibi persuadent. Oppido falleretur, si id affirmaret. *Persuasio* ista nihil aliud demum est, nisi *Opinio*, quæ immunis a formidine Erroris esse non potest, quod est ad Veritatem ac Certitudinem objecti; objectum quippe illud etsi Verum esse possit, potest tamen & esse Falsum. *Probabilitas* facit, ut Prudens ac *Pia* sit de objecto illo *Credulitas*; neque fallitur *Persuasio* Probabilitatis, dum res revera Probabilis appareat, nec appareat Falsum. At fallax est huiusmodi *Persuasio*, quoties illud, quod tantummodo Probabile ac Verisimile est, ipsa habere velit pro Vero ac Certo. Et sane minime facere ipsa potest, ut Certum Verumque sit illud objectum, ita ut pro tuenda *Persuasione* seu *Opinione* illa fas sit jugulum offerre sponte carnifici, quum legibus Prudentiæ ac Religionis patentissime adversetur, Vitam dare Certissimum ingensque Bonum pro tuenda *Opinione*, hoc est pro re Incerta; ne dum putas te pro Veritate occumbere; pro Falsitate ac errore occumbas; quum in manu nostra non sit, neque in viribus *Persuasionis* nostræ, Veritatem ac Certitudinem conferre rebus, quæ ipsa careant. Equidem novi, fieri posse, ut ex pia affectione Voluntatis, vel e Passione aliqua, uti Amoris proprii, odii adversus alios; cupiditatis gloriæ &c. voluntas ita determinet Intellectum ad aliquas sibi caras Opiniones, ut formidinem Erroris ab eo eliminet. Id etiam Parthenotimus a clientibus suis exigebat, nuper scribens: *qui vult Virginis Immunitatem, necesse est, ut Persuadeat sibi, quod re ipsa Virgo immunis fuerit a macula*. Sed commodam profecto artem is tradit excusandi & honestandi cuiuscumque Erroris, Superstitionis, & Fanaticismi, si *Persuasio* nostra non a rationibus scientificis nata, sed a Voluntatis affectu in Intellectum ingesta, satis est, ut certissime honestum nobis ac licitum evadat, quod inhonestum atque illicitum esse possit. Inter duas dubias sententias alteri ex iis adherere possumus, & in praxis necessitate debemus, ne peccemus. Ignorantia quoque Invincibilis vim habet excusandæ *Persuasionis* nostræ. At in casu nostro hanc Ignorantiam Theologo allegare opprobrium, & sub ea operari crimen foret, quam ignorare is non possit, nec debeat; adversus legem Dei ac Naturæ facere, qui pro *Opinione* tuenda Vitam suam carnifici offeret; simulque sententiam de Virginis Immunitate intra Opinionum fines adhuc contineri, quum pendente iudicio Apostolicæ Sedis, Certitudo vera & objectiva tribui illi non possit. Deinde exploratum habemus, abhorre a prudentis Theologi

gi sapientia, immo ab Ecclesiæ doctrina, tantam vim statuere in Persuasione; quæ improvida ac temeraria esse facile possit, & potissimum ubi agitur de re gravissima, Vita nempe nostra sponte profundenda. Namque Prudentiæ Moralis leges præcipiunt, ut in arduis consiliis, quale certe est Mortis ultro eligendæ, sollicitè caveamus, ne immoderata aliqua affectio fucum nobis faciat, & ne corrupta ab affectu Voluntas Intellectum determinet ad persuadendum sibi Verum pro Falso, aut Falsum pro Vero, aut Incertum pro Certo, aut Certum pro Incerto.

Atque ex hæcenus positis habemus, ædificare adhuc in aere Siculum nostrum, quum subdit: *Rursus pie vovens certo tenet, quod Virgini perhonorificum sit Immunitas a macula & Immunitatis tuitio. Estne hoc Mendacium?* Reponendum est, nullum heic esse locum *Mendacii*, si is intelligit iudicium falsum cum intentione fallendi proximum. Itaque abjecta *Mendacii* inopportuna voce, dicendum ei erat: *Estne hæc Persuasio Fallax?* Continuo quippe tunc respondebitur: si Persuasio ista respicit dumtaxat *Probabilitatem* ac *Verisimilitudinem*, non fallitur, quum re ipsa Probabile sit, hunc Honorem, siue Honorificentiam minime negatam a Deo fuisse Mariæ. Sin respicit *Certitudinem* hujus sententiæ ac honorificentiae, Fallax est, quum nulla authentica auctoritas, aut ineluctabilis ratio certos nos adhuc fecerit, privilegium hoc fuisse Virgini collatum. Proinde *Honorificentia* ista *Opinativa* tantum est, & sub conditione posita, adeo ut Immunitas Virgini sit honorifica, si Deus revera id fecerit; quod interim nobis innoscere, non e ratiunculis nostris, sed per vocem dumtaxat infallibilis Ecclesiæ poterit. Nam si oppositum voluisset Deus, idque ab Ecclesia judicante disceremus, desineret esse honorifica Virgini Scotistica Sententia, quum e Falso verus Honor progigni non possit. Tunc autem Intellectus noster sine ullo negotio rationes inveniret, quibus ostenderetur, nihil Honori Virginis detrahi per Thomisticam sententiam, quum Sanctissima Christi Mater hæc prærogativa non indigeat, ut sit honore summo digna, eamque e tot aliis titulis supra reliquos Sanctos honoratam, ac honorandam, vel ab ipso sui exordio universa fateatur Ecclesia. Quamobrem illud certo tenet, quod nuper cecinit nobis Theologus. Siculus, imprudens ac temerarius est, si de *Certitudine Objectiva* loquamur; prudens, si de *Probabilitate Opinionis*, ita tamen ut Persuasioni istius Honorificentiae possit quidem subesse Verum, sed negandum non sit, quin possit subesse & Falsum. Contra nos certo tenemus, quacumque ex parte versetur Votum Sanguinarium, siue homo moriatur pro *Veritate*, idest, *Persuasione Veritatis* sententiæ Scotisticæ de Conceptione,

ne, sive pro *Pietate*, quæ inest *aclui Opinativo* (ut *Parthenotimus* ait) de eadem *Conceptione*, sive pro *Sanctitate*, *Cultu*, aut *Honore* *Deiparæ*, ipsum mortem subitum dumtaxat pro *Opinione*. At hoc ipsum mori pro *Opinione*, grave foret *Imprudentiæ facinus*, & *Peccatum*, ac faciem gereret *Superstitionis*, ne dicam *Fanaticismi*, quando *Parthenotimus* ipse jam factus est, nefas esse *Vitam dare* pro *Opinione* tuenda.

C A P U T X V.

Votum Sanguinarium non ferendum, quia hominum Opiniones æquat Veritatibus divina Fide credendis. Effugia Parthenotimi præoccupata. Idem Votum in Apostolicæ Sedis injuriam conceptum. Scandalo futurum hostibus Ecclesiæ Catholicæ. Neque ejus pondus votentibus satis perspectum. Præterea illusarium.

Tertio dico: *Imprudens, temerarium, ac minime ferendum esse Votum, quod Veritatibus divina Fide credendis hominum Opiniones æquat*. Indicet mihi quisquam, si potis est, quale omnium maximum honoris & amoris pignus habere, & exhibere homo Fidelis possit erga Revelata a Deo, hoc est erga *Dogmata Fidei*. Nullam profecto majus, quam *Vitam nostram*, maximum nempe ac pretiosissimum temporalium bonorum, pro eorum tutela dare, id est mori potius, quam ea abnegare. Lueulentissimum heic nobis exemplum præbuit ipse Dei Filius; nam super alia divini sui erga nos amoris opera, quis non prædicat mortem, quam ipse pro nobis pati dignatus est? Propterea Apostolus Roman. V. vers. 8. agebat: *Commendat autem Caritatem suam Deus in nobis, quoniam quum adhuc peccatores essemus, secundum tempus Christus pro nobis mortuus est*. Non dicit, natus est; prædicavit; oravit &c. Inquit, *mortuus est*. Ultra facere non potuit amantissimus Deus. Atque hoc idem testatus est ipse inquit Joh. XV. vers. 13. *Majorem hac dilectionem nemo habet, quum animam suam ponat quis pro amicis suis*. Pariter quoque Petrus amoris sui erga divinum Magistrum ostendendi causa agebat, Joh. XIII. vers. 37. *Animam meam pro te ponam*. Et cur Martyres tanti Ecclesiæ facit, & reliquis Sanctis præfert? nisi quia sublime Fortitudinis & Caritatis experimentum dedere, mortem tolerando pro Christo, & pro Revelatis ab ipso. Plus homo præstare non potest, quam re-

nuntiando Vitæ suæ, ut acquirat, quod sperat, sed non videt, ut assequatur, quod credit, sed non apparet, uti Apostolus ait, Roman. VIII. & Hæbr. XI. Quum ergo Voto Sanguinario addicti Vitam se daturus voveant pro tuenda sententia sua, quæ tamen ex omnium, immo & ipsorum confessione ad divinam Fidem non pertinet, nec Fidei Dogma appellari sine crimine potest: consequenter *Veritatibus Fidei* humanam *Opinionem* arbitrio suo parem faciunt. Atqui hoc facinus intolerandum est, nempe temeritatis ac superbiæ, quod a peccato excusare non possis; tum quod Ecclesia a tot Seculis neminem novit, aut toleravit, qui simili de causa Sanguinem suum fuderit, aut fundi licite posse censuerit; tum etiam quod Fidei Dogmata tuentes certi sumus, nos pro Veritate, sive pro certe Revelatis a Deo occumbere; occumbentes vero pro Opinionibus fieri posse, ut pro Errore ac Falsitate animam ponant. Neque censuram hanc, quam Lamindus antea indicarat, a clientibus suis Parthenotimus in posterum depellet, quando Veritatis vis hanc ab eo confessionem expressit pag. 59. ubi ait: *Certe facinus est Opinionem æquare Veritatibus Fidei*. Quum ergo ipse pag. 19. agnoverit, Scotisticam de Conceptione sententiam *nondum esse de Fide*, & pag. 21. *non vixi ex Dei Revelatione, quæ sit ab Ecclesia Fidelibus proposita*; neque ausus usquam fuerit illam referre inter Fidei Dogmata; petendum nunc est ab eo, cur *facinus* intolerandum clientibus suis suadere dicendus non sit, quando eos ad tolerandam mortem hortatur pro tuenda sententia, quæ nihil aliud est nisi *Opinio*? Nonne hoc est modo omnium efficacissimo prodere, apud te pari in æstimatione esse Veritates a Deo certissime revelatas, ac Opiniones hominum profecto non certas? Vide Castrensis, & Vasqui doctrinam, quam attuli supra.

Quid respondeat Parthenotimus pag. 59. accipe: *At vovens, non pro Opinione, sed pro Deiparæ cultu moveretur. Affirmare autem, quod morti ob exercitium Virtutum æquetur Morti pro Fide confitenda, nullum est facinus, nec res moderationis indiga*. Hoc idem ante proposuerat pag. 19. scribens: *Non Martyr esset pie vovens, quia assentitur Immaculatæ Beatæ Virginis Conceptioni; nec pro ejus directâ Certitudine, quæ nondum est de Fide* (& adhuc in Opinione consistit) *mortem oppeteret, sed pro defensione Sanctitatis Marianæ, quæ Virtutem Religiosis sapit*. Et hæc illa Veritas, pro qua moveretur. Addit infra: *Virtutis opus est, Virginem at a labe immunem venerari. Virtutis opus est, vovere actum Virtutis, & Votum servare*. Piget metoties cogi eandem recoquere crambom, hoc est eandem dissipare atquivocationem, sub diversis nominibus a Parthenotimo propositam. Sed mi-

nus peritis, ut a fallacia tam periculosa doctrinae sibi caveant, et succurrendum. Primo Lectores animadvertant, ac fortiter teneant velim, fateri rursus Theologum nostrum, temeritatis & peccati expertem non futurum, qui *pro Opinione* mori eligeret. Quare is probe sentiens, sententiam Scotisticam post plura Secula nondum e finibus *Opinionum* migrasse in sacrarium Fidei aut Scientiae, ad aliam anchoram confugit. Nempe excogitavit, Voto Sanguinario se se obligantes debere protestari, se morituros non pro sententiae istius Veritate, quae adhuc latet in tenebris Opinionis, sed *pro Desipere cultu, Sanctitate, honore: quod opus Virtutis est, & exercitium Virtutis, & Virtutem Religionis sive Pietatis sapit*. Speciosum sane effugium, ac pulchra primo aspectu doctrina, qua irretiri possint rudes, ut in mortem ruant *alacriter* pro tuenda Immunitate Mariae. Verum ubi in viscera doctrinae hujusmodi penetremus, nihil nisi inane ac temerarium occurret. Secundo intelligimus, consequi ex ista doctrina, nullam dari *Opinionem*, dummodo *Pia* sit, pro qua tuenda non liceat secundum Parthenotimi placita mortem oppetere: quod tamen facere inter detestabilia *facinora* nuper ab ipso Theologo vidimus recensitum. Quislibet enim semper illius orationem repetet: *Non morior pro Opinione, sed pro cultu & honore hujus Sancti: pro Pietate, quae inest actui Opinativo; & ut faciam opus Virtutis, opus Religionis, atque Pietatis*. Hoc unum, etiam si ultra non procedamus, sufficit, ut sentiat absurdum, ac imprudentia Parthenotimane doctrinae. Nullum enim amplius discrimen erit inter Dogmata Fidei certissima, & fallaces hominum Opiniones, quando aequae pro utrisque vitam dare *Virtutis opus est, Religionis, atque Pietatis*. Deinde nulla vel levis *Opinio* erit, pro qua, dum *Pia* videatur, honestum non sit ac laudabile Sanguinem profundere; immo & pro deliriis Pietatis idem praestare, commendatione non cariturum censebitur, modo sibi homo *persuadeat* (quod Parthenotimus supra docuit faciendum) se tueri certam sententiam. Miseram, exclamare egor, Ecclesiae ac Reipublicae conditionem; si tam periculosa ac impravida doctrinae locus umquam relinqueretur. Sed intimum ejusdem doctrinae vitium, non semel detectum, repetamus. *Veritas* illa una est, quae rerum & actionum pretium intrinsicum constituit; idque potissimum in Religionis ac Pietatis economia animadvertendum. Si *Certa* est *Veritas* in aliqua propositione, aut opere, spectante ad Cultum Dei, & Sanctorum, *Certum* quoque est praedicatum *Pietatis*, quod illi tribuitur; & tunc *Virtutis Certa*, sive *Religionis*, aut *Pietatis Certa* opus illud dicendum est. Sin autem *Veritas Certa* objecti lateat, & de ea tantummodo *Probabilitas* habeatur, sive *apparentia Veritatis*: tunc

tunc *Probabile* dumtaxat est prædicatum *Pietatis*; & opus illud dicendum est *opus Virtutis*, seu *Religionis*, ac *Pietatis Probabilis*, non vero *Certæ*; neque enim ex arbitrio nostro Intellectus potest aut debet objecto conferre, quod ab eo abest, aut plus ei tribuere, quam in eo sit. Dupliciter ergo habere possumus motiva credendi, aliquid spectare ad cultum Numinis, ejusve fervorum, aut agendi aliquid, quod Deo gratum nobis videatur. Si *Probabilia* tantum sunt motiva, *Probabile* etiam est, sed non *Certum*, spectare propositionem aut actionem illam ad cultum Dei. Si *Certa* (ut in Dogmatis divina Fide credendis) tunc *Certum* quoque est, nos credere *Verum* & non *Falsum*; nos agere opus Virtutis *Certæ*, sive Religionis atque Pietatis, de quo nil dubitationis reliquum sit. Ita possumus habere sufficientia motiva ad suspicandum aliquid de proximo nostro; & quantum est ad suspicandum, tunc non fallimur. Falleremur quidem, & judicium nostrum temerarium foret, si quæ sunt motiva *Probabilia* atque apta ad fundandam justam Suspicionem (hæc autem idem ferme est atque *Opinio*) nos adhiberemus ad credendum *Certum*, id, quod tantummodo *Probabile* est. Quum ergo a Scotistica de Conceptione sententia, pendente judicio Ecclesiæ, non possit excludi formido Erroris, necesse propterea est, ut sit adhuc *Opinio*, non *Certa Veritate* nixa, sed *Probabilitate* tantum, ac *apparentia Veritatis*. Rursus necesse est, ut *Probabilis* ac *Opinativus* tantummodo sit, & non *Certus*, *Cultus* & *Honor Deipare*, a Veritate sententiæ ipsius pendens; neque enim certi nos sumus, quin Deus aliter fecerit, ac nos arbitremur, Scoti sententiam sequendo; & quin aliquando sentiendum sit cum Thomistis, si Ecclesia pro illis judicaret, Hoc posito, tuncatur Fidelis quilibet quantum vult verbis & rationibus Piam hanc Opinionem. Recte agit, uti recte agitur in tot aliis Opinionibus, sive Probabilibus sententiis, quas in Scholâ Theologi tuentur. At quando pro hac Opinione propugnanda Theologus noster vult etiam Vitam impendere; non opus Pium facit, sed Peccatum; non actum Virtutis exercet, sed Temeritatis. Nam quod est tantum Probabile, atque is scire debet ac potest, non esse immune a formidine & periculo Erroris, ipse ignorantia vincibili, aut intoleranda pervicacia Certum vult esse. Dein de pro Opinione Virtutis, Pietatis, Cultus, Honoris, aut Sanctitatis Mariæ occumbere vult; quum tamen ipsemet agnoverit, nefas esse pro Opinione Mori. Tertio fatetur, ille detestabile Facinus esse Opiniones æquare Veritatibus Fidei; atque ipse ignorare non potest, nec debet, quantum intersit inter Honorem Opinativum Virginis, manantem a Scotistica de Conceptione sententia.

tentia, atque Honorem Certissimum Virgini debitum e Maternitate Dei, Virginitate perpetua, aliisque prerogativis divina Fide de ipsa credendis; & nihilominus pro Honore illo Opinativo mori non secus paratus est, ac sit pro Honore Certissimo secundum Dogmata Fidei Deiparæ debito. Nonne ergo damnandum se præbet Theologus noster ea de causa, quod Opinionem æquet Veritatibus Fidei, atque (ut alibi ostendimus) Certissimum Vitæ Bonum pro Incerto commutari licite posse nos doceat?

Quarto dico: *Imprudens, temerarium, atque intolerandum esse Notum, quod in injuriam cadit Apostolicæ Sedis: immo & universæ Ecclesiæ.* Justis rationibus mota Romana Ecclesia, & Concilii Tridentini Patres, inter duas de Conceptione Virginis oppositas sententias, sive Opiniones, judicium suum adhuc continuere; ita vero unam commendarunt, eique saverunt Romani Pontifices, ut alterius tamen jura non læserint. Hoc etiam variis Decretis edixerunt, ab universa Catholicorum Republica præstandum. Quid autem aliud est Parthenotimi, illorumque, qui incaute Parthenotimo fidem habent, consilium, nisi persuadere velle Christiano Orbi, jam sententiam suam in Dogma Catholicæ Fidei evasisse, quando pro illa Vitam suam voverent; non secus atque pro doctrina Fidei agendum Christus præscripsit? Quid nisi jura Ecclesiæ usurpare, temereque edicere velle, repugnante nihilominus Ecclesia, non amplius dubitandum esse de Veritate ejusmodi sententiæ, quam tamen Summi Pontifices, toties in illam intenti, dubiam hætenus incertamque reliquere, solidisque rationibus ducti decernendam minime consueverunt? Certe nemo non agnoscat in hisce tanti momenti conatibus temeritatem atque superbiam; & in contumeliam Sanctæ Sedis recidere ista privatorum hominum consilia. Nam posteaquam viderunt hujus sententiæ patróni, & Principes, & Academiæ a se commotas frustra egisse apud prudentiam & constantiam Apostolicæ Sedis, ut inter Fidei articulos referretur Opinio de Immaculata Conceptione: aliam ipsi iniere viam, qua nimium credulis persuaderetur, jam tandem atque exploratam stabilemque esse ejusmodi sententiam, vel sine Romanæ Ecclesiæ sententia, ut eam Sanguine tueri non tantum liceat, sed & Martyrii genus Deo gratissimum futurum sit. Arbitrati quoque sunt, se hac ratione prorsus depressuros apud vulgus Opinionem adversariorum, quam tamen uti Erroris ac Impietatis expertem hætenus agnovit, atque agnoscendam decrevisse Apostolica Sedes. Quæso interim, si aliquando Romana Ecclesia Fidei Dogmatibus adjungeret Scototicam sententiam, quid ultra, quid

quid majus faciendum Parthenotimo restaret ad testandum, se divina Fide credere sententiam eandem, postquam præoccupato iudicio Ecclesiæ Sanguinem pro ipsa tuenda nunc vovet? Atque hæcenus profecto universa Catholicorum Respublica sentit, quantum Cathedra Petri zelo & cura honoris Deiparæ ferveat, & simul quantum Doctrina & Prudentia excellat. Sed ecce homines, qui se plus scire ac sapere, quam Romana Ecclesia opinantur; quique uberiori zelo se incendi, quam Successores Petri & Concilia ipsa, hujus Opinionis probe conscia, persuadere se posse Populo arbitrantur. Hæc quis ferat? Hercle si in vivis ageret Clarevallis Abbas Sanctus Bernardus, tonaret isto novitro facinore percussus. Norunt Eruditi, quantopere is indignatus fuerit adversus Lugdunensium Canonicorum novitatem, qui Anno 1140. Festum Conceptionis Mariæ primi in Gallia instituerunt, inconsulta Apostolica Sede. *Nam si sic videbatur* (ait Epistola CLXXIV.) *consulenda erat prius Apostolicæ Sedis auctoritas, & non ita præcipitanter atque inconsulte paucorum sequenda simplicitas imperitorum.* Quid ergo nunc diceret Sanctus Abbas, audiens eo usque processisse nonnullorum licentiam, ut Romana Ecclesia minime consulta, immo noscentes ipsam in hujusmodi controversia non ita inclinare in unam sententiam, quin possit aliquando judicare pro opposita; præterea fatentes, nullam ferme esse Academiam, quæ hac in re non sequatur Romanæ Ecclesiæ prudentem circumspectionem, dum tutelam quidem vovent Scotisticæ sententiæ, sed *juxta Summorum Pontificum Decreta jam edita, aut deinceps edenda*: isti, inquam, nihilo secius uti rem Certam, atque omni dubitatione carentem, eandem Scoti sententiam venditent; & quod pejus est, de Vita hominum decernant in ejus tutelam impendenda, dicentes: *Persuadete vobis, quod re ipsa Virgo immunis fuerit a macula*, ac deinde intrepidi pro ista persuasione morti occurrite, & nos Martyrum coronam vobis pollicemur in cælis? De vitis hominum prodigendis nunc agitur, re utique pretii ingentis, & de honore Martyrii conferendo sectatoribus hujus inconsulti consilii, ac proinde de Sanctis antiquitati universæ ignotis in Cælum inferendis. Si pro Thomistica Opinione post paucos dies Romana judicaret Ecclesia (quod ne Parthenotimus quidem negat, quin contingere possit) nihil deperiret conscientię, aut existimationi hominum, qui hæcenus voce & calamo Scotisticam tutati sunt Opinionem, quum tamdiu se illam, uti opposita Probabiliorem, se tutari profiteantur, quamdiu quæstionem dirimat Romanus Pontifex, idque faciunt

probante ipsa Apostolica Sede. At nequaquam desineremus insinuare temeritatis, qui eidem Scoti sententiæ adhærentes, sua tantum Prudentia innixi, ac pertinaci superbia usurpantes jura Ecclesiæ, Certum sibi finxere, quod Sancta Sedes Incertum adhuc habet, Vitamque suo arbitrio non amplius recipiendam profudere pro Errore. Neque eorum Imprudentiam excusaret Ignorantia invincibilis, quando facile possent ac deberent scire, hætenus Ecclesiam abstinuisse a credenda hujusmodi Certitudine, ita ut plus ipsi sapere vulerint, quam oporteret sapere.

Quinto dico: *Imprudens, temerarium, ac damnum esse Verum, quod Doctrinam ac Prudentiam Catholicæ Ecclesiæ irridendam hostibus nostris præbere possit.* Fingamus nobis Tyrannum, demeritiæ ac impietatis facibus succensum, qui tormenta ac mortem minetur assertoribus Immaculatæ Conceptionis, multosque e Vocantibus ea de causa in tormenta & mortem rapiat: quodnam quæso foret judicium Heterodoxorum de Ecclesia Catholica, si diram hanc ipsa toleraret carnificinam? Præstare ego non possum, quin inter Fanaticos recenserent hoc hominum genus, qui nulla commoti Evidentia rei, nulla infallibili Auctoritate fulti, suæque tantum privata Persuasionem abrepti, jugulum ultro carnifici traderent. Et quidni miserabile istud macellum intuentes, aut audientes, cum Lucretio ingeminent

Tantum Religio potuit suadere malorum?

Ad hæc dignitati ac prudentiæ Apostolicæ Sedis; atque Ecclesiæ Catholicæ acerrime in posterum insultarent, quando, connivente, solum ipsa, apud nos inspicere, eadem firmitate credi, eadem constantia propugnari, tam quod Certo Revelatum a Deo credimus, quam quod Incertum adhuc est, an fuerit Revelatum; tam quæ Ecclesia infallibilis credenda nobis absque Erroris metu proponit, quam quæ adhuc formidinem Erroris includunt, immo uti dubia atque Incerta ab Ecclesia ipsa proponuntur. Adderent, ruere jam apud nos principia solidissima, quibus hætenus contra illos fuimus usi: hoc est Auctoritatem Ecclesiæ eam demum esse, quæ certos nos facit de Veritate credendorum, siue de Revelatione divina, si enim satis est *Persuasio*, quam quisque privatus habere potest, & Parthenotimus sufficientem deprædicat, ut Certum aliquid sit nobis in rebus a Revelatione Dei pendentibus, atque ut legitime ac honeste Sanguis pro Sententia Scotistica fundatur: ipsi etiam Sectarii *Persuasionem* ista tutos in sua doctrina credere se deinceps poterunt, ac nobis irridebunt tanta de necessitate Auctoritatis Ecclesiæ adversus eosdem proferentibus. Tum pergerent insultare nobis, & content-

tendere, negari amplius non posse (quod hactenus quisque Catholicus, atque ipse Parthenotimus negavit) quin ad *Fidem divinam* spectet sententia Scotistica, quando vidente ac tacente Ecclesia, pro ea non secus ac pro Dogmatis Fidei Sanguis effunditur. Quod si Parthenotimus quisquam reponeret, non fundi Sanguinem pro *Veritate* istius sententiæ, quæ nondum Certa de Fide est, sed quidem pro *Pietate*, quæ Certo inest *Actui Opinativo de Immaculata Conceptione, sive pro Cultu, pro Honore, pro Sanctitate Virginis*: acrius illi instarent, petentes, si ne de Fide Certitudo istius Pietatis, Cultus, Honoris &c. an non. Affirmante Parthenotimo, pertinere hæc ad Fidem, ergo, inquit, Catholicis omnibus toleranda mors erit pro Immunitatis Marianæ sententia: quod tamen nemo nisi desipiens e Catholicis dixit, aut dicere potest. Addent, monstrum plane esse, Certum appellari *Cultum & Honorem Virginis* in Scotistica sententia, quando *Veritatem* ipsius sententiæ adhuc fatemur Probabilem quidem, sed minime Certam, ita ut formidinem Erroris neutiquam excludat, quum Certitudo Cultus, Honoris, Pietatis, Sanctitatis fluere tantummodo possit e Certitudine Veritatis, quæ eidem sententiæ insit. Finge nunc, Parthenotimum fateri, non spectare ad Fidei Dogmata Pietatem istam, Cultum &c. Urgebunt vehementius imprudentiam, temeritatem, Fanaticismum morientium pro sententia, quæ nihil aliud demum sit nisi *Opinio*; & a qua cerebellum nostrum jure excludere nequit metum Erroris, quando Parthenotimus ipse negare non potuit, quin judicante Ecclesia Veritas deprehendi possit aliquando in *sententia Pæ opposita*. Reponente autem Parthenotimo, dari aliam Certitudinem, quæ ut is ait pag. 24. non a *Revelatione Dei clare sibi nota, sed ex consensu Theologorum, Academicarum, ex universalibus Patrum locutionibus oritur*, Parthenotimum nullo negotio obruent, contendendo, non sufficere hæc ad invehendam Certitudinem, pro qua Certum Vita bonum commutare liceat, quum sigillo Veritatis, quod Ecclesia nra apponere potest, careat ejusmodi Certitudo; immo quum Ecclesia questionis probe conscia uti Incertam illius Veritatem hucusque agnoverit. Adjicient, falso venditari *consensum hunc Theologorum, & Academicarum*; nam Theologi & Academici *Piam* quidem, hoc est *Probabilem*, agnoscunt sententiam Scotisticam, nequaquam vero *Certam*; immo illam ita tuentur, ut paratos se fateantur ad concedendum in oppositam, si quando Sedes Petri Veritatem in Thomistica potius, quam in Scotistica sententia detegeret. Insuper falso jactari ejusmodi *consensum* contenderent, prolatis veterum Theologorum placitis, apud quos *Communis* fuit

Thomistica sententia. Denique obijcerent nobis non jam paucos, ut Parthenotimus dicitur, sed plerosque ex antiquis Patribus, qui unam Jesum Christum a culpa primi parentis immunem fuisse concordi voce tradiderunt; unus quippe sine Concupiscentia, & non virili e femine, sed opere Spiritus Sancti, procreatus in utero Virginis fuit. Hæc, ut puto, adversus nos Heterodoxi aliquando jaculari possent, nisi mature obviam iretur perversis confectariis, quæ e pervicaci tutela Voti Sanguinarii effluere possent. Utrum mihi, an Parthenotimo, hæc Veritas & Ratio militent, Ecclesiæ, aut saltem Prudentiorum judicium decernet.

Sexto dico: *Imprudenter ac temere Votum Sanguinarium contrahere, quod grave illius pondus minime a voventibus satis perpendatur.* Peto enim ego, num qui se se novitio hoc Voto obstringunt, serio prius animadverterint, quid polliceantur, quidve sperent. Non enim agitur de ictu tantum securis, celerique morte; sed etiam de tormentis quibuslibet pæferendis, qualia fortissimi Athletæ nominis Christiani olim sustinuerunt. Profecto non consuevere Tyranni sibi contradicentium Vitæ icu uno amputare. Immo exquisitis tormentorum generibus student, ut in suam sententiam reluctantes trahant, antequam in illorum caput postremo supplicio animadvertant. Horremus nos, quamquam a barbaris iis spectaculis remotissimi, laniam Martyrum legentes; & nunquam lassas in iis excrucians & dilaniands satellitum manus. Et hæc tamen e tutissimo loco mente dumtaxat metimur. Aut ergo Votum tolerandæ mortis tam facile zelatores nostri concipiunt, quia ignorant, quam duro, tremendoque discrimini se se offerant; aut si omnia probe tenent, ideo tam placido, serenoque vultu vovent, quia sibi pollicentur, nunquam promissi implendi occasionem esse adfuturam, dum inter Catholicos pacatissime vivunt, & Barbarorum persecutio hanc ob rem nunquam pertimescenda videtur: quod sane Thraſonum potius piorum est, quam fortium Christianæ Religionis pugilum. Ut ut tamen sit, si serio agant, rursus peto ego, quæ spe agantur, tormenta acerbissima devorandi, & mortem denique fortissime tolerandi? Ad incundum Martyrium pro Catholica Fide, nemo neget, Sancto Augustino variis in locis id tradente, quin speciali Gratia & auxilio Dei sit opus. Et istud sano divinus Magister spondit cuicumque non temere ad testandam Veritatem cœlestis suæ doctrinæ pergenti. At quibus, quæso, tabulis Parthenotimus singulare istud auxilium clientibus suis spondeat? Nimirum absque ullo divinarum Litterarum aut Ecclesiæ suffragio, immo saltem tacite contradicente Ecclesia, Sanguinarium Votum pro Conceptione Virginis procusum fuit; illudque suo tantum fidentes ingenio non

nonnulli efformant, aut deprædiant, & quidem pro Opinione tuenda, quæ dubitationem omnem Erroris minime excludit. Atqui non ab hominum ingenio ac arbitrio, sed a promissionibus Christi, sperandum expectandumque est peculiare divinae gratiæ auxilium, neque Temeritas absque ab exponente se se immanibus tormentis, nisi eum Ecclesia certum faciat, illius lateri adfuturum, qui in veris Martyribus certare ac vincere consuevit & potest. Quare ad *Tentationem Dei* referri potest huiusmodi audax consilium, quum nulla necessitas nobis adfit, a lege Dei aut Ecclesiæ imposita, fundendi Sanguinis pro tuenda Scotistica sententia, neque utilitas in Ecclesiam manare possit e Sanguine pro illa fuso, non enim propterea evasura Vera ac Certa eadem Sententia. Quod si *Martyrio se se offerre temere, & absque iuxta causâ*, vel quum agitur de Veritatibus Fidei propugnandis, *Tentatio Dei* est uti Th. Sanchez ostendit in Decalog. Lib. 2. Cap. 34. quanto minus mortem eligere licebit pro sententia seu Opinione dumtaxat Pia, quæ certè exclusa est e catalogo Veritatum Fidei? Origenis verba audiamus Tom. 3. in Iohannem: *Honestum quidem est, ait, se incidere iustam pro confutendo Jesum, confessionem non differre, neque tardare mortem pro Veritate appetere. At non minus quam hoc honestum est, tali tanquam temptationi Occasionem non dare, sed omnimodo vitare eam: non solum quia tantæ rei exitus incertus sit nobis, verum etiam ne nos occasio simus, ut magis Peccatores, magisque Impii evadant illi, qui nondum Sanguinem nostrum re ipsa effudisse rei essent facti, si quæ in nobis sunt foecitates, declinaverimus eas, qui insidiant nobis vel ad mortem usque moliantur, sed puniendi alioquin majori graviorique poena nostræ conussæ, nisi nostri amantes, rebus illorum participabitis, exposuerimus non ipsos interficiendos, nulla nos necessitate urgente. Paria habet Clemens Alexandrinus, Gregorius Nyssenus, Petrus Alexandrinus, Gregorius Nazianzenus, ac alii Patres. Si illi improbat, qui nulla necessitate urgente ad tormenta & mortem curebant pro Fide, Deum quippe quodammodo tentabant, causamque præbebant impiis, ut peccata peccatis adderent: num probandi, qui mortis subeundæ necessitatem, quam nemini Ecclesia imponit pro tuenda Scotistica sententia, ipsi arbitrio suo sibi faciunt ac imponunt? Neque *Cultum* ac *Honorem* *Deiparæ* obtendere juvabit. Non nostrum est, sed Ecclesiæ, præscribere rationem, veram colendam ac honorandam Virginis. Laudat Ecclesia tæntes vocem & scriptis Immaculatam Conceptionem, at nunquam laudavit aut probavit, Sanguinem etiam dare pro illius sententiæ tutela, quia nunquam probavit mortem oppetere pro Opinionibus, licet Pius, qualis adhuc est in Ecclesia Dei Scotistica sententia.*

Septimo dico : *Minime ferendum Votum Sanguinarium*, quia *Votum tantummodo officiosum est, ac potius irrisorium*. Tormentorum ac necis crudelissimæ terrores nuper ego ingerebam paucis Siculis. Vitam suam sacrantibus tutelæ Immunitatis Marianæ : Verum ex altera parte infargit Parthenotimus, animosque addit clientibus suis, ut Votum intrepide concipiant, ac nullo eculeorum & patibulorum metu se concuti patiantur. Scribit enim pag. 100. *Theologos ut vitæ prædigos, moderari prius cogitet Laminus, quam moderetur, tamquam vitæ projectionem, Pium Votum, ac Juramentum. Quippe plures in cavere, quam Jurans repetere debet, sunt enecti, nec Unus Conceptionis defensor Vitam amisit; imo nec periculum subiit illam amittendi*. Hæc rogo perpendant, & mihi explicent sapientes. Ad me quod attinet, hic eorum sensus mihi videtur. Bono animo esto, Siculi mei, qui me Magistroutimini; atque hilares vovete Votum eruentum de tuenda Scotistica sententia : nil funesti inde vobis continget. Pacificos dies usque ad senectam ducetis; neque vel unus capillus ob Votum istud e capite vestro peribit. Aliorum exemplum respicite, qui par Votum antea concepere : nec unus Vitam amisit, immo ne periculum quidem subiit illam amittendi. Si hæc non immerito tribuenda sunt Theologo nostro, jam habet Lector, quid demum sentiendum sit de Voto Sanguinario. Nimirum illud esse Votum irrisorium; ac suaderi hominibus, ut ipsum emittant, sed simul adjecta, ut ita dicam, cautione, ne guttatim quidem sanguinis umquam ipsos ex de causa profusuros. Libram ergo Votum illud *magnanimam*, quod Parthenotimus tantopere in Præfatione extollebat, quando insinuat, nullum, ne leve quidem, periculum subesse incommodi, nedum mortis, illud voventibus? Atque ecce, quo desinat mori *pro Pietate, pro Cultu, pro Honore Virginis*. Immo, tacite ait Parthenotimus, nullus vestrum morietur, semperque aberit Voti discrimen ab hujusmodi Voto, quod non concipitur in eum finem, ut Sanguis reapse sit fundendus, sed ut sensim Populo persuaideatur, sententiam, quam nos depredicamus, evasisse tam Certam, uti sunt Articuli Fidei; atque ut vellentem, nolentemque Ecclesiam cogamus ad hanc Opinionem Articulum Fidei deernendam. Quod si Tyrannus (nondum natus, & nunquam fortasse nasciturus) aliquando mortem, horrendamve membrorum lacerationem minaretur, tunc Vita nostra consillemus aut commutatione Voti, aut alia quapiam commoda ratione, quæ non deest. An Parthenotimi mentem assequutus ego hæc scribam, prudertum erit judicare. Ubi vero ita se res habeat, nemo neget, quin conspectum etiam ex hac facie Votum Sanguinarium, mini-

ante ferendum appareat, quum ludibrium sit Pietatis, & sub speciosa magnanimitatis larva alio collineet.

C A P U T X V I.

Martyrii Spes Voti Sanguinarii amatoribus perperam facta. Sancti Thomae, & Cardinalis Capisucci in hanc rem doctrina. Pro Veritate sententiae Scotisticae revera Vocentes se Vitam daturos pollicentur. An Theophili Raynaldi sententia de Vita danda pro eadem sententia improbatu Romae fuerit.

O Cravo denique loco dicendum est: Intolerandum esse Votum Sanguinarium, quod suis patronis nomen Martyris, & coronam Martyrii pollicetur. Longe antequam Alexander VII. postremam Bullam de Controversia Conceptionis promulgarit, hoc est in eunte jam Seculo XVII. audiri coepit est in Hispania. Opinio nonnullorum, affirmantium, tolerare mortem ad testificandam gratiam originalem Virginis, fore verum Martyrium. Scilicet Anno 1615. quum confictae Laminæ Granatenfes, Pseudo-Dextri Chronicon, aliisque piorum Impefforum monumenta, veluti ancilia e Caelo dimissa, omnem dubitationem de Veritate Immaculatae Conceptionis epiffimæ gentis Hispanicæ cordibus amoviffet, religioso afcû excitati nonnulli, fractis frænis quibusque, nihil non sunt aufi. Atque illi quidam imperterrito animo deprædicare coeperunt veluti Dogma Fidei sententiam Scotisticam: quo pofito confequens erat, gloriofum Martyris nomen iis effe deferendum, qui pro ipfa tuenda in certamine animam fuam exponerent. Tunc ergo Thelis erupit, Martyrii laudem pollicita morientibus pro ejufmodi cauffis, atque hæc illæfa dicitur evafiffe e fupremi Tribunalis Inquifitionis Hispanicæ examine. Eam proinde, flantibus tam propitiis ventis, tutati funt *Alvarus de Palacios* in Difc. pro Immac. Concept. *Agidius de Prefantatione* in Lib. de Prefervat. Virginis, *Jacobus Granado* in Lib. de Conceptione, & *Chriftophorus de Vega* in Theolog. Mariana, *Saavedram* quoque fupra vidimus pro eadem Martyrii fponfione pugnantem. Immo idem Granado refert (credat qui velit) in eam opinionem inclinaffe eximum Theologum *Francifcum Suarez*, cujus Epifolam laudat, Hifce Parthenotimus addit *Ludovicum Turrianum*, *Thomam Franco de Utrigini*, & *Francifcum Carrillo*

Aillo Velasco; addendus & ipse tandem aciei tantorum commilitonum. Quamvis enim Theologus noster, incertus quem eventum habitura sit pugna, præfracte non deferat nomen & aureolam Martyrii pro causa ista occumbentibus: satis tamen significat, sibi eandem opinionem probari, immo & ipsam clientibus suis artificiose insinuat. Hac præcipue de causa Laminus Sanguinario Voto obstitendum credidit, quod audisset hominem Populo suadentem mori, si occasio ferret, protuenda Virginis Conceptione sine macula; gloriosam enim hanc mortem subsequeretur præmium ac nomen illustre Martyris. Quid porro Siculo Theologus in hac rem habeat iterum audi: *Virtutis opus est*, ait pag. 19. *Virginem ut a labe Immunem venerari, quia Pium est, ipso fatente Pritanio. Virtutis opus est, vovere actum Virtutis, & Votum servare: Vovete & Reddite. Quid ergo impedimento esse potest, ut pro his Virtutis actibus mortem quis subeat, & Martyr nuncupetur?* Pag. 59. addit: *Vovens non pro Opinione* (scilicet Scotistica de Conceptione Virginis) *sed pro Deiparæ Cultu moreretur. Affirmare autem quod Mori ob exercitium Virtutum aequetur mortis pro Fide confitenda, nullum est facinus, nec res est moderatioris indolis.* Tum pag. 74. ostendere conatur, non esse hoc Martyrii novum genus, quo nomine Laminus illud confixerat; nam Sancto Thoma docente, *Omnium Virtutum opera, secundum quod referuntur in Deum, sunt quadam protestationes Fidei.* Parthenotimus autem in ea sententia est, mortem oppetere pro Immunitate Virginis esse *Opus Virtutis*. Quamobrem animadvertat Lector, non solum contendere a Theologo Siculo, *Honestum esse ac laudabile pro Scotistica sententia mori, sed etiam veri Martyrii gloriam deberi morientibus.* Quæ Opinio quum gravissima res certe sit, omnium prudentum Catholicorum examen exigit.

Ad me quod attinet infimum omnium, censeo, numquam in Ecclesia Dei tolerandam ejusmodi sententiam, eamque sollicite eradicandam, ne sub Martyrii spe incauti Fideles, ubi neque opus est, neque licet, in mortem ruant. Et profecto si quæ hætenus differui, solido fundamento nituntur, jam supervacaneum sit alia ad hanc molem deducendam referre. Si enim honestum minime est, immo Peccatum est, pro tuendis Opinionibus Vitæ jacturam pati; & sententia Scotistica inter Opiniones hætenus numeranda venit: reliquum est, eo minus *Martyrii* palmam ac nomen tribuendum certantibus usque ad mortem pro eadem Sententia. Vera autem narrat Parthenotimus post alios Theologos, quum ait, pro causa etiam *Virtutis* posse verum consummari Martyrium, quia & *Virtutum opera sunt quadam protestationes Fidei,*

Fidei, quæ in iis peragendis elucet. Sed ejusmodi doctrinam is numquam appet. morienti pro Immunitate Beatissimæ Virginis. Nam ut idem Angelicus Doctor tradit 2. 2. Quæst. 124. Artic. V. *Om-nium Virtutum opera, secundum quod referuntur ad Deum, sunt que-dam protestationes Fidei, per quam nobis innotescit, quod Deus bu-jusmodi opera a nobis requirit, & nos pro eis remunerat. Et se-cundum hoc possunt esse Martyrii causa: unde & Beati Johannis Baptiste Martyrium in Ecclesia celebratur, qui non pro neganda Fi-de, sed pro reprehensione adulterii mortem sustinuit.* Integra Aquinatis sententia proferenda Parthenotimo erat, & tunc perspexis-set, quam male regula ab eo adhibita a casu nostro aberret. In-quit Sanctus Doctor, & Fidei doctrina debere prius innotescere mor-itu pro opere Virtutis, *Deum hujusmodi opera a nobis require-re, & velle pro eis nos remunerari.* At quandonam doctrina Fidei fuit, exigere Deum, aut Ecclesiam, ut pro tutela Scotisticæ sen-tentiæ mortem subeamus? Et quænam hætenus auctoritas infallibi-lis certos nos fecit, Deum remuneraturum esse morientes pro hu-jusmodi causa? Immo exigit Deus & Ecclesia, ne temere ac im-prudenter prodigamus Vitam nostram, & ne pro tuendis Opinio-nibus, quantumlibet Piis, eam impendamus, quales adhuc esse sen-tentias Scotisticam & Thomasticam de Conceptione Mariæ quilibet sapientum judicat & docet. Neque sufficit *Persuasio* nostra, quæ in rebus Evidentia carentibus fallax ex natura sua est, & nisi ab in-fallibili auctoritate Certitudinem Veritatis in iis, quæ a Revela-tione pendent, assequatur, tam pro Vero, quam pro Falso, deter-minare se potest. Utramque istam rationem scite expressit Ray-mundus Capisuccus Ord. Prædicat. Sacri Palatii Magister, postea S. R. E. Cardinalis, Controv. XXVII. de Martyrio §. 16. *Cujus-cumque, ait, Virtutis opus, prout refertur in Deum, esse potest ma-teria Martyrii. Cum autem dicimus, prout refertur in Deum, hoc ita intelligendum est, ut opus Virtutis referendum sit in Deum, & ex intentione ipsius Martyris patientis, & ratione ipsius operis, quod ex se ipso Deum respiciat. Ita ut ad Martyrii rationem indu-cendam non sufficiat, quod aliquis mortem patiatur pro Virtutis ope-re, quod solum ex intentione patientis referatur in Deum; sed ne-cesse est, quod opus illud etiam ex propria ratione Deum respiciat, ut finem supernaturalem, & ad Deum ex propria ratione relatio-nem habeat; ita ut passio re ipsa, & ex propria ratione, quia est passio pro VIRTUTE PER FIDEM COGNITA ten-dat etiam ex se ipsa in Christum, & in Dei gloriam cedat &c. Nec Martyr esset, qui occideretur PRO DEFENSIONE OPINI-ONIS,*

ONIS, quam Falso credit esse de Fide; nam revera Divina Fidei testis non esset, quia reipsa quod ipse credit, ad Fidem non pertineret, nec ejus passio in Fidei manifestationem cederet. Non dissimilia tradit Lessius Lib. III. Cap. I. Dubit. 3. Quare videas, necessarium esse ad Martyrium, ut opus, pro quo danda est Vita, sit opus Virtutis, cujus veritas ac pretium per Fidem sit nobis certa. Neque sufficit generalis Virtutis illius cognitio per Fidem; sed oportet, ut opus illud singulare ex propria ratione spectet ad Fidem, ac referatur ad Deum. Neque sufficit Intentio, Persuasio, & Affectio nostra, quum nihil horum efficere possit, ut opus illud pertineat ad Fidem, Certumque sit, quando illud Incertum sit ex propria ratione. At nemo nescit, exclusam adhuc esse e doctrina Fidei sententiam Scotisticam, eamque inter Opiniones hactenus esse numerandam; ac proinde intelligit, perperam Martyrii spem præberi occumbentibus pro illius tutela. Incertum quippe adhuc est, an Deus Immunitatem illam Virgini tribuerit, atque an Deo placere possit, sitque Virtutis opus ad Fidem spectantis, discrimen Vitæ incurrere pro ejus tutela.

Fortasse reponet heic Parthenotimus, esse Virtutis opus ad Fidem pertinens, atque commendatum a Deo, *Cultum ac Honorem Deiparæ*, illiusque tutelam. Sed toties dixi, semperque nobis repetendum est, Fidei quidem Dogma esse *Cultum ac Honorem Virginis*; sed minime ad Fidem spectare cunctos illius colendæ ac honorandæ modos: nam & ex his ipsis occurrere possunt, qui Errorem, Superstitionem, & Hæresim sapiant, uti de Collyridianis factum jam legimus. Si Probabile tantum est, Virginem expertem fuisse originalis contagii, necessario Probabile etiam dumtaxat sit, non vero Certum Fide divina, Virginem ita esse colendam; temere vero ac imprudenter ab illo agi, qui assumens veluti Certum hoc Incertum, pro ipso Vitam profundat, maximum videlicet, Certissimumque Bonum. Addit tamen Sculus Scriptor, fatente etiam Lamindo, *calamo & rationibus Immaculatam Deiparæ Conceptionem tueri, procul dubio cum vera Pietate consonare*: Ita sane est, quia, docente nos in primis Ecclesia Romana, scimus; Probabiles adesse rationes, propter quas sententia hæc non videtur hactenus adversari Dogmatis Fidei, immo videtur consonare cum ipsis, ita ut jure *Pia* appellanda sit. Verum hoc non eximit sententiam hanc e numero *Opinionum*, immo ipsam inter Opiniones enumerandam evincit. Quum enim dicimus *Pie credo aliquid*, nihil aliud significamus, nisi nos nequaquam e clara & evidenti cognitione Veritatis existentis in sententia proposita, sed ex apparentia Veritatis, quam nobis rationes Probabiles insinuant, & religioso quodam affectu, assensum præbere illi sententiæ. Quare ipsum ap-

appellare *Piam* aliquam sententiam, excludit Certitudinem illius in communi Theologorum sermone. Aliter loquimur, quum Certitudinem aut Fidei, aut Evidentiæ Moralis, Physicæ, aut Metaphysicæ tenemus. Non enim dicimus *Pie credo*: mortuorum in postremo iudicio Resurrectionem; sed *divina Fide credo*: quum Certitudinem rei ex auctoritate Dei revelantis habeamus. Non dicimus *Pie credo*, Sanctum Augustinum Hipponensem Episcopum vixisse ineunte Seculo V. multosque Libros scripsisse; sed *Scio, Certumve id habeo* ex evidentiâ morali. Contra ubi deest Certitudo, ac Opinioni tantummodo locus est, quum de rebus agitur, sive sententiis, quæ spectare ad Dei Cultum, atque ad Honorem Servorum Dei possunt, tunc dicimus: *Pie credo*, exempli gratia, Scientiam mediam, Miraculum aliquod Sancti Augustini, aut Sancti Antonii Patavini, & Caput aut Reliquias Sancti Joannis Baptistæ adservari in illa Civitate ac Templo. Quare, ut pro modulo meo loquar, si affectu seposito Parthenotimus intime suam sententiam scrutabitur, facile inveniet, totam Martyrii sui telam in una Phantasia sua; imagines Pietatis intra se agitante, aut si mavis dicere, in uno Intellectu, contextam. Est quidem Veritas cognita per Fidem Honor & Cultus genericus Deiparæ, & Virtus itidem ad Fidem spectans, eam colere ac honorare; at descendendo ad particularia, minime per Fidem novimus, in Honorem Virginis Sententiam Scotisticam cedere; neque doctrina Fidei nos docet, Cultum legitimum, Deoque ac Virgini gratum, esse Vitæ nostræ sacrificium pro hujus sententiæ tutela. Quippe Ecclesia *Piam* quidem, hoc est *Probabilem*, non vero *Certam* habet ejusmodi sententiam: neque improbat, minusque caros habet, qui oppositæ adhærent. Ergo credere Veram ac Certam Scoti sententiam, atque existimare bene collocatum in illa tuenda ingens Vitæ nostræ bonum, unice consistit in *Persuasione, Affectione, & Intentione* volentis pro Opinioni illius patrocinio mori, non autem in re, seu opere, quod Certo, & *ex propria ratione* spectet ad Cultum & Honorem Virginis: quum constare aliquando possit, judicante Ecclesia, præferendam esse Thomisticam sententiam, ac propterea non esse colendam hac specie Cultus atque Honoris Sanctissimam Christi parentem. Fallaci autem, ut toties dixi, principio nititur, qui regendum se tradit uni suæ Persuasioni, Affectionique; licet *Piæ* ac bonæ; idque præcipue accidere in voventibus suam Vitam pro defensione Scotisticæ sententiæ. Neque enim in casu isto excusare nos potest, aut juvare Ignorantia, sive Error Invincibilis, postquam nemo e doctis ignorare potest aut debet, pendere iudicium Ecclesiæ, atque istud inclinare posse in contrariam sententiam; & nosse potest

ac debet, dari Opiniones speculative probabiles, immo probabilissimas, quæ tamen in praxi sint improbables: quod potissimum observandum est in rebus magni momenti, & præcipue ubi agitur de Vita hominum projicienda. Nam ut ratio speculativa gravis occurrat, posse Deo placere Opinionem nostram de Virgine sine labe concepta, & prudenter propterea nos voce & calamo posse ipsam tueri: si tamen Opinionem istam ita exaggerare, & ex ejus suppositione ita nobis imperare volumus, ut pro ipsa tuenda tamquam certissima mortem eligamus: tunc alia ratio longe gravior, immo certa, ac talis nobis occurrit, ut primam proflus prosternat, videlicet, Malum esse Vitam ponere pro Opinione, ac vetari nos a Deo mortem oppetere pro sententia, cui hæcenus nulla infallibilis auctoritas certitudinem contulit.

Restat ergo, ut qui pro ejusmodi causa occumbat, non sit *Martyr Fidei*, sed *Martyr Opinionis*; & quidem ab Ecclesia dammandus, quippe qui peccat, dum pertinaciter contra mentem Ecclesiæ contendit, aliquid sine dubitatione spectare ad Dei Cultum & Virginis Honorem, quod is negare non potest, quin adhuc Certitudine apud Ecclesiam careat; suoque judicio imprudenter fidens, pro non Certo Honore Deiparæ Certissimum, magnique momenti pignus, neque suum, sed Dei, Vitam scilicet, commutare statuit. Eoque facilius imaginarii hujus Martyrii ruinosa fundamenta deprehendes, ubi intelligas, Votum voventium tutelam Scotificæ sententiæ Sanguine suo, resolvi revera in tutelam *Veritatis Certe*, quæ inesse eidem sententiæ creditur. Nam quicumque vovent, se tutaturos aut scriptis tantum ac voce, aut etiam Sanguine Immunitatem Virginis, non *Pietatem* sententiæ, sed *Veritatem* hujus Immunitatis, sive Certam illam credant, sive Probabiliores opposita sententiæ, sibi ante oculos statuunt defendendam. Nullus est mihi e paucis Auctoribus, qui in *Martyrum* album inferre sunt ausi morientes pro Opinione Scotifica, neque ulla mihi cupido legendi intemperantium ejusmodi Auctorum scripta. Attamen quid in hanc rem habeat *Gabriel Saavedra*, supra vidimus. Quid etiam docuerit *Christophorus de Vega* in Theolog. Mariana Palestra 3. Certam. 19. nobis edidisset Auctor Histor. Controvers. de Concept. Nimirum Vega *verum Martyrem* habet, qui se morti offerat propugnandæ causæ propositionis hujus speculativæ: *Verum est; & Certum, Virginem prorsus fuisse immunem ab Originali Peccato*. Nam, ut is ait, *tueri Veritatem Certam ac Infallibilem ex iis, quæ in honorem & obsequium Dei cedunt, est actus Religionis*. Ejusdem generis est *gratia originalis Deiparæ*. Hanc vero Certam atque Infallibilem esse, argumenta producta evincunt. Ergo quicumque persua-

sum

sum hoc habens, testis bujus Veritatis occumberet, Martyrii palmam consequeretur. Neque juvat dicere, hanc esse Opinionem, & consequenter ejus tutelam non esse Actum Virtutis, neque protestationem Fidei, atque adeo neque Martyrium testari eam Sanguine suo. Non enim dici potest Opinio, de qua efformetur incertum judicium, sed sententia, quæ nixa infallibilibus argumentis omnem a mente formidinem excludit, immo & omnem imprudentiam in credendo Virginem peccati Originalis expertem. Quicumque ergo eam ut talent veneretur, uti par est, atque pro ea mortem oppetit, certe Martyr est. Qui vero illam immerito adhuc Opinionem censet, & per consequens certum de ea judicium non efformat, hic sine dubio non foret Martyr, sed imprudens ac temerarius, si ut eam tueatur det Vitam. An confidentia in iis, qui talia venditant, desideretur, quisquis sapit, continuo intelliget. Succedat & Granado, Martyrii ejusdem sponsor, qui cautius animadvertens, dissipari nullo negotio posse jactatam a nonnullis intemperantibus ingeniis Certitudinem Veritatis in eadem sententia, suppeditavit novitiis hisce Martyribus effugium, quod Parthenotimus arripuit, & ego hætenus oppugnavi, scilicet debere morientes profiteri se mori pro eo, quod in Veritate speculativa Immaculatæ Conceptionis est Certum, hoc est pro defendendo Cultu & Festo Immaculatæ Conceptionis, præscripto ab Ecclesia, sententiam Immaculatæ Conceptionis esse tutam & Piam. En quibus Magistris profecerit Parthenotimus noster, qui tamen uti ingeniosior, utramque miscuit sententiam, scilicet debere Voto Sanguinario addictos profiteri, se Vitam daturus, non pro Veritate speculativa sententiæ Scotisticæ, sed pro Cultu & Honore Virginis, qui certo ad Virtutem Religionis spectat, & est quædam protestatio Fidei; sed simul debere ipsos persuadere sibi, Certissimam esse Veritatem ejusdem sententiæ. Verum percontari juvat ab ingeniosis hisce viris, an credant, Cultum & Honorem hunc descendere e sententia tribuente Virgini prærogativam istam. Fatebuntur, ut arbitror; deinde, an credant, Certum Honorem obvenire alicui posse e non Certa prærogativa. Negent hoc oportet; nam implicat contradictionem, credere, Honorem minime dubium heic tribui Deiparæ, simulque credere dubiam, sive nondum Certam prærogativam Immunitatis, ex qua manare debet hic Honor. Atqui, ut hætenus ostendimus, sententia Scotistica de Conceptione Virginis nondum e finibus Opinionum exiliit; & Lectori amplius non est opus, ut repetam, Persuasionem privatorum hominum carere virtute efficiendi Certum, & credendi reipsa Revelatum a Deo, quod Ecclesia in suis decretis uti dubium, atque an a Deo revelatum fuerit, Incer-

certum adhuc agnoscit. Ergo ubinam Certus ille Virginis Honor, pro quo Certum Vitæ suæ bonum impendere vult Sanguinariii Voti patronus? Ubi *protestatio Fidei*, quum de Opinione agatur, super quam fundatur Honor iste tantopere deprædicatus? Alibi vidimus, quid sit *Pietas Opinativa*, *Cultus Opinativus*, *Honor Opinativus*, Pius sane ac laudabilis, quod nulli præcepto Dei adversetur, quod nullum reipublicæ detrimentum adferat, immo quod sufficienti ratione constet, per quam consonare merito dicatur cum recta Ecclesiæ doctrina. At velle in mortem incurrere pro Cultu isto ac Honore Opinativo, in reipublicæ damnum cedit, cuius membra sunt quilibet cives; & divino ac naturali Præcepto opponitur de non temere projicienda Vita nostra; demum peccat in Ecclesiæ doctrinam, quæ Opinionibus quidem Piis iustissime favet, sed simul præcipit, ne quis pro ulla Opinione quantumlibet Pia ultro necandum se præbeat. Et quum in ipsius Ecclesiæ successione per tot Secula nullum similis inconsultæ Pietatis exemplum occurrat: quid aliud superest, nisi ut Sanguinario Voto addictis spem eripiamus non solum Martyrii, sed operis liciti atque laudabilis?

Neque aliam fuisse hætenus mentem Romanæ Ecclesiæ in quæstione ista scripsit Lamindus Pritanius, cujus sunt hæc verba: *Non unus autem ego in hoc Voto profundendæ Vitæ pro Immaculata Conceptione Virginis Superstitionem timeo. Timuit & timet Apostolica Sedes, quæ quamvis eandem Opinionem maxime Verisimilem, & Piam dicat; nihilominus Votum in Theophilo Raynaudo olim non probavit, ipsumque affirmantem, pro ea causa pium esse mori, silere jussit*. Mirum est, quantopere Parthenotimum nostrum concusserit mentio hæc Apostolicæ Sedis, non probantis cruentum paucorum Votum, ac Theophili Raynaudi, expugnare jussi sponsonem factam morientibus pro Scotistica sententia. Æstuat ille hac de causa, & non uno in loco prælium redintegrat, ut hujusmodi telum nimis sibi molestum a se avertat. Pag. 68. petit, unde hæc Lamindus acceperit, & quibus tabulis, quibus monumentis, quo Auctore narrationem suam comprobet. Causam exponit, cur ipsius Raynaudi Liber de *Martyrio per Pestem confixus* fuerit Anno 1646. a sacra Congregatione Indicis; atque inde infert, *dubiæ fidei esse præceptum illud silentii Theophilo datum ab Apostolica Sede, & ab uno memoratum Lamindo*. Addit, silere minime iustos novem alios Scriptores, qui eandem *Martyrii* fiduciam ingessant mortem subeuntibus pro Immunitate Mariana; ac propterea verisimile non esse, quod de Raynaudo Lamindus venditat. Subdit præterea: *Neque Apostolica Sedes silere jussit omnes Academias, quæ varent, votoque sacramentum adjiciunt, se iururas Beate Virginis*
Im-

Immunitatem ab omni macula: quod nemo non videt, quantum a controversia nostra sit alienum, quum nimium differant, Opinionem tueri voce & calamo (quod & Lamindus laudavit) atque pro ea Opinione tormentis & securi se se offerre. Tum pag. 96. conqueritur, quod Lamindus non egerit cum Raynaudo benignius, qui profecto maiorem sibi ab eo gratiam polliceri vir apprime Catholicus poterat. Sed non multis heic opus est. Possidet Parthenotimus eandem, qua ego utor, editionem Operum Theophili Raynaudi. Facile potuisset intelligere, Lamindum non sine bonis tabulis Raynaudi mentionem presenti quæstioni immiscuisse, si pari diligentia rem sibi ingratam quæsisset, qua gratæ quæri consueverunt. Tomum ergo Vigesimalum ejus Operum adeat, sibi que pagina 156. occurret *Correctio facta a Congregatione Indicis Libri inscripti de Martyrio per Pestem*. Ibi ista leguntur: *Expungatur id, quod Author scribit: Eum futurum MARTYREM, cui mors intentaretur, si Piam sententiam de Conceptione Beatæ Mariæ Virginis Immaculata non improbarer, isque mallet mortem prius acceptare eam ob causam, & re ipsa eam acciperet*. En quo Auctore Lamindus Raynaudum silere iussu tradidit. Atque is revera edito rursus eo Opere, opinionem quidem aliorum, Martyrium morientibus pro ea causa promittentium, retulit; sed suum ipse iudicium continuit. Heic autem antequam progrediar, animadvertat Lector, quam immerito expostulet Theologus Siculus, quasi Raynaudo parum æquum & amicum se Lamindus prodiderit. Apud me profecto est maximo in pretio omnigena eruditio Raynaudi; atque arbitror, ingentem ejus Operum molem reipublicæ Litteratorum admirationi non minus, quam usui esse posse; neque eximii viri meritis quidquam detrahit, quod ex ejus Libris opinionem illam erandam Roma jufferit. An vero illum ego acerbè fuerim infectatus judicent recti rerum æstimatores. Dixi, Apostolicam Sedem non probasse deprædicatum ab eo Martyrium. Mitius loqui non potui, ipsumque meum argumentum exigebat, ut quid ei hac de causa accidisset, non dissimularem. Quamobrem inanes Parthenotimi querelæ abeant. Quod si is pag. 95. vulnus istud refricans dolet, quod Lamindus non distinctius dixerit, *a sacra Congregatione Indicis impossum Raynaudo silentium, atque non casu, Sedis Apostolicæ vocabulo fuerit usus*, is pro suo ingenio querelas multiplicat: quippe ad auctoritatem Apostolicæ Sedis refertur quidquid in variis Congregationibus Romanæ Curiae agunt Eminentissimi Cardinales. Disertis verbis hæc scripsit Sixtus V. in fundatione ejusdem Congregationis Indicis, ut habetur in ejus Constitut. LXXIV. *Libros, qui post Indicem Tridentini Concilii jussu editum prodierunt, Catholicæ doctrinæ*

na, Christianorumque morum disciplina repugnantes, expendant, & recognoscant: at ubi Nobis resulerint, Nostra Auctoritate rejiciant. Licuit sane Raynaudo postea appellare ad Summum Pontificem, eique exponere, confixam injuste spem *Martyrii* a se factam morientibus pro Scotistica sententia; sed meliora edoctus, abstinuisse credendus est.

Utrum vero in sua sententia perstiterit vir ille doctissimus, an ab ea recesserit, nihil attinet inquirere. Satis nobis in præsentia est; Sacra Congregatio minime probatam fuisse *Martyrii* fiduciam ingestam a Raynaudo, & nunc etiam a Parthenotimo, homini præsententia Scotistica mortem toleranti. Quod autem animadvertendum heic est, vetuit sacra Congregatio, ne Raynaudus *Martyrium verum ac proprium* tribueret piis viris vita excedentibus, dum amore Dei infectis *Pesse* inserviunt, aliave Caritatis ac Virtutis certæ opera faciunt; simulque licere voluit, hosce appellare *Martyres improprie ac late* sumpto eodem vocabulo. At ubi de morte subeunda pro *Immaculata Conceptione* agitur, *Martyrii* nomen quodcumque expungendum præcepit. Ad hæc perpendas velim, inter Votum Sanguinarium, & Raynaudi propositionem intercedere magni momenti discrimen. Aliud enim est, *asserere velle Certam*, & ad Cultum Dei ac Virginis sine dubitatione spectantem, sententiam Scotisticam; aliud *nolle eam improbare ac damnare*. Illud positivum, hoc negativum. In postremo casu, ut infra dicam, honestum fuerit mortem potius tolerare, quam notam Impietatis aut Falsitatis impingere eidem sententiæ. Et nihilominus *Martyrii* tam proprii quam improprii nomen pro hac causa occumbentibus negavit sacra Congregatio. Neque immerito. Nam ii *verè Martyres*, qui Sanguine suo obsignant aliquam Veritatem divinam Fide credendam: ii *Martyres* etiam, sed metaphorice ac *improprie*, qui in exercitio Caritatis aut Patientiæ e Vita excedunt; eorum quippe opus non Persuasionem tantum propria, sed re ipsa Deo gratum est, atque ad Fidei doctrinam spectat. At qui, ne damnet sententiam Scotisticam, morti occurrit, opus facit, quod iuste quidem opinemur placere Deo, sed nondum per Fidem novimus, an placeat Deo; quum liceat etiam contrariæ adhærere sententiæ, cui qui adhæret, ex natura rei etiam damnat ac improbat Scoti Opinionem. Deficiente igitur Certitudine objecti in moriente, ne damnet sententiam Scotisticam, non poterit is *Martyrii*, neque proprie, neque improprie sumpti, laudem ac nomen consequi. Quod si ita sensit sacra Congregatio de secundo casu, quanto magis eadem improbari Voto Sanguinario devotos, idest mortem tolerantes, ut

Veram ac Certam afferant sententiam Scotisticam, five hanc Veritatem & Certitudinem statuas in propositione atque Opinione ipsa, five in Pietate, quæ inest Actui Opinativo de Immunitate Mariana? Immo non ipsa tantum Congregatio profusionem Vitæ in casu isto improbasse videtur, sed & ipse Theophilus Raynaudus jam damnasse dicendus est. Ejus verba de Martyr. per Pestem Part. II. Cap. III. num. 18. repetam, ubi illum duplicem casum distinguens ait: In posteriore dubio statuendum est: Vitam Temere, nec absque SCELERE, atque adeo sine Martyrii fructibus abjiciendam pro Assertionem alicujus Propositionis, cujus VERITAS non sit in Ecclesia PRORSUS rata, ita ut non sit exploratum, quod ejus assensus a FIDE exigatur. Nisi Parthenotimus, aut quisquam alius evincat, Scotisticæ Sententiæ Veritatem esse in Ecclesia Dei adeo ratam & exploratam, ut ejus assensus a Fide exigatur: habet ille tandem tum a Sacra Congregatione, tum a Raymundo ipso non solum Martyrii spem Sanguinario Voto ereptam, sed etiam ipsius Sanguinarii Voti damnationem.

C A P U T X V I I.

Andare Vitam licet, ne sententiam de Immunitate Mariana damnemus. Quid in casu isto agendum. Accuratius tamen negotium istud perpendendum.

HIsce autem positis, consequens profecto est, tolerandum minime fore *Votum*, in quo voventes contra Ecclesiæ Romanæ mentem *Martyrii* coronam sibi pollicentur; & quod gravius est, opus sibi statuunt præceptis Dei & Ecclesiæ contrarium: quum ne ipse quidem Parthenotimus neget, quin sit nefas Vitam impendere pro *Opinione* tuenda, isque negare nequeat, quin sententia Scotistica de Conceptione adhuc inter *Opiniones* sit computanda. Peccatum quoque est, velle pertinaciter Fidei Veritates æquare hominum Opinionibus. Peccatum, velle pervicaciter, ipsiusque Vitæ sacrificio, Populo persuadere, tamquam Certum illud, quod Ecclesia pro Incerto adhuc habet. Peccatum contra Justitiam, quum homo ex arbitrio suo, & Deo atque Ecclesia non solum non præcipiente, sed etiam improbante, profundere vult pro Opinionibus Vitam, cujus potestatem sibi reservavit omnium Creator. Peccatum contra Charitatem, quam quisque debet sibi; & Proximo etiam debet, quamvis Tyranno ac impio, cui ministranda sine necessitate aut utilitate Ecclesiæ

R

non

non est materies & occasio nova faciendi atque peccandi : Peccatum denique contra Prudentiam, quum Bonum Certum ac ingentis pretii, voventes commutare temere velint pro Incerto. Et quoniam, uti Cardinalis Cajetanus scripsit loco supra commemorato, & Tamburinus confirmavit Lib. III. de Just. Tract. III. part. 3. Cap. 1. ipsa Opera positiva Virtutis, quorum bonitas e doctrina Fidei conflet, uti *Evangelium prædicare apud Infideles : Sacrum celebrare : a Carnibus abstinere* &c. ut bonæ, honestæ, & laudabilia sint in praxi, necesse est, ut debitæ circumstantiæ concurrant : alioqui non Virtutis sed Temeritatis opera evadunt : quanto magis temerarium erit velle pretiosum Vitæ Bonum profundere pro Opere positivo Virtutis Opinativæ, & minime per Fidem Certæ, qualis est assertio Scotisticæ sententiæ? Vide & Lessium Lib. II. Cap. XL. Dubit. VII. num. 42. Reliquum proinde est, ut Sanguinarium Votum irritum ac nullum sit, quum non sit de meliori bono, immo sit de Opere involvente peccatum; & qui monitus pervicaciter illud conciperet, aut ei post monita constans adhærere vellet, a crimine excusandus neutiquam foret.

Supra vero innuimus, duplicem distinguendum esse casum, in quo certamen oboriri posset de sententia Scotistica cum discrimine Vitæ. Primus, *eligere velle interitum, ut asseras Veram ac Certam eandem sententiam*. Alter, *Vitæ suæ jacturam pati potius quam damnare eandem uti Falsam ac Impiam*. Non est cum priore confundendus posterior casus. Diversa enim omnino sunt, Opinionem de Immaculata Virginis Conceptione Veram ac Certam inter gladios asserere velle, atque eam asserere nolle Falsam aut Impiam. Qui renuit Falsitatis aut Impietatis Opinionem arguere, non eam propterea Veram esse contendit; sed tantummodo judicium suum continet, & nihil de Veritate aut Falsitate illius decernit. Quid ergo Catholico homini agendum, si ante Tyrannum sistatur, aut a privato quopiam furente urgeatur, interrogatus, an credat, sitne absque originali Labe Virgo concepta; eique, si credat, inevitabilis mortis minæ intententur? Quotiescumque respondeat, se firmissime in hac esse sententia, tormentaue & mortem potius eligat, quam recedere ab ejusmodi Opinione : uti hactenus vidimus, temere ac imprudenter agat; rursusque sceleris gravissimus erit, utpote qui nimium suo judicio credit, illud præferens judicio Ecclesiæ, & præfracte Certitudinem Opinioni tribuere volens, quæ tamen, pendente Ecclesiæ judicio, caret eadem Opinio. Is ergo in isto amphractu intrepide respondere potest : *Huc ignoro : id tantum Deus novit*. Immo ita respondeat, oportet, ut salvam faciat Vitam suam, remi-

nimirum enixe sibi a Deo commendatam. Et præcipue quod ita respondendo Verum diceret, nihilque aliud profitebitur, quam quod Ecclesia hæcenus fecit, dum ita unato ex Opinionibus de Conceptione Virginis probat, ut alteram oppositam non improbet. Hoc pacto Tyranni furorem exarmabit, suumque caput prudenter discrimini eripiet, neque temere Vitam pro Opinione tuenda impendat. Atque hic est reipsa casus Voti Sanguinariæ, cujus intoleranda consecraria hæcenus persequuti fuimus. Voto enim isto totâ antiquitati incognito id præstatum voventes contendunt, se ad profundendam Vitam esse paratos, ut Certam afferant Immaculatam Virginis. Et quamquam Parthenotimus nobis edixerit, voventes mortem subituros non pro Veritate ac Certitudine ejusdem Opinionis, sed pro Veritate ac Certitudine Honoris & Cultus Mariæ, qui ex ea Opinione defluit, & pro Veritate Pietatis, quæ inest Abusui Opinativæ de Immaculata Conceptione; attamen vidimus, Cultum hunc; Honorem, & Pietatem, Certa nunquam esse posse, nisi Certa sit Sententia, super qua innituntur; & consequenter eo recidere semper consilium Voti Sanguinariæ, ut voventes repugnante Ecclesia ostendant ac suadeant Populo, Certam esse, ac parem Veritatibus Fidei, Sanguine nostro propugnandis, Opinionem Scotificam de Virginis Conceptione. Scribit autem Parthenotimus pag. 101. *Theologorum mentem, qui Votum usque ad Sanguinem tuentur, eam esse nunquam posse, quod semper, & in omni eventu pie Vovens mortem subire debeat; sed ubi solum Deiparæ periclitetur Honor. Sive, uti infra repetit, ut mortem toleat, cum (quod prudentis arbitrio metiendum est) Virginis Immaculatæ deprehenderit Honorem periclitari.* Ita sub hujusmodi verborum ambage is consilia sui Voti occultat, liberumque clientibus suis campum relinquit profundendæ Vitæ pro tutela Scotificæ sententiæ. Rectius ipse munere suo functus fuisset, si terminos huic arbitrio, atque prudentiæ privatorum hominum statuisset, ne dum prudenter tueri ii se putant sententiam Veram ac Certam, ac Honorem, Cultumque Verum & Certum Virginis, ejusque Sanctitatem; imprudenter, ac vincibili Errore indirecte se occidant, ultro ne sine necessitate carnifici jugulum tradentes. Attamen ex hac ipsius confessione jam intelligant Voto Sanguinario addicti, sibi non esse mortem eligendam, quoties agitur de prodendo; at Credant Veram ac Certam Scoti Sententiam, Verumque ac Certum Honorem Mariæ in ejus sententiæ tutela collocatum; sed tunc sibi respondendum: *Opinor quidem ita esse, at id Certum mihi non est. Deus novit; noscam & ego, si aliquando questionem dicimus Ecclesia.* Nunquam enim periclitatur Honor Vir-

ginis, dum protestamur, nos ignorare, an reipsa Beatissimæ Christi Matri collata fuerit Immunitas ab originali macula, & nos nequaquam credere Certam Scoti Sententiam. Postquam Ecclesia a tot Seculis, & quidem disertis verbis, liberum cuicumque facit adherere oppositæ sententiæ, evidens est, non periclitari Honorem Deiparæ, etiam credendo illam Immunitatis Scotificæ expertem. Si periclitaretur, non idcirco Ecclesia, supra quemcumque privatam Theologum sollicita de Honore Mariæ. Quanto ergo minus periclitabitur Honor ista, protestando dumtaxat, nos nequaquam Certo credere Scotificam Immunitatem, atque ignorare, quid Deus reverè in Conceptione Virginis fuerit operatus?

Atque ista hætenus dicenda habui, ut ostenderem, quam incongruam, minimeque ferendam esse Voto Sanguinario præstitam Parthenotimo, tutela, cujus objectum est tutela Cetzæ Veritatis, quæ tamen Certitudo, ubicumque eam statuas, abest a Scoti sententiâ. Retat nunc aliquis, quid agendum sit, si quando Tyrannus, aut quispiam improbus alius, mortem minatus, adigere nos velit ad appellandam *Impiam* ac *Falsam* sententiam eandem. Hic certe urget præceptum Vitæ custodiendæ, neque prodigendæ; sed simul imminet timor Falsum appellandi, quod Verum, ac Certum esse, judicante Ecclesia, deprehendi aliquando possit. Quod plus est, præceptum viget ac urget Summorum Pontificum, verantium, ne quisquam, Falsitatis aut Impietatis notam inurat Opinioni patrocinantium Immaculatæ Conceptioni. Itaque dico primo, si quisquam oblati mihi atrocibus tormentis ac morte, compelleret me ad configendam Erroris ac Impietatis notam Scotificam Sententiam, continuo reponerem: *Id mihi scia: Novit Deus*: qua responsione nihil Veritati, neque præcepto Ecclesiæ derogaret, fierique posset, ut furori tyrannico facerem satis. Verum ubi is acrius adhuc instaret, atque a me expeteret, ut diserte damnares ejusmodi sententiam: cernens ego, rem mihi esse omni violento simul & furioso, seu mente capto, ac memor, *respondendum esse fulto juxta falsitatem suam*. Proverb. XXVI. vers. 5. & Sapientiam Eccles. VII. vers. 18. edicere: *Noli esse stultus, ne moriaris in tempore non tuo*. quantum possem, ingenio curarem, ut importunam interrogationem eluderem, & sine aperta damnatione sententiæ discrimen Vitæ evaderem. Verum ubi in irritum caderet omnis conatus, putarem præstare mori quam piam fugillare sententiam: idque ne peccarem contra præceptum Ecclesiæ, quæ sub anathematis pœna ab insinuanda Impietatis ac Hæresis Scotificæ sententiâ Catholicos omnes coercuit. Quod quum ajo, tria hæc animadvertenda. Primum, non in questione ista sitam esse controversiam, quæ Parthenotimi calumnia in me suscitavit.

tavit. Neque enim e persuasione mea, uti neque e morte mea, quidquam certitudinis accederet. Opinioni de Virgine sine labe concepta: quem tamen in finem collineat intentio voventium ad Parthenotimi normam. Secundum, non Parthenotimum tantummodo ceterosque ad singularitatem gloriæ aspirantes devoto erga Virginem animo, sed quemlibet Catholicorum mortem prius oppetere debere, quam censoriam notam inferre prælaudatæ sententiæ, quum ad Catholicos cunctos præceptum illud extendatur, & obligetur quisque ad parendum Ecclesiæ mandatis. Tertium, nil majoris præstantiæ sive prærogativæ effluere hinc posse in sententiam faventem Immunitati Marianæ. Nimirum quoties instet idem Tyrannus, ac necem tibi indicat, nisi *Hæreticam* aut *Impiam* as firmes contrariam alteram sententiam, negantem Virgini Immunitatem originalem: ne id facias, Vita potius in hoc etiam casu est offerenda licitori. Et quidni? *Simili anathematis poenæ* Sixtus IV. Concilium Tridentinum, aliique Romani Pontifices subiecere eos, qui Hæresis aut Impietatis arguerent *Opinionem contrariam, videlicet gloriosam Virginem Mariam cum originali peccato fuisse conceptam*. Ad præceptum quod attinet, nihil discriminis inter utriusque sententiæ patronos ac censores Ecclesia statuit. Si ergo damnare non licet Thomisticam Opinionem, tibi, ne illam damnes, mors potius est eligenda. Quamobrem tunc non pro Veritate, sive Certitudine alterutrius Opinionis sanguis effunderetur, sed ut mandatis Ecclesiæ non adversando, evitaretur Peccatum.

Meam in hanc rem, qualiscumque sit, opinionem dedi. Nunc addo, ipsam nihilominus accuratiori examini indigere: quod me doctiores, quum lubebit, inire poterunt. Inquirendum namque videtur, an mens Ecclesiæ; interdicens censuram utriusque Opinionis eo usque feratur, ut in conspectu euleorum & carnificis mors potius subeunda sit, ne alterutra improbetur. Nimirum, ut superius innui, occurrunt nobis præcepta Ecclesiæ, immo & Dei, quæ nos minime obligant, quum mortis periculum instat: tunc enim cessat voluntas Dei, aut Ecclesiæ ad nos obligandum. Immo interdum non solum cessat obligatio illius præcepti, sed etiam viget obligatio conservanda Vitæ (secluso semper gravi scandalo, & contemptu Ecclesiæ, sive Religionis) ita ut peccati expers non foret, qui pervicaciter tunc occumbere vellet, ne præceptum transgrediretur. Neque heic de re Intrinsece mala sermo est, a qua perpetuo & ubique abstinendum est. Quum enim Ecclesia liberum cuicumque relinquat, quam Veritati propiorem putet ex duabus istis Opinionibus amplecti, liberum ex vi contrariorum sit etiam necesse est, ut qui unam amplectitur, ac Veram credit, alteram tacite saltem improbet, & Falsam credat. Neque prædicatum *Pietatis* ita conjunctum est cum hisce Opinionibus, ut nullo

nullo unquam tempore disjungi possit. Vocabulum enim *Pia*, quod Sententiæ, sive Opinioni cuiusdam tribuitur, Probabilitatem non Certitudinem indicat. Et quandoquidem Ecclesia quæstionis hujus definitionem nondum suscepit, ac nos dedecet ita iudicium illius velle arctare, ut unam tantum ex istis Opinionibus eligere possit tamquam doctrinam Fidei divinæ, quum æque possit & alteram: consequenter neutra Opinio dici potest ex parte rei ita *Pia*, sive *Probabiliter spectans ad Cultum Dei & Virginis*, ut aliter esse aliquando non possit. Proinde quum ideo tantum damnare hanc vel illam & propositis duabus Opinionibus malum sit, quia ab Ecclesia prohibitum; & sint aliqua Ecclesiæ mandata, quæ minime nos obligant, quoties incurritur periculum mortis: prudentiores judicabunt, recte ne, an secus procedat nuper a me proposita Conclusio. In hisce tamen casibus, hoc est in re tanti momenti, si commodum ac tempus non deesset, consultius foret, mentem Sanctissimæ Romanæ Ecclesiæ ab ipsa petere, cujus ductu atque iudicio omnia nostra consilia & acta regentes, non ego, non alius quisquam errabit. Eoque magis perferutari juvabit Ecclesiæ Magistræ nostræ mentem, quum ipsa in eum tantummodo finem interdixerit ambarum Opinionum censuram, ut finem faceret jurgiis publicis & scandalis, inter disputantes Theologos jamdiu vigentibus, non vero ut immunem intrinsece a censura præstaret alterutram ex illis sententiis. Ad hæc sorge tibi, duos ejusmodi Opinionum patronos, alterum Scotisticæ, alterum Thomisticæ, sisti ante Tyrannum, atque ambos Persuasione ductos, sententiam suam cum sacris Litteris, ac Traditione Patrum, certius consentire, & propterea sinere, se potius Vita spoliari, quam ejusmodi Persuasionem deponere (Cur enim uni non liceat, quod alteri?) ita ut ambo mortem oppetant, sed pro oppositis sententiis tuendis. Rursus tantummodo sorge, utrumque pugilem sub securi cadere, ne Hæreticam aut Impiam appellent contrariæ factionis sententiam, uti Ecclesia mandavit: quid consequatur, facile sentis. Consequetur nempe spectaculum imitatum, quod non sine aliquo horrore audiamus, videlicet pro contrariis de una, eademque re sententiis homines ejusdem Religionis ævo nostro mortem subire: cujus rei exemplum frustra in universa Ecclesiæ Historia perquiras. Restat ergo, ut cautius in hisce etiam casibus, extra controversiam, quæ mihi cum Parthenotimo est, propositis procedamus, ne aut imprudenter Vita projiciatur, aut dignitati Ecclesiæ ac Religionis officiando, hostibus nostris ridenda aut declamandi contra nos occasionem præbeamus.

CAPUT XVIII.

*Falsa crimina Lamindo Pritanio imposita a Parthenotimo.
Qui Visionarium se prodit. Revelatio tributa Dominico
a Jesu Maria Carmelitæ expenditur.*

Hisce expeditis leviora supersunt expendenda mihi in Parthenotimi Libello. Et quidem missa lubenter facio, quæ in contemptum mei non uno in loco Siculus Scriptor intermiscet. An Iusto titulo is adversus me egerit, aliorum judicium esto. Hoc tantum novi: ut ut ille magnus sit vir, & in sublimi Theologiæ throno sedeat, ego vero exiguus sim, nulloque nomine cum eo comparandus; ejus tamen dignitas non faciet, ut illi in præsentî quæstione victoria adjudicetur; neque tenuitas mea, ut mihi eripiat. Rationibus certavit ille: rationibus certavi & ego. In his unis collocanda est victoriæ spes. Uter melioribus armis fuerit usus, docti viri aliquando judicabunt, ac tempus feram aperiet. Unum tamen, quod me intime ferit, dissimulandum heic minime censeo. Videlicet ægre ferre Theologum nostrum pag. 90. quod *Laminus in Italia, quæ Deiparæ cultu ceteras regiones superat, scripserit opus in Gallia imprimendam*. Duas præterea Theses Theologus idem commemorat B. Virgini injuriosas, & in Gallia enatas, quæ ab Alexandro VIII. confixas ait. In mentem quoque Lectorum revocat *Monita Salutaria Beatæ Virginis ad cultores suis indifferetas in Gallis vulgata, & à Clemente X. Anno 1676. proscripta*. Tum in hæc verba erumpit: *Cur ergo Laminus doctrinam, quæ licet ipsi appareat vera, ceteris est falsa, nefas non putat proferre, ac inculcare: doctrinam, inquam, unde qua Italiæ, qua Gallie oriri queant scandala? Italiæ quidem, ubi torrendi Virginæ Immunitatis defensionem vetus consuetudo est. Gallie etiam oriri queunt scandala, ubi Non Pauci Deiparæ Cultum, ejusque Sanctitatem impetentes, in ea stabiliter opinione, & certe hominis Itali opera, quod inspersa superstitionibus sit gentis Italiæ in Deiparæ observantia*. Declamationi hæc tandem finem imponit lenibus hisce verbis: *Ab sit, ut in mentem meam cadat suspicio* (vide hominis candorem, non immerito *Candidi* nomen præferentis, ejusque delicatam Caritatem post nuper institutam accusationem) *quod rem paucioribus ex Gallia gratam facturus hæc scripserit Laminus*. Hæc Parthenotimo displicent; at mihi æquius displicet, ipsum distingere heic

heic meris somniis ineruditam gentem, atque indigno artificio; quod in omnium oculos incurrit, studuisse, ut invidiam Lamindo atque odium falsis hisce querelis crearet. Somnium quippe est, enatas in Gallia duas illas Theses. Somnium produsse e Gallia *Monita salutaria*, quum Germano Colonienſi tribuantur. Somnium fortassis etiam est, *Monita* illa a Clemente X. Anno 1676. explosa fuisse; nam ferius, si bene memini, id contigit: quod in præsencia exquirere nec vacat, nec interest. At somnium certe contumeliosum Gallicæ genti nemo non sentiat in Parthenotimi oratione scribentis: *non paucos Gallorum Deiparæ cultum, ejusque Sanctitatem impetere*. Quis hæc ferat de Catholica ac pia gente Gallica proferri, quando ne ipsi quidem Jansenistæ, quos obversari ante oculos Parthenotimi hoc in loco par est credere, Deiparæ cultum, ejusque Sanctitatem improbare deprehenduntur? Quod si is eodem obelo configit & illos, qui intemperantiam nonnullorum in cultu ac laude Virginis non ferunt, noverit Siculus Scriptor, se incaute maledicere Theophilo Raynaudo sibi tam charo, & quibusvis Theologis Catholicis, etiam Italis, qui legitimum Mariæ Cultum docent ac suadent; spurium ac superstitiosum arguunt, & arguendum esse fatentur. Præterea somnium perquam ridiculum est, sibi in Lamindo fingere doctrinam, unde qua Italia, qua Gallie oriri queant scandala. Tot anni jam effluxere; ex quo Lamindi Liber prodit, neque ullum in Gallia, Germania, ac Italia, quibus in locis idem impressus fuit, auditum est murmur, nullaque scandali vel levis umbra apparuit. At inquit Siculus: *In Italia vovendi Virginæ Immaculatæ defensionem vetus consuetudo est*. Lamindus vero hanc impugnare non veretur; & doctrinam, quæ licet ipsi appareat Vera, Ceteris est Falsa, nefas non putat proferre ac inculcare, quæ inspersa superstitionibus sit gentis Italæ in Deiparam observantia. Hactenus putaveram ego, rem mihi esse cum sacre Theologiæ Professore gravissimo, ut Libelli ab ipso editi præferebat titulus. Sed nunc justæ defensionis necessitas dicere & expostulare me cogit, pugnam mihi esse cum Theologo Visionario, ne duriori etiam nomine utar. Nemo enim, nisi qui somnia somniat, & Visiones videt, deprehendere uspiam poterit, quæ Lamindo Parthenotimus heic affingit. Quisquis hactenus Lamindi Librum legit, aut ipsius Parthenotimi Opusculum, ubi integra Lamindi censura exhibetur, e vestigio hæc verba obvia habet: *Satis quibusdam non fuit calamo & rationibus Immaculatam Deiparæ Conceptionem tueri: quod procul dubio cum vera Pietate consonat*. Si Parthenotimo animus est significare, Scotificam de Conceptione sententiam a Lamindo improbari, habet unde

unde pudeat talia scripsisse. Si de Voto tuendi calamo ac rationibus eandem sententiam, rursus ei os obstruunt verba Lamindi, laudantis, sive intercedat, sive non intercedat Votum, propugnatores sententiæ ipsius. Una inter Lamindum & Parthenotimum hætenus controversia fuit de Voto Sanguinario: hoc unum Lamindus censura sua impetiit. In hoc unum quoque collineant, quæ hucusque ego congesti; nempe: *Minime licere Sanguinem & Vitam profundere pro tuenda Scotistica Sententia*. Si vero Parthenotimus contendit, doctrinam hanc, quæ Lamindo apparet Vera, Ceteris esse Falsam: ceteros ego spero iudicaturos, nonnisi in phantasia supra modum fervente id genus judicia atque assertiones posse nasci: quando omnibus notum est, non paucos adhuc esse, qui vel ipsi Scotisticæ sententiæ adversentur: ceteros autem spero ego adversaturos Voto tuendæ ipsius profusione Vitz.

Ne quis tamen injurium me putet Parthenotimo, dum illi somnia ac Visiones tribuo, ipsum fatentem exhibere juvat, se ejusmodi somniis atque Visionibus obnoxium. Oculos converte ad illius Præfationem, qua integerrimæ Virgini, sanctissimæ Dei parenti, omnis prorsus macule experti, se, suamque Dissertationem inscribit Auctor. Ibi vir pius, & gratus cœlestibus refertus, hæc habet ad Virginem, quam alloquitur: *Literariam in arenam jam jam publice descendurus, non semel, ut scis, Te verbis illis interpellavi, quibus Barac Deboram: Si venis mecum, vadam: si nolueris venire mecum, non pergam. Judic. 4. & 8.* Neque hæc perfunctoria dicta; nam subdit: *Et audite mihi VISUS SUM. Ibo quidem tecum. Atque nescio, quid solaminis animo mea ingessere, quæ subdere VIDEBARIS: Sed hac vice victoria non reputabitur tibi.* Addit infra: *Verum ut cum spe victoria, quæ Tibi tandem cederet, Scholastico in pulvere militarem, cognovi, Te consulendam esse: & semel atque iterum, ac sepius consului. Exploratus mihi erat mox Apostolorum, qui arduis Fidei in rebus non aliud, quam tuum interrogare consueverunt oraculum. Pulsandum igitur erat, inquit Rupertus Abbas, te alluens, ac pristina Ecclesiæ tempora memorans, ad Oslum Veritatis, & consulendum Oraculum Spiritus Sancti, scilicet Sacrarum pectoris tui, ut Vi, va Voce omnem necessario tenendam demonstrares regulam Fidei, cum testimonio Scripturarum, quas memoria retinebas.* In V. Cant. Hæc Parthenotimus. Non consuluerit, puto, occasione ista Theologus noster Libros aliquos a Deipara conscriptos, quos ad manus haberet. Ergo dumtaxat eam interrogavit & consuluerit. necesse est in Visione aliqua, hoc est

in familiari colloquio cum ipsa Virgine Sanctissima habito. Neque ipse diffitetur scribens: *ET AUDIRE MIHI VISUS SUM*. Habemus ergo (idque dolens repeto, sed me argumenti gravitas repetere cogit) non Theologum gravem, sed Visionarium, seque talem suo ore fatentem, qui Voti Sanguinari patrociniū suscepit. Quid recti, quid solidi consequenter ab eo expectandum sit, agnoscant ac discant tandem prudentes rerum ætimateores. Agitur heic de Vita hominum, idest de maximo Reipublicæ negotio: ferrine potest, ut homini ita composito decernenda causa tanti momenti relinquatur? Fuit, semperque erit mos, immo debitum Theologorum, qui sui muneris probe sint conscii, in questionibus ad Religionem spectantibus consulere divinas Scripturas, Sacra Concilia, Sanctos Patres; simulque oratione pulsare Deum, ut ad Veritatem assequendam, Erroremque fugiendum, infirmis ingeniis nostris opem conferat. Ut hoc ipsum a Deo nobis impetret, exorare quoque Virginem beatissimam licebit atque juvabit. Sed potissimum, *ne pateat aditus Errori, recolendum est, quod ut privatis mentibus a Deo existimetur infusa lux, coherereat necesse est cum Regula, quam vocant Fidei vivam, seu Romano Pontifice ex Cathedra docente*. Hæc sunt Parthenotimi verba pag. 36. quæ & mea facio; atque utinam is numquam fuisset oblitus, quando obtrudere cœpit clientibus suis tamquam Certam, & ab omni formidine Erroris immunem Scoticam de Conceptione sententiam, quam tamen Romani Pontifices e Cathedra sat aperte docuerunt, esse interea Incertam, & posse aliquando Veritatem deprehendi in opposita sententia. Habemus ergo fontes non fallaces Veritatum ad Theologiam spectantium. Appellet nunc Parthenotimus, quantum lubet, Virginem sanctissimam *ostium Veritatis, & oraculum Spiritus Sancti*: non obstabo, neque innuam, quanta circumspectione Mystica hæc, seu Metaphorica vocabula in Theologia severiori sint adhibenda. At Consulere Virginem, atque ab ea Expectare, *ut Viva Voce amplexu necessario tenendam demonstret regulam Fidei*; immo respondentem illam *Audire Sibi Videri*: id genus Revelatio bene ferventis Phantasie opificium profecto fuerit, quod a solidæ Theologiæ legibus ac usu quantum abhorreat, atque Errori non uni ostium aperire quotidie possit, nihil est, quod ego ostendam. Dolebat nuper Siculus Theologus, opera Lamindi hominis Itali Gallos in ea opinione stabiliri, quod *inversa superstitionibus sit gentis Italæ in Deiparam observantia*. Immo numquam fuit Gallis tam sinistra de gente Itala opinio; eoque minus in eam descenderunt, ex quo Italicum Scriptorem animadverterunt, libero calamo, neque contradicente Ecclesia insectantem, non gentis Ita-

Itale, sed paucorum *Siculorum* nævos in observantia erga *Deiparam*. Neque enim in ullâ gente nævi umquam defuere, nullo tamen universitatis dedecore, quum paucorum ii sint, & ipsis hisce paucis censura aliorum non patcat. Videat potius *Parthenotimus*, quam feliciter ipse pugnet pro gloria *Italiæ*, quum non tantum se patronum palam præstet *Voti Sanguinarii*, quod Superstitionem olere videtur, illudque omnibus animosa contentione suadeat; sed etiam rem antea ignotam prodit, scilicet inter nos non deesse Theologos Visionarios, qui de tam grandis momenti rebus & quæstionibus *Deiparam* consulant, ejusque *Vivam Vocem* Audiunt, & victoriæ spem certam ab ipsa reportant. Ast nihil edocere Gallos, ceterosque Populos oportet, universam *Italiam* tantum abesse a probando pseudo-magnanimo illo *Voto*, quantum ab auscultandis ejusmodi Theologis. Et quid dico Theologis? Unus fuit; unus, ut spero, erit ex *Italis*, qui hæc audeat, & scribat. Quod si mihi serio in re tanta agenti ludere placeret, denique adderem, fieri posse, ut *Prophetæ* potius laudem *Parthenotimus* referat, sed alio, quam ipse speret, eventu, ex hujusmodi certamine, quando ipsemet tradit, sibi hoc responsi datum fuisse: *Sed hac vice victoria non reputabitur tibi*; sive ut *Sanctes Pagninus* interpretatur: *Verum non eris gloria tua in via, per quam ambulas*; sive ut *Varablus* reddidit: *Hoc non eris tibi bonori*. Tempus aperiet, penes utrum e nobis statuta sit victoria.

Interea perpendendum relinquam *Lectoribus*, non crasso sub aere natis, an artificium aliquod subdubitare liceat in *Parthenotimo*, commemorante, *Theses & Monita salutaria*, a *Sancta Sede* proscripta: post quæ ille subdit: *Abstine, ut in mentem meam cadat suspicio, quod rem paucioribus ex Gallia gratam facturus, hæc scripseris Laminus*. Scilicet ille quidem a se ita amolitur suspicionem de arcano aliquo fœdere cum *Jansenistis*, ut eodem tempore ipsam clientulis suis suspicionem ingerere videatur; nam qui non pauci in *Gallia Deipare cultum*, ejusque *Sanctitatem impetunt*, & pauciores postea (nempe comparati cum reliquis *Gallis*) appellantur, non alii sunt, quam *Jansenii* sectatores famosi. Miratus hercle fuissæm, si *Parthenotimo* excidisset hoc telum; nam & in ipsa splendidissima *Siculorum Metropoli Panormo*, ubi is degit, parum absuit, quin ante annos duos oborta *Grammaticali controversia*, publicis etiam lucubrationibus agitata, *Jansenismi* notam effugerit, qui cum altero *Parthenotimo* manus conferere est ausus. Sed quisquis fuerit heic Theologo nostro animus, placido illi ore reponam, me nihil indigere ejus monitis, ut discam, qui cultus *Beatissimæ Salvatoris nostri Parenti* debeatur; neque enim in ea colenda cuiquam concedo. Monendum vero ipsum,

ne in excessus rapi se sinat, a quibus cūctumque Catholicos, nedum Theologo homini, cavendum est. Una mihi cum illo controversia est, tolerandum-ne sit, an non, Votum Sanguinarium. Pro me stare confido, non dicam universam Italiam ceterasque Christiani nominis Provincias, sed & ipsos religiosissimos, doctissimosque Parthenotimi sodales, qui quum observantia & amore erga Deiparam cum omnibus, nedum cum Siculis, certent, ab ejusmodi tamen Voto abstinent, amplexuri jamdiu, ut conjicio, non impigre, si cum recta Pietate conciliari illud posse animadvertissent. Quare perpendat Parthenotimus, quos contemnat, quos feriat ipse, dum in Laminidum (quem alioquin omnes norunt Jansenii errores perosum) Jansenismi suspensionem sub specie nolentis commovet, eaque tantum de causa, quod Votum, nemini ferme, si paucos Siculos excepias, probatum, rejiciat. Porro antequam Capitulo huic finem faciam, monendus est Lector Parthenotimum non suas dumtaxat Visiones in aciem eduxisse, sed & alienas. Nam pag. 27. Revelationem adfero, factam *Venerabili Dominico a Jesu Maria, Generali Ordinis Fratrum Carmelitarum Excalceatorum a Divo Thoma Aquinate*. Revelatum, inquam, eidem fuit, quod futurum esset Concilium, quo Immaculata Deipara Conceptio definiretur. Libenter heic peterem a Parthenotimo, utrum is fidem adhibeat ejusmodi Visionibus, an non. Si non adhibet, cur bonæ genti eas propinat, quasi & meritis istis futura sit virtus ad confirmandos clientes suos in Persuasione Certitudinis sententiæ suæ? Sin adhibet, dicat quæso, an sit prudentis Theologi, ac bene conscii, quæ sint vires piarum Phantasiarum, hujusmodi Revelationibus fidere in Disputationibus de doctrina Fidei? Eoque minus fidendum erat Venerabili viro illi, cujus virtutes ac merita ut ut egregia fuerint (intacta quippe illa dimitto) Visiones tamen characterem tantummodo præferunt Phantasie sine somno somniantis. Ejus Vitam ad manus non habeo; hæc tamen ibi narrata olim intellexi. Sæpe videlicet is traditur in extasim raptus. *Quadam vero die in Cælum sublatus vidit eternum Patrem, qui & Dominico gratias egit, quod negotia Dei in terris promoveret. Vidit & Deiparam in throno confidentem, cœpitque contendere cum Sancto Bernardo, uter ex iis præstaret devotione erga Mariam. Noluit Virgo quæstionem dirimere, sed amborum ora præmii loco lacte suo conspersit. Tunc jussus Dominicus Missam celebrare in Cælo, Diaconum sibi habuit Sanctum Joseph, Subdiaconum Sanctum Franciscum Assisinatem. Sed oborta lite, quænam Missa eligenda foret, Sanctus Franciscus Missam de sacris Stigmatibus, Joseph Missam de Incarnatione, Dominicus Missam de Beata Maria præferebant. Ex de-*
creta

creto æterni Patris his Dominico adjudicata est. Tunc Angelorum chori complures coeperunt Musicis modis cantare Salve sancta Parens &c. Ante Communionem scrupulus Dominicum invasisit; nondum enim media nox advenerat, ipse vero non erat jejunos. De hoc monitus Pater æternus dispensationem elargitus est. Demum peracto sacro idem æternus Pater Dominicum sedere jussit in throno, cunctisque Angelis præcepit, ut ad illius manus deosculandas accederent. Si vera sunt hæc, ut olim me legere memini, nihil ultra exposcas, ut manu tangas, quodnam sit pretium quarundam Revelationum. Et optandum quidem foret, ut in Phantasias Pietate æstuantes sapientum Hispanorum diligentia severius introspiceret, quando apud eos potestremis hisce temporibus & fecundius pullularunt, & feliciter exceptæ sunt, cum virorum, tum mulierum multiplices. Revelationes, a quibus amplectendis, aut probandis longe absunt ceteræ Catholicorum Provinciæ & Ecclesiæ; immo constat, Romanæ Congregationis decreto percussas fuisse Visiones & Revelationes Hippolitæ a Jesu, & Mariæ de Agreda, uti & Academiam Parisiensem postremæ Libris nigrum theta inscripsisse.

C A P U T X I X.

Sanguinarium Votum Romæ, & alibi, insuetum, quia improbatum. Parthenotimus Consuetudinis clypeo illud frustra tuetur. Senecæ auctoritate abutitur. Suarii Doctrina de Votis ad Vitæ discrimen se se extendentibus explicata. Cardinalis de Lugo invitatus in controversiam nostram pertractus.

Summopere Ecclesiæ Romanæ cordi est, fovere Pietatem erga Deiparam: quo in studio non dicam tantum Italiam, sed omnes Catholicas regiones concordēs ac æmulatrices habet. Attamen neque Romæ, neque innumeris aliis in locis, Votum umquam Sanguinarium in usu fuit. Cur quæso? Quam tribuere id nemo possit, nisi imprudenter, Pietatis defectui: justæ conjecturæ locus restat, ab eo reliquos Catholicos, qui Immaculatæ Conceptionis sententiæ favent, hæc ipsa de causâ abstinere, quod ipsum sentiant pugnare cum vera Pietate. Reponit Siculus pag. 72. Non inde opus est inferre, quod inhonestum sit, quidquid non-

nondum Romana Ecclesia in consuetudinem induxit in ipsa Urbe; præsertim si Romana ipsa Ecclesia alibi inter Catholicos vigere consuetudinem illam probe sciat, nulloque vel levissimo indicio reprobet. Divum Gregorium Magnum consuluerat Augustinus Anglorum Episcopus, quamnam consuetudinem inferre oporteret in Angliam, recens in Ecclesiæ Romanæ sinum redeuntem. Consultus Romanus Pontifex ita respondet: Novit fraternitas tua Romanæ Ecclesiæ consuetudinem, in qua se meminit enutritam. Sed mihi placet, ut siue in Romana, siue in Galliarum, siue in qualibet Ecclesia aliquid invenisti, quod plus omnipotentis Deo possit placere, sollicitè eligas: C. Novit Dist. 12. Hæc Parthenotimus, qui & subdit; Esto, necdum inductus Romæ sit mos Vivendi, Jurandique Virgineam Immunitatem: si apud Hispanos, & Siculos, ac Hispaniarum & Siciliæ Ecclesias vigeat, & Deo placere probatum sit: quid erit obstaculo, quominus prudenter eligatur? In Hispaniarum Ecclesiis vigere Votum Sanguinolentum, nondum bonis tabulis quicquam ostendit. Apud Siculos quidem, sed perpauca, illud concipi, testem habemus Parthenotimum ipsum. At Romanam Ecclesiam probe nosse Consuetudinem Voti hujus, alibi inter Catholicos vigentem, affirmat quidem secundum sua desideria Parthenotimus, sed sapientes meliori titulo negabunt. Innumeræ sunt Opiniones, ac ritus, in Libris, atque in variis Orbis Catholici locis occurrentes, quæ ubi serius revocarentur in examen, aut falsæ, aut supersticiosæ, aut in praxi perniciosæ, aut scandalosæ reputarentur; nulla vero ex iis legitime dicitur Apostolicæ Sedis nota. Tum solum ejusmodi merces noscit, & perspectas habet Romana Ecclesia, quum ad illius tribunal perpendendæ deducuntur. Porro ad Votum Sanguinarium quod attinet, tantum abest, ut ipsum probe sciat Ecclesia Romana, nulloque vel levissimo indicio reprobet, ut contrarium potius elucere possit, quandoquidem uti vidimus, Sacra Congregatio in Libro Theophili Raynaudi, magnificam spem factam pro Immaculata Conceptione morientibus nequaquam probavit. Sed quod vehementius miretur Theologorum Respublica, illud est, quod Parthenotimus e Gregorii Magni Epistola in patrocinium sui Voti corrasit, nihil animadvertens, quid inter Dogma & Disciplinam interfuit. Agebat Sanctus Pontifex de Ritibus Missæ, de quibus agebat Angliæ Apostolus Augustinus: Altera Consuetudo Missarum est in Romana Ecclesia, atque altera in Galliarum Ecclesiis. Hosce Ritus, aliosque ejusmodi ad Disciplinam spectantes, quamvis varios pro varietate locorum, laudabiles nihilominus esse posse nemo inter, Eruditos ignorat. Verum in casu nostro de Dogmate Morali agitur, & magni quidem momenti: videlicet: Nam liceat mortem subire pro

tuen-

zuenda sententia, quæ ad Fidem divinam minime spectat. Et num liceat animo tam firmo adherere Opinioni de Revelatione alicujus rei, ut non secus ac pro certo Revelatis a Deo animam ponere liceat. Ad hæc frustra Consuetudinis nomen heic Parthenotimus usurpat, quum ejus Voti originem Novitas ipsa arguere possit, videlicet ab Anno dumtaxat 1624. deducta. Accedit, quod semper inquirendum restat, an rite institui a paucis potuerit Votum de re tam gravi, qualis est hominum Vita, quum reliqua Catholicorum gens pro honore Virginis ferventissima nihil tale audeat. Ex singulis Ecclesiis, quæ pia, quæ religiosa, quæ recta sunt, elige; subdebat in eodem loco insignis Pontifex Gregorius Magnus; & Augustino docente, Epistola ad Januarium, in Disciplinæ ritibus illud tantummodo, quod neque contra Fidem, neque contra bonos mores injungitur, indifferenter est habendum: quod & alia a Gratiano collecta in Distinctione supra laudata confirmant. An vero pium, religiosum, rectum, & secundum Fidem dici possit, præfracte velle Certum, quod Ecclesiæ Romanæ in pervulgatis Decretis Incertum adhuc est; & nolle in Dei, Romanorumque Pontificum auctoritate conquiescere (quod Gregorius XV. ut supra vidimus, de Controversia ista scribens, a quocumque Fidei exigebat;) Pias denique Opiniones æquare velle Dogmatis Fidei: nullo negotio docti ac prudentes judicabunt.

In Præfationis pagina 16. Theologus noster pro se exerit auctoritatem Senecæ, scribentis in Epistol. 33. *Ego utar via veteri. Sed si propiorem, planioremque invenero, hanc muniam. Qui ante nos ista moverunt, non domini nostri, sed duces sunt.* Tum addit: *Majores quidem nostri, ut agebat Seneca, non domini nostri, sed duces sunt. Duces, ait, non hostes. Eorum igitur ductum nec sequi pudeat, nec pigeat deferere. Sequi non pudeat, ubi eos Veritatis semitam revelasse minime appareat. Deferere non pigeat, ubi eos a Veritatis tramite aberrasse liquido constabit.* Verum parcat Theologus noster, si dixerit, hoc unum satis esse posse, ut ejus ductum quisque saltem suspectum habeat, atque ab ejus Theologia & Libello sibi metuat. Etenim quandonam Senecæ Ethnici Philosopho, & de Philosophicis dumtaxat loquenti, tantum auctoritatis accessit, ut Theologorum Christiani nominis norma, & in Theologicis præceptor noster evaserit? Ad hæc nil gratius contingere nostrorum temporum Hæreticis possit, quam accipere a viro, eoque Catholico, quæ nunc Siculis observanda proponuntur. Nimirum & ipsi reponunt, ut se auctoritati Traditionis & Sanctorum Patrum subducant, Patres ipsos in numero ducum habendos, quos sequi non pudeat, nec pigeat deferere; & viam veterem eligendam; sed si propior ac planior invenia-

tur,

tur, banc muniendam. Atqui vera Theologia nos docet, Sanctos Patres ita esse duces nostros in explicandis divinis Scripturis, & tradenda doctrina Fidei, ut ab eorum unanimi consensu discedere crimen sit, quum legitimi ii sint Traditionis custodes. Celeberrima est in hanc rem sanctio Tridentini Concilii, Sessione IV. quam supra attuli. Idem quoque tradiderat Trullanum Concilium Can. XIX. Paria itidem Martinus Papa I. in Lateranensi Concilio scribens: *Nihil permittere dici noviter a quopiam, quod Sanctorum Patrum traditio minime definiuit.* Temere ergo faciat, qui se non Patrum sectatorem, sed Iudicem constituat; eos sequi paratus, si sibi videantur Veritatis semitam non dereliquisse; deserere, ubi a Veritatis tramite aberrasse illos sibi constet. Quorum vero Theologus noster periculosis hisce documentis Præfationem suam insperserit, nondum liquido sum assequutus. Num ut fidem Patribus adimat, si quando plurimi ex iis Scotisticæ sententiæ obflare reperirentur: quod tamen ipse Parthenotimus pag. 51. negat? At hoc verum-ne sit, an falsum, judicabit aliquando Cathedra Petri. Numquid ut antiquos Theologos dejiciat, apud quos *Communis* fuit Thomistica de Conceptione sententia? Sed pariter judicabit Apostolica Sedes, an in doctrina Catholicæ Religionis præferendi sint *non Sancti Sanctis, & moderni antiquis Doctoribus*, uti agebat Cardinalis Cajetanus in 3. S. Thomæ, quæst. 27. art. 2. & præcipue si concordet cum præcipuis Ecclesiæ Doctoribus Theologi veteres deprehendantur. Num denique ut Voto Sanguinario patrocinium paret, si forte contra ipsum proferatur Antiquorum auctoritas? At nullum novi ejusmodi quæstionis documentum apud veteres; neque enim eis unquam in mentem venit, excogitare homines tam sui ac Prudentiæ oblitos, ut pro Opinionibus tuendis vellet animam suam pervicacissime ponere, atque ad id se se Voto obstringere. Primus mihi notus, qui casum hunc ipsum de tutela Immunitatis Marianæ præsensit, ut supra vidimus, Alphonsus de Castro (quem postea sequuti sunt Gabriel Vasquez & Theophilus Raynaudus). *Hæresis damnavit, qui tam firmiter Opinionem Scotisticam tenebat ac doceret, ac si esset Articulus Fidei, & ita pro illius Opinionis defensione esset mori paratus, sicut faceret pro illis, quæ ad Fidem pertinere noscuntur.*

Quærit Parthenotimus pag. 12. an particula *usque ad Sanguinem* subintelligatur in omnium Votis de tuenda Deiparæ Immunitate. Indicat Sanctum Antoninum, Cardinalem de Turrecremata, Gersonium, ac alios, scribentes, in Vitæ discrimine eximi voventes a servanda re promissa. Tum Suarii doctrinam producit, docentis,

id

Id verum esse, ubi alia aliunde non colligatur esse mens & voluntas votentis. Et hæc, ut Suarius subdit, etiamsi se extendat ad Vitæ discrimen, rationabilis esse potest & prudens, nedum ubi materia Voti sit opus præceptum, verum etiam ubi sit opus consilii. Addit Parthenotinus: Nec mihi dubitandum est, quin plerumque Vitæ discrimen non excludant pie votentes. Contra mihi nulla dubitatio est, quin qui vovet voce tantum & scriptis tueri Scotificam sententiam; alieni omnino sint a voluntate obsignandi Sanguine suo Opinionem istam, simulque perdendæ Prudentiæ, immo & Animæ suæ, pro tutela rei, quam Certam, pendente iudicio Ecclesiæ, sentiunt se præstare non posse. Eoque magis ab imprudenti huiusmodi sacrificio abhorrebunt; nam ut animadverti supra Cap. licet quidem & laudabile est, Vitæ discrimen subire pro actibus Pietatis, aut alterius Virtutis ad Deum tendentis, sed ea conditione, ut actus illi sint *Virtutis intrinsecæ*, non *Opinativæ*. Neque sufficit, ut actus ipse referri possit ad Virtutem etiam Intrinsecam. Necessæ est etiam, ut pretio suo superet pretium Vitæ nostræ. Si secus sit, insipienter, & non sine peccato, Vita profundetur. Ecclesia præcipiens certis diebus Ieiunium, aut Abstinentiam a carne, aut interesse incruento Sacrificio, nos certe non obligat ad rem præstandam cum periculo vitæ. Immo desperet, & peccaret, qui præfracte mortem eligeret in necessitate cibi, oblata sibi ad comedendum carne, aut imminente sibi certo interitu, si ad audiendum Sacrum proficisci vellet. Et quis, rogo, e Theologis nisi delirans, auctor homini esset, ut potius exiguum pecuniæ sibi reliquæ conferat in eleemosynam Sacerdoti celebraturo sacrum, quod vovit; aut in candelis emendis impendat, quas vovit, ante sacram quamquam Imaginem accendendis, quam extremo Vitæ periculo ob defectum cibi empto pane succurrat? Et ratio est, quia a Dei & Naturæ legibus sub gravi præcepto obligamur ad servandum pretiosum Vitæ Bonum, nisi forte agatur de illa impendenda pro Bono præstantiori, aut Malum inflet majus, quam mors corporis nostri. Igitur interdum modici sunt pretii, quæ vovemus, quia neque in multam utilitatem nostram, neque in magnum Dei honorem cedere possunt; & tunc in arbitrio nostro minime positum est ita earum rerum pretium augere, ut Vita prudenter pro iis detur, & dispensatos nos jure putemus ab obligatione tuendæ Vitæ. Deus tantum & Ecclesia indicare certo nobis possunt, quando laudabile sit mortem sponte eligere; ac proinde non careat Peccato, qui pro levibus rebus, neque a Deo, neque ab Ecclesia imperatis, occumbere velit. Ideo consequens est, doctrinam Suarii intra honestos limites esse coerendam; hoc est, tunc revera cum Prudentia & Pietate consentire etiam

etiam Vitæ discrimen, quum agitur de Bono Certo ac præstantiori; non autem quum de levibus præcepti aut consilii operibus, secluso semper Scandalo & contemptu Ecclesiæ. Utrum vero Scotticæ sententiæ tutela sit res tanti momenti, quæ in summam gloriam Dei, & Virginis, aut utilitatem nostram cedat, facile patebit, si consideremus, nondum pertinere sententiam ipsam ad Fidei doctrinam; atque ab Ecclesia liberum fieri cuicumque etiam contrariæ adhærere sententiæ; & fieri insuper aliquando posse, ut in ipsa opposita sententia Veritas deprehendatur. Quis ergo nisi temere ac imprudenter trucidandum se sinat, pro asserenda ejusmodi adhuc incerta sententia? Et nimium quidem differt Votum propugnandæ verbis tantum & calamo sæpe laudatæ Immunitatis a Voto etiam tolerandæ mortis pro ejusdem tutela. Distinguebat Sanctus Augustinus Theologicas Opiniones a Dogmatis Fidei Libr. de Peccat. Original. Contr. Pelag. Cap. XXIII. scribens: *Longe aliter se habent Quæstiones istæ, quas esse præter Fidem arbitror, quam sunt illæ, in quibus salva Fide, qua Christiani sumus, aut ignoratur quid Verum sit, & sententia definitiva suspenditur; aut aliter quam est, humana & infirma suspicione conjicitur &c.* Quis enim non sentiat, in his atque hujusmodi variis & innumerabilibus Quæstionibus, sive ad obscurissimam opera Dei, sive ad Scripturarum abditißimas tenebras pertinentibus, quas certo aliquo genere complecti ac definire difficile est, & multa ignorari, salva Christiana Fide, & alicubi errari sine aliquo Hæresici Dogmatis crimine? Paria habet Ephram Antiochenus apud Photium Cod. 228. Necesse profecto est, ut alterutra de duabus sententiis de Conceptione Virginis falsa sit: at tamen quia neutra ad Christianam Fidem spectat, nobis licet eam amplecti, quæ probabilior videatur; & quamvis fortasse in illa eligenda ac propugnanda erremus, nullum doctrinæ Catholicæ detrimentum infertur. Verum ubi Vitam quoque nostram, insignem scilicet Bonum, cujus usum nobis divina liberalitas concessit, erogare velimus pro tutela alterutrius ex hisce sententiis; jam certo contra Christianæ Fidei doctrinam erramus, quando mori eligimus pro sententia, cui certi non sumus an subit Error. Christianum verò Dogma instat, non esse prodigendam Vitam pro sententiis, quas Ecclesia probe illarum conscia, nondum ab Errore immunes pronuntiavit, immo aliquando etiam improbare possit.

Ut ostendat Theologus noster, posse aliquid credi a Deo Revelatum in Scripturis, *etiamsi nondum publice cunctis propposita fuerit Revelatio*, Cardinalem de Lugo laudat pag. 23. in hæc verba scribentem Disput. 20. de Fide num. 59. *Potest contingere, quod ali-*

aliquibus sit de Fide aliquod in Scriptura contentum, quibus manifestum est, id in Scriptura contineri, quod tamen omnibus non sit de Fide; quia non ita clare Scriptura loquitur, ut id possit ab omnibus animadverti. Vera est sententia Cardinalis, in eo tamen casu, quo Ecclesia nondum agnoverit, an eadem Revelatio subsistat, nihilque de ea protulerit. Disputatur autem a tot Seculis, Revelatum-ne a Deo fuerit Mysterium Conceptionis Marianæ. Ecclesia non semel interposito iudicio suo nos docuit, nondum constare, num Revelatum fuerit ejusmodi privilegium, an potius oppositum. In tali rerum statu audacia in illo non desideretur, qui auditoribus suis venditet, Fide divinæ posse credi Immunitatem Mariæ, idque tam Certo, ut prudenter pretiosum Viæ depositum pro hac Persuasionem tuenda discrimini oblatum credatur, non secus atque fiat pro certissime Revelatis a Deo. Dum Probabilem & Piam sententiam tuam putes, annuo & consentio, quia ex Ecclesiæ decretis id merito deducis; quamquam & contrarium sentientes ex iis ipsis deducant, Probabilem quoque ac Piam non desinere esse Opinionem suam. Ubi vero Certitudinem Fidei divinæ adstruere vis Scotisticæ sententiæ, repetit Lamindus: *Cuinam certum id videtur? Creatura fallacissima*: additque; immo & in casu nostro temere iudicandi, quum suum iudicio Ecclesiæ anteponat. Parthenotimo autem respondet, tum maxime fallax esse privati hominis iudicium, quum se putat plus scire quam Ecclesia; & quod Incertum huic est, tanta is pervicacia vult Certum, ut Sanguinem pro ejusmodi Persuasionis tutela dare non dubitet. Et profecto, consideratis Ecclesiæ decretis, nemo non agnoscat, fundamento nullo niti, quæ Parthenotimus addit pag. 28. scribens: *Nam est igitur adeo clarum, ut sibi met Pritanius blanditur, quod pia Sententia sit Opinio, & mera Opinio, cui subesse possit falsum*. Ex quo oppositam amplecti Thomistarum sententiam Fidelibus Ecclesia liberum facit, ac pro ejus Veritate definitivum decretum pronuntiare aliquando possit (quod ne noster quidem Theologus negare est ausus): leges omnes Logicæ Scotisticæ inter *Opiniones* adhuc enumerandam decernunt. Frustra quoque is pag. 33. contendit dari Certitudinem, quæ a Divina Fide non oriatur, & Bagotium laudat, qui in *Apolegesico Fidei per plures disputationes contra Academicos aliam firmat a Certitudine Fidei Certitudinem*. Nihil opus erat Bagotii auctoritate ad confirmandam rem meridiano Sole clariorem, & quam universa Philosophorum ac Theologorum schola, immo & vulgus novit, nempe innumera fuisse, ac esse in rerum natura sine divinæ Revelationis

nis præsidio, nobis notissima, Certissima, Evidentia. Non vâgetur
quæso Theologus noster: consistat in quæstionē nostrā. Disputatur
hic, an Certus quispiam esse possit, Revelatam fuisse a Deo Im-
munitatem Virginis (hæc autem ex iis est, quæ nisi ipse Deus re-
velarit, rescire nobis non licet) non solum ulla voce Ecclesiæ agno-
scentis hanc Revelationem, sed etiam cum disertâ voce Ecclesiæ
nos docentis, adhuc abditum esse in thesauris Dei hujusmodi My-
sterium. Quid ultra quærimus? Ecclesiæ ita nos erudiente, nonnisi
Prudentiæ monitâ pessumdet, qui ita pertinaciter Scotificam sen-
tentiam sibi Certam persuadere velit, ut quasi de articulo Fidei
ageretur, tormenta ac mortem pro ea asserenda ac tuenda elige-
re statuat.

C A P U T X X.

*Thomistica de Conceptione Sententia ne ipsa quidem Certa.
Potest & ipsa esse honorifica Virgini. Gersoni locus a
Parthenotimo adductus, contra ipsum militans. An erret
judicium putantis, licere mortem oppetere pro tutela Sco-
tificæ Sententiæ. An ab Hæresi excusari possit, negans
Christum Filium naturalem Dei. An ante Ecclesiæ defini-
tionem credere quædam liceat spectare ad Fidem Divinam.*

PArthenotimi verba sunt pag. 40. Sit ergo utraque Sententia (quod
mordicus nego) eodem modo Probabilis; at Immunitatis sententiâ
Virgini perhonorifica, ac proinde Deo grata, & ejus defensio Deo potest
promitti: secus autem sententiâ maculæ, ejusque propugnatio. Pro more
quorundam, Amorem sui tantummodo consulentium, sua dumtaxat
respicit, sua laudat Theologus Siculus. At adversariorum quoque mens
& rationes æquo animo sunt perpendendæ, ac sincere ferendam de iis
judiciū. Contendunt Thomistæ, e Scripturæ locis nonnullis, iisque
non mysticis, sed litteralibus, deduci, Virgini minime collatam fuisse
Præservationis Originalis prærogativam. Addunt, plerosque Sanctos
Patres, non secus atque ipsi sentiunt, interpretatos fuisse illa sacrarum
Litterarum loca. Denique sententiam suam Communem fuisse usque ad
initium Sæculi XIV. scilicet usque ad tempora Johannis Duns cognō-
mento Scoti. An ii pro Veritate militent, ego homuncio ignoro;
atque ajo, pendente judicio Ecclesiæ, Probabilem esse utramque de
Conceptione sententiam: neutram vero Certam posse merito appellari.

At

At fingamus tantisper, solidissimis fundamentis niti Thomisticam Sententiam. In hac suppositione tria necessario consequuntur, scilicet Thomistarum sententiam non solum gratam, sed unice esse posse gratam Deo Veritatis parenti. Secundo, eam tantum, non vero Scotisticam, posse placere Virgini, cui numquam placuit, numquam placeat, nisi Veritas; & quæ falsas laudes averfatur, idque dumtaxat cupit de se affirmari, quod cum Voluntate Dei consonum fuit, est, & erit. Tercio, Ecclesiam, custodem divinitus constitutam Veritatis, posse ac debere, in hoc supposito, uni adhærere Thomisticæ Sententiæ, & hanc unam gratam habere. Quare in ista suppositione evanescere statim vides metum, ne honorificentia Virginis minuatutur aut lædatur, quum honorificum Deiparæ illud tantummodo sit, quod Deus voluit illi elargiri (& quidem innumera eidem dona certissima est elargitus) non quod nostra Devotio importune, & præter, aut contra mentem Ecclesiæ & Dei tribuendum illi censet. Honor profecto Virginis cordi erat tot Sanctis Viris, piisque Theologis, & adhuc cordi est iis, qui aliam a Scotistica tenuere, tenentve Sententiam. Et quamquam zelus eorum laudetur ac Pietas, qui Mariam sine labe conceptam tuentur, eorum quoque zelus & Pietas commendanda est, qui vigilant, ne Error ac Falsitas in doctrinam Ecclesiæ irrepat. Quod si accidere posset (numquam autem accidet) rueret Ecclesia tota; quum nemo ignoret, si Ecclesia in uno errare deprehenderetur, frustra postea privilegium Infallibilitatis de ea posse prædicari: Itaque sophismate laborat memorata nuper Parthenotimi argumentatio. Nam ex quo nos aliquid excogitamus uti honorificum Virgini, non continuo sequitur, illud quoque esse Verum, & certissime gratum Deo; gratamque esse Virgini sine ulla dubitatione ejusdem prærogativæ tutelam. Gratum quippe illud unum Deo est, quod ipse voluit, non quod nos cupimus ipsum voluisse. Fallaci, inquam, argumentatione dicimus. Istud in honorem Virginis cedit: ergo illud voluit ac fecit Deus: ac proinde hoc affirmare ac tueri, gratum quoque Deo est. Contraria nimirum ratione argumentatio efformanda est. Deo & Virgini & Ecclesiæ certo placere tantummodo potest, quod Verum est, & Deus in sacris Litteris, aut in Traditione Patrum revelavit a se factum, non quod Devotio nostra excogitat & exoptat. Donec vero ab Ecclesia decernatur, quid re ipsa de hoc Mysterio Deus revelarit, utraque sententia inter Opinionis fines contineatur necesse est; neque ea Certitudine suam Deo gratam arbitrari quisquam potest, ut certo affirmare fas ei sit, alteram esse ipsi Deo ingratam. Proinde id unum superest, laudabile quidem esse tueri voce & calamo Scoti-

istam Sententiam. Laudabile quoque opinari, gratam Deo esse illius tutelam voce & calamo: Verisimile quippe & Probabile, quando Certam Veritatem divinarum humanarumque rerum assequi non possumus, tenere ac propugnare decet. Porro Vitæ prodigus foret, atque peccaret, qui pro ejusdem sententiæ tutela Sanguinem funderet, quum nefas sit, ipso Parthenotimo, ceterisque Theologis fatentibus, pro Opinionis alienius, quantumvis Piissimæ, tutela impendere Vitam, de ejus Certissimo pretio, ejusque custodiendæ præcepto, nemini dubitatio occurrere potest. Vetuit etiam Apostolica Sedes, ne duarum *De Gratia Dei, & Libero Arbitrio*, sententiarum patroni, alter alterius Opinionem Hæresis, Impietatis, aut Erroris insinularet. Idem vetuit Anno 1667. ne disputantes *de vi Attritionis ex metu Gehennæ* in Sacramento Pœnitentiæ, alter alterius sententiam aliqua Theologica censura percelleret. Temere sane ac imprudenter ageret, qui pro defendenda alterutra ex hisce sententiis mortem eligeret, ea persuasione seductus, suam esse Certam, atque a Deo Revelatam in sacris Litteris, aut in Traditione Patrum, ex quo ad Ecclesiæ Tribunal utraque sententia delata est, decretumque fuit, abstinendum interim esse ab alterutrius censura, laudabiliter quidem suam quisque tueatur oratione & scriptis, uti Probabilem, aut Probabiliorem alteram, at non sine gravi crimine pro ea, videlicet pro Opinione, securibus collum præbeat. Quod si scandalis & jurgiis, ob ejusmodi controversias oborientibus, præcidendum cursum Prudentia Ecclesiæ censeret, indistincti alteri ex iis silentio, sed simul sibi reservato iudicio de Veritate aut Falsitate ejusmodi sententiarum; nemo nisi somnians contenderet, creptam uni Probabilitatem, additam vero alteri Certitudinem; diferta enim Ecclesiæ protestatio Persuasioni huic, immo præsumptioni, obfisteret.

Dixerat Lamindus: *At enim subijcis, quamquam subesse error huic Opinioni, & falli intellectus possit; numquam tamen heic errare Affectus dicetur &c.* Tum ostendit, hunc ipsum Affectum errare posse, neque expectandum esse præmium ac laudem e zelo sine scientia. Ad ista Parthenotimus pag. 53. respondet: *Nedum pie vocantes, sed Theologos Voti pietatem non improbanter, Lamindus carpit, æque nobis aperiens veræ Theologiæ, ac veræ Pietatis dogmata.* Ita auditoribus suis per Ironiam aut illudit, aut imponit, qui se sacræ Theologiæ Professore inscribit. Evidens est, Lamindum pugnare heic, & in reliquis suis de controversia ista verbis & argumentis non contra omnes Voventes tutelam Scoticæ sententiæ *scalamo* enim & *rationibus* id præstare, laudem ab ipso meruit) sed

fed. unice contra paucos Voti Sanguinarii patronos. Si apertis oculis aliam Laminâ mentem Siculus Profeflor tribuit, videat ipfe, quo nomine fit dignus; fi caligantibus, ineptum ad hæc dijudicanda incaute fe prodit. Subdit ille: *Fallitur Laminus, fi credit, quod unus erret Affectus; nam neque errat Judicium, quo Pium efle afferitur, Immaculatam Virginem colere, & ob Immaculatæ Virginis cultum mortem oppetere.* Ut hoc ipfum evincat, en quo argumento utatur. *Omitto hic, ait, examine, utrum reapse falſitati obnoxium fit judicium, quo Immaculata afferitur Conceptio: difputat Gerson, quamam Veritates credenda ſint de neceſſitate ſalutis, & inter alia hæc habet: „ Sicut dicit Ariſtoteles, nihil refert, Falſa Probabilia, „ ra efle quibuſdam Veris: ita nihil refert, quedam Falſa Pie „ di. Non quod ea ratione, qua Falſa ſunt, vel ſi ſciuntur efle „ Falſa, credi poſſunt (procul hoc a Pietate Fidelium) ſed cadit „ exiſtimatio, ſeu Pia Credulitas non ſuper Veritate vel Falſitate; ſed tantummodo ſuper Apparentia, vel Probabilitate. Et hoc „ non eſt periculoſum vel Falſum, quia conſtat de Apparentia vel „ Probabilitate, dum Falſitas, vel Veritas ignota eſt. „* Lectorem rogo, ut non incurioſe perpendat, an Parthenotimus ea reapse proferat, quibus aperte juguletur cauſa, quam protegit. Ut oſtendat, non errare judicium, quo Pium efle afferitur, Immaculatam Virginem colere, & ob Immaculatæ Virginis Cultum mortem oppetere, ita argumentatur: *Nihil refert, Falſa Probabiliora efle quibuſdam Veris. Nihil refert, quedam Falſa Pie credi, & reliqua eſt Gerſonio.* Egregia, inquam, tela conquiſivit Siculus Profeflor, ſed quæ in unum ipſum recidunt, neque ego aptiora inſtruere potuiſſem. Hæc enim validiſſima quidem ſunt ad oſtendendum, laudabili ſtudio poſſe nos tueri voce, calamo, & Feſto, immaculatam Virginis Conceptionem; at ſimul evincunt, niſi temere Vitam impendi poſſe pro eadem tuenda. Primum legitime prudenterque præſtamus; quia etſi Error huic Opinioni ſubefle poſſit, dum tamen *Apparentiam Veritatis, vel Probabilitatem* in ea deprehendimus; & nobis ignotum eſt (neque innotefcere poteſt, pendente judicio Eccleſiæ) an Falſum in ea lateat: Prudenti homini hoc ſatis eſt, ut eidem ſententiæ adhæreat, & ſecundum illam cultum ſuum erga Virginem regat. Verum quippe eſt, non Falſum, conſtare nobis de iſta *Probabilitate*, ſeu *Apparentia Veritatis*; neque id periculoſum eſt, quia per hoc non creduntur Certo Vera, quæ Incerta adhuc ſunt, & Falſitatis metum non excludant. Deinde iſta *Credulitas Probabilitatis* prudenter fundata eſt; eamque habere ac tueri voce & ſcriptis, nihil incommodi aut periculi adfert doctrinæ, aut diſciplinæ Eccleſiæ,

clesiæ, uti neque Reipublicæ regimini & quieti : quandoquidem pia ista credulitas non cadit super Veritate vel Falsitate objecti : ipsaque Falsa pie credere, nullum piaculum est, dum Probabilia sint, & apparentiam præferant Veritatis, & dum nulla sufficiens ratio occurrat, cur Falsa nobis credenda sint. Quum ergo in sententiam Scotisticam confluant motiva robusta Probabilitatis, & Veritatis apparentia in ipsa minime desideretur : propterea centies & ego laudavi uti Pium & Prudens, amplecti, & voce scriptivæ tueri Immaculatam Conceptionem. Neque ullus sapiens vitio nobis vertit, quod Intellectus noster in obscuris adhæreat Probabilitati & Verisimilitudini, quotiescumque Certitudo Veri aciem mentis nostræ fugit. Itaque concordēs in hoc pergimus Theologus Siculus & ego. Quum vero is addit : *Neque errat Judicium, quo Pium asseritur ob Immaculatæ Virginis cultum mortem oppetere* : hoc utique præter mentem Gersonii adtexit, & contra rectæ Rationis leges omnino pugnat. Namque id unum Gersonius scite statuit, licere nobis Pia Credulitate ferri in assensum Opinionis, quæ Probabilitatem & Apparentiam Veritatis secum adducat : numquam vero somniavit, licere etiam pro ejusdem Opinionis tutela jugulum carnifici offerre. Nemo enim e Theologis, Parthenotimo ipso fatente, umquam docuit, fas esse pro Opinionibus tuendis vitæ discrimen incurrere, Certe sunt ipsius Siculi verba pag. 15. *Theologi numquam dixerunt, licitum esse mori pro Opinione, etiamsi Pia* : Idem repetit infra : *Nullas Theologorum est, quod ego sciam, qui asserat, posse quemquam honeste mori ob causam Immaculatæ Conceptionis, si hoc tantum sit Opinio, & pro mera ista Opinione Sanguinem profundere velit*. Ex his agnoscimus enormem Parthenorimi nostri contradictionem. Uno in loco agnoscit & ipse, nefas esse pro Opinione mori. Tum in altero contendit, Gersonii auctoritate abutens, fas esse pro Immaculata Conceptione, quamvis eam dumtaxat Opinionem Piam respiciamus, Sanguine nostro pugnare. Et ne quis dubitet, hanc ejus mentem esse pag. 55. docet, etiamsi Sanguinario Voto se se adstringentes Opinarentur, *Virginem ab Originali labe fuisse præservatam*, attamen dum Falsitas hujus Opinionis ignota est, & Apparentia pro Veritate stat, iidem putarent licitum & honestum illam defendere Sanguine suo. Atqui Gersonius tantummodo tradit, prudenter assensum præberi Opinionibus, Probabilitatem & Apparentiam Veritatis præferentibus, & nihil referre, si quædam Falsa Pie credantur Vera. Quis vero nisi imprudens, seu potius Fanaticus, dicat : *Nihil refert mori pro Veritate aut pro Falsitate*? Ad primum sufficit Probabilitas & apparentia Veritatis. Ad alterum ne-

cessaria est Certitudo Veritatis, non minor atque est Certitudo Vitæ nostræ, & Certitudo præcepti divini & naturalis de illa servanda. In illo non errat iudicium, quia Verum est, & non Falsum, Opinionem illam esse *Probabilem* & Piam, hoc est haberi in ea *apparentiam Veritatis*, ita ut non immerito Opinemur, spectare ipsam ad cultum Dei, sive ad Honorem Virginis aut Sanctorum. At in isto fallibile est iudicium, quia non amplius uti *Probabilis*, sed uti *Certa* sumeretur sententia illa, & supponeretur ut Certum atque indubitatum, spectare ad Cultum & Honorem Dei & Virginis, quod tamen *Probabiliter* tantum spectat, & metum involvit, ne Falsum aliquando deprehendatur. Proinde sapientibus considerandum relinquam, an in Ecclesia Dei toleranda diutius sit doctrina, & quidem a Theologo disseminata, quæ nullam distinctionem statuit inter *Pie Opinari* de aliqua re & *Mori* pro tutela istius Opinionis; & quæ non solum laudem, sed & *Martyrii* gloriam pollicetur in mortem ruentibus, dum tueantur aliquid, quod *Pie* idest *Probabiliter*, & *secundum apparentiam Veritatis* credant. Si ita sentire, ac docere fas esset, heu quot miseris aut stultis via sterneretur, ut imprudenter ac temere Vitam darent pro Falsis rebus atque sententiis, quas Probabiles reputant! Immo docerentur Fideles pro duabus etiam oppositis sententiis Sanguinem fundere: quod patens absurdum est. Exempli enim gratia quum Thomistæ *Pie* credant, sententiam suam de Conceptione Virginis inniti sacris Litteris, ac Traditione Patrum, sibi que persuadeant, *apparentiam Veritatis*, sive *Probabilitatem* in ea minime desiderari; quotiescumque locus foret Parthenotimanz doctrinæ, non erraret illorum Iudicium, asserendo Pium esse pro illa Opinione occumbere? Verum quis hoc ferat? Non minus Thomistæ quam Scotistæ, temere animam suam darent, quia tam illi quam isti pro re Incerta Sanguinem suum commutarent, atque alterutra certe pars pro Erroris & Falsitate postremo fato succumberet. Quod si Parthenotimus pag. 60. intolerandum idem Dogma repetit scribens: *Etiam si Certa non esset* (quod idem est ac dicere, etsi mera *Opinio* foret) *Deiparæ Immunitas ab omni labe, nihilominus Immunitatis tuitio, utpote ad Virginis laudem conducens, spectat ad Prudentiam*: Utique (respondebit mecum quicumque sapit) ad Prudentiam spectat, eam calamo ac voce tueri, uti *Probabilem*, quia sufficientia motiva *Probabilitatis* pro ea militant, ut prudenter opinemur, non vero ut Certo credamus, eam sententiam ad laudem Virginis conducere; quando certi non sumus, an Deus ita voluerit, & sitne tribuenda an neganda ejusmodi laus Virgini Sanctissimæ. At Sanguine & Vita velle tueri eandem tantummodo Probabilem sententiam, ad Imprudentiam & transgressionem divinæ Legis spectat. Ubi *Certo* non sit Scoti sententia (uti nunc supponit Par-

thenotimus.) *Opinio* dicatur oportet, simulque *Opinativus* sit *Cultus*, *Honor*, *Laus*, *Pietas*, & si qua sunt alia prædicata eidem *Opinion*i inhærentia, aut inde manantia, quemadmodum & in ceteris *Opinion*ibus Piis accidit, quæ in cultum & honorem Deiparæ & Sanctorum collineant, neque propterea desinunt esse *Opinion*es. Repetat nunc Lector confessionem Parthenotimi ipsius agnoscentis, *nefas esse pro Opinionibus tuendis mori*, & quid ex jam dictis confequatur, demum intelligat.

Dixerat Lamindus: *At mihi certissima est hujusmodi Opinio, aliquis dicet. Cui? Homini, nempe Creaturæ fallacissimæ. Num rogo, certum est aliquid, quia id tibi Certum videtur?* Atque huc faciunt Apostoli verba Roman. III. vers. 4. *Est autem Deus Verax, omnis autem Homo Mendax.* Respondet Parthenotimus pag. 20. *Creatura, quæ est per Theologos fallacissima, per eosdem Certitudinem assequi potest. Hæc est eorum assertio, nec sola Lamindi interrogatione labefactatur. Homo suadet sibi, Certam esse Immaculatæ Virginitatis Assertionem, quia id insinuant Patres, docent Theologi, fert communis sensus &c.* Nihil est, quod ego ultra laborem in ostendendo, quantum a Veritate absit, quod heic summa confidentia Siculus Theologus clientibus suis edisserit. Jam supra evicimus, Scotisticam Sententiam *Piam* ac *Probabilem* ab omnibus justehaberi; Certam vero esse falso dici, si de Certitudine Objectiva, & a parte rei agatur. Fateri quippe cogimur, ex quo a sententia ista non abest *Erroris formido*, ipsam intra *Opinionis* septa contineri. Hanc formidinem, pendente iudicio Ecclesiæ, tolli non posse, fateatur quisque necesse est; neque negavit Parthenotimus ipse, scribens pag. 55. *deficiente controversiam hanc Apostolica Sede deprehendi posse Veritatem in sententia Pice contraria.* Ergo falsum heic nobis obtruditur; & quamquam Certitudinem sibi Siculus in hac sententia fingere possit, semper fallibile dicendum erit illius Iudicium, sive Persuasio, quia infallibilis Cathedra Petri potest, non in ista, sed in opposita sententia deprehendere Veritatem, Ergo stabilis est Lamindi interrogatio atque responsio; & donec erumpat Ecclesiæ definitivum decretum, nullus Theologorum heic a fallacia immunem se præstare potest. Falsum denique est, nos *Certitudinem* hanc assequi posse per *Theologos*. Nam ut omittam, quod Theophilus Raynaudus, earum Parthenotimo caput, & a me quoque maximi factum, tradit Partit. I. Erotem. XIX. de malis ac bonis Libris, num. 471. nempe *communem Doctorum Scholasticorum sententiam non continere irrefragabile argumentum; quia Certitudo infallibilis, qualis ad statuendum pro potestate de re Fidei, exigitur, nisi debeat promissione aliqua divina, quam*

pro Doctōribus univerſis nuſquam reperimus. Ut etiāmittam, Theologos veteres fere omnes fuiſſe, & non paucos etiā e recentibus eſſe in contraria ſententia: illæ ipſæ Academiæ, & ceteri, qui Scotiſticam tuentur, atque huiusmodi argumentum rite ac ſincere verſantur, ſi interrogentur, quæ ſit eorum mens (exceptis tantum illis, quibus factionis ſuæ amor nimius, aut ſine juſto criterio efformatum iudicium tenebras offundit) continuo reſpondebunt, ſe *Piam* quidem & *Probabilem*, & ſi mavis *Probabiliſſimam*, exiſtimare Scoti ſententiam; non vero *Certam*, Certitudine ſaltem Objeſtiva, quæ formidine quacumque Erroris careat. Quid Academiæ voveant, jam vidimus ſupra Cap. 19. Quapropter Certitudinem hanc poteſt quidem Parthenotimus jactare in cœtu ſuorum clientum, edicendo, eam *inſinuari a Patribus, doceri a Theologis, ſerri a communi ſenſu*: at nos qua facilitate id ab eo affirmatur, eadem negabimus. Iudicium firmum tunc tantum habituri erimus, quum Romanus Pontifex reſervatam ſibi ſententiam pronuntiabit. Interea pro *Certam eſſe Immaculatæ Conceptionis Aſſerionem* Parthenotimus rogandus eſt ut ſcribat *Probabilem*: & neminem a ſe diſſentientem habebit.

Magnopere tamen vereor, ut id impetremus ab homine, qui poſt ſuſceptum Sanguinarij Voti patrociniū non ſentire nequit, corruere ejuſdem Voti fundamenta, ſi pro ſententia *dumtaxat Probabili* conſcripiatur. Immo ipſum videas pag. 22. caute inſinuare diſcipulis ſuis, poſſe ſecundum quorſdam Theologos Certum eſſe homini, aliquid ſpectare ad Fidei dogmata, quamquam Revelationem hanc Eccleſia non propoſuerit, quoties nempe *ille homo ſibi perſuadet, id facile a Deo Revelatum*. Sed millies repetendum eſt, *Perſuaſionem* hominis ferri poſſe tam in Verum quam in Falſum; & ubi *Perſuaſionis* tantum ponderis tribueremus, Hæreticis *Perſuaſione* abundantiſſimis, ſed *Veritate* deſtitutis, grande patrociniū a nobis præberetur. Interdum quidem proderit *Perſuaſio* iſta, dum videlicet conjuncta ſit cum *Ignorantiâ Invincibili* ad excuſandum, immo & laudandum hominem mori volentem pro tuendo, quod ipſe invincibiliter ſibi perſuadet revelatum fuiſſe a Deo. Ubi vero cum *Perſuaſione* jungatur *Ignorantiâ* dumtaxat *Vincibilis*, deſipiat miſer ille, & peccet, dum temerario & imprudenti affectu fuit in mortem. Jam diximus, *Ignorantiâ Invincibilem* admitti non poſſe in viris doctis, ſi forte ſibi perſuadeant, Certo revelatam fuiſſe a Deo Præſervationem Virginis, quum neminem e doctis latere poſſit, quid hæc de re ſentiat Eccleſia Romana, omnium Magiſtra. Et proſpecto non ignota quæſtio eſt: attamen ipſa rem uti Incertam adhuc reſpicit,

cit, quum alterutri ex oppositis sententiis adhærere liberum nobis reliquerit. Ceterum dissimulanda non sunt, quæ Parthenotimus hanc in rem pag. 23. adjicit, inquiens: *Adducit Granadus illius exemplum, qui censeret, posse divina Fide credi, quod Christus sit Filius Naturalis Dei; nec inde inferre licet, quod sit Hæreticus, qui illud negaret.* Sed animadvertant Siculi, quo eos ducat eruditio Theologica Magistri sui. Sub finem Seculi a Christo nato Octavi in Hispania Felix Orgellitanus Episcopus, & Elipandus Archiepiscopus Toletanus tradidere, Christum non *Naturalem*, sed *Adoptivum Dei Filium* esse. Doctrinam hanc Hæreticam pronuntiarunt in Forojulienſi Concilio Anno 791. complures Episcopi; tum in Francofordienſi plenario Concilio Anno 794. Episcopi Italiæ, Germaniæ, & Galliæ, assistentibus Pontificiis Legatis; eamque præterea damnavit Hadrianus tunc Romanus Pontifex in Epistola ad Hispanos. Alcuinus etiam Lib. I. adversus Elipandum testatur, perversum idem Dogma confixum fuisse in Concilio Ratisponenſi Anno 792. eundemque Hadrianum anathemata in ipsum protulisse. Ad hæc Anno 799. Leo III. Papa in Synodo Romana hanc Hæresim proſcripſit. Eodemque Anno idem Felix Orgellitanus publicam edidit Confessionem Fidei, in qua agnovit, *Dominum nostrum Jesum Christum in utraque Natura, Deitatis videlicet & Humanitatis, Proprium ac Verum Dei Filium esse.* Vide Labbeum & Aguirrium in Collect. Concil. & Alcuini Opera. Denique Patrum plerique oppositam docnere sententiam, quibus liceat mihi adjungere Marium Victorinum Rhetorem Urbis Romæ Anno Christi 362. in Epistola ad Candidum Arrianum; edita a Mabillonio inter Analeſta. *Deus*, inquit, *caritate prædestinavit nos in Adoptionem per Christum. Numquid & Christum per Adoptionem Filium Deus habet? NULLUS AUSUS EST DICERE: fortasse nec tu.* En quam mature Felicis Orgellitani doctrina improbata fuerit in Ecclesia Dei. Quod ineunte Seculo XIV. Scotus, Durandus, & Bassolis eandem Opinionem renovarint, excusandi sunt. Non enim eis perspecta erant Acta Conciliorum illorum, neque Epistola Adriani, quorum editionem Surio debemus; neque alia Eruditionis Ecclesiasticæ monumenta, quæ nunc abundant. At postquam postremis hisce temporibus tanta lux facta est Quæſtioni huic, laboret necesse est non levi ignorantia Theologiæ Dogmaticæ, qui placido calamo hæc in medium profert, & præsertim nulla facta distinctione duarum in Christo Naturarum. Aut si hæc minime ignorat, videat ille, an culpam depellere a se possit, quod paucos Theologos Scholasticos recentiores, pro suæ gentis honore omnem lapidem moventes, tanti æstimet, ut eorum auctoritate fretus arbitretur, non amplius temerariam atque Hæreticam propositionem, quam

Sum-

Summi Pontifices, & plenarium Occidentalis Ecclesiæ Concilium ab ipso Papa probatum damnavit. Hisce interea utitur Parthenotimus noster Auctoribus, qui neglecta aut contempta Sanctorum Patrum doctrina, in cerebro suo quærunt, atque invenisse se putant, quid Fidelibus credendum sit, aut non credendum. Religiosior certe ac prudentior his Carolus, jure cognomento Magnus, qui concors eum eodem Hadriano I. & Patribus Concilii Francofordiensis, de hac ipsa re scribebat ad Hispanos. *Me Apostolicæ Sedi, ajebat ille, & Antiquis ab initio Ecclesiæ, & Catholicis Traditionibus tota mentis intentione, tota cordis atacritate conjungo. Quidquid in illorum legitur Libris, qui divino Spiritu afflati, toti Orbi a Deo Christo dati sunt Doctores, indubitanter teneo: hoc ad salutem animæ meæ sufficere credens, quod sacratissima Evangelicæ veritatis pandit Historia; quod Apostolica in suis Epistolis confirmat Auctoritas; quod proximæ sacræ Scripturæ Tractatores, & præcipui Christianæ Fidei Doctores, ad perpetuam posteris reliquerunt memoriam.*

Parthenotimus noster interea perpendat, an forte ex iis sit, qui Patrum auctoritati præferre non dubitant recentiorum Theologorum meditatamenta. Verum ille his dimissis, contendere pergit, posse divina Fide, abditum hæcenus credi Conceptionis Virgineæ Mysterium. Et sane hæc scripserat Pritanius: *Quamquam summa Pia sit Persuasio illa, qua Beatissimam Christi parentem sine Labe Conceptam putas, nihil aliud tamen est, quam Opinio humana Errori obnoxia, dum Romana Sedes ejusmodi Sententiam antiqua Traditione, sive Revelatione divina sufficienter niti statuat.* Insurgit hæc Theologus Panormitanus, & pag. 32. *Minus recta, ait, minus digna Theologo ejusmodi argumentatio. Fac, te vixisse, antequam Ecclesiastici Liber declararetur ab Ecclesia Canonicus. Fac, te per id tempus hoc judicium concepisse: Ecclesiastici Liber Canonicus est. Num idcirco id judicium erat re ipsa Errori obnoxium? Absit: Verum erat; Certum re ipsa erat, & divinæ Revelationi re ipsa conforme. Vides nunc, arbitror, quam utilis Theologia Scholastica sit, ne in hujusmodi propositiones impingas, quales Laminus hæc profert.* Utilis procul dubio Theologia Scholastica est, immo necessaria Ecclesiæ; atque auctor & ego sum omnibus, ut ei dent operam; sed nequaquam Logicæ, qua Parthenotimus utitur; hæc enim facile in paralogismos addiscentem conjicet. Primo, exemplum *Ecclesiastici* si recte metiare, deprehendes, Traditionem explicitam præcessisse, antequam Ecclesia Librum inter Canonicos retulerit: quod nondum Immunitatis Marianæ patroni ostenderunt suæ adesse sententiæ, persuadentibus immo sibi contrariæ patronis, Sanctos Patres, & Theologos antiquos pro sua explicite stare. Secundo, si dubitatum fuisset ante judicium Ecclesiæ de divina origine Ecclesiastici, ne tunc quidem *Objectiva Certitudine* Certum fuisset pri-

privati hominis iudicium de illius authenticitate, sed quidem *Certitudine Subjectiva*, & *Persuasionis*, quæ formidinem Erroris excludere non potuisset, donec dubitationem & formidinem suo infallibili iudicio sustulisset Ecclesia. Plurima nunc incerta sunt, & disputantur in Scholis. Si unam ex hisce Quæstionibus Ecclesia post centum annos dirimeret, ac statueret, spectare ad Fidem, puta, *Scientiam Mediam*, aut necessitatem alicujus actus *Dilectionis Dei in Administratione Sacramentali*: peto ego a Parthenotimo, an Certum Certitudine Intrinseca, Formali, & Objectiva nunc esset illorum sententia, quæ post centum annos relata in censum Dogmatum ab Ecclesia contrariæ præferretur. Si negat, habet ille, unde sibi respondeat. Sin affirmat: nolo ego tempus ultra terere in ejus dictis refutandis. Tertio, quam incongruum sit exemplum hoc loco productum, disparitas inter nostram atque illam rem evincit. Numquam Ecclesia media stetit inter disputantes de authenticitate Libri *Ecclesiastici*, neque agnovit, Eas esse utriusque oppositæ sententiæ rationes, ut neutram damnari interdixit. At in casu nostro Apostolica Sedes, conscia a tot Seculis disputationum de Immaculata Conceptione, rationumque hinc inde productarum, nihil aliud hæctenus decrevit, quod est ad Veritatem sententiarum, nisi ut nemini liceat hanc aut illam censura configere. Itaque perspiciat Ector, *quam utilis sit Theologia Scholastica* Parthenotimo nostro ad solvendos inextricabiles nodos, quibus Votum suum Sanguinarium confringitur. Alio tamen exemplo is pugnam renovat, inquit pag. 33. dari posse, ac dari *Judicium moraliter Certum, nullique prudenti formidini obnoxium de credibilitate Fidei Christianæ* in Ethnicorum ad Religionem Christianam se se convertente. Hoc autem iudicium non a Revelatione divina trahit originem, actumque Fidei præcedit, & Certum nihilominus est. Ergo, is infert, iudicium de Veritate Sententiæ Scotificæ Certum esse potest, etsi nondum ad Fidem Divinam spectet. At hoc sane minime dignum Theologo iudicium, ut mitissime loquar, quando is cum Veritate, seu Credibilitate Christianæ Religionis componit Veritatem seu Credibilitatem Immaculatæ Conceptionis. Omnium Theologorum concors sententia est, sanctissimam Religionem nostram adeo evidenter esse Credibilem, ac tot in eam confluere motiva gravissima Credibilitatis, ut inexcusabilis sit quicumque Infidelis, qui rite sibi annuntiatam non amplectatur. At quisnam audeat asserere, Evidentiam Credibilitatis in sententia de Conceptione Scotifica deprehendi? Eset hoc conjicere dedecus cæcitatæ, aut extenuatæ nimium Pietatis in Ecclesiam, quæ tandem rogata, nondum tamen Opinionem illam

illam dignam censuit, quæ inter Dogmata Fidei referretur; immo in contraria Opinione pondus Credibilitatis se agnoscere satis testatur. Porro numquam disputavit Lamindus, an aliquid homini Certum esse possit, etiamsi nondum sibi sit propositum credendum Fide divina, aut ante actum Fidei divinæ. Vagatur Parthenotimus. Quæstio nostra est, an Scoti Sententia, de qua quid hætenus judicavit Ecclesia, ignorare non potest, Certa adeo esse homini prudenti possit, ut legitime ac prudenter pro ejus tutela mortem eligat, Hoc nondum Theologus noster ostendit; & me contrarium ostendisse, jam Lector, ut spero, animadverterit.

C A P U T _ X X I.

Cavillatoris nota Pritanio perperam a Parthenotimo inusta. Inquisitioni Hispanicæ an juste tributa ab ipso quædam Infallibilitatis species. Aliæ Parthenotimi cavillationes.

ALIAM nunc scenam aperit ingeniosus Parthenotimus, per quam clientes suos confidit magis atque magis in sua sententia confirmandos. Didicit ille, spem victoriæ in concertationibus augeri, ubi non rationes tantum adversariorum oppugnantur, sed & in ipsos adversarios odium & contemptus conflatur. Supra vidimus, artificiose injectas ab eo *Jansenismi* suspiciones in Lamindum; nunc ipsum uti *Cavillatorem* traducere conatur, quærens præcipue pag. 82. *Cur Lamindus in cavillationem se proripiat.* Cedo Cavillationes istas. Ea palmaris, & quæ non uno in loco recurrit: videlicet Lamindum *omississe distinctionem Votorum*, hoc est, non explicuisse, an utrumque Votum improbet, quorum unum pollicetur patrociniū Immunitatis Marianæ *vace dumtaxat. O calamo*; alterum paria pollicetur, addito etiam *Sanguine O Vita*. Hanc eandem cantilenam Parthenotimus exorditur pag. 13. tum ipsam in aliis locis ingeminat. Quod pejus est, sibi interdum fingit, Lamindi mentem revera fuisse damnandi etiam Votum Academicarum, sine ulla *Sanguinis* mentione conceptum. Necesse profecto est, ut pugnandi ardor criteriū usum prorsus eripuerit Siculo Professori, quando in ipso suo Libello hæc Lamindi verba disertissima refert, neque eorum sensum & vim intelligit. *Satis*, inquit Lamindus, *quibusdam non fuit calamo O rationibus Immaculatam Deiparæ Conceptionem tueri, quod præcul dubio cum verâ Pietate consonat.* Qui hæc dicit, cubitalibus litteris significat, se
sum

summpere probare quoscumque tuentes calamo & rationibus eandem sententiam. Cuncta vero ejusdem spicula eos dumtaxat petunt, qui *Vitam* pro tuenda ipsa sententia vovent, sequē *Martyres* futuros pro hujusmodi causa morientes confidunt. Et nihilominus identidem Siculus censor Lectoribus suis persuadere non veretur, impugnari a Lamindo alterum quoque Votum, hoc est Academia- rum, nimium ab isto diversum. Uter nostrum in *Cavillationes* se proripiat, recti Judices decernere jam incipiant. Dixerat Lamindus: *Quomodo te Namini placitum putas, illiusque Martyrem te futurum speras, si rite certus non es, te pro Veritate mortem oppetere? idque tanta contentione fuisse vis, quod aliter Deus voluisse potest, incertumque adhuc est, an aliter esse voluerit? Cave, ne amorem, & reverentiam Virgini debitam eo usque amplifies, ut superstitionem efficias. Non unus autem ego in hoc Voto profundendæ Vitæ pro Immaculata Conceptione Virginis Superstitionem timeo. Timuit, & timeat Apostolica Sedes &c.* Plura heic retuli, & quorsum intelliget Lector, ubi acceperit, quid ad ista adnotarit Panormitanus Theologus pag. 65. *Principio*, inquit, videat Lamindus, quo ipsum adripiat ille suus, quem vocat Superstitionis timorem, sed nonnemo diceret audaciam: dum Superstitionis notam Catholicorum sententiæ inurit. Quid heic sibi velit Parthenotimus, quum ait Catholicorum sententiam, non satis assequor. Si forte Scotisticam de Conceptione sententiam Superstitionis nota a me inspersam vult, ad quemcumque Lectorem tam sœde ac immerito a Cavillatore læsus appello, a quo etiam indigne habitus sum superius, perinde quasi *Mendacii* nomine denigrarim eandem Scoti sententiam. Sin Votum tantummodo profundendæ Vitæ, quod unum reapse Lamindus minime tolerandum contendit: brevi indicabo, quam iustus mihi sit timor Superstitionis in illo. Atqui subdit Parthenotimus: *Si Superstitionis, seu Cultus falsi censura notatur Votum, quod Virginis Immunitatem, & hujus defensionem respiciat, eadem afficiendum esset nota celeberrimum Conceptionis Despiciæ Festum, quod ex nuper dictis Preservationem ab originali macula respicit.* De Festo Conceptionis supra egi. Repeto nunc, ne umbram quidem Superstitionis occurrere in tuenda voce & calamo Scotistica sententia, uti neque in celebrando secundum eandem sententiam Festo Conceptionis: quod liberum Alexander VII. cuicumque fecit. Sufficit enim Pietas Opinativa, Probabilibus ac Verisimilibus motivis innixa, ut Opinioni alicui adhæreamus, eamque propugnemus, atque ut Festum etiam celebretur. Celebrantur per totum Catholicum Orbem tot Festa pro Sanctis ab Apostolica Sede minime canonizatis, pro tot Reliquiis,

&

& Corporibus Sanctorum, eorumque Miraculis. Probabilitas ista legitimum prudenti suppeditat argumentum ita agendi. At ubi agatur de Vita danda pro Probabili tantum sententia, hoc est pro Opinione tuenda, atque Martyrum præmio inde sperando, Imprudentiam & Crimen heic deprehendimus, & Superstitionis iustus metus occurrit. Addit Parthenotimus pag. 67. *Supremum Inquisitionis Hispanæ Tribunal permisisse Thesin de Martyrio morientis pro Immaculata Conceptione*: quo scilicet tempore Laminæ Granatenses, Dextri Chronicon, & reliquæ piorum hominum imposturæ, persuaserant religiosissimæ Hispanicæ genti, in Concilio ipso Apostolorum cognitam fuisse veritatem *Immunitatis Marianæ*. Subdit Siculus, damnatam quidem fuisse a *suprema Lusitanicæ Inquisitione* Thesin Auctoris statuentis, *quod inconsulto Summo Pontifice, poterat Festum Conceptionis celebrari*. Hic idem Auctor *Virginis Conceptionem inter Veritates ad Fidem pertinentes collocavit*. Hinc inferebat: *quare veram subiret Martyrium*. At Siculus Theologus subdit, totam istam, integramque sententiam a Lusitanis fuisse vetitam. *Theologi vero, qui Martyrium esse defendunt Mortem pro Marianæ Conceptionis defensione, nunquam somniarunt defendere Martyrium esse, quia inconsulto Summo Pontifice, passit Festum celebrari: quodque eodem inconsulto, Fidei Veritatibus sit annumeranda Deiparæ illibata Conceptio. Fallitur ergo, si quis umquam credat, inter se Fidei Quæstiones dissidere*. Nullus est mihi Liber, quo possim intime perferutari, quæ heic ab unius Parthenotimi eruditione didici. Quare tantum respondeo, nihil mea referre (ac puto idem dicturos ceteros Italos, Germanos, & Gallos) quid agat, aut non agat, probet aut improbet Inquisitio Hispanica & Lusitanica: neque enim ab illorum iudiciis quidquam pendet reliquus Catholicus Orbis. Immo serium ridebit quisquis Tribunalibus iis quamdam Infallibilitatis speciem tribui a Parthenotimo audit. Satis sit mihi dicere, ab Hispanica Inquisitione proscriptum fuisse temporibus nostris eximium Opus, & celebre Eruditionis Ecclesiasticæ promptuarium, scilicet *Acta Sanctorum* a Bollando, aliisque Clarissimis Patribus Societatis Jesu Antverpiensibus collecta & illustrata, quæ tamen eodem tempore illæsa evasere e Romano examine. Immo ea ipsa in Hispania sub novo Rege Catholico Philippo V. libertati pristinæ reddita sunt, pauculis verbis expungi aut mutari iussis, ut aliqua præcedenti Censuræ excusatio fuisse videretur. Ceterum non satis mihi persuasit Parthenotimus, non idem fuisse damnatum a Lusitanis, quod ipse clientibus suis in Opusculo suo, feliciterque alibi, insinuandum curat. Nempe scribit heic, *Theologos nunquam somniasse defendere, quod Summo Pontifice inconsulto, Fidei Veritatibus sit annumeranda Deiparæ illibata Conceptio*. Atque is nihilo secius pag. 22. *Theo-*

logos memorat sentientes, quod Fide divina posset credi, sine labe Virginem fuisse conceptam, cum sibi homo persuadeat, id fuisse a Deo revelatum. Ex pag. 29. addit. Neque quia Ecclesia, fidiſſima Dogmatum testis, adhuc ut Fidei articulum Sententiam Piam non proposuerit credendam, inferre licet, quod ea non fuerit Revelata. Et pag. 47. Ut autem dicamus, quod in Revelatione aut scripta aut tradita, pia contineatur sententia, tot Doctorum sententia sat esse videtur. Hæc ille scribens nonne nobis insinuat, posse nos inconsulto Romano Pontifice divina Fide credere veram Scotificam sententiam? Certe constat, Romanam Ecclesiam, omnium Ecclesiarum Magistram, una cum Tridentino Concilio, in albo Opinionum reliquisse Scoti sententiam, sibi que de illa reservasse iudicium, quod nunc sibi Parthenotimus usurpat.

Petit Parthenotimus pag. 80. cur in scrupulos se precipiat Lamindus? Scrupulum autem Lamindi arbitratur, timuisse Superstitionem in Voto Sanguinario. Tum percontatur: Unde tanta lux uni se pandit Lamindo, quæ ceteris fuerit occlusa? Num ex Bibliis, & sacra Traditione, quæ Dumtaxat ipse præcipit consulenda? Contra ego perlibenter ab eodem Parthenotimo sciscitarer, quandoquidem is glorioso Theologi nomine insignitum se ait, an licere poterit imponere proximo suo sententias periculosas, aut erroneas, ab eius mente prorsus alienas? Lamindus Pritanius Lib. I. Cap. XI. de Ingenior. Moderat. dixerat: Præter divinas Scripturas, & Traditiones, Concilia sacra, & præsertim Oecumenica, Romanorum Pontificum Epistolæ & Decreta, Sanctorum Patrum Libri, probatæ Veterum Historiæ, Theologorum, aliorumque Orthodoxorum scripta, sunt ii fontes & loca, unde Ecclesiæ Catholice doctrina est haurienda. In eo ipso Libro, adversus quem arma Parthenotimus arripuit, hæc leguntur; & nihilominus Parthenotimus idem palam scripsit, Lamindum præcepisse, consulenda dumtaxat Biblia & Sacram Traditionem. An Theologum deceat ars ista pugnandi, quum vacabit, ille nobis prodet. Addit deinde: Bibliorum & sacre Traditionis plerique Theologorum gnari, illis potius consonum, utpote Pium, tuiti sunt Votum. Votum quidem tuendi Voce & Calamo Illibatam Virginis Conceptionem a plerisque Theologorum probatur; probatur & a me illorum discipulo. At quandonam plerique Theologorum Votum Sanguinarium de quo uno loquitur Lamindus, sacris Litteris ac Traditioni Patrum consonum, utpote Pium, scripsere? Immo tacite hoc ipsum, si paucos infimi subsellii excipias, ii damnarunt, quando sensere, nefas esse pro Opinionibus tuendis Animam nostram ponere. Non confundat quæso diversa hæc Theologus noster, & veritatem pressius sequatur, suisque audito-

ditoribus tradat. Denique is ait pag. 81. *Quodnam Ecclefie Dogmatibus detrimentum accedet ex eo quod hic vel ille pro hoc aut illo Virtutis Actu mori, aut non mori, licite queat?* Serio-ne loquitur heic Theologus nofter? Serio, nemo neget. Itaque fecundum illum inter veros ac proprios Martyres, & Martyres improprie appellatos, nullum erit difcrimen: quod tamen Theologi graviores negant. Immo, fi Theologum hunc audimus, nihil Ecclefie Dogmatibus officit, quod *hic vel ille pro hoc aut illo Virtutis Actu mori, aut non mori, licite queat*. Ubi Parthenotimus hifce verbis tradat, *Virtutis Actum* effe pro tuenda Illibata Conceptione Mori: jam quisque videt, fruftra ab ipfo affumi tamquam Certum & probatum, quod adhuc inter nos difputatur, fcilicet: *An liceat, & Virtutis actus fit pro ejusmodi cauffa occumbere*. Hacenus ostendi, id abhorrere a recta Pietate, atque inter Peccata referendum fore. Et profecto fi temere ac imprudenter Vita propter hoc prodigatur, nemo non intelligit, quantum inde dedecoris in doctrinam Ecclefie, quantum detrimenti in Rempublicam effluere poffit. Fœcundus deinde in interrogando Siculus Scriptor & Cenfor hæc habet pag. 82. *Petitur etiam a Laminò, cur in folum Votum de tuenda Virginis Immunitate ufque ad Sanguinis profufionem tela vibret; & cetera præterit intacta, ut Votum ferviendi infirmis etiam cum Vitæ difcrimine, & quidem magis aperto, Votum carnibus non vefcendi tota Vitæ tempore, aliaque id genus. Nihil effet, cur ego refponfum facerem importunis hifce interrogacionibus, quando fuperius fatis refpondi. Breviter tamen dicam, nullam fuiffe cauffam adducendi in examen præter Sanguinariū reliqua Fidelium Vota; neque enim de iftis instituendus fibi erat Tractatus. Nunc autem a Parthenotimo coactus repeto, Votum inferviendi ægris, aut peste infectis, ut falvam faciant animam fuam, aut fanitatem corporis recipiant, etfi inde Vitæ difcrimen per accidens incurratur, effe de Certo & oximio Virtutis, hoc eft Caritatis Actū, quem Evāgelium ipfum probat, atque commendat. Ubinam verò Chriftus Dominus, aut Ecclefia commendavit veluti facrificium Deo carum, Vitam noſtram impendere cauffa propugnandæ Opinjonis de Immunitate Mariana; poſt decem annos nobis Parthenotimus oftendet; tantum enim illi temporis ad querendum ac docendum concedo. Ad Votum verò non vefcendi carnibus toto vitæ tempore quod attinet, jam dixi Cap. III. illud minime ferendum, niſi excludat periculum mortis ob alimoniz defectum. Præterea petit Siculus Profefſor pag. 83. cur Laminus Sanguinario Voto nec uſum, quem rectum habere poteſt, det ſonum. Quemnam quaſo? Nimirum illius patronos non mori pro eo, quod effecant-*

sum Probabile in Virginis Conceptione (hoc est pro Veritate sententiae: cogitur quippe & ipse fateri, Probabilem quidem, non vero Certam illam esse) *sed pro eo, quod est ibi Certum, hoc est pro defendendo Cuku & Festo Immaculae Conceptionis praescripto ab Ecclesia: quod in Veritate Speculativa est Certum*, ut ait Jacobus Grano, cui Minorita Velasco consensit. Sed centies dixi, *Cultum* hunc *Opinativum* esse, quod est ad statuendam Immunitatem Virginis; atque e. Festo Conceptionis, relictante Romana Ecclesia, deduci, a Summis Pontificibus pro Scotistica sententia contra oppositam fuisse quidquam definitum, quum diserte ii contrarium proferrentur. Et Cultus & Festum laudanda sunt. Mors vero, quae subiretur a Sanguinarij Voti patronis, quippe tolerata *pro Opinione*, imprudens facinus & scelus dicenda est. Porro inania sunt effugia quae heic & alibi quaerit Theologus noster. Ipsijs enim reuera Votum est, non pro tuendo Cultu & Festo Conceptionis, sed *pro tuenda Immaculata Desperata Conceptione*, ut ipsius Opusculum in titulo & fronte patentissimis profitetur.

C A P U T X X I I

Confusio a Parthenotimo formata in Lamindi censura: Nullum Heterodoxis ex ea censura ministrari posse scandalum, sed quidem e Voto Sanguinario. Neque Lamindus Doctores Catholicos, Theologosve Scholasticos traducit.

Pergit deinde is dicere pag. 84. *In plerisque formularum, quibus Deo promittitur initio Conceptionis sine labe, maxime quibus Academia utuntur, nulla fit Mortis mentio, nec exprimitur Usque ad Sanguinem. Neque in Neapolitana reperitur. Denique subdit: Quod si qua ulla est alia Vivendi ac Jurandi formula, qua Usque ad Sanguinem additur, cur hujus tantum formulae, & non aliarum, recordatur Lamindus?* Mirentur heic itegum Parthenotimi ingenium Lectores. Non uno is in loco Lamindum exhibuit (per summam tamen injuriam) non Voti tantum Sanguinarij censorem, sed & ceterorum pro tuenda Scotistica sententia sine Sanguine conceptorum. Heic autem dolet, quod idem Lamindus Voti dumtaxat Cruentis, & non aliorum fuerit recordatus. Insuper Lectorem opportune monendum ille censet, & plerisque formulis Votorum abesse Sanguinis & Mortis mentionem; neque prospiciat, hoc ipsum opusculum

colunt in suum caput recidere, quando, ut alibi animadverti, tot Academix, Ecclesiæ, & Theologi, saltem non minus quam Siculi, iudicio, doctrina, & zelo honoris Deiparæ ornatî, Votum quidem suscipiunt tuendæ Scotisticæ sententiæ (quod laudabile est, præcipuè *diffensionis componendæ causâ*, quemadmodum in Hispaniis fit, uti ipse Parthenotimus fassus est pag. 77.) sed a Voto Sanguinario abstinere, & ut puto, abhorrent. Addit Siculus Censor pag. 85. *Cur tam confuse & generatim conqueritur Lamindus : Quod nostris quoque temporibus tum in privatis colloquiis, tum in publicis concionibus Idem Votum repetitur ?* Nollet, uti hæcenus vidimus, Theologus noster, Lamindum adeo in scrupulos pronum, ut imprudentiam, immo & Superstitionem timeat in Sanguinario Voto. Ego contra Parthenotimum ipsum scrupulosiorem vellem, ex quo *Confusionem*, & *Generalitatem* sine ulla causâ tribuit Lamindo, quasi is Vota omnia pro tutela Conceptionis Virginæ sugillarit. Prostat Lamindi Liber, prostat & ipsius Parthenotimi Libellus, in quo ejusmodi Lamindi verba leguntur. *Idem Votum* meridiano Sole clarius non alios respicit, quam affirmantes : *Pro causâ Immaculatæ Conceptionis pium esse mori*, ut ibi diserte atque unice scribit Lamindus. Quod ubi ita esse Lector deprehenderit, poterit-ne non agnoscere, unum Parthenotimum occurrere nobis, qui in *Cavillationes* se proripiat, qui *Confusionem* præ actu disputationis in Lamindi scripta intrudit, ut incautis Lectoribus alio respicientibus, ipse interim pudorem Voti Sanguinarii imprudenter concepti, atque infelicius propugnati, a se & a clientibus suis aliqua ratione amoliatur? Eodem pede currit subsequens Siculi Professoris querela pag. 85. *Catholicæ gentis fama, ait, num digna non est, quæ unius privati viri famæ non sit præferenda ? Cur ergo publicæ causæ non prospexit Lamindus, qui tantam in privata exposulat cautionem ?* Inanes natiæ, expostulationes jocularæ, dicere liceat. Ubinoam quæso Lamindus conversæ Catholicorum gentis famam arrodit, postquam ipse aperta professione testatus est : *Calamo & rationibus Immaculatam Deiparæ Conceptionem tueri, procul dubio cum vera Pietate consonare ?* Siculos quosdam tantum, aut si qui sunt alibi, certe paucos, Lamindus non virulenta, sed amica oratione aggressus est, ut eos ab imprudenti ac periculoso Voto Sanguinario averteret, quod ipsi dumtaxat concipiunt, & legitimum reputant, non vero universa Catholicorum gens, aliena nimium ab hujusmodi improvida novitate. Sed qui præoccupatus serventi affectu in litteraria palestra dimicat, difficile vitia suæ sententiæ sensit, facile in adversarii confingit.

Declamatorio deinde stylo eadem pag. 85. Parthenotimus subdit: Quo jute, Cavillationis vitio, quod Lamindus ipse in alienis scriptis curat amoliri, tuebitur sua non esse inpersa? Magnum aliquod portendit hæc emphasis. Intentis auribus audiamus. Quid suspicabitur de Catholicorum more Heterodoxus, qui hæc a Catholico scripta offenderit? Tum multis e pixide Candidati Rhetorici figuris depromptis, tandem ait dicturos Heterodoxos: *Dubia-ne ergo prudenter nobis erit Romanorum Superstitio? Narrat Pritanius, quod Romanus pro re incerta mortem oppetere licitum, immo honestum putat. Ita igitur rex erit. Ergo in plerisque Catholicorum mos Divos venerandi certo pravus inolevit. Hæc Heterodoxus inferre ex Lamindi Lectione facile potest: maxime si ex Jansenistis fuerit &c.* Ego vero, sepositis pauperum Heterodoxis, referam potius, quid hæc legentes Catholici dicturi erunt. Necessæ sane est, Parthenotimum vel vigilantem somnare, quando talia scripsisse illum videmus. Primo *Cavillationem* in Lamindo nonnisi somnians appellet id, quod minime Lamindus dixit, sed unus Parthenotimus in felici sua Phantasia fabricavit. Nam etiamsi id supponeremus, non *Cavillatio* Lamindi id foret appellandum, sed *Conjectarium* tantummodo censuræ ab illo efformatæ. Secundo somnium merum est, posse Heterodoxos e Voto Sanguinario elicere, inolevisse in *Plerisque Catholicorum pravum morem venerandi Sanctorum*, prorsus enim falsum est, *Plerisque* e nostris imprudenti Voto illi se se obstringere. Pauci tantum Sæculi, fortasse pauci & alibi, illud amplectuntur. Tertio inane somnium est, *Sæcularis* anam præberi deprehendendi Superstitionem in Romana Ecclesia. Immo ne deprehendant, neque nobis objicere illam quisquam possit, Catholicus Scriptor Voto paucorum Sanguinario se se opposuit. Alienæ vero communionis homines intelligere hinc etiam possunt, non dissimulari apud nos, immo oppugnari libere, quæcumque errorem aut abusum in Pietatis negotio præferre videntur. Atque eo longius aberunt a tribuenda Catholicis Superstitionis nota in Quæstione de Immunitate Mariana, quam animadvertunt, Lamindi Librum a tot annis editum, atque insensum Superstitioni, aut Superstitionis umbræ in hac eadem causa, pacifice versari, neque sine plausu (suscipere licet) inter Catholicos; ejusque censuram de Voto Sanguinario a sapientioribus probatam, uno Parthenotimo excepto, qui pro honore proprio sollicitus aliter sensit. Quod plus est, ostendit in eodem Libro Lamindus, ne probari quidem ab Ecclesia Romana ejusmodi Votum: quod unum sufficit, ut nulla Heterodoxis reliqua sit causa culpandæ hanc ob causam Catholicæ Ecclesiæ. Ceterum nisi hospes esset in Polemica Theologia Partheno-

motimus noster, nullo negotio resciret, obijci nobis ab Heterodoxis alios ritus, alios mores, ac opiniones, quæ a nonnullis interdum sine consensu Ecclesiæ usurpantur, aut litteris etiam traduntur, & Superstitionem olere videntur. Quid vero Catholici Sapientes respondent? Non omnia illi, quæ quilibet Catholicus facit aut sentit, recte facta, aut excogitata contendunt. Sed Heterodoxos appellant ad Ecclesiarum nostrarum, Romanæ in primis, Catechismos, ad Romanorum Pontificum Decreta, ad Concilia nostra, atque ad sanioris Theologiæ Doctores, in quibus vera Catholicorum Doctrina quaerenda est, non in vulgi insipientia, aut in privatorum placitis, nonnumquam falsis, erroneis, scandalosis, temerariis, ridendis. Tunc in tuto est dignitas & puritas Ecclesiæ Catholicæ. Quanto autem magis huic cautum est in Lamindi Libro, postquam Votum ipsum Sanguinarium ibi exhibetur ab ipsa Apostolica Sede jamdiu sufficienter improbatum atque explosum? Hæc, ut spero, Catholici de Parthenotimi commentis, quæ is in Heterodoxis somniat, dicturi erunt. Immo & ab ipsis Heterodoxis commendanda veniet Catholicorum cura, quod lolium, in agro Ecclesiæ nullo non Seculo germinans, & germinaturum usque ad finem Seculi, non negligent, & primi ipsi vitandum aliis ostendant. Quid vero iidem Hæretici dicturi contra forent, si aliquando Votum Sanguinarium quisquam sua morte compleret, & ferale spectaculum gentis pro eo trucidatæ in eorum oculos incurreret, jam indicavi superius. Interea probrum sibi ducit, ac propterea negat Parthenotimus, ut nuper vidimus, *quod Romanus* (idest pauci Siculi) *pro re Incerta mortem optetere, licitum immo honestum putat*. Contendit etiam, *Catholicis* (hæc est paucis Siculis) *hæc scire, quæ non docuerunt, & vox somniaverunt, a Lamindo appingi*. Sed illi gratiæ habendæ, quod hæc scribens, rationem germanam ac breviorē ipse tandem omnibus patefecerit dijudicandi, tolerandum-ne sit, an non, Votum Sanguinarium. Vicit ille, si verum est, viventes pro tuenda Scotistica sententia Vitam, morituros esse *pro Sententia Certa, omnem Erroris formidinem excludente*. Vicit contra Lamindus, ubi verum sit, mortem electuros *pro sententia adhuc Incerta, & nondum e finibus humanarum Opinionum, quamvis Piarum, egressa*. Hoc se hætenus evicisse Lamindus sibi persuadet. Judicabunt sapientes, qui interim animadverterint, quæ consuetudina emanant e doctrina nuper a Parthenotimo tradita. Neque cavendum esse in posterum Catholicis viris, ne erroris, superstitionis, aut hæresis doctrinam cujusquam Catholici unquam insimulent, secus enim faciendo, Heterodoxis ansa præbebitur arguendæ Catholicæ Ecclesiæ. Ejusmo-

di terreculamenta excogitat ars Declamatoria, sed ridet meliorum sapientia.

Petit præterea Panormitanus Professor pag. 87. *Cur Lamindus Votum saltem ex parte non excusavit. Si displicebat ipsi, quod Voventes Virgineæ Immunitatis defensionem, Sanguinem velint profundere: cur ejusmodi Voto hanc non curavit moderationem adhibere, ut interim intacta esset tuenda Immunitatis promissio, & amoveretur Sanguinis profusio?* Ita utramque paginam Theologus tantopere a Cavillationibus averfus, hujusmodi accusatione onerat, ut si quo possit modo eorum saltem odium, qui Lamindi Librum nequam legerunt, in Lamindum conjiciat. Repetere tamen cogor, quod toties dixi: ex eodem videlicet fonte effluere hallucinationes Parthenotimi non dignoscentis, quibus vitiis suum Votum laboret, & rursus videre se purantis in Lamindi Libro, quæ nemo alius videre hæcenus potuit. Quod enim est ad reliqua Academiæ Vota, dixit jam Lamindus, ac centies repetet, ea sibi innoxia, immo commendanda procul dubio videri. Porro pag. 92. iterum displicet Parthenotimo, *quod Lamindus eodem Opusculo* (ita nempe Librum appellat, qui paginas octingentas septuaginta duas spissi characteris in quarto implet in prima Parisiensi Editione) *de Ingenior. Moderation. quo cum hoste alienæ Religionis, & Batavæ gentis, in litteraria acie congreditur; hostes sibi aut facit, aut fingit Catholicos, ac proinde ejusdem Religionis viros.* Hæc vereor ego, ut Lamindus, aut quisquam alius, quum Libros de Religione conscripturnus est, Magistrum sibi adhibere velit Siculum Theologum, cui certe tantum auctoritatis non conciliavit soliditas Libelli, hæcenus a me ad stateram appensi. Immo hæc potissimum hospitem in Eruditione Ecclesiastica ille se prodit; paucos quippe reperias, qui dimicantes cum Hæreticis, honesta etiam libertate non arguant, si quos e Catholicis in defectus aut excessus sententiarum declinantes animadvertunt. Vide Alphonsum de Castro, Melchiorem Canum, Bellarminum, & Gottum S. R. E. Cardinales, Petavium, Theophilum Raynaudum, Beccanum &c. Subdit Siculus; *Si animus Lamindo est, cum Catholicis congredi, congrediatur, ut lubet.* Me plane felicem, cui tanta indulget liberalis hic Censor. Pergit ille: *Sed ut mos congrediendi Catholicis est, Opusculo mutetur titulus.* Lamindo consilium fuit tractandi de negotio Religionis, in quo Hæretici passim, sed aliquando Catholici delinquere solent. Ergo cum de illis, tum de istis, argumentum poscebat, ut ageretur; ac proinde videant severi Judices, quo plausu excipiendus sit Parthenotimus exigens a Lamindo, ut titulum Libri sui mutet. At ille addit:

addit : *Non enim Religionem spectant Catholicam, quæ de Immaculata Virginis Conceptione inter Catholicos disceptantur.* Dicat quæso egregius iste Theologus, ad quamnam Religionem spectent, si minime ad Catholicam? Si vera is hoc in loco tradit : qui pro Scotistica sententia occumbat, Vitam minime dabit pro re pertinentē *Ad Catholicam Religionem.* Atque ita is ore suo Votum suum cruentum damnabit. Utcumque tamen Parthenotimi mens heic fuerit, illud constat, Lamindum confessum fuisse antea *summe Piam* sententiam Immunitatis Marianæ, ejusque *tutelam voce & calamo cum vera Pietate consonare.* Verum quod nonnulli abutentes Pontificiis decretis, immo contra eorundem mentem, deprædicare audeant tam Certam sententiam, ut non solum liceat, sed laudabile sit; & Martyrii gloriam referat, pro illa occumbere : contra periculum hoc Dogma & ritum exercere vocem & juvat, & opus est, ne sub Pietatis specie Superstitio in Populum Fidelem, atque in Religionem Catholicam irreat : a quo morbo Apostolica præsertim Sedes cavendum jubet.

Præterea Parthenotimo pag. 93. *displicet, quod Lamindus falso Doctores Catholicos traducat, quasi vero docuerint posse quemquam mortem subire ob puræ Opinionis causam : cum aperte ab eis oppositum sit defensum.* Sed quis Proteum hunc teneat, atque ab eo certam de Voti Sanguinari mente confessionem exprimat? Si ei objicimus, Scotisticam de Conceptione sententiam, pendente judicio Ecclesiæ, nihil aliud esse, nisi *Opinionem Piam*, quidem & *Probabilem*, sed minime *Certam*; ac proinde pro illa tuenda non sine crimine Vitam offerri, quum fatente ipso Parthenotimo nefas sit ob Opinionis tutelam velle Vita spoliari : is e manibus nostris elabitur per riam, quam Granadus excogitavit, scilicet, non pro Veritate ejusdem sententiæ (quam & ipse sentit præstari non posse Certam) voventes fore morituros, sed *pro Pietate, quæ inest Actui Opinativo de Conceptione Virginis, aut pro Cultu & Honore ejusdem Deiparæ, aut pro Festo* ab Ecclesia præscripto. Si rursus instamus, agi heic de *Pietate Opinativa, de Cultu Opinativo &c.* quæ justum quidem titulum nobis suppeditant Opinandi, Virginem sine labe fuisse conceptam, atque ipsam colendi atque honorandi secundum istam Opinionem sive sententiam; verum non sufficere hæc, ut legitime Vita impendatur, quum Pietas ista & Cultus, & Festum innitantur sententia nondum prætergressa fines Opinionum, is ad priora redit, atque contendit, sententiam eandem *Certam* esse; suosque discipulos docet, opus esse, ut sibi persuadeant, eam *Certam* esse, alioquin imprudenter occumbent. Hoc ipso in loco ita ille scribit : *Afferat Lamindus, puram esse*

Opinionem, quod Despara omnis macula fuerit expert, cum a Theologis, ut visum est, isthuc defendatur Saltem tamquam quid moraliter Certum, Quod tamen pura sit Opinio, sumi non debet ut quid certum, ut quid exploratum, & maxime ubi de negotio Religionis agatur. Immo quia & de negotio Religionis agitur, & de Vita hominum projicienda, non debet Parthenotimus adeo Certam & exploratam sumere sententiam Scotisticam, ut pro illa tuenda Fideles nimium credulos impellat ad subeunda tormenta, mortemque temporalium malorum terribilissimum. Ad Religionem quod attinet, falli non possumus, pro Opinione dumtaxat accipientes Piam Scoti sententiam; neque enim Ecclesia aliter hactenus sensit, & docuit, dum suum locum oppositæ sententiæ reliquit. Contra falli possunt, & falluntur, qui illam nunc Saltem tamquam moraliter Certam deprædicant, si hoc nomine intelligunt Certitudinem Erroris metu liberam. Et certo præterea falluntur, neque temeritatis culpa absolvi possunt docentes, illam posse nunc etiam credi, tamquam Fidei doctrinam: quod insinuari videas a Parthenotimo ipso scribente Saltem. Quicumque enim tenet sententiam aliquam, ignarus, quale judicium prolatura de ea aliquando sit Ecclesia falli nescia, necesse est, ut ei adhæreat cum formidine saltem aliqua Erroris; & consequenter illam tamdiu agnoscat uti meram Opinionem, quamdiu pender judicium Ecclesiæ, quum proprius sit Opinionis character involvere formidinem Erroris. Quomodo ergo nos conficii, quid adhuc Apostolica Sedes, ac Tridentinum Concilium, de duabus oppositis sententiis ad Conceptionem Virginis spectantibus, Scotisticam Moraliter Certam appellare audeamus; immo tam Certam, ut divina Fide credi possit inconcussa? Repugnat aliquid esse hodie Moraliter Certum, immo Fidei divinæ objectum, quod eras possit ab Ecclesia judicante Falsum deprehendi. Hoc autem contingere posse de Scotistica Sententia, ne ipse quidem Parthenotimus negare est ausus pag. 55. Quod si nihil aliud hactenus quam Opinio est hujusmodi sententia, & quamvis apud multos non sit Opinio actualiter formidans, attamen non desinit esse Opinio radicaliter Saltem formidans; eamque uti talem viri docti agnoscere coguntur, quippe qui ignorare hac in re non possunt Decreta Ecclesiæ: habemus jam tandem a Parthenotimo ipso pronuntiatam damnationis sententiam in Votum Sanguinarium, quandoquidem ex ipsius quoque confessione nefas est mortem subire tuendam causa Opinionis. Religionis Catholice dignitati & securitati consultum vidimus, minime credendo Certam Scoti sententiam, immo hanc ipsam judicii suspensionem Religio exigit, dum pender judicium Ecclesiæ; neque aliter Academicæ faciunt, quæ tutelam Immunitatis Marianæ vovend juxta Summarum Pontificum decreta jam edita, aut deinceps edenda; sive donec aliam a sancta Apostolica Sede definitum fuerit. Consultas ergo Parthenotimus, & si quis alius
cum

cum eo sentit, pretiosæ hominum Vitæ, neque amplius contra Catholicæ Religionis præcepta auctor sit Fideli Populo, ut *Votum* concipiat *pro tuenda Immaculata Conceptione usque ad Sanguinem* : quod unum Lamindus minime ferendum ostendit.

Theologo nostro itidem pag. 94. displicet, quod de Theologis Scholasticis Lamindus saltem tacite oblaquatur. Quare? Horum, ait, ut vidimus, flocci pendis Opiniones ac sententias, dum contrarias credit, venditasque, omni formidine amota, ut veras. Ergo sinendum, ut Parthenotimus, omni formidine amota, de Vita hominum decernat, suisque clientibus, immo universæ Catholicæ Reipublicæ persuadeat, Vitam cum laude dari, ac Martyrii coronam esse sperandam, si pro Scoti sententia, hoc est pro Opinione, in Mortem incurratur. Fingat ille sibi tantisper, temere concipi ejusmodi Votum (quod hæcenus ego factum contendo) ac tunc dicat, honestum-ne sit exigere, ut omnes fileant, ut nemo periculose Opinioni occurrat, ne molestia sibi, & Scholasticis Theologis creetur, quo nomine semetipsum dumtaxat, & paucos suos affectas designat? Ecclesiæ causam, Reipublicæ tutelam, præferendam hæc esse, unusquisque intelligit. Audiamus tamen Parthenotimum alias nentem querelas: *Debueras* (inquit pag. 100.) *quæ causa Lamindi prudentia est, saltem animis pendere, utrum pro Immunitatis Virginæ tuitione, honestum sit mori, honestum sit hujusmodi tuitionem, utpote Piam, Deo Virginis Filio promittere. Non debuerat Theologos, qui a Voto steterunt, ut temere in mortem ruerent, sugillare. Sed est cur Eruditi mirentur Parthenotimum novas leges invehentem in Rempublicam Litterariam. Quisquis vel de limine salutavit officinas Theologorum tam Moraliū, quam Scholasticorum, novit, quemque intrepida libertate suas proponere sententias, atque alienas impugnare, prout Verum a se stare, Falsum ab illis putat; & quorū pugnæ sint inter eos omnibus patet. Quis, rogo, alterum nimis licentiæ, aut inurbanitatis, aut iniquitatis merito arceat, quod contrariam foveat sententiam, sibi quæ Theologi quavis laurea illustri adversetur? Libertatem hanc nemini Ecclesia negat, dum a doctrina Fidei lædenda, atque ab aliis excessibus absteineatur. An peculiare aliquod privilegium ostentare Parthenotimus possit, ipse aliquando aperiet. Interea alteram ille excitat querelam, scribens: *Non verbis, iisque Legum instar, paucis; sed rationibus improbanda sunt Theologorum responsa. Lamindus ergo non Legislatorum, sed Disceptantium more cum Theologis congregiatur &c.* Ita inanibus hisce cantilenis Lectorem suum detinet Parthenotimus, neque respicit, Lamindum obiter camerinam istam movisse; neque enim susceperat istud ex professo pertractare*

argumentum, in alia pro suo instituto intentus. Attamen in paucis iis verbis Lector easdem rationes conclusas deprehendet, quas heic fusius expressas accepit. Et quidnam quæso hætenus Theologus Siculus Opusculo suo præstitit, nisi easdem Lamindi rationes, quocumque modo potuit, refellere atque infirmare? Igitur mera hæc verba sunt lyræ, non justæ querelæ.

C A P U T X X I I.

Theologorum auctoritas commendata. Sed non omnes certè ad Veritatem duces. Quid Amer Factionis, quid Amer Novitatis audere soleat. Excedi etiam posse in extollendis Deiparæ prerogativis. Immo ea etiam via in Errorem ac Hæresim Pietas intemperans & pervicax prolabi potest.

Altum interea Theologo nostro manet imo in pectore vulnus, quod Theologis Voti Sanguinari patronis Lamindus contradicere est ausus. Ii sunt Theologi: grande eorum nomen; insignis auctoritas. Lamindus vero *privatus homo; recens homo, qui vero sub nomine apparere veritus est*, uti Parthenotimus ait pag. 103. *Larvatus homo, & vix notus de nomine*, uti idem repetit pag. 75. Ea de causa irascitur, & pag. 100. his verbis occurrit hominibus non satis æstimantibus eximios hosce Viros: *Scio, quod parum ponderis habeat penes aliquos Theologorum auctoritas; Verum is decipitur, qui credat, Theologorum cætus apum esse examina, quæ pulveris exigui jactu compressa quiescunt*. Pag. vero 46. præmiserat & ista: *At Suarez (reponet quidam Lamindi nomine, Lamindi causam agens) quid aliud quam Scholasticus, & ex pusillis ingeniis? Quid aliud, quam Scholastici, Suarii affectæ? Non est ergo magni faciendum horum omnium judicium, ubi agitur de re Fidei a Romano Pontifice decidenda*. Tum in laudes Theologiæ Scholasticæ excurrit eruditus Theologus, & Sixti V. Constitutionem, in qua eadem commendatur, objicit Criticis eidem Theologiæ oblatrantibus. Quem, vel quos præ oculis habeat hæc scribens, & non uno in loco inculcans Parthenotimus, divinare nescio. Si forte Lamindum: inique sane, postquam is, atque in controversia præsentis, sua laude non fraudarit Theologos *calamo & rationibus Immaculatam Deiparæ Conceptionem tuentes*. Deinde quot, rogo, sunt Theologi isti, quos Parthenotimus nova lege, nova ratione argumentandi, a Lamindo contemptos dicitat, ea tantum de causa, quod eorum Votum Sanguinarium non probat? Illos brevi in digitis suis Si-

Siculus Professor recensēbit . Atqui Lamindus innumeros alios , & longe graviores , habere se putat , non aliter , quam ipse , sentientes , Scotisticam sententiam consistere adhuc intra Piarum Opinionum fines , ac propterea a Voto illo imprudenti alienos . Quei ergo Theologorum contemptum huc Parthenotimus noster trahit , quum Lamindus communem Theologorum sententiam , immo Romanæ Ecclesiæ iudicium , in huiusmodi Quæstione sequatur ? Quei ridenda plane exaggeratione sibi fingit , *Suarez* , insignem adeo Theologum , a quopiam *inter pusilla ingenia* conjectum ? Digna sane non est tam gravis quæstio , quæ hisce commentis , confictisque querelis pertractetur .

Attamen quando auctoritate Theologorum (paucorum certe) tueri se pergit Parthenotimus , atque inde nobis terrorem incutendum , odiumve creandum sperat , monet me locus , ut corollarium præsentī controversiæ adjungam . Et primo una cum aliis Catholicis dignitatem Theologiæ Scholasticæ agnosco , utilitatem deprædico , necessitatem sentio . Neque quod in ea excolenda occurrant aliqui interdum Novatores , atque in Prudentiam , aut in ipsam meliorem doctrinam peccantes , quidquam nobilitas & pretium eximix hujus Scientiæ decrescit . Fortunatæ nimium forent Artes , ac Litteræ , si perfectis tantummodo tractarentur ingeniis . Secundo , gloriosum Theologi nomen nimis urgendum non est ad conciliandum tantum auctoritatis Opinioni alicui , hoc est sententiæ extra Fidei pomeria sitæ , ut contra sentire aliis non liceat , atque audaciæ insimulandus veniat , qui adversus Opinionem illam in arenam descendat . Innumera sunt , quorum veritas in abditissimis tenebris , immo & insuperandis , jacet . Præterea inter ipsos , qui Theologica laurea ornati incedunt , non desunt imbecillia , ac male educata ingenia . Et ex ipsis Theologis , in quos profusior Naturæ liberalitas fuit , & quibus majores vires addit contentio studii atque meditationis , quemnam ostendas , tam firmis passibus in investiganda Veritate procedentem , ut ceteris ingeniis facultas erepta sit meliora sentiendi ? Hercle videas Suarior ipsi , quamquam singularis ingenii & doctrinæ viro , alios , atque ex ipso suo doctissimo instituto , contradicentes . Idem & aliis contigit , & quotidie contingit . Neque mirum , quum vel ab ipso Angelico Doctore , cui in Ecclesia Dei supra Theologos reliquos veneratio major defertur , & quem pleræque Scholæ sequuntur , alii in tot quæstionibus dissentiant , ac dissentire temerarium nemini videatur . Immo integras Scholas inter se in tot controversiis discordes sub oculis habemus . Quare quisque intelligat , quo plausus sit excipiendus , qui paucos

Thec-

Theologos sibi concordēs commemorans, & speciosum hoc *Theologi* nomen exerens, putat, id ponderis accedere posse Opinioni alicuius suæ, aut alienæ, ut adversus ipsam insurgere piaculum sit & crimen. Nullus profecto Theologicis studiis operam navans est, qui jure non usurpet, quæ olim Sanctus Augustinus ad Sanctum Hieronymum scribebat: *Ego, ajebar, fateor Caritati tuæ, solis iis Scripturæ Libris, qui jam Canonici appellantur, didici bunc timorem, honoremque deferre, ut nullum eorum Auctorem scribendo aliquid errasse firmissime credam.* Nobis post tot Secula viventibus addendum est, honorem quoque deferendum Decretis Romanorum Pontificum, & Conciliorum generalium, & concordibus Sanctorum Patrum Sententiis. Ceterum subdit Augustinus, & nos cum illo: *Alios autem ita lego, ut quantalibet sanctitate, doctrinaque polleant, non ideo Verum putem, quia ipsi ita sentiunt, sed quia mihi vel per illos Auctores Canonicos vel probabili ratione, quod a Vero non abhorreant, persuadere potuerunt.*

Porro neque gloriosa *Theologi* appellatio a quoquam excludit imbecillitatem ingenii, turbidosque affectus, quibus obnoxia passim est hominum, licet doctorum, natura; & quibus furim impellentibus, dum Veritatem Theologus assequutum se censeat, raptum se in Errorem nequitiam animadvertit. Vidimus tot Propositiones ab Alexandro VII. Innocentio XI. & Alexandro VIII. proscriptas. Earum proculdubio Auctores Theologico nomine gloriabantur. Sunt & alia complura ejusmodi, aut inepte, aut temere excogitata, & nondum a Sancta Sede confixa; a quibus tamen, quamquam per Theologos propositis, meliorum sapientia abhorret. Vide Theophilum Raynaudum in *Heteroclitis*, & in *Diptychis Marianis*. Nimirum aut *Amor Factionis*, aut *Amor Novitatis* in præceptis agunt nonnullorum ingenia, ut alios affectus omittam, & gravi ad Veritatem detegendam sive discernendam impedimento sunt. Intuere, quos aut leges Instituti a se suscepti, aut mos Scholæ, sive Magistris imperium, quasdam sententias sequi jubent, aut cogunt: e vestigio quidquid ibi discunt, illud uti Verum, aut saltem uti Probabilius, quam aliarum Scholarum placita, amplectuntur. Quæ ibi rationes & argumenta resonant, ea dumtaxat invincibilia videntur. Propterea, quantiscumque possint viribus obsistant aliarum Scholarum pugiles, fortiora etiam proferant, nusquam tamen Verum, aut Veritatis umbram conspiciunt, nisi in Scholæ documentis, ad quam illos electio, casusve perduxit, & cui affectus omnes & obsequium primo devovere. Ita spiritus *Factionis* pro suis Opinionibus tamquam pro aris & focis pugnat; immo, si humanæ etiam artes ac vires suppetunt, nihil omittit,

tit; quo adversarios, eorumque Cathedras dejiciat, suisque sententis imperii prærogativam ubique procuret. Atque utinam nulla umquam hujus impotentia exempla Hispanica Regna dedissent. Et Veritatem quidem se in hisce foederibus consecrari quisque arbitratur, quum tamen pro gloria ac tutela propriae *Factionis*, potius quam pro certitudine Veritatis a se stantis, tot excitet motus. Interim longe graviora incommoda progignit alter Amor, nampe *Novitatis*. Hinc Hæreses, hinc tot aut temerariae, aut erroneæ, aut periculosa, aut ineptæ sententiæ, quibus numquam caruit, numquam carebit ipsa Christianorum Respublica. Mitto nunc fortia Ingenia, quæ plus libidini suæ mentis, quam Pietati studentia, enormia procidunt placita, unde Pietas ipsa, atque Orthodoxæ Religionis doctrina læditur. Hæc ante oculos mihi tantummodo versantur Ingenia in Pietatem prona: nam & ex ipsis sunt, quæ *Novatorum* nomen non refugiunt, immo illud ambitiose conquirunt; gloriosum quippe hunc titulum censent, dummodo pro Pietate novum aliquid proferant; atque ejusmodi inventis tam cæca interdum firmitate adhærent, ut qui secus cogitet aut sentiat, saltem eorum judicio languentem in se Pietatem innutrire videatur. At non minus primi, quam secundi errare possunt, quamquam ea invaluerit consuetudo, ut primos horrore quodam excipiamus atque insectemur; alteros vero pacifice toleremus, quasi non & isti excessus in detrimentum atque opprobrium Ecclesiæ, ac veræ Doctrinæ, vergere possint. Ad utrumque Theologorum genus aptari quodammodo potest, quod Cardinalis Cajetanus habet in Summa, Verbo *Opinio*, ubi hæc inter alia animadvertit: *Errant Sectarum æmulatores, Opiniones suæ Sectæ sequentes, non ut rationi magis consentaneas; sed quia nati sunt, aut nutriti in Secta illius doctrinæ. Secundo, ex non relatione ad suam regulam; omnis enim Opinio examinanda est ad suam regulam. Et quia in his, quæ sunt Fidei & Morum, regula est Sacra Scriptura exposita ab Ecclesia Catholica, non excusatur aliquis a quantumcumque rationabili Opinio in hujusmodi, si suspecta est communi Ecclesiæ, seu Apostolicæ Sedi. Et hinc damnantur credentes Hæreticorum, & antiquorum, & novorum, adhærentes doctrinis reprobatis, aut suspectis, saltem apud Apostolicam Sedem. Tertio ex modo, dum nimis firmiter in hæretur Opinioni, & ASSERTITUR UT CERTUM atque INDUBITATUM, quod tamen est intra latitudinem OPINABILIMUM. Et hinc sæpe erratur ex nimio affectu ad nostra; & minore, quam opus fuerit, examine, resolutione, ac judicio, dum Probabilia accipiuntur, ut Demonstrata. Id genus Theologos agnovit etiam & explosit Thyrsus Gonzalez Præpositus Generalis Societatis Jesu*

Jesu in Fundam. Theolog. Moral. Dissert. I. num. 33. ubi scribit: *Ex dictis inferes, non facere Opinionem Probabilem Autores illos, qui vel ex desiderio placendi hominibus, vel ex pravo affectu faciendi sibi nomen, & inveniendi Sectatores; vel sine sufficiente Studio, nimis propere ferunt judicium, docentes esse licitam actionem, quam illicitam esse docuissent, si ex SINCERO DESIDERIO INVENIENDI VERITATEM diligenter incubuissent illius controversiæ studio, & non ducerentur ALIQUO INORDINATO AFFECTU.*

Neque heic ii mihi culpantur, immo laudantur, qui nova quidem Pietatis inventa, sive ritus, sive sententias invehunt, sed quæ legitima sunt consecraria veteris, semperque stabilis Catholicæ doctrinæ, & recte consonant cum probatissima Ecclesiæ disciplina. Cavendum tantummodo ab iis, qui indomito ingenio, aut exuberanti affectu rapti, nova fabricant, gloriolam inde tacita cupiditate aucupantes, aut præstantioris Ingenii, aut ferventioris Pietatis. Etenim non raro accidit, ut ex eorum conatibus nihil aliud emergat, nisi aut insulsæ, aut temerariæ Opiniones sive sententiæ. Insulsum est, quidquid nullo sacrarum Litterarum, aut sacræ Traditionis documento innititur, sed ex argutiolis dumtaxat Intellectus nostri depromitur, præeunte nullo, aut aliquo sed non satis firmo principio, quod veluti solidissima basis sententiis iis subternatur. Parum, exempli causa, visum est nonnullis tradere, *dona ac privilegia Sanctis a Deo concessa, Beatissimæ quoque Virgini fuisse collata*: quæ sententia caute etiam, neque sine exceptionibus suis est adhibenda. Majora insuper excogitarunt, contententes, nihil ferme laudis esse, quod Deiparæ tribui merito non possit. Basilii Seleuciensis verba huc traxere scribentis Homil. *in Sanctam Deiparam*; apud Combefisum in Auctar. Bibliothec. Patrum. *O Virgo Sanctissima, ut ut quis honesta quæque ac gloriosa de te loquatur, baud quidem ille aberrabit a Veritate, immo nec pro merito fecerit satis.* Habemus heic Hyperbolem tolerandam atque laudandam in Oratione Panegyrica, quum & nos non incongrue dicamus, Deiparam supra omnem laudem nostram esse; & similia de inclytis Principibus, nedum de Sanctis, usurpentur. Verum nemo sanioris criterii locum hunc excipit veluti sententiam Theologico rigore conceptam. Alioquin deliria non pauca, etiam divinitati injuriosa, patrocinium sub ejus umbra polliceri sibi jam possent. Attamen non defuere Theologi, qui arrepto axiomate isto, super illud mira multa in Deiparæ laudem ædificarunt, non contraria sane Scripturis divinis, neque Traditioni, verum universæ antiquitati ignota; eaque uti præ-

clara Virginis encomia, atque ornamenta in Scholas, in Libros, in Suggesta adduxere. Mirum, quot Conclusiones, quot Opiniones in hanc rem pii Viri Hispani in primis, subtilitatibus pasti, & in inventis fecundi produxerint. *Mariæ Corpus*, si eos auscultamus, e *Materia Adami innocentis-ormatum fuit*. *Maria concepta sine conjugali commercio, sine parentum concupiscentia*. *Maria in primo instanti, quo cepit esse, Visione Beatifica a Deo donata est*, qualem in divino Redemptore nostro Patres ac Theologi agnoscunt. *Ufu rationis prædita in ipso primo instanti, e vestigio erupit in altissimum actum Fidei & Amoris Dei, propter quem Gratiâ sibi infusâ a Deo meruit de Congruo, & ex opera operantis*. Tunc etiam *Vatum Virginitatis emisit*. *Conceptio Virginis in gratia præordinata a Deo fuit ante præscientiam peccati, ita ut ipsa Mater Domini, futura fuisset, etiamsi Adam non peccasset*. Et mirum profecto, quei sibi tantum tribuat humana infirmitas (rectius dicam, temeritas) ut sine ulla Scripturarum luce, confidentissime concipiat ac dirigat in mente Dei consilia & decreta ab æterno condita, quasi ea oculis cerneret, manu tangeret. Addunt, *Conceptionem Virginis majorem ei attulisse Gratiâ, quam Gratia omnium Beatorum collectivè sumptorum*. Nolo ultra progredi, atque hujusmodi fursure chartam onerare. Uno verbo dicam, hæc atque alia id genus a severioribus Theologis nihil aliud reputari, quam Somnia vigilantium piorum, inter quæ & Visiones piarum mulierum, quam parum aut nihil intersit, nullo negotio agnoscas. Pete, an ejusmodi ornamentis Deipara delectetur, quibus nullum solidum Veritatis fundamentum divina Scriptura aut Traditio sufficit: nemo cordatus credat. Apud homines leves corde Adulatio quidem gratiam invenire potest, non vero in Beatorum animis, qui proinde effugere atque odisse credendi sunt, quidquid non prudens, humilis ac bene fundata Pietas, sed intemperantium Ingeniorum ambitio aut simplicitas excogitavit, quæ e Novitate sententiarum sibi gloriam nominis, potius quam Virgini honorem videntur conquirere. Eam ob causam Sanctus Anselmus in Libro de Excell. Virgin. *indecens esse reputabat, de Beata Mater Dei quid dubitabile in laudem ejus recitari, quum ea, quæ incunctanter de illa vera existunt, tanta laudis materia sint referta, ut quicumque in laudando eam morari desiderat, necesse sit, ut facultas ejus magnitudini rei & veritati succumbat*. Proinde ab his melior Theologia, & sobria Pietas abstinent atque abhorrent, quando unum constans Nego imaginarias omnes has moles dissolvere ac dejicere potest. Quod tamen dolendum, ita hujusmodi piis doctorum virorum imaginationibus, uti ex mulierum Revelationibus nonnulli ob-

stantur, eisque affuescunt, ut eas pari ardore & credulitate excipiant, aut in Libros inferant, atque Evangelicas Veritates: quod & nuper factum vidimus in Vita Beatissimæ Virginis edita, quæ ad satietatem, ne dicam ad nauseam, ærea hæc scita cum certis commiscet. Consulat prudens Lector, quæ Gersonius in Epistola ad Johannem Bassandi edita Tom. I. pag. 450. scribit, eos potissimum redarguens, qui ita argumentantur: *Christus potuit, & potest multa facere, & hoc decet eum: erga fecit aut faciet. Consequentia hæc*, subdit Gersonius, *quæ fit a multis, sæpe fallit per fallaciam petitionis principii &c.* Tum aut hæresis aut temeritatis damnat asserentes, *Christum communicasse Mariæ suæ, statim dum Concepta aut Nata fuit, gloriosam & consummatam felicitatem usumque perfectæ rationis aut cognitionem lucidissimam totius decusque vitæ suæ & Filii &c.* Reliqua prætereo.

Neque tamen heic stetit in nonnullis novandi ardor. Non solum quæ Veteres ignorarunt, suo ingenio adinvenisse sibi sunt visi, sed etiam abjectis majorum sententiis, novas procuderunt, quas quia pia genti gratiores censuerunt, ideo animosius evulgare non sunt veriti. Neque inanis fuit spes, ruente multorum Pietate in amplexum cujuscumque narrationis aut opinionis, dum ad augendam Deiparæ, Sanctorum, & Populi sui gloriam pertinere videatur. Sed ubinam sunt, bone Deus, principia vere Theologiæ? Dicam non peregrina, non ignota, sed quæ vel tirones in vestibulo tam sublimis Scientiæ nosse possunt, aut debent, & certe non ignorat Parthenotimus ipse. Quidquid a Revelatione Dei pendet, haurire nos tantummodo possumus aut e divinis Scripturis secundum interpretationem Ecclesiæ Catholicæ expositis, aut e Traditione Apostolica, per Decreta Romanorum Pontificum, per Concilia, per Sanctos Patres ad nos transmissa. Theologi, qui post Annum a Christo Nato Millesimum illustrare hanc omnium nobilissimam Scientiam cœperunt, etsi multis destituti subsidiis, quibus ætas nostra abundat, ad hos tamen fontes ingenti semper fuere, inde Revelationem aut explicitam, aut implicitam educturi. Exploratum quippe iis erat, posse quidem humanam Rationem ex indubitatis ac evidentibus principiis alias eruere Veritates; sed ubi de iis agitur, quæ Deus facere, & non facere potuit, tunc nisi is revelaverit, quid revera fecerit, succumbere prorsus sentimus ipsius Rationis vires, & ineptas tantum aut temerarias sententias per ipsam procudi. Audi Sanctum Thomam in 3. Quæst. I. Art. III. *Ea, quæ ex sola Dei voluntate proveniunt supra omne debitum creature, nobis inquirere*

non possunt, nisi quatenus in Sacra Scriptura (addo aut in Traditionis sacrae monumentis) traduntur, per quæ divina voluntas nobis innotescat. Et quid si interpretationi divinarum Litterarum, aut Traditioni Patrum palam, sive clanculum, novæ istæ sententiæ adversentur? Nonne Error, & ubi pertinaciæ adjungatur, Hæresis inde proficiscitur? Exemplum temeritatis hujus huc advocare juvat, argumento, quod præ manibus habemus, perquam affine, ex quo dignoscatur Lector, quid possint Ingenia sine fræno speculationibus innutrita; & quid prurigo & amor *Novitatis*, quidve intemperans *Pietatis* sive *Devotionis* æstus gignere inter homines possit. Denique Parthenotimus ipse hinc intelligere poterit, quæ ratio habenda sit Theologorum, ubi pauci in sententiis dissentiant a communi Sanctorum Patrum, ipsorumque præstantiorum Theologorum doctrina.

C A P U T X X I V.

DEBITUM Peccati Originalis Veteres omnes in Virgine agnovere. Quando cœpta est tribui eidem ab ipso Immunitas. Patrum & Theologorum chorus concors adversans hujusmodi sententiæ.

USque ad Annum Christi 1615. omnes fere, qui a macula *Peccati Originalis exemptam* credidere Sanctissimam Christi Matrem, agnoscebant tamen, ac fatebantur, illam nequaquam fuisse immunem a *DEBITO* ipsius Peccati, a quo Peccato incurrendo postea singulari divinæ bonitatis privilegio præservatam contendebant. An quisquam ante Annum illum Opinionem diversam tradiderit, ignoro. Illud certum, si quis talia proferre est ausus, ab insignium Theologorum choro concordæ auctoritatem & vocem ei ademptam fuisse. At postquam commentitii veterum Libri de Conceptione Immaculata traſtantes, ac præsertim *Laminæ Granatenses*, eandem sententiæ ipsis Apostolis notam atque probatam mentientes, in Hispania prodierunt; eaque segmenta veluti testes e cœlo demissi, tanta, ut vulgo credebatur, cum gloria Hispanicæ gentis excepta fuere: tunc effrænata ingenia nihil non permiffum sibi cenſuerunt. Tunc ergo nonnulli ex Hispanis Theologis vendicare cœperunt, Scotificam de Conceptione sententiæ *Certam* evaſiſſe; ac poſſe *divina Fide* credi cum Veritate conjunctam; & pro-

inde *Martyrii* nomen & præmium iis minime negandum, qui pro ejusdem propugnatione tormentis & securibus suum corpus offerrent. Alias quoque paris roboris, idest audaciæ, sententias excogitarunt, ac palam defendendas susceperunt, quas præcedenti Capite innui. Quod potissimum nunc animadvertendum, eodem Anno 1615. in Theſibus publicis audiri primum cœpta est ea propositio: *Deiparam minime contraxisse Debitum Peccati Originalis*. Ad Toletanæ Inquisitionis examen pertracta hæc Opinio, tum ad Matritensis Inquisitionis supremum Tribunal, accedentibus etiam, ut ajunt, plurium Academicarum votis, evasisse traditur illæsa. Certatim deinde convolarunt alii ad eam amplectendam atque tuendam, turgidusque fluvius adeo sensim crevit, ut quamquam meliorum sententia & vox obſisteret, obices omnes, repagula cuncta contemferit atque confregerit. Quid plura? Si fides Auctori, qui Historiam edidit Controversiæ de Conceptione Virginis Libri IX. Cap. XIV. Opinio hæc *Hodie communior est in Scholis*. Equidem hoc ab illo, uti & alia multa, perperam scriptum opinor, quum gravissimi in Hispania quoque Theologi adversus ejusmodi sententiam pugnarint, pluresque Scholæ Italicæ, Gallicæ, Germanicæ, ac Belgicæ eandem averſentur. Attamen quæcumque sit Theologorum recentium copia, obſtare heic minime poterit, quominus novitia hæc Opinio gravi censuræ eripiatur, ubi eam deprehendamus concordi *Sanctorum Patrum Traditioni*, & doctrinæ *Communi* Theologorum usque ad Annum 1615. adversantem, ac præterea a melioribus subinde etiam improbatam. Quis enim ferat in Theologiam & doctrinam Ecclesiæ invehi inconstantiam illam, quam in Legum Civilium Scientiam irrepsisse intuemur, dum pro varietate temporum, Legislatores, ac Interpretum, quæ Communes olim sententiæ fuere, in desuetudinem abeunt, succedentibus novis, immo contrariis? Non solum ergo operæ pretium fore, sed plurimi interesse Catholicæ Ecclesiæ, unusquisque judicabit, diligentius introspecti in Opinionem illorum, qui a *Deipara Debitum Peccati Originalis* excludunt. Nam si revera hæc vitio Novitatis illius laborat, quæ Traditioni Veterum opponitur: ipsam continuo explodendam esse constabit. Et jamdiu quidem rem ita se habere ostenderunt inter ipsos Hispanos Theologi Salamanticenses Ordinis Carmelitarum Excalceatorum, quorum Opera Theologica, multis constantia Tomis, ac multa laude digna, in Italia quoque, hoc est Venetiis, Anno 1677. publicis typis tradita fuerunt, quamquam & ipsi pro Immunitate Mariæ a Peccato, acerrime pugnent. Sed quoniam hosce Libros, immo & Patrum loca ab ipsis commemorata, nonnulli aut minime legunt, aut lecta con-

tennunt; juvat nunc eadem methodo uti, qua ufi funt iidem Sal-
manticenfes ad confutandam hujusmodi Opinionem: hoc est ante
omnium oculos fiftere easdem Patrum fententias, tum ab ipsis Sal-
manticenfibus Tom. IV. Curs. Theolog. collectas, tum a celeberrimo
viro Dionyfio Petavio Soc. Jefu productas Tom. VI. Theolo-
giz Dogmaticæ. Neque enim umquam legi Bandellum, Turrecre-
matam, Spinam, Launojum, aliosque id genus Scriptores, præter
Cardinalem Cajetanum. Quod ubi præstitero, luculentius perfpiciet
Lector, quantum influxus habeat exemplum istud ad prodendum,
inutili conatu proferri quorundam Theologorum auctoritatem, ut
Voto Sanguinario patrociniũ comparetur. Quod si ex hisce Sen-
tentiis nonnullæ videbuntur ipsam infirmare, aut depicere Scotifi-
cam Sententiam de Conceptione Virginis, rationem indicabo, per
quam illius patroni loca ista minime diffimulantes, ab eisdem se se,
fuamque sententiam expedire se posse sibi perfuadent.

Clemens Alexandrinus Anno Christi 198.

Pædagog. Lib. III. Cap. XII. „ Solum Verbum est, in quod Pec-
„ catum non cadit: est enim peccare natura omnibus innatum &
„ commune „.

Tertullianus Anno Christi 208.

Libro de anima Cap. 41. „ Solus Deus sine Peccato, & Solus
„ homo sine Peccato Christus, quia & Christus Deus „.

Origenes Anno 240.

Homilia XII. in Leviticum ex versione Ruffini hæc habet. „ Scri-
„ ptura dicit: Nemo mundus a sorde, nec si unius diei fuerit vita
„ ejus. Hoc ipso ergo omnis, qui ingreditur mundum, quod in
„ vulva matris est positus, & quod materiam corporis ab origine
„ paterni sanguinis sumit, in patre & in matre contaminatus dici
„ potest. Solus, vero meus Jesus Mundum ingressus, in matre non
„ pollutus „. *Cetera vide, uti & Homiliam VI. super Numeros.*

Dionysius Alexandrinus Anno 260.

*In Epistola Synodica ad Paulum Samosatenum, si tamen illius est,
tert antiquissima „.* Nullus Peccati est expers, nisi Solus Chri-
„ stus, sicut & Pater Christi, & Spiritus Sanctus „. *Ita & alii
Ecclesiæ Græcæ Patres, nempe Gregorius Nyffenus, cujus verba ad-
fert Sanctus Thomas in Caten. Luc. 2. & Sanctus Ephrem Syrus
in Sermonem de Passione, & Chrysostomus Homilia VI. de Pœni-
tent. „, Christum Solum sine Peccato deprædicarunt „.*

Sanctus Hilarius Anno 360.

*Ejus verba adfert Sanctus Augustinus Lib. I. Cap. III. contra Ju-
lianum Pelagianum, quæ ejusmodi sunt, ubi de Christi Carne agit.*
„ Ergo

„ Ergo cum missus est in similitudinem Carnis Peccati; non sicut
 „ carnem habuit, ita habuit & Peccatum. Sed quia ex Peccato om-
 „ nis Caro est, a Peccato Adam parente deducta; in similitudine Peccati
 „ carnis est missus, existente in eo non Peccato, sed Peccati car-
 „ nis similitudine „. *Idem Tract. in Psalm. 118. de Christo ait.*
 „ Ipse utique perfectus, & sine Peccato Solus, & unus, in cuius
 „ ore dolus non fuit „. *Idem Tract. in Psalm. 138. in fine.*
 „ Ecce venit princeps hujus mundi, & non invenit in me quid-
 „ quam. Solus enim extra Peccatum est Dominus noster Jesus
 „ Christus.

Sanctus Ambrosius Anno 385.

„ Dicit Beatus Ambrosius (teste *Augustino Lib. 2. Cap. 9. contra*
 „ *Julianum*) unum Solum hominem Mediatorem Dei & homi-
 „ num, eo quod sit natus ex Virgine, nec senserit nascendo
 „ Peccatum, generationis obnoxia vinculis non teneri. Omnes au-
 „ tem homines sub Peccato nasci, quorum ipse ortus in vitio est:
 „ quia Concupiscentia voluptate concreti, prius subirent contagia de-
 „ lictorum, quam vitalem de hoc aere spiritum ducerent. *Olim*
 „ *vero Obnoxii appellabantur Servi. Verba item Ambrosii e Libro de*
 „ *Arca Noe Augustinus adferebat Cap. II. ejusdem Lib. 2. contra Ju-*
 „ *lianum* : „ Per unum Dominum Jesum salus ventura nationibus de-
 „ claratur, qui Solus potuit (*Floriacensi Codice præunte Monachi*
 „ *Benedictini scribunt Non Potuit*) justus esse, cum generatio om-
 „ nis erraret, nisi (*fortassis addendum quia*) ex Virgine generatio-
 „ nis Obnoxia privilegio minime teneretur. Ecce (*inquit idem Am-*
 „ *brosius*) in iniquitatibus conceptus sum, & in delictis peperit me
 „ mater mea: dicit is, qui justus præ ceteris putabatur. Quem
 „ igitur jam justum dixerim, nisi horum liberum vinculorum,
 „ quem naturæ communis vincula non teneant? Omnes sub Pec-
 „ cato: ab Adam in omnes regnabat mors. Veniat Solus Justus
 „ in conspectu Dei, de quo jam non exceptione dicatur: Non pec-
 „ cavit in labiis suis; sed Peccatum non fecit „. *Tum pergit dice-*
 „ *re Sanctus Augustinus* : „ Huic dic, si audes, quod Diabolum fe-
 „ cerit hominum conditorem, qui utriusque sexus commixtione na-
 „ scuntur; quandoquidem Solum Christum, quia sit natus ex Vir-
 „ gine, a vinculis Obnoxia generationis exceptit, omnibus ceteris
 „ ex Adam sub peccati obligatione nascentibus, quod utique Pec-
 „ catum Diabolus seminavit „. *Idem Sanctus Augustinus Lib. 1.*
 „ *Oper. Imperfect. contra Julianum ait* : „ En adest ille Ambrosius:
 „ de hoc, in quod inveheris, quid dicat, vide. Quomodo Solus,
 „ inquit in Libro de Arca, potuit justus esse Christus, cum gene-
 „ „ ratio „

„ ratio omnis erraret, nisi natus ex Virgine generationis Obnoxia
 „ privilegio minime teneretur „? Tum subdit *Augustinus* : „ Au-
 „ di adhuc, audi, & protervum linguam frontis elisione compe-
 „ sce „. *Atque heic sequentia refert Ambrosii verba expressa e Lib.*
II. in Cap. II. 19. Lucae : „ Non enim virilis coitus vulvæ vir-
 „ ginalis secreta referavit, sed immaculatum semen inviolabili ute-
 „ ro Spiritus Sanctus infudit. Solus enim per omnia ex natis de
 „ femina sanctus Dominus Jesus, qui terrenæ contagia corruptelæ,
 „ immaculati partus novitate non senserit, & cœlesti majestate de-
 „ pulerit „. *Hæc ipsa Ambrosii verba nobis in Horis Canonicis*
Festum Circumcisionis Domini Ecclesia præscribit recitanda. Addit
heic Augustinus ad Julianum conversus : „ Cernis nempe, quod di-
 „ co, quis dixerit? Cernis, quidquid contra me dicis, contra quem
 „ dicas? Si enim ego hinc sum Discipulus Manichæi, hoc est &
 „ ille. Non est autem hoc ille, qui hæc ante nos dixit : Non est
 „ hoc igitur, quisquis hæc dicit; sed Hæreticus manifestus est,
 „ quisquis huic antiquo Catholico Dogmati contradicit „. *Sanctus*
Augustinus isidem in Libro contra duas Epistolas Pelagian. Lib. IV.
Cap. XI. hæc Ambrosii verba in Isaiam commemorat : „ Idcirco
 „ Christus Immaculatus, quia nec ipsa nascendi solita conditione
 „ maculatus est „. *Addit hæc alia de Domino* : „ Dignum etenim
 „ fuit, ut qui non erat habiturus corporeæ Peccatum prolapsionis,
 „ nullum sentiret generationis naturale contagium. Merito ergo
 „ David flebiliter in se deploravit ipsa inquinamenta naturæ, &
 „ quod prius inciperet in homine macula, quam Vita „. *Idem*
Sanctus Augustinus Lib. II. Cap. 3. contra Julianum hæc verba e
Tractatu Sancti Ambrosii contra Novatianos, sive de Pœnitentia Lib. I.
Cap. III. describit : „ Apostolus de Christo Non in similitudinem carnis
 „ ait; quia Christus veritatem suscepit carnis humanæ, non simi-
 „ litudinem. Neque in similitudinem Peccati ait, quia Peccatum
 „ non fecit, sed Peccatum pro nobis factus est. Sed venit in Si-
 „ militudinem Carnis Peccati, hoc est suscepit similitudinem car-
 „ nis peccatricis. Non enim sicut Omnis homo ex virili & femi-
 „ nea permixtione generatus, sed natus de Spiritu Sancto, & de
 „ Virgine, Immaculatum corpus susceperat, quod non solum nulla
 „ vitia maculaverant, sed nec generationis, aut conceptionis con-
 „ cretio injuriosa fuscaverat. Nam Omnes Homines sub Peccato
 „ Nascimur, quorum ipse ortus in vitio est, sicut habes lectum,
 „ dicente Domino : Ecce enim in iniquitatibus conceptus sum, &
 „ in delictis peperit me mater mea. Christi autem caro damnavit
 „ peccatum, quod nascendo non sensit, quod moriendo crucifixit „.

Denique idem Sanctus Augustinus Lib. I. Cap. 34. de Nuptiis & Concupiscent. hæc Ambrosii verba ex illius expositione in Isaiam profert: „ Ideo & quasi homo per universa tentatus est, & in similitudinem hominum cuncta sustinuit, sed quasi de Spiritu natus, abstinuit a peccato. Omnis enim homo mendax, & nemo sine peccato, nisi Solus Deus. Servatum est igitur, ut ex viro & muliere, idest per illam corporum commixtionem Nemo videatur expers esse Delicti. Qui autem expers est Delicti, expers est etiam huiusmodi conceptionis „.

Sanctus Johannes Chrysostomus Anno 404.

In Psalmi LVIII. vers. 5. verba: Neque iniquitas mea, neque &c. ait: „ Solus Christus hæc dicere potuit, qui Peccatum non habuit, & idcirco cursum salutis nostræ direxit „. Vide Catenam Græcor. Patrum a Corderio editam, Tom. II. pag. 153.

Zolimus Papa Anno 417.

In Epistola, cujus Fragmentum adfert Sanctus Augustinus in Epistola 190. olim 157. hæc scribebat: „ Nullus enim, nisi qui Peccati servus est, liber efficitur, nec Redemptus dici potest, nisi qui vere per Peccatum fuerit ante captivus, sicut scriptum est: „ Si vos Filius liberaverit, vere liberi eritis „.

Sanctus Augustinus Anno 425.

Lib. I. Cap. XII. de Nuptiis & Concupisc. loquens de Conceptione Christi hæc habet: „ Solus ibi nuptialis concubitus non fuit, quia in Carne Peccati fieri non poterat sine illa carnis pudenda Concupiscentia, quæ accidit ex peccato: sine qua concipi voluit, qui futurus erat sine Peccato, non in Carne peccati, sed in similitudinem Carnis peccati; ut hinc etiam doceret, omnem, quæ de concubitu nascitur, Carnem esse Peccati: quandoquidem sola, quæ non inde nata est, non fuit Caro peccati „. Epistola olim 57. nunc 187. „ Hoc ergo excepto lapide angulari (idest Christo.) non video, quomodo ædificentur homines ad habendum in se inhabitantem Deum, nisi cum fuerint renati, quod non possunt esse, antequam nati „. Libro IV. Cap. 4. contra duas Epistolas Pelagian. „ Si enim propterea morimur, quia ille (Adam) mortuus est: ille autem mortuus est, quia peccavit, poenam dicunt (Pelagiani) transire sine culpa, & innocentes parvulos injusto supplicio puniri, trahendo mortem sine meritis mortis! Quod de uno Solo Mediatore Dei & Hominum Christo Jesu Catholica Fides jubet „. Libro X. de Genesi ad literam, Cap. 18. „ Et quid incoinquinatius illo utero Virginis? cujus Caro etsi de propagatione venit, non tamen de Peccati propagatione concepit. Ad-

„ dit:

„ *dit* : Proinde Corpus Chrifti, quamvis ex carne feminae affum-
 „ ptum eft, quæ de illa Carnis peccati propagine concepta fue-
 „ rat : tamen quia non fic in ea conceptum eft, quomodo, fuerat
 „ illa concepta, nec ipfa erat Caro peccati, fed fimilitudo Carnis
 „ peccati „. *Eodem Libro X. de Genefi ad litteram.* „ Secundum ra-
 „ tionem quippe illam feminalem ibi (*ideft in lumbis Abrahe*)
 „ fuit Levi, qua ratione per concubitum venturus erat in Ma-
 „ trem, fecundum quam rationem non ibi erat Chrifti Caro,
 „ quamvis fecundum ipsam ibi fuerit Mariæ Caro. Quapropter nec
 „ Levi, nec Chriftus in lumbis Abrahæ fecundum animam ; fe-
 „ cundum Carnem vero & Levi & Chriftus ; fed Levi fecundum
 „ concupifcentiam carnalem, Chriftus autem fecundum folam fub-
 „ ftantiam corporalem. Cum enim fit in femine & vifibilis cor-
 „ pulentia, & invifibilis ratio, utrumque cuceurrit ex Abraham,
 „ vel etiam ex ipfo Adam ufque ad Corpus Mariæ ; quia &
 „ ipfum eo modo conceptum & exortum eft. Chriftus autem vi-
 „ fibilem carnis fubftantiam de carne Virginis fumpfit : ratio vero
 „ conceptionis ejus non a femine virili, fed longe aliter, ac de-
 „ fuper venit „. *Libro VI. contra Julianum Cap. 4.* „ Tu dicis
 „ etiam pro peccatoribus mortuum efle Chriftum : ego dico nonni-
 „ fi pro peccatoribus mortuum, ita ut respondere cogaris : fi nul-
 „ lo peccato parvuli obftricti funt, non efle pro parvulis mor-
 „ tuum. Dicit enim ad Corinthios : Quoniam unus pro om-
 „ nibus mortuus eft : ergo omnes mortui funt, & pro omnibus mor-
 „ tuus eft &c. Quos igitur hoc loco intelligis mortuos ? Numquid
 „ eos, qui de corpore exierunt ? Quis ita defipiat, ut hoc fapiat ?
 „ Eo modo itaque intelligimus mortuos, pro quibus omnibus mor-
 „ tuus eft Chriftus, quomodo alibi dicit (*Col. 2. 13.*) *Es vos, cum*
 „ *effetis mortui in delictis, & præputio carnis vestræ, vivificavit*
 „ *cum illo.* Ac per hoc Unus, inquit, pro omnibus mortuus eft :
 „ ergo omnes mortui funt &c. Quia ergo non in corpore, reftet
 „ ut in peccato efle mortuos omnes, pro quibus Chriftus mortuus eft,
 „ nemo neget, nemo dubitet, nifi qui fe non negat, aut dubitat efle
 „ Chriftianum. *Lib. II. Cap. XX. de Peccat. merit.* In hoc autem
 „ loco utrum effet in filiis hominum, vel efle potuiffet, aut pos-
 „ fet, qui non ex peccato ad juftitiam perfectiffimam perveni-
 „ ret, fed nullo umquam peccato effet obftrictus, hoc quæri-
 „ tur. Ideo fi illa vera funt, quæ tam multa de parvulis dixi-
 „ mus, nec eft in filiis hominum quifquam, nec fuit, nec erit,
 „ excepto Uno Mediatore, in quo nobis propitiatio, & juftifica-
 „ tio pofta eft „. *Supra quoque dixerat* : „ Hunc prorfus nifi

Unum Mediatorem Dei & hominum hominem Christum Jesum, nullum vel esse, vel fuisse, vel futurum esse, Certissimum est „ *Libro eodem Cap. XXIV.* „ Solus ergo ille etiam homo factus manens Deus, peccatum nullum habuit umquam; nec sumpsit Carnem peccati, quamvis de materna Carne peccati. Quod enim carnis inde suscepit, id profecto aut suscipiens dum mundavit, aut suscipiendo mundavit „ *Libro eodem Cap. XXIX.* „ Nullus existit homo, de quo in hac vita constituto veraciter dici possit, quod nullum habeat omnino peccatum, excepto uno Mediatore, qui nos Creatori nostro per remissionem reconciliat peccatorum.

Idem Sanctus Augustinus Libro de Perfect. Justitiae Cap. XXI. Quisquis ergo fuisse, vel esse in hac vita aliquem hominem, vel aliquos homines putat, excepto Uno Mediatore Dei & hominum, quibus necessaria non fuerit remissio peccatorum, contrarius est divinae Scripturae, ubi Apostolus ait (*Rom. V. 12.*) *Per unum hominem peccatum intravit in Mundum, & per peccatum mors; & ita in omnes homines pertransiit, in quo omnes peccaverunt.* Et necesse est ut impia contentione asserat, esse posse homines, qui sine Mediatore Christo liberante atque salvante sint liberi salvique a peccato, quum ille dixerit (*Matth. IX. 12.*) *Non est opus sanis Medicus, sed male habentibus. Non veni curare justos, sed peccatores* „ *Libro V. Cap. XIV. contra Julianum.* „ Quod si dementis est dicere, & sine dubio Caro Christi non est Caro peccati, sed similis Carni peccati: quid restat ut intelligamus, nisi ea excepta, omnem reliquam humanam Carnem esse peccati? Et hinc apparet, illam Concupiscentiam, per quam Christus concipi noluit, fecisse in genere humano propaginem mali: quia Mariae corpus quamvis inde venerit, tamen eam non trajecit in corpus, quod inde non concepit. Ceterum Corpus Christi inde dictum esse in similitudine Carnis peccati, quia omnis alia hominum Caro peccati est. Quisquis negat, & carnem Christi ita carni comparat nascentium hominum ceterorum, ut asserat, utramque esse puritatis aequalis, detestandus Haereticus invenitur „ *Sunt & alia similia loca Lib. I. Cap. XXVIII. & XXIX. de Peccator. merit. & remiss.* Et *Libro XX. Cap. VI. de Civit. Dei, & Lib. II. Cap. LXXX. & CCXVIII. & CCXXV. Oper. Imperfect. Et Lib. IV. Cap. LXXIX. & LXXXVIII. & sequ. Et Lib. VI. Cap. XXXIV. Tum Lib. VI. Cap. XXXV. ejusdem Oper. Imperf. haec habet:* Nunc autem Christus missus est in similitudine Carnis pecca-

quia Solus veram carnem sic habuit, ut non eſſet Caro peccati, ſed ejus ſimilitudo. Ac per hoc neceſſe eſt, ut fateamur, Carnem ceterorum hominum eſſe peccati, cui ſimilis facta eſt vera caro Chriſti, ſed non caro peccati „ *Lib. IV. Cap. IV. contra duas Epistol. Pelagian.* „ *Nemo mundus a ſorde nec infans, cujus eſt dies unius vita ſuper terram.* Sinite miſerum remiſſionem accipere peccatorum per eum, qui Solus nec parvus, nec magnus potuit habere Peccatum „. *Enarrat in Pſalm. L. Cap. X.* Definita eſt ſententia: *In Adam*, inquit Apoſtolus Rom. V. „ *omnes peccaverunt.* Solus eſſe Innocens Infans Potuit, qui de opere Adam non natus eſt „. *Item eodem Libro VI. Cap. CXVII. Operis Imperfect. hæc habet:* „ Si autem quæritur, quomodo Chriſtus non fuerit decimatus, cum etiam ipſe, quod manifeſtum eſt, ſecundum originem carnis fuerit in lumbis Abraham, quando a Melchifedech pater ille decimatus eſt: nihil occurrit, niſi quod Maria quidem mater ejus, de qua carnem ſumpſit, decarnali Concupiſcentia parentum nata eſt; non autem Chriſtum ſi ipſa concepit, quem non de virili ſemine, ſed de Spiritu Sancto procreavit. Non ergo pertinuit ad rationem virilis ſeminis, per quam fuerunt in lumbis Abraham, quos in illo decimatos eſſe ſacra Scriptura teſtatur. Ita *Auguſtinus in poſtremo ſuorum Librorum:* hæc enim ſcribentem mors intercepit „. *Item Lib. II. Cap. XXXV. de Peccator. Merit.* „ Teneamus indeclinabilem Fidei conſeſſionem. Solus unus eſt, qui ſine Peccato natus eſt in ſimilitudine carnis peccati „. *In Lovaniensi quoque editione Operum Sancti Auguſtini Sermo XIII. de Tempore dubitabatur, cum Auguſtinianus foret. Ei revera tribuendum non eſſe monent Benedictini Monachi Congregat. S. Mauri in nupera Editione. Attamen quum vetuſtum ſit, & conſarcinatum noverimus e variis Auguſtini locis, immo hunc ipſum nobis quotannis legendum Eccleſia Romana exhibeat in Horis Canonicis Vigilæ Epiphaniæ, non incongruum erit, pauca hæc inde referre dicta de Chriſto:* „ Solus enim ſine peccato eſt natus, quem ſine virili complexu non concupiſcentia carnis, ſed Obedientia genuit mentis „. Et quidem Auguſtinus Lib. II. Cap. XXXV. & ipſe dixerat: „ Solus unus eſt, qui ſine peccato natus eſt in ſimilitudinem carnis peccati &c. Per quæ ne putet quiſquam indicari, Virginem caruiſſe ſanctificatione ante nativitatem, animadvertendum eſt, Conceptionem quoque appellari *Nativitatem in ſacris Litteris.* Noli timere accipere Mariam conjugem tuam: quod enim in ea, Natum eſt, de Spiritu Sancto eſt; ita Angelus de Joſeph. *Matt. I. 10.* Conceptionem

prionem Christi significans. Id quod Augustinus ipse agnovit, scribens Enarrat. in Psalm. LVII. num. V. „ Non enim
 „ ex visceribus tantum homo nascitur, sed & in visceribus
 „ Prius nascitur in visceribus, ut possit nasci ex visceribus. Pro
 „ pterea dictum est Mariæ: *Quod enim Natum est in te, de*
 „ *Spiritu Sancto est.* Nondum de illa natum erat, sed jam in illa
 „ natum erat „

Sanctus Leo Magnus Papa Anno 445.
 „ *Sermone I. de Nativitate Domini nostri Jesu Christi:* „ Dominus
 „ noster peccati mortisque destructor sicut Nullum a reatu liberum
 „ reperit, ita liberandis Omnibus venit „. *Et infra.* Alienum quip
 „ pe ab hac nativitate est, quod de omnibus legitur (*Job. XIV. 4.*)
 „ Nemo mundus a sorde, nec infans, cujus est unius diei vita su
 „ per terram. Nihil ergo in istam singularem Nativitatem de
 „ carnis concupiscentia transivit, nihil de peccati lege manavit „.
 „ Hinc etiam Sermone in Horis Canonicis quotannis nobis recit
 „ andam Ecclesia præscribit Natali die Salvatoris nostri: *Sermon*
 „ *II. de Nativitate Domini:* „ Nova nativitate genitus est, con
 „ ceptus a Virgine, natus ex Virgine sine paternæ carnis concu
 „ piscencia, sine maternæ integritatis injuria: quia futurum ho
 „ minum Salvatorem talis ortus decebat, qui & in se haberet hu
 „ manæ substantiæ naturam, & humanæ carnis inquinamentum nesciret „.
 „ *Et infra:* „ Venit enim Dominus noster contagia no
 „ stra auferre, non perpeti, nec succumbere vitiis, sed mederi „.
 „ *Et infra.* „ Nam superbia hostis antiqui non immerito sibi in om
 „ nes homines jus tyrannicum vindicabat, nec indebito dominatu
 „ premebat, quos a mandato Dei spontaneos in obsequium suæ vo
 „ luntatis illexerat. Non itaque juste amitteret originalem humani
 „ genesis servitutem, nisi de eo, quod subegerat, vinceretur. Quod
 „ ut fieret, sine virili semine editus est Christus ex Virgine, quam
 „ non humanus coitus, sed Spiritus Sanctus fecundavit. Et cum
 „ in Omnibus Matribus non fiat sine peccati sorde conceptio, hæc
 „ inde purgationem traxit, unde concepit. Quo enim paterni se
 „ minis transfusio non pervenit, peccati se illic origo non miscevit.
 „ Inviolata virginitas concupiscentiam nescivit, substantiam mini
 „ stravit. Assumpta est de Matre Domini natura, non culpa. Crea
 „ ta est forma servi, sine conditione servili: quia novus ho
 „ mo sic contemperatus est veteri, ut & veritatem suscipere genti
 „ ris, & vitium excluderet vetustatis „. *Sermone IV. de Nativitate*
 „ *Domini:* „ Terra enim carnis humanæ, quæ in primo fuerat præ
 „ varicatore maledicta, in hoc Solo Beatæ Virginis partu germen
 „ edidit „

edidit benedictum, & a vitio suæ stirpis alienum. Cujus spiritalem originem in regeneratione quisque consequitur; & omni homini renascenti aqua Baptismatis instar est uteri virginalis, eodem Spiritu Sancto replente fontem, qui replevit & Virginem; ut peccatum, quod ibi vacuavit sacra conceptio, hæc mystica tollat ablutio. *Sermone VIII. de Nativit. Domini.* „ In totius igitur humani generis frange communi, unum solum fuit remedium sub divinæ rationis occulto, quod posset subvenire prostratis, si aliquis filiorum Adam originalis prævaricationis alienus, atque innocens nasceretur, qui ceteris exemplo prodesset & merito. Sed quia hoc naturalis generatio non sinebat, nec poterat vitiatae radices sine semine propago esse, de quo Scriptura dicit (*Job. XIV. 4.*) *Quis potest facere mundum de immundo conceptum semine? Nonne Tu, qui solus es?* Dominus David, factus est Filius David, & de promissi germinis fructu proles est orta sine vitio, gemina conveniente natura. *Epistola XXV. ad Julianum Episcopum Coensem.* „ Nativitas Domini secundum carnem, quamvis habeat quædam propria, quibus humanæ conditionis initia transcendat, sive quod Solus ab inviolata Virgine sine Concupiscentia est conceptus, & natus, sive quod ita visceribus matris est editus, ut & fecunditas pareret, & virginitas permaneret: non alterius tamen naturæ erat ejus caro, quam nostra. „ Quid significet *Solus*, qua voce tot usi sunt in hocce argumento, nos docet Ecclesia, quum in Hymno Virginum de Deipara ait: *Quæ Sola Virgo parturit.* Adhuc tamen Sanctum Leonem audiamus in *Epistola CXVII. ad Monachos Palæstinos*: „ Ut per unum, ait, hominem fieret renovatio vetustatis; & mortis vinculum unius prævaricatione contractum, unius morte, qui Solus morti nihil debuit, solveretur. „ *Infra.* „ Nam quia captivitatis nostræ resolvi originalia vincula non poterant, nisi existeret homo nostri generis, nostræque naturæ, quem veteris debiti præjudicia non tenerent &c. *Sunt & alia loca, quæ quia similia, prætermitto.*

Johannes Cassianus Anno 446.

Collat. XXII. Cap. XI. „ Hoc de illo, qui Solus est absque peccato, tamquam Singulare memoratur: *Misit Deus Filium suum in similitudinem carnis peccati*: quia veram atque integram suscepit substantiam carnis humanæ, non ipsum Peccatum in ea, sed similitudinem Peccati suscepisse credendus est. „ *Ibidem Cap. XII.* In hoc ergo ille homo, qui natus ex Virgine est, magna a Cunctis, qui ex utriusque sexus commixtione producimur, distantia „ se-

segregatur: quod cum Omnes non similitudinem, sed veritatem
 „ Peccati in carne gestemus, ille non veritatem, sed similitudi-
 „ nem Peccati, & veræ carnis assumptionem suscepit.

Sanctus Maximus Episcopus Taurinensis Anno 450.

In Sermone VII. de Paschate inter Anecdota Muratorii Tom. IV. „ So-
 „ lus Dei Filius peccatores liberat, quia solus liber est a pec-
 „ cato.

Sanctus Fulgentius Anno 525.

Libro de Incarnat. O Gratia Cap. VI. „ Hæc est gratia, qua fa-
 „ ctum est, ut Deus, qui venit peccata tollere, quia peccatum
 „ in eo non est, homo conciperetur, atque nasceretur in similitudine
 „ carnis peccati, de carne peccati. Caro quippe Mariæ, quæ in
 „ iniquitatibus fuerat humana solemnitate concepta, Caro fuit uti-
 „ que Peccati, quæ Filium Dei genuit in similitudinem carnis pec-
 „ cati. „ Quæ heic Sanctus Fulgentius dicit, ut Salmanticensis
 „ Theologi animadvertunt, quatuordecim Episcoporum Africane Ec-
 „ clesiæ auctoritate confirmatur, hoc est Daciani, Fortunati &c. qui
 „ omnes eidem Operi, ad Episcopos Orientales directo, subscribunt,
 „ uti colligitur e Cap. I. Libri Primi. Ibidem Cap. VII. „ Si enim Caro
 „ peccati non mendaciter dicitur, habet in se Caro ipsa peccatum si-
 „ vero peccatum non habet, falsum portat carnis peccati vocabulum.
 „ Sed tam, de qua loquimur, carnem peccati, verax discipulus ve-
 „ ritatis Paulus appellat. Restat igitur, ut sicut vere caro, cum caro
 „ dicitur, ita vere in se peccatum habeat cum caro peccati ore Apo-
 „ stolico nuncupatur. Libro I. de Verit. prædestinat. interpretans locum
 „ Apostoli Roman. V. Per Unum hominem O. hæc habet: „ Peccans igitur
 „ homo totam in se peccato subdidit progeniem, quando delin-
 „ quendo veram perdidit libertatem. a quo enim quis devictus est,
 „ & servus addictus est, & omnis, qui facit peccatum, servus est pec-
 „ cati. Ab hac servitute, quæ nascens parvulus teneretur obstrictus, So-
 „ lus Mediator Dei & hominum homo Christus Jesus liber est geni-
 „ tus: qui licet verus homo natus fuerit, non tamen interveniente
 „ Concupiscentia carnis, nec ex concubitu maris & femine, sed
 „ de Spiritu Sancto natus, ita veram Carnem de carne Matris ac-
 „ cepit, ut Dominus verus non culpam humanam fameret originis,
 „ sed naturam.

Homiliæ editæ sub nomine Episcopi Gallicani.

Habentur in Bibliotheca Patrum Tomo VI. Homiliæ complures,
 pars quarum Eusebio cuiusdam Gallicano Episcopo, pars Eusebio
 Lugdunensi, aut Cæsario Arelatensi, aut Fausto Regiensi, aut an-
 tiquissimis Monachis Lirinensibus, pars denique Brunoni Signien-
 Epi

Episcopo, tribuimus. Quicumque sit earum Auctor, certe pervertus est. En illius verba in Homil. Dominice V. „Accedere ad mortuum, hoc est accedere ad peccatum, &c. Omnium communis est Originale peccatum: omnes igitur ad illud accedere non dubium est &c. Nunc autem de Summo Sacerdote videamus, per quem Dominum & Salvatorem intelligimus. Ipse enim ad nullum mortuum accessit, quia neque Originale peccatum a parentibus traxit; neque a se peccatum aliquod commisit. Ipse est enim de quo scriptum est: *Qui peccatum non fecit, nec inventus est dolus in ore ejus*. Ipse igitur Solus est, qui ad patris & matris mortem & peccatum non accessit „ Homilia II. de Nativitate Domini, cujus initium Bene Nostis, hec habet alloquendo Deiparam: „Initiator omnium rerum abs te initiatur; & profundendum pro Mundi vita sanguinem de corpore tuo accepit; ac de te sumpsit, quod etiam pro te solvat. A peccati enim veteris nexu per se non est immunis, nec ipsa Genitrix Redemptoris. Solus ille licet ex debito renascatur, lege tamen veteris debiti non tenetur „ Vide Salmanticenses, qui per additum illud per se nihil enervari ostendunt vim istius sententiae.

Cassiodorus Anno 550.

In Libro de Anima Cap. VII. hec de Christo Domino habet: „Aut Angelus: Spiritus Sanctus superveniet in te &c. Quis, rogo, in hac majestate nascendi aut Originalis Peccati credat esse culpam; aut profanam aliquam carnis suspicetur offensam? Absque peccato, sine dubio venit, qui erat omnium peccata soluturus, conceptus mystico inspiramine, natus ex Virgine &c.

Sanctus Gregorius Magnus Papa Anno 598.

Lib. XI. Cap. ultim. in fine explicans verba Job: *Quis potest facere mundum de immundo conceptum semine? Nonne tu, qui solus es?* hec habet: „Potest verò hoc in loco intelligi, quia Beatus Job incarnationem Redemptoris intuitus, Solum vidit in Mundo hominem de immundo semine non esse conceptum, qui sic in Mundum venit ex Virgine, ut nihil haberet de immunda conceptione. Neque enim ex viro & femina, sed ex Spiritu Sancto, & Maria Virgine processit. Solus ergo in carne sua vere mundus existit, qui delectatione carnis tangi non potuit: quia nec per carnalem huc delectationem venit „ Lib. I. Homil. VIII. in Ezechiel. num. 21. „In Solo sibi Unigenito Domino nostro Jesu Christo placuit, quia hunc inter homines hominem creasse non pœnituit, in quo peccatum nullum omnimodo invenit, sicut de illo per Psalmistam dicitur: *Juravit Dominus, & non pœnitebit eum: tu*

„ *es Sacerdos in aeternum secundum ordinem Melchisedech*. In Solo eo
 „ go Redemptore nostro sibi complacuit Pater, quia in eo Solo non
 „ invenit culpam, in qua se reprehendat quasi per poenitentiam.

Ferrandus, qui & Fulgentius, Diaconus Carthaginensis circ.

Annum Chr. 630.

Epistola ad Anatolium Diaconum Urbis Rome in Bibliothec. Patrum
Tom. IX. pag. 503. „ In carne Christi natura est nostræ carnis, sed
 „ non reperitur culpa naturæ. Sic caro Christi carni Mariæ & simi-
 „ lis est, & dissimilis: Similis, quia inde traxit originem; dissimi-
 „ lis, quia non inde contraxit vitiatæ originis contagionem. Simi-
 „ lis, quoniam licet voluntarias, tamen veras sensit infirmitates;
 „ dissimilis, quoniam nullas penitus neque per voluntatem, neque
 „ per ignorantiam commisit iniquitates,,. *Infra.* „ Caro Christi non
 „ erat in iniquitatibus concepta: propter quid ergo conditionem mor-
 „ tis videtur experta? Manifeste scimus, non necessitate, sed volun-
 „ tate pro nobis mortuum fuisse Filium Dei,, &c.

Clerus Romanus Sede vacante Anno Christi 639. vel 640.

In *Epistola ad Episcopos Scotiæ, Lib. II. Histor. Ecclesiastic. Bedæ*
Cap. XIX. Et primum quidem blasphemiam & stultiloquium est dicere,
esse hominem sine Peccato: quod omnino non potest, nisi UNUS me-
diator Dei & hominum homo Christus Jesus, qui sine Peccato est con-
ceptus & partus. Nam CETERI HOMINES cum Peccato Originali
nascuntur, testimonium prævaricationis Adæ (etiam sine Peccato Actua-
li existentes) portare nascuntur, secundum Prophetam dicentem: Ecce
enim in iniquitatibus conceptus sum, & in peccatis concepit me ma-
ter mea. Scripta fuit Epistola hæc ab Hilario Archiepiscopo, tunc
Servante locum Sanctæ Sedis Apostolicæ, atque a Johanne Diacono,
& in Dei nomine Electo; hoc est a Johanne IV. Papa tunc dumtaxat
Electo, & nondum consecrato, atque ab aliis Ecclesiæ Romanæ Præ-
moribus. Quæ foret Traditio Sedis Apostolicæ, hinc etiam certissi-
me colligas.

Johannes IV. Papa Anno 641.

Florebat Summus hic Pontifex circiter Annum 641. atque Apolo-
 giam scripsit pro Honorio Papa ad Constantinum Imperatorem filium
 Heraclii, quam primus e tenebris eripuit V. Cl. Jacobus Sirmondus
 Societatis Jesu. Hæc ibi: „ Natus est ergo secundus Adam, nullum
 „ habens nascendo, vel cum hominibus conversando, peccatum.
 „ Etenim Verbum caro factum *in similitudine carnis peccati*, omnia
 „ nostra suscepit, nullum reatus vitium ferens ex traduce prævari-
 „ catoris exortum. Similitudinem ergo intelligimus, non carnis
 „ ejus, sed peccati,,. *Et infra.* „ Hæc omne humanum patitur ge-
 „ nus

21 nus sub peccato conftitutum; quoniam nemo mundus eft ab hoc pecca-
 22 to prævaricationis, nec infans, ficut fcriptum eft (*Job. XI. 16.*) *cujus eft*
 23 *unius diei vita fuper terram.* Et quemadmodum Spiritus Sanctus per
 24 David ait: *Ecce enim in iniquitatibus conceptus fum, & in delictis peperit*
 25 *me mater mea.* Sicut enim in Adam omnes peccaverunt, fecundum Apo-
 26 ftolum, *ita in Chriſto omnes juſtificabuntur.* Et ſicut per unum hominem
 27 peccatores conſtituti ſunt multi, *ita per unum hominem juſti conſtituentur*
 28 *multi.* Ergo Unus & Solus eſt ſine Peccato Mediator Dei & Hominum
 29 homo Chriſtus Jeſus, qui in mortuis liber conceptus & natus eſt.

Sanctus Hildephonſus Archiepiſcopus Toletanus Anno 660.

Libro de Virginitate Beate Mariæ Tom. XII. pag. 566. Biblioth. Patrum:

21 At vero Beata Maria, licet ipſa de Carne peccati ſit nata & pro-
 22 creata, ipſaque quamvis Caro peccati fuerit, non tunc jam præve-
 23 niente Spiritus Sancti gratia ab Angelo præ omnibus mulieribus bene-
 24 dicta vocatur? *Spiritus Sanctus ſuperveniet in ſe, & Virtus Altiffimi*
 25 *obumbrabit tibi.* Alioqui ſi non eodem Spiritu ſanctificata eſt & Emun-
 26 data: quomodo ejus caro non Caro peccati fuit? Et ſi caro ejus de maſ-
 27 ſa primæ prævaricationis venit: quomodo Chriſtus Verbum, caro ſine
 28 peccato fuit, qui de carne peccati carnem aſſumpſit; niſi quia Ver-
 29 bum, quod caro factum eſt, eam primum obumbravit, in quam Spi-
 30 ritus Sanctus ſupervenit, & virtus Altiffimi totam eam poſſedit? Pro-
 31 pterea vere caro ejus non jam caro peccati fuit, in qua Deus totam in-
 32 fundit, & Verbum, quod caro factum eſt, ſine peccato ad nos venit,
 33 Agnoſcit nempe Sanctus Hildephonſus Virginem procreatam de carne
 34 peccati; at quia *ſanctificata & emundata* in utero illius caro fuit, pro-
 35 pterea *jam non caro peccati fuit*, quum Verbum Dei in illam deſcendit,
 36 humanam carnem ſumpturus. Vide Petavium, qui hunc locum refert,
 37 & ita explicat, atque addit, legi ejusdem Hildephonſi Sermone XI. de Af-
 38 ſumptione B. Virginis hæc verba (quæ tamen inter ejus opera edita in Bi-
 39 bliotheca Patrum non invenio, ſed quidem inter Sermones S. Petri Da-
 40 miani:) *Caro Virginis ex Adam aſſumpta, maculas Adæ non aſſumpſit.*
 41 Tum dicere pergit Petavius: *Sed de Originali, ut opinor, macula non lo-*
 42 *quitur; veram de vitiis, quæ Adami poſteros infeſciunt.* Heic autem mini-
 43 me prætereundum eſt, Opusculum nuper memoratum de *Virginitate*
 44 *Sanctæ Mariæ*, a Petavio, aliſque tribui S. Hildephonſo: verum Dache-
 45 rius & Mabillonius contendunt, illud *Pafchaſio Ratberto* eſſe tribuen-
 46 dum, qui Anno 840. floruit; ac propterea ſub ejus nomine ab ipſo
 47 Dacherio editum fuit in Spicilegio. Neque diſſimulabo, illic legi
 48 hæc etiam verba de feſto die *Nativitatis* Deiparæ: *Quia tam ſolemniter*
 49 *colitur, conſtat ex auctoritate Eccleſiæ, quod nullis, quando nata eſt,*
 50 *ſubjacuit delictis, neque contraxit in utero ſanctificata Originale Pec-*
 51 *catum.*

catur. Et infra : *Nunc autem quia ex auctoritate totius Ecclesiæ veneratur, constat eam ab omni Originali peccato immunem fuisse. Atque hæc minime Petavius & Salmanticenses ignorarunt; sed & ipsi tacite agnovere, importare tantummodo, Mariam in utero sanctificatam fuisse, quum hæc alia verba præcedant : Sic & B. Virgo Maria, nisi in utero matris sanctificata esset, minime Nativitas ejus colenda esset.* Tum vero diserte & ipse fatetur, Christum unum ab ea lege immunem fuisse, inquiens : *Plurimum desipiunt, qui dicunt eum communi lege naturæ esse natum, qui non ea lege constat esse conceptus; quoniam hæc lex nascendi, quæ nunc lex naturæ vocatur, ex vitio primæ damnationis est. Et ideo ait Apostolus : Fuimus nos omnes aliquando filii iræ, sicut & ceteri. Sed absit a Fidelium cordibus, ut ita Christus natus credatur filius iræ, sicut Ceteri nascuntur in vitio corruptionis.*

Beda Venerabilis circ. Annum Christi 730.

In Exposition. Epistolæ ad Roman. Cap. VIII. „ Ecce unde nemo sine „ peccato nascitur. Ecce propter quod Dominus non sic concipi, vo- „ luit, quem Virgo concepit „. *Cap. V.* „ Genuit peccatores morti „ obnoxios primus peccator, primus prævaricator : venit ad salvandos de „ Virgine Salvator, qui ad te, non qua venisti, venit. Non enim ille de „ Concupiscentia maris & feminæ, nec de illo vinculo concupiscen- „ tiæ. *Sanctus*, inquit, *Spiritus superveniet in te*. Dictum est hoc Virgini „ in fide ferventi, non Concupiscentia carnis æfluanti „. *Commentar. in Psalm. IV.* „ Christus nullo modo cecidit, quia neque actualiter neque „ Originaliter. Quod actualiter non ceciderit, patet. Patet quoque, „ quod non Originaliter. Soli enim illi casum originalis Peccati pa- „ tiuntur, qui per pœnam ipsius originalis Peccati, idest per Concu- „ piscentiam, generantur. Christus vero per Concupiscentiam ge- „ neratus non est, quia sine carnali delectatione de Spiritu San- „ cto conceptus est „. *In Libros Boethii de Trinitate* : „ Item per- „ tinet ad nostræ Fidei fundamentum Verbi incarnatio, ut scili- „ cet credamus Dei Filium assumpsisse carnem ex Virgine, & in Vir- „ gine : quam carnem & creando assumpsit, & assumendo creavit, non „ de nihilo carnem sibi in utero Virginis creando vel formando, sic- „ ut quidam Hæretici senserunt; sed potius de substantia Virginis car- „ nem assumpsit, quam assumendo creavit, idest purificavit, non „ conceptus libidinosa lege concipiendi, & ideo immunis ab omni „ peccato, non tamen a pœna peccati „. *Homilia in Feriam Quatuor Temporum, seu in Cap. Lucæ I.* „ Missus est Angelus &c. Ad distin- „ ctionem nostræ sanctitatis Jesus singulariter Sanctus nasciturus asse- „ ritur. Nos quippe etsi Sancti efficimur, non tamen nascimur; quia „ ipsa

„ ipfa naturæ corruptibilis conditione constringimur, ut merito cum
„ Propheta gementes finguli dicamus : *Ecce enim in iniquitatibus con-*
„ *ceptus sum, & in delictis peperit me mater mea.* Ille autem Solus
„ veraciter Sanctus est, qui ut ipsam conditionem naturæ corrupti-
„ bilis vinceret, & commixtione carnalis copulæ conceptus non est „.

Etherius Uxamensis Episcopus, & Beatus Abbas, Anno 790.

Libro I. adversus Elipandum, apud Canisiam Part. I. Tom. II. Lektion. An-
tiquar. pag. 340. Edition. Basnag. „ Non potest Dei Filius tibi esse similis,
„ quia & ipsa Conceptione humana multum dissimilis tibi est. Ille conce-
„ ptus de Spiritu Sancto, non de virili femine, SOLUS SINE PECCA-
„ TO; Tu vero de virili femine, de massa perditionis, & concupiscentia
„ utrorumque parentum. Et natus de muliere in peccatis conceptus, &
„ in peccatis natus. Ille enim inter homines SOLUS natus de Virgine, &
„ Solus Sine Peccato conceptus, & Solus Sine Peccato natus „.

Concilium Forojuliense Anno 791.

In Symbolo Fidei ibi dicitur : „ Non putativus Dei Filius, sed verus: non
„ Adoptivus, sed proprius, quia numquam fuit propter hominem,
„ quem assumpsit, a Patre alienus. Solus enim Sine Peccato natus est
„ Homo, quoniam Solus & incarnatus de Spiritu Sancto, & immacu-
„ lata Virgine novus Homo „.

Haymo Episcopus Halberstadiensis Anno 845.

Commentar. in Cap. V. Epistol. ad Romanos, qui ab aliis Remigio Antiffia-
dorensi, de quo infra, tribuitur : „ Adam exemplar est futuris posteris
„ suis in peccato; quia sicut ille peccator, & mortalis extitit, ita Om-
„ nes posteri ejus peccatores & mortales nati sunt, & nascuntur quotidie,
„ transducto originali Peccato in posteros, ut Beatus Augustinus dicit,
„ per Concupiscentiam coitus; sed per gratiam &c. Sicut enim nullus
„ homo extra Adam, idest extra progeniem illius, ita nullus extra pec-
„ catum illius præter Christum „.

Rabanus Maurus Archiepiscopus Moguntinus Anno 850.

In Tractat. adversus Judæos edito a Chiffletio & a Martene & Durand.
Tom. V. Thesaur. Novi Anecdotor. quem Librum alii tribuunt Amuloni
Archiepiscopo Lugdunensi iisdem temporibus florenti, Cap. LII. hæc ait :
„ In illa generatione, quæ secundum Adam est, Nullus absque Peccato
„ nasci potest : in ista, quæ per Christum de Baptismo exordium sumit,
„ omnes, qui regenerantur, absque omni delicto tam Originali, quam
„ Actuali renascuntur. Ad exemplum videlicet Redemptoris nostri, qui
„ Solus inter homines verus homo sine Peccato conceptus est, & absque
„ ullo delicto de Virgine est editus, ut quod primus Adam per inobe-
„ dientiam contraxerat, iste secundus Adam per obedientiam non de-
„ linquendo, retraheret „.

Remigius Antiffiodorensis Monachus Anno 890.

Enarratione in Psalm. L. Tom. XVI. Bibliorb. Patrum: „ Et vincas,
 „ scilicet omnes judicatos: omnes enim iuste judicari possunt, quam-
 „ quam multi iusti, multum provecti: tu solus iniuste, quia Solus a
 „ Peccato Immunis. Cum judicaris, o Pater in Filio. Verbum in
 „ assumpta humanitate hoc futurum prævidit, ut Filius Dei veniret
 „ judicandus. *Ecce enim in iniquitatibus conceptus sum.* Quali dicat:
 „ Et non solum judicatus vincis omnes judicatos in tali scelere, qua-
 „ le meum est, in hoc quod illi iuste, tu iniuste: Sed etiam omnes
 „ homines, quia omnes sunt peccatores, tu autem Solus sine pecca-
 „ to. Et transfert in se omne humanum genus. Ecce enim in ini-
 „ quitatibus conceptus sum. In quibus, subiungit, *Et in peccatis*
 „ *concepit me mater mea*, idest in Concupiscentia carnali concepit.
 „ Quæ carnalis delectatio ex peccato primi parentis in carne nostra
 „ viget &c. Non enim maritus, quia maritus est, mortalis est; erat
 „ enim & Dominus mortalis, sed non de peccato suscepit poenam
 „ nostram, sed non culpam nostram.

Sanctus Petrus Damiani Anno 1050.

In Opusculo, sive Libro, qui appellatur Gratissimus de Simoniacis Cap. XIX. „ Et quid alios memorem? Quandoquidem & ipse Dei Me-
 „ diator & hominum de peccatoribus originem duxit & de fermenta-
 „ tæ massa, sinceritatis azymam absque ulla vetustatis infectione
 „ suscepit. Immo, ut expressius dicam, ex ipsa carne Virginis,
 „ quæ de Peccato Concepta Est, caro sine Peccato prodiit, quæ
 „ ultro etiam carnis peccata delevit „. Heic ait Petavius: *Mani-
 feste Petrus hoc loco Beatam Virginem Originali affectam Vitio fate-
 tur, quod & ab eo significari necesse est, ut argumentationi vis &
 ratio constet.* Adducuntur autem ex ejusdem Sancti Viri Sermone
 XL. in Assumptione Beatæ Mariæ hæc verba: „ Caro enim Vir-
 „ ginis ex Adam assumpta, maculas Adæ non admisit, sed singu-
 „ laris continentiae puritas in candorem lucis æternæ conversa est. „
 Hæc ipsa verba S. Hildephonso tributa nuper Petavius commemora-
 vit, inquiens, de *actualibus Peccatis esse intelligenda*. Idem S. Petrus
 in *Sermone XXIII. in Nativit. Sancti Johan. Baptiste*. „ Secundus ho-
 „ nor est Sanctificatio in ventre matris. Quicumque de massa prævari-
 „ catrice Mundum ingredimur, longam restem Originalis Peccati
 „ trahimus nobiscum. Solus Ille, qui Peccatum non fecit, excipi-
 „ tur, quem Virginalis thalamus, ignorante viro, terris effudit.
 „ Longe quippe aliter, & dissimili modo conceptus est, Spiritu San-
 „ cto tota majestate Virginem inundante atque mundante, superans
 „ usum carnis, naturæ ordinem, viri commixtionem. Sic quippe dece-
 bat,

„ bat, ut Peccatum nesciret, qui peccata tollebat, ut similitudi-
 „ nem carnis peccati suscipere, non autem carnem peccati. Cum
 „ igitur omnes in iniquitatibus concepti sint, neminem umquam
 „ mortalium intra materna viscera Sanctificatum legimus præter
 „ Hieremiam, & Johannem Baptistam. Quainquam & de singula-
 „ ri Virgine nulla sit ambiguitas, quin ipsa maternis circumsepta
 „ visceribus, sublimiore Sanctificationis genere Mundata sit „.

Sanctus Anselmus Archiepiscopus Cantuariensis Anno 1100.

Libro II: Operis, cui titulus, Cur Deus homo, Cap. XVI. ubi Bo-
sonem collocutorem suum quærentem sic facit : „ Qualiter de massa
 „ peccatrice, & humano genere, quod totum infectum erat pecca-
 „ to, quasi azymum de fermentato, Deus assumpsit. Nam licet
 „ ipsa hominis ejusdem conceptio sit munda, & absque carnalis de-
 „ lectationis peccato, Virgo tamen ipsa, unde assumptus est, est in
 „ iniquitatibus Concepta; & in peccatis concepit eam mater ejus;
 „ & cum Originali Peccato Nata est; quia & ipsa in Adam pec-
 „ cavit, in quo Omnes Peccaverunt „. Subdit Petavius: *Cui res-*
pondens Anselmus, pro confesso ponit, hominem illum absque Peccato
esse, de massa peccatrice licet assumptum; & quomodo id factum sit,
deinceps explicat. Ita quoque Salmanticensis, qui & aliis Sancti An-
 selmi verbis istud confirmant. Idem Anselmus in *Libro de Excellen-*
tia B. Virginis Mariæ Cap. 3. ubi de Angelica Salutatione Virgi-
 ni facta ait „. Cum igitur in his, quæ tantopere Deo placent,
 „ Sancta Virgo Maria tam excellenter illi placuit, ut nequaquam
 „ crederet quis, illam aliqua ratione excellentius placere potuisse;
 „ nimirum tenemus fide, ab omni, si quid adhuc in illa Originali,
 „ sive actualis peccati supererat, ita mundatum cor illius, ut
 „ & super eam Spiritus Domini, scilicet super humilem, & quie-
 „ tam, & trementem verba sua, totus requiesceret „.

Gilbertus Crispinus Abbas Westmonasteriensis Anno 1106.

In Bibliotheca Patrum Tom. XX. pag. 1884. legitur Dialogus in-
 ter Christianum & Judæum, tributus Guilielmo de Campellis E-
 piscopo Catalaunensi (sive de Chalons) qui Anno 1113. floruit. At
 hunc Librum Caveus, Du-Pin, & alii tribuendum censent Gil-
 berto Abbati Westmonasteriensi, qui Anno 1106. Monasterio illi
 præfectus fuit. Ejus hæc sunt verba: „ Cum Christum Originali
 „ Peccato obnoxium esse dicis, omnino mentiris; nam de imma-
 „ culata Virgine conceptus & natus, sine virili semine genitus est,
 „ ac proinde Originalis Culpæ particeps non est &c. Quapropter
 „ Omnis homo carnali delectamento genitus, cum Originali pec-
 „ cato nascitur, qui per luxuriam vitiatam naturam a primo pa-
 „ tre

„ tre trahens, & de corruptione carnis natus, illa placida natura
 „ caret, in qua primum primus homo factus est. Denique dum
 „ in conceptu Christi omnis luxuria defuit, nullam de carne pec-
 „ cati maculam traxit; immo cooperante Spiritu Sancto placidum
 „ & mundum conceptum habuit, quia omni delectamento luxuriæ
 „ caruit; & quia in terris patrem non habuit, de corruptione car-
 „ nis natus non fuit „

Rupertus Abbas Tuitienfis, Anno 1120.

Libro I. Commentar. in Cantica ad Virginem hæc dicit : „ Et tu
 „ quidem veraciter dicere potueras : Ecce enim in iniquitatibus
 „ concepta sum, & in peccatis concepit me mater mea. Cum enim
 „ esses de massa, quæ in Adam corrupta est, hæreditaria peccati
 „ originalis labe non carebas; sed ante faciem hujus ambros nec
 „ illud, nec aliud stare potuit. Ante faciem hujus ignis stipula om-
 „ nis interiit, ut totum sanctum fieret habitaculum, in quo Deus
 „ totis novem mensibus habitaret „.

Hugo de Sancto Victore Anno 1125.

In Summ. Sent. Tract. I. Cap. XVI. de Carne Christi, antequam con-
ciperetur, hæc habet : „ Sane dici potest, & credi oportet, juxta
 „ Sanctorum attestationis convenientiam, ipsam prius peccato fuif-
 „ se obnoxiam, sicut reliqua Virginis caro : sed Spiritus Sancti ope-
 „ ratione ita mundatam, ut ab omni contagione immunis unire-
 „ tur Verbo. Mariam quoque totam Spiritus Sanctus in eam præ-
 „ veniens a Peccato prorsus purgavit, & a fomite peccati etiam
 „ liberavit „.

Sanctus Bernardus Abbas Clarævallensis Anno 1140.

In celebri Epistola CLXXIV. ad Canonicos Lugdunenses ait : „ Si igi-
 „ tur ante Conceptum sui sanctificari (Maria) minime potuit, quo-
 „ niam non erat; sed nec in ipso quidem Conceptu, propter Pec-
 „ catum quod inerat; restat, ut post Conceptum in utero jam exi-
 „ stens, Sanctificationem accepisse credatur, quæ excluso Peccato
 „ sanctam fecerit Nativitatem, non tamen & Conceptionem „.
 Hæc aperta Sancti Bernardi mens, qui inter Beatam Virginem,
 & Sanctum Johannem Baptistam, & Hieremiam, nullum agnovit
 discrimen; uti nec agnovit distinctionem inter Conceptum semina-
 lem & animale, quam neoterici excogitarunt, veteres ignora-
 runt. Vide Petavium, & Salmanticenses, & Mabillonium in Notis
 ad eam Epistolam, qui etiam locum adferunt e *Sermone II. ejus-*
dem Bernardi in Assumptionem Virginis, ubi ait : „ Absit enim, ut
 „ proprii quidquam inquinamenti domus hæc aliquando habuisse vi-
 „ deatur, ut in ea proinde scopa Lazari quæreretur. Quod si Ori-
 „ gina-

„ ginealem a parentibus Maculam traxit; sed minus a Hieremia
 „ sanctificatam in utero, aut non magis a Johanne Spiritu Sancto
 „ repletam credere, prohibet pietas Christiana „. Ita in *Sermone*
LXXVIII. in Cantica Bernardus concors cum antiquis Patribus ait:
 „ Sine generalis velamine confusionis (*idest originali macula utri*
 „ *Petravius docet*) nemo filiorum hominum intravit initians vitam,
 „ Uno sane excepto, qui ingreditur sine Macula. Emmanuel is est
 „ &c. De cetero unus omnibus per omnia introitus est, electis di-
 „ co, & reprobis. Non enim est distinctio. Omnes peccaverunt,
 „ & omnes caputium suæ verecundiæ portant „. Nicetas Choniates
Lib. I. Cap. 74. Thesauri, veterum opiniones refert de infusione Animæ
 in Corpus inquiring: *Nullum commune dogma super Quæstione ista*
vel ab Apostolis, vel ab ullis aliis Sanctis Patribus accepimus. Ad-
 dit nonnullos Patrum sensitse, *semen animari, cum primum vulva in-*
jectum est, ita ut partium neutra compositionem aut præcedat aut
subsequatur. Philosophos vero *serius Animam infundi scripsisse*. San-
 ctus autem Augustinus, alique non pauci Occidentalis Ecclesiæ Pa-
 tres, ac Theologi, usque ad tempora Magistri Sententiarum, hoc
 est post Sanctum Bernardum, ancipites in ejusmodi quæstione fue-
 re, uti pluribus ostendit Clariss. S. R. E. Cardinalis Henricus No-
 risius in Vindiciis Augustinianis Cap. IV. §. III. Vide & Cassodo-
 rium Lib. de Anima Cap. VII. Nunc certissima inter Theologos
 sententia est, Animas non ex traduce venire, novasque a Deo crea-
 tas in fœtum efformatum infundi. Verum quæ Antiquorum fuerit
 mens, ab ipsis antiquis petendum est, non vero a recentioribus.
 Ceterum etsi olim obscura, incertaque videretur origo Animæ, &
 quomodo Peccatum primi hominis transfunderetur in posteros, ni-
 hilo secius Sanctus Augustinus cum Ecclesia Catholica uti stabile
 dogma Fidei agnovit semper & deprædicavit transfusionem Peccati
 Originalis in omnes homines: quod & nos tamquam Fidei Dog-
 ma amplectimur.

Richardus de Sancto Victore Anno 1150.

Libro I. de Emmanuele Cap. XII. De Christo Domino ait: „ Ma-
 „ culam peccati de materna carne non contraxit, sed delevit „.
Aperte, ajunt Salmanticenses, *supponens adfuisse ibi, si non in se*
ipsa, in suo tamen Debito, prædictam Maculam. Idem infra addit de
 Christi carne & de carne Virginis: „ Notandum in matre & pro-
 „ le: quia in Matre caro mundata; in Prole non mundata, sed
 „ munda: in illa purgata, in ista pura „. Sunt & infra alia ejus-
 dem Richardi verba idem significantia.

Anonymus, qui floruit Anno 1160.

Editus in Thesaurō Novo Anecdotor. a Clariss. PP. Martene & Durand Tom. V. In Tractat. adversus Judæum pag. 1565. „ Si Virgo concepit non de creatura, sed de Creatore concipiat. Et cum „ omnis conceptus ex carnis voluptate perveniat, attestante Propheta, qui ait : *In peccatis concepit me mater mea* : nemo concipitur sine Peccato. Sed ipse Dominus hoc signum daturus est, quod Virgo concipiat. Ergo conceptus iste sine Peccato erit. Concipiet itaque cum integritate Virginitas, non de carne, sed de Spiritu „.

Innocentius III. Papa circiter Annum 1198.

In Sermone de Purificatione Virginis : *Statim autem Spiritus Sanctus supervenit in eam. Prius quidem in eam venerat, cum in utero matris animam ejus ab Originali Peccato mundavit : sed & nunc supervenit in eam, ut carnem ejus a fomite Peccati mundaret, quatenus esset sine ruga prorsus & macula.*

Idem in Sermone de Sancto Johanne Baptista : *Johannes fuit conceptus in culpa. SOLUS autem Christus fuit sine culpa conceptus; uterque vero natus in gratia.*

Idem in Sermone de Assumptione Virginis : *Illā (scilicet Eva) fuit sine culpa producta; sed produxit in culpa. Hæc autem (videlicet Maria) fuit in culpa producta, sed sine culpa produxit. Quid verba ista significant, a tanto Pontifice sive Doctore prolata, nemo non intelligit. Infra idem agit de fomite Peccati, & stimula carnis prorsus in Virgine extincto, postquam in ea plenitudo Divinitatis corporaliter habitavit.*

Richardus de S. Laurentio Pœnitentiarius Romanus Anno 1240.

In Tractatu de Laudib. Virginis Libr. VII. Cap. Item quod Luna &c. §. *divisa tenebris*, ubi accommodans, ajunt Salmanticenses, Beatæ Virgini illa verba : *In principio creavit Deus cælum & terram*, inquit : „ Idest Animam & Corpus Mariæ. Sed hæc terra erat „ inanis & vacua ante Gratiam sanctificationis; & erant tenebræ „ super faciem abyssi, quia concepta est in Originali „. Idem repetit aliis in locis.

Guillelmus Durandus Mimatensis Episcopus, cognomento Speculator, Anno 1286.

In Rationali divinar. Officior. Lib. VII. *Quidam etiam faciunt quintum Festum, scilicet de Conceptione Beatæ Mariæ, dicentes, quod sicut celebratur de morte Sanctorum, non propter mortem, sed quia tunc recepti sunt nuptiis æternis, similiter potest celebrari Festum de Conceptione, non quia sit concepta, quia in Peccato est concepta, sed quia*

quia Mater Domini est concepta; asserentes hoc fuisse revelatum cuidam Abbati in naufragio constituto: quod tamen non est authenticum. Unde non est approbandum, cum concepta fuerit in PECCATO, scilicet per concubitus maris & feminae, de Consecrat. Distinct. 4. firmissime. Verumtamen licet fuerit concepta in Peccato, dimissum est ei illud Originale Peccatum, cum sanctificata fuerit in utero, sicut & Hieremias, & Sanctus Joannes Baptista.

Tandem ne nimius sim, in hac eadem sententia fuere, uti Salmanticenses Theologi animadverterunt, Petrus Lombardus, Magister Sententiarum, Hugo de Sancto Claro, Albertus Magnus, Sancti Doctores Seraphicus, & Angelicus (neque enim hactenus Petrus de Alva, aut alii persuadere Eruditis, Sanctum Doctorem a se discordem fuisse) & Sanctus Bernardinus Senensis, & Sanctus Antoninus. Alios omitto, quos longo catalogo iidem Salmanticenses enumerant; nam qui hactenus commemorati sunt, satis superque ad intelligendum nos perducunt, per tria & decem Secula a Christo nato viguisse, & Communem fuisse in Ecclesia sententiam non eximentem a Peccato Adami nisi Unum Christum Dominum. Surrexit postea Johannes Duns Scotus, Ordinis Minorum, qui circiter Annum 1037. Sententiam de Immunitate Virginis, ante duo Secula levibus principiis natam, adhuc tamen elumbem, & a præcipuis Theologis improbatam, propugnavit; sui que instituti posteris, immo & aliis non paucis, gratissimam sensim effecit. Is tamen non eo strepitu publicæ disputationis, non ea felicitate successus, qualem subsequuta Secula, una cum aliis de eodem Scoto fabulis, commenta sunt, sententiæ hujus propugnator fuit: immo summa modestia usus Distinct. III. in Lib. III. Sentent. Quæst. I. tria proponit, uti animadvertit Natalis Alexander: Nempe primo Deum potuisse facere, ut Virgo numquam fuisset in Peccato Originali. Secundo, Potuisse facere, ut illa esset in Peccato Originali tantum in uno instanti. Tertio, Potuisse facere, ut illa in eodem Originali esset per aliquod tempus, ac ultimo instanti hujus temporis purgata & sanctificata fuerit. Tum addit: Quid autem horum trium, quæ ostensa sunt esse possibile, factum sit, Deus novit. Si auctoritati Ecclesiæ, vel auctoritati Scripturæ non repugnat, videtur probabile, quod excellentius est attribueri Mariæ: quam postremam sententiam in posterioribus scriptis roboravit. Dixi, non eo mirabili successu, quem apud Wadingum legimus, processisse tunc Scoti opinionem; nam & qui eodem tempore in Anglia floruit Johannes Baconus, Carmeliticæ Scholæ princeps, & Doctor Resolutor deinde nuncupatus, circiter Annum 1330. Libro II. Distinct. XXX. Quæstion. I. Petrum quidem Au-

reolum sibi opponit, dicentem, quod *Beata Virgo Originalem culpam non traxit de facto, tamen habuit necessitatem contrahendi* : nihil vero de Johanne Duns Scoto habet. Tum ipse Opinionem hanc appellat *Hæresim adulatoriam, & nimis devotam*; simulque contendit, Peccatum Originale in omnes pertransiisse, excepto Christo : quod multis confirmare nititur. Accedat & Alvarus Pelagius Ordin. Minor. & Scoti ipsius discipulus, vir sane per ea tempora ob eruditionem suam admirandus, qui circiter Annum 1330, Episcopus Silvensis in Lusitania est renuntiatus. Hic autem Lib. II. Cap. LI. de *Planctu Ecclesiæ*, Magistri sui Opinione contempta, scribit : *De Matre Christi beatissimatenent Sancti, maxime Augustinus, quod non peccavit etiam venialiter in hac vita, tamen in Originali Peccato Concepta fuit, sicut & ceteri homines; quia ab illa sententia patris sui David; Ecce in iniquitatibus conceptus sum; Psalm. L. Nullus excipitur, nisi Christus, qui non de semine humano, sed de Spiritu Sancto conceptus fuit*. Tum infra subdit : *Et hanc sententiam tenent Omnes Antiqui Theologi, Alexander, Thomas in suo Quarto & Secundo, Bonaventura, Richardus, licet quidam novi Theologi a sensu Ecclesiæ recedentes Communi, tenere contra (indevoti revera Dominæ, ei tamen devoti cupientes apparere) nitantur : quorum Nova Opinio, & phantastica, sit a Fidelibus cancellata*. Tum Sanctificationem Virginis ab Ecclesia doceri ait : *& ita dicit Oratio, quæ dicitur in hoc Festo Romæ in Sancta Maria Majori : Deus, qui Sanctificationem Virginis &c. sicut vidi & audiui, quum ibi de ista Sanctificatione prædicarem in isto Festo Sanctificationis, quod fit in Decembri ante Festum Natalis per XV. dies*. Dubitat autem Theophilus Raynaudus, in Tractat. de Piet. Lugdun. pag. 305. an hæc scripserit Pelagius, quum duo ejusdem MSti hæc minime exhibeant. At hæc ejus stilum sapiunt, & illa alii Codices præferunt. Neque mirum, si quis contrariæ sententiæ postea deditus, in ejus Libro describendo hæc pauca sibi ingrata expunxerit,

C A P U T X X V.

*Sententia excludentium Debitum à Virgine concordi Traditione Patrum eversa. A præstantioribus Theologis impro-
bata. Nihilominus Cusentina Civitas adducta ad Votum
de tuenda Sanguine suo eandem Debiti exclusionem. Ex
hoc temerario Voto, quæ consecutaria fluant.*

EX his autem Romanorum Pontificum, Doctorum Ecclesiæ, San-
ctorum Patrum, veterumque Theologorum dictis inferebant
olim Thomisticæ sententiæ patroni, Deiparam ipsam minime exclu-
sam fuisse e Decreto Apostoli scribentis : *Omnes in Adam peccasse*.
At quum non immerito responderetur, non ita rigide accipiendas
semper esse universales quasdam Sacræ Scripturæ propositiones, ut
eximere ab eis quædam particularia non liceat, si id suadeant ra-
tiones ex ipsa Scriptura legitime deductæ : instabant ii ; interpre-
tationem divinarum Litterarum petendam esse e concordi sensu San-
ctorum Patrum. Esse verò apud illos Catholicum Dogma : *Unum
Jesum Christum inter homines expertem fuisse Peccati Originalis*. Præ-
terea illos diserte scribere, ideo Christum Dominum a Peccati O-
riginalis lege exemptum fuisse, neque primi hominis maculas con-
traxisse, quia non ex commixtione sexuum, non e semine virili,
sed de Spiritu Sancto conceptus fuit. Quamobrem quum Maria non
eo modo supranaturali, sed communi concepta fuerit ; eosque Pe-
tavius insignis vir, de Dogmatica Theologia optimæ meritis, red-
arguat, qui nimio ardore tuendæ Immunitatis Marianæ, Conceptionem
ejus effinxere *sine Concupiscentia* peractam, atque adeo a com-
muni Naturæ humanæ lege ac usu alienam : secundum illos Theo-
logos consequebatur, Mariæ tribuendam nequaquam fore præroga-
tivam, per quam Solus divinus ejus Filius a ceteris Hominibus di-
stinctus fuit. Illa nimirum concepta *e carne Peccati*, & non sine
Concupiscentia ; Christus vero absque ullo Concupiscentiæ afflatu,
& dumtaxat *in similitudinem Carnis Peccati*. Hæc illi. Proinde vim
ratiocinationis hujus sentientes, tum antiqui, tum recentiores Theo-
logi, quibus reverentia erat erga Sanctos Patres, eodemque tempore
pius ardor propugnandæ Immaculatæ Conceptionis, non aliam
adinvenere viam conciliandi tolerabili aliqua ratione loca Scriptu-

rarum, Patrum, ac veterum Theologorum cum sententia sua, nisi statuendo in Virgine *Debitum* Peccati Originalis, atque ab ea excludendo *Peccatum* ipsum ex singulari beneficentia Dei: sub qua consideratione adhuc ipsa Virgo distingueretur a Christo, quem liberum non solum a *Peccato*, sed etiam a *Debito* Ecclesia universa fatetur. Rationem hanc exponendi, quod est ad præsentem quæstionem, divinas Litteras & Patres, Scotus ipse in 3. Distinct. 3. Quæst. prim. indicavit, uti etiam animadvertit Hugo Cabellus Scoti interpres; ac propterea Theologi reliqui, removens a Deipara *Originale Peccatum*, concordî studio usque ad Annum 1615. necessarium duxere, *Debitum* hoc idem sanctissimæ Virgini tribuere: quorum satis longum catalogum contextum invenias apud supra laudatos Theologos Salmanticenses. An autem sit hæc revera mens Litterarum sacrarum, & an sufficiat interpretatio ista, ad rite explicanda tot loca Patrum, ac veterum Theologorum, erit Apostolicæ Sedis nos infallibili iudicio edocere, si quando controversiam a tot Seculis inter Scotistas & Thomistas ferventem, ad accuratum examen deducere, & quid firmissime de ea credendum sit, edicere voluerit. Duo interim explorata habemus: alterum, usque ad tempora Scoti *Communem* Theologorum sententiam fuisse, negantium Deiparæ Immunitatem a Macula Originali. Id libere fatentes habemus insignes ac sinceritate præstantes Theologos, quos supra inui. Alterum, usque ad Annum 1615. *Communem* itidem fuisse Theologorum sententiam, excludi non posse a Deipara *Debitum* Culpæ Originalis, atque ita sensisse omnes ferme, qui pro ejusdem Immunitate a *Peccato* in aciem ante Annum illum venerunt.

His positis, iudicium prudentiorum esto, quid sentiendum sit de Theologis iis, qui post illum Annum 1615. novam invexere Opinionem de Virgine ab ipso Peccati *Debito* eximenda. Non utique ferenda huiusmodi Sententia, si eorum Sanctorum Patrum, si nubem veterum Theologorum, adversantem habet. Ac propterea Cardinalis Cajetanus, quasi præsciis, aliquando emerfuros, qui eam propugnare ausuri essent, in Comment. ad Part. 1. 2. Sancti Thomæ Quæst. 81. Art. 3. *Hæreticam* eandem appellavit, cuius iudicium Catharinus deinde, & Corduba confirmarunt. Eam præterea *parum tutam* in Fide Cardinalis Bellarminus denunciavit; & *proximam errori*, aut parum probabilem censuerunt Medina, Suarez, Vasquez, Valentia, Faber, Canisius, Beccanus, Castropalaus, Theophylus Raynaudus, Salmanticenses Theologi, & Cardinalis Gottus, ut alios omittam. Quid plura? Auctor est Hurtadus, teste eodem Theophilo Raynau-
do in *Theolog. antiqua de vera Martyrii notione*, num. 72. ne Ro-
mæ

mæ quidem toleratam fuisse ejusmodi Opinionem. Quippe *Inquisitio Romana* assertionem illam de Immunitate Beatae Virginis a Debito Peccati Originalis damnavit ut Erroneam. Et Librum P. Fr. *Johannis Mariae Zamori*, cui titulus de eminentissima Deiparae perfectione, eo quod assereret eam carentiam Debiti Peccatum originale contrabendi, voluit esse vetitæ lectionis. Nihilo tamen secius, ut vidimus, indomita ingenia, sive Novitatis nimium amica, sive in Pietatis rebus audacter intemperantia, fractis quibusque repagulis, & Patrum ac veterum omnium Theologorum contempta auctoritate, pergunt hanc ipsam Opinionem in Scholis ac Libris fovere atque disseminare, quum tamen ipsam injuriosam Christo fateri cogamur, *Quem Solum Sine Peccato Fuisse*, universa antiquitas agnovit. Propterea heic obtestor ego sapientes quosvis, ut seposito omni partium Studio, adhibitaque diligenti consideratione, jam tandem perspiciant, an non piorum hujusmodi Novatorum licentia, atque inconsultus zelus in dedecus, & in perniciem conspiret matris nostræ Ecclesiæ. Præcepit sacra Synodus Tridentina Sess. IV. ut nemo suæ prudentiæ inmixtus, in rebus Fidei & Morum, ad ædificationem doctrinæ Catholicæ pertinentium, contra Unanimen Consensum Patrum, ipsam Sacram Scripturam interpretari audeat. Consonant in eandem sententiam Patrum dicta, sed potissimum, quæ Vincentius Lirinensis in aureo suo Commonitorio scripsit, monens, in Ecclesia Dei non Nova, sed Nove, dumtaxat Dogmata tradi posse. Novæ enim omnes sententiæ de rebus a Revelatione Dei pendentibus, aut ineptæ, aut æmerariæ sunt, aut denique Hæreticum virus continere facile possunt. Quare is addit Cap. IX. Adnuntiare ergo aliquid Christianis Catholicis, præter id quod acceperunt, numquam licuit, numquam licet, numquam licebit. Et sane qui sibi facultatem arrogant proponendi & prædicandi novam doctrinam, quam nullo sacrarum Litterarum, aut antiquæ Traditionis fundamento nitatur, ii sibi licere putant, quod ne ipsa quidem Apostolica Sedes & Concilia Oecumenica licere sibi putant. Præterea idem Lirinensis referens litteras Stephani I. Papæ inquit : Denique in Epistola, quæ tunc ad Africam missa est, his verbis sanxit : **NIHIL NOVANDUM ESSE : NISI QUOD TRADITUM EST.** Intelligebat enim vir sanctus & prudens, nihil aliud rationem Pietatis admittere, nisi ut omnia qua fide a Patribus suscepta forent, eadem fide filiis consignarentur ; nosque Religionem non qua vellemus ducere, sed potius qua illa duceret, sequi oportere : idque esse proprium Christianæ modestiæ & gravitatis, non sua posteris tradere, sed a majoribus accepta servare. Proinde hic mos perpetuus Ecclesiæ fuit, estque

estque Theologorum omnium, qui recta sapiunt, in sententiis ad Theologiam pertinentibus super omnia inquirere, quid habeant divinæ Scripturæ, & quæ sit de illarum sensibus mens Sanctorum Patrum, & quid ferat Traditio, ex iisdem Patribus haurienda. Hæc sunt arma Ecclesiæ: hisce illa utitur adversus Hæreticos, ac de eorum male sana doctrina triumphat. Si fieri posset (id autem numquam futurum Christus pollicitus est) ut a nobis contemneretur Traditio Patrum, dilaberemur & nos in teterrimum Chaos Hæreticorum: pugnaque perennis inter nos & illos foret, numquam vero spes iusta victoriæ. Nam ubi eo redacta res foret; ut nos, æque ac illi, ex ingenio nostro statueremus Dogmata, contra, aut secus quam habet Traditio Sanctorum Patrum (quod faciunt Sæctarii) & ad unam Scripturam atque intelligentiam nostram, explosa eorumdem Patrum interpretatione, alter alterum provocaret: utrique suam mordicus præferrent sententiam; neque alia superesset ratio evincendi, quænam ex iis esset vera ac potior appellanda. Nos ideo invicti adversus Hæreticorum conatus, quod eis tum Scripturæ loca, tum concordem eorum interpretationem, Traditionis opem in Ecclesia Dei servatam, objicere possumus: quam Traditionem custulendam, vel ipse Sanctus Irenæus proximus Apostolicis temporibus jussit. Neque enim ad nos pertinet, neque licet, innovare aliquid in doctrina Fidei; neque Revelatio nova nobis exspectanda, sed illud tantummodo retinendum, & sancte colligendum atque custodiendum, quod olim Deus revelavit, & ad nos per Literas sacras, per Concilia, & Patres, testes integerrimos Revelationis nostræ scriptæ, transmissum est. Neque Pietatis augendæ obrentur fas est contra mentem Sanctorum Patrum nova dogmata procedere: quis enim nisi superbus & audax plus scire ac sapere se putet, quam Sancti Ecclesiæ Doctores, ac propiores fonti Revelationis divinæ? Propterea illos etiam Vincentius Lirinensis arguebat, qui tum pios præ reliquis se putant, quum Novas gravis momenti Opiniones invehunt, quibus Sanctorum Patrum documenta obstant. *Mirari satis nequed (ita ille Cap. XXI.) tantam quorundam hominum desaniam, tantam excæcatæ mentis impietatem; tantam postremo errandi libidinem, ut contenti non sint, tradita semel & accepta antiquitus credendi regula. Sed NOVA ac NOVA in diem quærant, semperque gestiant ALIQUID RELIGIONI ADDERE, MUTARE, DETRAHERE: quasi non coeleste Dogma, quod semel revelatum est, sufficiat &c.*

Quo igitur nomine digni sint, qui Anno 1615. tradere cœperunt novitiam hanc doctrinam, scilicet, ne Debitum quidem Peccati Originalis tribuendum esse Mariæ, Sapientes tandem judicabunt, quum,

uti

uti perspeximus, per antecedentia Sexdecim Secula aliter Sancti Patres, & Theologorum Scholæ senserint: atque ipsi illi, quibus Immunitatis Marianæ tutela plus cordi fuisse noscitur, agnoverint necessariam hujus saltem *Debiti* confessionem, ut Redemptionis necessitatem in Virgine tueamur, & ut Apostoli auctoritas, & Patrum interpretatio, aliqua ratione subsistant. Neque enim locus heic reliquus est speciosæ illi doctrinæ, perfectiorem modum Redemptionis esse, Virginem *a contrahendo Debito* præservatam, quam *a Debito liberatam* fuisse. Nam, uti supra nos docuit Romanus Pontifex Zosimus, *Nullus, nisi qui Peccati servus est, Liber efficitur, nec Redemptus dici potest, nisi qui vere pex Peccatum fuerit ante captivus*. Et Sanctus Leo Magnus Papa Sermon. I. de Nativitate Domini: *Sicut Nullum a reatu liberum reperit, ita pro liberandis omnibus venit*. Itaque nullus dubito, quin quicumque animo ac ingenio ab affectibus præviis, atque ab anticipatis judiciis expurgato, Opinionem hætenus commemoratam perpenderit, plane intolerandam in Ecclesia Dei appellet. Attamen aliquid etiam gravius hac ipsa de causa exerendum est, quod me impulit ad corollarium hoc postremum adjiciendum, hoc est ad colligenda tot Patrum ac Theologorum veterum vota; & quod prudentibus stuporem fortassis & horrorem incutiat, nobisque luculentius aperiat, quid audere possit inconsultus novandi ardor, & improvida Pietatis amplificandæ cupiditas. Non solum placuit ac placet nonnullis periculosæ huic Opinioni adhærere, eamque in Scholas imperterritè invehere; inventi sunt etiam, qui pro ejus tutela Vitam se daturos voverunt. Testem habeo Auctorem Historiæ Conceptionis Virginis, qui Libro IX. Cap. XVI. tradit, Cusentinam Civitatem in Calabria primariam Anno 1656. Votum emisisse de propugnanda Immunitate Virginis non solum *a Peccato Originali* sed etiam ab illius *Debito*: & quidem *Sanguine* etiam & *Vita*. Voti quoque formulam refert, a Syndico Urbis illius concepti, nomine Reipublicæ, *omniumque Civium tam præsentium, quam futurorum*. Egregium sane Votum, quo Populus indoctus, & impotens ad discernenda momenta ejusmodi questionum, ad mortem subeundam obligatur, posterofque ipsos rei inscios tam ferali obligatione constrictos decernit. En formulæ Cusentinæ verba: *Promittimus & juramus, castis sanctis Evangelis, nos docturos, professuros, ac propugnatos, Mariam semper Virginem, Dei matrem, & Dominam nostram, in Conceptione sua non solum non contraxisse Peccatum Originale, sed ne ipsius quidem Debitum, quum transfundi nequeat infelix hereditas Adami in illam, quæ ut Mater futura Verbi æterni prævisa fuit in signo antecedenti Adamum. Et Votum juramento confirmamus testificandi HANC*
VE-

VERITATEM SANGUINE & VITA, & curandi, ut idem a reliquis fiat. Ita ille Auctor, qui insuetum hoc Votum veluti rarissimæ Pietatis prodigium suspiciens, addit : *Nel ché Cosenza si vantaggid ad ogni altra Città del Mondo ; mentre un simil voto di niun' altra si legge.* Neque legetur, subdo ego, dum Christi Fideles accuratius in rem ipsam introspiciant, & sapere pergant.

Equidem infimus in domo Dei sum; attamen quando omnium est Fidelium, Ecclesiam Dei matrem nostram, ejusque doctrinam germanam tueri, libera heic voce ajo, freno tandem opus esse ad compescenda Ingenia sub Pietatis specie extra orbitas veræ Pietatis decurrentia. Addo, manifeste imprudens, nullum, ac irritum esse hujusmodi Votum, neque sine scelere Vitam profundi posse pro tuenda Opinione, quæ nequaquam Probabilis, immo Falsa ex dictis censenda est. Evidens quippe esse sincerus quisque rerum æstimator deprehendet, veteres Patres, (inter quos duo eximii tum doctrina tum sanctitate Pontifices Maximi Leo I. & Gregorius Magnus præter Leonem IV. & Ambrosius, & Augustinus, & Anselmus, & Thomas, & Bonaventura, Ecclesiæ Doctores) non solum ignorasse prærogativam hanc a Novatoribus piis Deiparæ attributam, sed ita loquutos fuisse, ut aperte destruant saltem sententiam auferentium à Beata Virgine *Debitum Peccati Originalis*. Quonam ergo abibit veneratio semper habita in Ecclesia Dei, semperque habenda unanimi Sanctorum Patrum Traditioni? Et quænam Prudentia fuerit pro tam fallaci sententia discrimini Vitam exponere? Immo quum nefas sit atque Peccatum pro Opinionum, licet Piarum, tutela tormentis & securibus suum caput offerre; quisnam, rogo, a crimine excusaret pro hujusmodi etiam non ferenda Opinione occumbentem? Neque plura attexere volo, spe ductus fore, ut hæc intimius perpendant, quibus & major sapientia est, & ferventior cura decernendi remedia, si quando perspiciant, ab intemperantibus ingeniis, & in excessus Pietatis incaute declinantibus, perniciofa dogmata venditari, ac temere homines in mortem impelli. Ad Parthenotimum potius redeat oratio, a quo lubenter rescirem, probetne ipse, an improbet Cusentinorum sententiam *De debito Virginis*, eorumque Votum Sanguinarium. Si probat : quid aliud restat, nisi ut demum fateatur, conculcari impune posse Traditionem concordem Sanctorum Patrum, & nihil referre Catholicæ Ecclesiæ, si quisquam aspernatus sententiam, quæ apud Patres, & veteres quosque Theologos, Communis fuit, Novam atque oppositam excogitet ac doceat; & licere quamcumque Opinione tueri, dum Pietatis lineamenta præferat; immo & pro illa propugnanda honeste Sanguinem fundi posse, atque inde sperari Martyrii coronam? Si

Si consecraria hæc ille devorare in animum induxerit, jam nullum ultra cum eo certamen volo; sed videat ille, qui gravissimam a sacris Iudiciis censuram effugere possit. Quod si Cusentinorum Opinione ac Votum Parthenotimus averfatur, habet ille in hoc uno exemplo, unde intelligat primo, quam inanes querelas adversus Lamindum commoverit, quasi piaculum fuerit, Sanguinarium paucorum Siculorum Votum non revereri, quando a nonnullis Theologis, & quidem Catholicis, adinventum, ac populo præpinatum fuit mirabile hoc & magnanimum Vitæ contemnendæ consilium. Certe qui Cusentinis auctores fuere emittendi paris, immo magis etiam magnanimi Voti, cerdones non erant. Theologos fuisse nemo non agnoscit; & nihilominus quis eorum audaciam ferat, aut excuset? Secundo hinc discet Parthenotimus, raram avem in terris non esse nonnullorum ambitionem, qui in rebus Pietatis, sive quod plus sapere quam reliqui sibi persuadeant, sive quod Novitate Opinionum famam majoris intelligentiæ ac Pietatis conquirant, in excessus Pietatis erumpunt, quos certe & Ecclesia Catholica odit, & Prudentia eliminandos jubet. Tertio deprehendet Parthenotimus, quanta in posterum fides habenda sit professioni toties a se inculcatæ, scilicet Voventes tutelam Immaculatæ Conceptionis, non morituros pro tuenda *Veritate* illius sententiæ, sed pro *Pietate*, quæ inest *abusi opinativo pro Feste Conceptionis ab Ecclesia præscripto* &c. Scilicet sensit ille, non immerito improbatum fuisse a Lamindo consilium subeundæ mortis causa propugnandæ sententiæ, quæ adhuc inter Opiniones conclusa certam nobis Veritatem rei exhibere non potest. En Cusentinum Populum diserte jurantem, se *Sanguinem* fortiter effusurum pro *testificanda Veritate* Immunitatis non solum a *Peccato*, sed & a *Debito*. Idem quoque velle Siculos in concipiendo suo Voto Sanguinario pro tutela Immunitatis a Peccato, mihi persuadent eorum formulæ, quibus frustra medicamentum adhibet Theologus noster. Denique possent Cusentini ad eadem effugia se convertere, per quæ Parthenotimus evadere se posse confidit, protestando, sibi quoque persuasura, non dubiam, sed Certam esse sententiam suam de exclusione *Debiti*; centenos Theologos a Petro de Alva recensitos pro eadem pugnare; atque illam, teste Auctore Historiæ Conceptionis, saltem apud Hispanos *Communior* esse in *Scholis*: abhorrere ab honore Virginis deformem *Debiti* illius maculam; ac proinde se mori paratos pro tuenda *Sanctitate Mariana*, pro *culm* &

honore illius, pro observando Voto, a cuius observantia deficere crimen est. Si Cusentinorum Votum, uti nuper effinxi, a Parthenotio neutiquam probatur, frivolas etiam, nulliusque ponderis reputet, oportet, eorum rationes; & denique sperandum est fore, ut deprehensa temeritate Cusentini Voti, a patrocinio quoque desistat Sanguinarij Siculi Voti, quod itidem vidimus temere concipi, & sine scelere non posse compleri.

C A P U T X X V I.

Cur Pritanius in Voto Sanguinario Superfitionem timuerit.

Quid sit Superfittio. Ab ista cavendum præcipue viris doctis. Ejus facies in novitio isto Voto deprehensa. Quid Panormitanis Civibus in hocce negotio agendum.

U Num superest nunc quæstionis hætenus agitata momentum, de quo jamdudum Lectoris expectationem aluisse me opinor, & cui nunc satisfaciendum suscipio. Nempe cur Opusculo huic titulum fecerim de *Superfitione vitanda*. Dixerat Lamindus: *Cave, ne amorem & reverentiam Virgini debitam eo usque amplifies, ut Superfittiosam efficias. Non unus autem ego in hac Voto profundenda Vitæ pro Immaculata Conceptione Virginis Superfittionem timeo. Timuit & timet Apostolica Sedes. Ægro animo ista excepit Parthenotimus, ac proinde pag. 63. Lamindum iratus monet, ut videat, quo ipsum abripiat ille suus, quem vocat Superfittionis timore, sed nonnemo diceret audaciam: dum Superfittionis notam Catholicorum (addendum erat paucorum) sententiæ inutit. Contra pacato animo ego heic sapientum judicium appello. Alterum de duobus necesse est ex hoc certamine fluat. Si quæ attulit Theologus Siculus, eam vim habent, ut Sanguinarium Votum licitum ac laudabile constituent: certe is merito doleat, quod *Superfittionis* probrum de magnanimo illo Voto timeatur. Contra, si quæ hætenus ego congesti, ut evincam, imprudens, temerarium, minimeque ferendum esse ejusmodi Votum, solida sunt ac vera: nemo fit inter Theologiæ peritos, qui *Superfittionis* non dicam lineamenta, sed vitium ipsum in eo non deprehendat. Quid enim aliud est *Superfittio* docente Doctore Angelico 2. 2. Quæst. 92. Art. I. nisi *Vitium Religionis oppositum secundum Excessum; non quia plus exhibet in cultum divinum quam vera Religio, sed quia exhibet cultum divinum vel cui non debet, vel eo modo, quo non debet?* Propterea a Theologis *Cultus Dei inordinatus aut superfluus*, qui & in se complectitur Cul-*

Cultum inordinatum ſive ſuperfluum Sanctorum, inter ſpecies *ſuperſtitionis* concordī voto enumeratur. Atque utinam Theologi ipſi, qui in reliquas Superſtitionis ſpecies longa inquisitione invehuntur, hanc etiā diligentius excolerent, & luculentius Catechiſmi Catholici miniſtris explicarent. Eſt ſane major, quam prima fronte videatur, amplitudo huiusce quoque provinciæ, multumque a re foret Reipublicæ Chriſtianæ, non negligi, immo accuratius pertractari & iſtud argumentum. Quum enim eximia pars Religionis ſit *Cultus Dei*, atque Sanctorum, copioſaque turma actuum, quibus Chriſti Fideles ſuum obſequium ac amorem omnipotenti Deo, ejuſque beatis fervis prodere poſſunt, latiffimus heic campus ſe ſe aperit Theologorum iudicio, ut diſcernant, quid ibi laudandum, quidve culpandum, hoc eſt quid Deo placeat, ſive diſpliceat. Et quidem miratus ſum, quare inſalutatum pœne argumentum hoc dimiſerit Johannes Baptiſta Thiercius, Doct̃or Gallicus, qui Tractatum *de Superſtitionibus* Anno 1679. Pariſiis edidit, ſœdis vanarum obſervationum deliriis adeo reſertum, ut in duos Tomos excreverit, quos cum utilitate, nescio & an cum pari voluptate, legas. Nonne & errores indoctæ ſive exorbitantis Pietatis ad *ſuperſtitionem* pertinent, & puritati Sponſæ Dei, ideſt Eccleſiæ, officiunt, quæ tamen proborum omnium, ac præcipue Paſtorum munus eſt curare, ut immaculata perſiſtat cum in Dogmate, tum in ſacra Diſciplina? Proſecto nemo neget, quin ſummopere conduceret, ſi & hæc perverſa ſemina aut nunquam nascerentur, aut nata ſollicito ſtudio evellerentur. Magnum autem diſcrimen heic intercedit inter Populum rudem, & Viros Doctos, ad quos cura ſpectat alios imbuendi ſanctæ Religionis doctrina. Si enim in ſuperſuo aut inordinato Cultu Dei, & Sanctorum errore interdum laborat Plebs rudis, illam ignorantia & ſimplicitas excuſare poteſt, ita ut nihil peccati, aut ſummum culpa venialis in eorum actibus occurrat. Et ſiquidem a rectis Eccleſiæ inſtitutis ac ſententiis deſlectunt, certe illorum nævi in arcem Religionis non penetrant; neque enim ex indoctorum opinionibus ac ritibus metienda eſt veritas & ſanctitas Eccleſiæ Catholicæ, ejuſque doctrinæ, ſed e Catechiſmis noſtris, & e probatis Eccleſiæ ipſius Dogmatis.

Alia vero eſt doctorum hominum & Theologorum ratio atque conſtitutio. Poſiti iſti in ædificationem Eccleſiæ, ſi quando inordinatum aut ſuperfluum Dei & Sanctorum Cultum inveherent, quibus juſtis rationibus ſe ſe apud Deum excuſaturi forent, facile non invenirent. Poſſent ſane & ipſi obtendere bonam voluntatem, piumque affectum in Deum & Sanctos. Sed quid ſi cum iſta voluntate & affectu ſe

De Superstitione Vitanda,

se miscat Zelus præceptis, & non secundum scientiam? quid si con-
 jungat se se Superbia, Ambitio, & Novitatis, sive Singularitatis,
 male urens prurigo, aut Avaritia, aut immoderata Curiositas, aut
 circa Æmulatio, aliique pessimi mentis afflatus, ut plus sa-
 pere, quam alii, plus Pii esse, quam ceteri apud Populum credan-
 tur? Et quamvis agatur de superfluitate in Cultu exteriori, quæ inter
 Superstitiones numeratur, attamen uti docuit Cardinalis Cajetanus
 in 2.2. Sancti Thomæ Quæst. 93. art. 2. est communiter Peccatum
 veniale, nisi contemptus Ecclesiasticæ disciplinæ, aut interioris Cultus
 adsit. Nec tamen leve habendum est Peccatum hoc, quoniam infra Su-
 perstitionis latitudinem continetur, quæ divino opponitur cultui. Omnia
 ergo dicendum ac metuendum de iis, qui novas in Religione Dei
 Arina excogitant, ac deprædicant Opiniones, a Revelatione præsertim
 omnino pendentes, præter, & quod longe gravius est, contra Pa-
 trum, totiusque antiquitatis Traditionem atque sententiam? Curio-
 sitatem & Singularitatis amorem in hisce Novatoribus præsertim
 offendas, cujus vitii signa describit ac temeritatem Tem. I. pag.
 93. inter cetera scribens: Constat, quod doctrina Fidei, quamvis
 Philosophiam superet, ultra quos prædefinitos in sacris Lito-
 nis nobis revelatis, ultra quos terminos suos prædefinitos in sacris Lito-
 sumperit, quidni protinus turpiter seducatur, ut seducat insequentem?
 Deficiente enim non sufficiente scala Scripturarum, qualis altera com-
 parabitur scala ad altiores voluntates non revelatas nobis cælis, quid ad
 ramus nunc ad divinas voluntates non revelatas nobis cælis, quid ad
 cujusque Theologi, Quantumvis Elevati: nullus dubitaverit, &
 illas cæcior sit, quam cæcus ad colores. Propterea si de altis istis, &
 non revelatis veritatibus voluerit bujusmodi Theologus judicare, &
 præsumptione raptus, aut pudore oppressus, si non ad omnia quæ sita fi-
 bi responderit, quis non videat quam profundam sibi aliisque erroris
 abyssum paraverit? Addit etiam (quod utinam nonnulli in penetralia
 cordis reconderent): Quanto securiori humilitate responderent in mul-
 tis, Nescio: Deus scit, & cui Deus voluerit revelare? In subsequenti
 etiam Epistola paria tradit, inquiens: Quanto consultius erat uti beni-
 inventis, quam dum queruntur inveniendæ, nec illa offerre, quin etiam
 subvertere bene jam inventis? Sufficiat interim mihi, meique similibus
 solitis in humilitate uti bene inventis. Abscedat omnis pomposa super-
 mur tritum iter commodius plane, & ab errorum scandalorum di-

de
re
din
De
val
eor
ma
eff
ha
qu
fi
C
c

discrimine remotius . Tot habemus Sapientiæ salutaris fontes vivos ; ne quæso , cisternas dissipatas fodiendo , nos casso , immo stulto , labore fatigemus . Quam postremam sententiam adhibuit , ut supra vidimus , etiam Sanctus Pius V. in sua Constitutione de Conceptione Deiparæ . Et ecce quam apposite ad rem nostram Gersonius & Novatores pios , & Novitates Opinionum castigat , atque a Scholis , eoque magis a Populi auribus amotas cupit . Agnoscebat enim vir magnus , facile ex huiusmodi licentia dogmata nimium male sana effluere posse . Et ad *Superstitionem* quod attinet , jam Sanctus Thomas hæc jamdiu nos docuit 2. 2. Quæst. 92. Art. 1. *Superstitio est , quando traditioni humanæ Religionis nomen applicatur .* Utique rectissime . Nam ut monuit Sanctus Augustinus Libro de Ver. Religione Cap. LV. statuenda non est *Religio in phantasmatibus nostris* . Luculentius etiam mentem suam expressit idem Angelicus Quæst. 93. ibidem , artic. 2. scribens : *Si quid est præter Dei & Ecclesiæ constitutionem , quæ secundum Augustinum in Epistola 86. pro lege habenda est , totum hoc reputandum Superfluum & Superstitiosum .* Et nos sane parum laudandi , quoties novitatem ubique desiderantes , contemptis aut neglectis solidis Pietatis exercitamentis , nuperas quasdam Devotiunculas quantis possumus nervis promovemus , atque in iis statuimus summam spem gloriæ aut præmii cœlestis .

Age vero ad hæc principia exigamus *Votum Sanguinarium* Parthenotimi nostri , & Cusentinorum . Credere , hoc est Opinari , sive persuadere sibi , Virginem sine macula fuisse conceptam , ad Cultum ordinatum Dei ac Virginis merito pertinet , quia sufficientes ac Probabiles rationes humanis ingeniis adsunt , ut huic Opinioni , postposita contraria , adhæreant , ac præcipue laudante illam Ecclesia . Ad eundem quoque Cultum legitimum spectat celebrare Festum Conceptionis *secundum Piam istam sententiam* , quum sufficientes rationes Ecclesiæ adsint , ut huic Opinativo cultui suffragium ac favorem præstet : quod & illa quotidie præstat in probandis Festis tot Sanctorum , aut Reliquiis , aut Miraculis , quæ extra Fidei pomeria sunt , sed jure intra fines Religionis prudentis versantur : Hucusque recte negotium procedit , & nihil agitur præter aut contra mentem , aut consuetudinem Ecclesiæ ; atque omnis *Superstitionis metus abest* . Si vero quisquam hosce limites supergressus , vovere etiam audet , se Sanguinem & Vitam daturum propugnandi causa hanc ipsam de Conceptione sententiam : en *Excessum Pietatis* , en *Cultum inordinatum Dei & Mariæ* , & consequenter *Superstitionem* . Quippe negari non potest , quin hoc sit *præter Constitutionem Ecclesiæ* , quum post Annum 1600. inconsulta eadem Ecclesia ,

fia, tum Novitium hoc Votum, tum alia periculosa, aut inepta, aut temeraria sententia de variis Deipara prerogativis emergerint: quae omnia ignoravit antiquitas, neque Ecclesia umquam probavit. Immo *contra Dei praeceptum & constitutionem Ecclesiae* Votum ejusmodi prodiit. Etenim divina lex prohibet, pretiosum Vitae nostrae depositum discrimini exponere pro tuendis quibuscumque Opinionibus, quamvis piis; & rursus Ecclesia Scotisticam sententiam numquam agnovit, nisi Probabilem & Piam, ac sibi de ejus Veritate judicium reservavit. Atqui voventes adeo Certam, quamquam repugnantem Ecclesiae, illam contendunt, ut non secus ac pro Fidei Articulis, jugulo suo pro illius tutela pugnare instituant. Deformitatem hanc & ipsi Ethnici sensere. Certe Cicero Academic. Quæst. Lib. IV. *Sapiens, aiebat, multa Sequitur Probabilia, non comprehensa, neque percepta, neque assensa, sed similia Veri: quae nisi probentur, omnis vita tollatur.* Hæc prudentem Ecclesiae æconomiam confirmant, admittentis etiam Probabilia in Cultum Dei, illiusque Servorum. At is alibi elegantissime Carpit improvida ingenia, quae Certitudinem statuunt, ubi minus decet: *Quid enim, inquit, tam temerarium, tamque indignum Sapientis gravitate atque constantia, quam quod non satis explorate perceptum sit & cognitum, id sine ulla dubitatione defendere?* Graviolem quoque Tullio Scriptorem audi, hoc est Sanctum Augustinum, qui Libro II. Cap. XXXVI. de Peccat. Merit. hæc habet: *Ubi enim de re obscurissima disputatur, non adjuvantibus divinarum Scripturarum certis, clarisque documentis, cohibere se debet humana præsumptio, nihil faciens in partem alteram declinando.* Sed longe gravius, ac plane intolerandum intemperantis Pietatis ac Superstitionis genus est, pro eisdem incertis dubiisque sententiis in tormenta horribilia Mortemque ipsam incurrere velle. Neque enim Opinio illa intra Speculationis fines amplius continetur, sed in actionem descendit. Agitur heic de mendum hominum Virtutibus, & quidem temere ac imprudenter, quandoquidem immolandi sunt homines, ut id confirmetur, Verumque ac Certum evincatur, quod tamen Ecclesia ipsa adhuc dubium agnoscit. Agitur de Martyribus prorsus novitiis (nam & hoc suis clientibus polliciti sunt pii Novatores) quum tamen pro imaginatione tantum, non vero pro Dogmate Fidei, aut pro certo actu Virtutis, Sanguis effunderetur. En ergo, quos Lirinensis arguebat, quod *Nova quærant, & gestiant aliquid Religioni addere.* Additamentum sane ingentis momenti, & in quod gregis Christiani Pastores intenti sint oportet, ne invita Ecclesia nova Dogmata Fidei invehantur, ne temere Vitam suam perdant Fideles, ne de-

nique

nique humanis Opinionibus idem habeatur honos, atque Articulis Fidei.


Quod ſi non ferendum, atque a Superſtitione alienum minime eſt Sanguinarium Parthenotimi Votum, quamquam pro Opinione probata in Eccleſia Dei conceptum: quid dicendum de altero, quod Cuſentinus Populus emiſit, de danda videlicet Vita pro tutela Opinionis non ſolum dubiæ, ſed omnino eliminandæ e Scholis ac mentibus Fidelium? Ad finem propero, ſed non ante manum e tabula tollam, quam profeſſus fuero antiquum meum erga Panormitanos Cives obſequium, pro quorum honore ac tutela hæc me ſcripſiſſe, ii ipſi, ut ſpero, intelligent. Neque ego eos, (quod Parthenotimus fecit) ingeniola heic peroratione aggrediar, illorum benevolentiam & vota captaturus. Unum tantummodo efflagito: Scilicet animadvertant, quam efficaci ratione illorum conſtantiam in Voto Parthenotimus idem ſibi procurarit: *Profeſſo*, ait pag. 104: *non eſt Saltem Certum, quod Fidei Catholicæ officiat prædictum Votum ac Juramentum*. Quæ hætenus ego diſſerui, fortaliſs evicerint, reapse abhorrere a Fide Catholica, atque intolerandum eſſe Votum Sanguinarium ac proinde nefas eſſe pro illo obſervando mori. At tamen arripienda eſt hæc ipſa confeſſio Theologi noſtri, qui dum nobis dat, *non eſſe Saltem Certum* Voti fui vitium, tacite ſignificat, juſtam ſaltem cauſſam ſuper'eſſe de ejus honeſtate dubitandi. At hoc unum quis non videat, Prudenti homini ſatis eſſe futurum, ut abſtineat a Voto, ex quo Certus humanæ Vitæ interitus conſequi poſſet, neque Certum eſt, an Deo ac Virgini res grata per illum præſtaretur; immo in Voto complendo dubitandum foret, an Dei præceptis, & doctrinæ Fidei Catholicæ obſiſteretur? Nam quod ſubdit Parthenotimus, inquiens: *Ita igitur vobis id ſervare licebit, ut Majores veſtri tradidere*. Quam in rem Canones laudat, *Traditiones præſertim, quæ Fidei non officiant, ita obſervandæ, ut a majoribus traditæ ſunt*, C. *Illud Diſt. 12*. Quippe in his rebus, de quibus nihil certi ſtatuit divina Scriptura, mor. Populi Dei, & inſtituta Majorum pro lege tuenda ſunt c. 7. diſt. 11. Nemo e doctis Panormitanis eſt, qui quam abſone ab iſto Theologo adferantur hæc, continuo non ſentiat. Agunt Canones ii de Ritibus, ut ſupra innui: Agunt de Traditione non paucorum annorum, ſed antiquiſſima, & cujus lateant primordia: Agunt de Conſuetudine, quam non pauci, ſed Populus integer, divina Scriptura & Eccleſia minime repugnante, obſervet, a Majoribus acceptam. At qui Votum Sanguinarium *Dogma* reſpicit; illudque tantummodo ante centum annos patres & avi eorum, qui nunc degunt Panormi, naſci

nasce primum viderunt, & pauci exceperunt. Accedit, quod famosæ *Granatenſes Laminæ*, aliæque recentes imposturæ ex Hispanicis ſcriñiis depromptæ, fucum tunc fecere Panormitanis, ad omnia Pietatis officia non ſegnibus, quali jam adeo Certum evaliſſet Conceptionis Virgineæ Myſterium, ut pro ejus Veritate tuenda eculei, & atrociam quævis tormenta, & mors ipſa, prudenter & cum laude, immo cum ſpe Martyrii, tolerari poſſe crederentur. Hæccine ergo *Traditio*, quam ſacri Canones commendant? Apage. Immo inventum, ut ita dicam, heri natum; & Romanæ Sedi injurioſum, quæ rem dubiam agnoſcit, ſibi que de illa judicium reſervavit; & pernicioſum Fidei, quum certiffimis ejus Dogmatis Novatores iſti pares faciant Opiniones hominum; denique contrarium divinæ Legi, a qua jubemur non projicere imprudenter ac temere Vitam.

Ceterum quantis poteſt vocibus pergat Theologus noſter revocare in mentem contrerraneis ſuis *Pietatem ac Prudentiam Majorum in ſuſcipiendo id genus Voto*. Ubi illi recogitent, quibus machinis ad hujusmodi Votum pertracti fuerint Majores ſui, & quid Romanus Pontifex poſtea de Granatenſibus Laminis decreverit, & quid factum de ceteris commentis, quibus larvam poſterior ætas detraxit: hercle nullus dubito, quin aliter agendum rati, non minori *Pietate*, majori autem *Prudentia* a Sanguinario Voto recedant. Plaudo & ego cuicumque, Panormitanos Cives hortanti, ut Pietate cum Majoribus certent, dum tamen Pietas prudens ac ſolida ſit, non imaginaria, non in exceſſus improvide rapta. Si vera ſunt, ſi ſolida ſunt, quæ hæcenus adverſus Votum Sanguinarium diſſerui, jam Panormitanos non ego, ſed Apoſtolus hiſ demum verbis Ephēſ. V. verſ. 17. alloquitur: *Noliſte fieri Imprudentes, ſed intelligentes, quæ ſit Voluntas Dei*. Et quoniam de re tanti momenti, qualis eſt pietioſiſſima hominum Vita, in Panormitano Voto atque in Cuſentino agitur: nemo quidem fallatur, Voluntatem eſſe Dei ſibi perſuadens, ut Vita ſervetur, in ſolidæ Virtutis ac Pietatis officiis exercitanda: quum ipſe Deus aperte præceperit, ne rem tantam ſui juris nos arbitrio noſtro abjiciamus. Contra judicio meo fallitur, & ſaltem judicio omnium falli poſſit, qui minime certus, an gratum Deo ſacrificium offerat, & an Eccleſia ferale hoc Votum probet, aut ſit umquam probatura, in mortem certam ſub ſpecie Pietatiſ ruat. Certetur proinde voce & calamo pro tuenda Sententia favente Immaculatæ Conceptioni Virginis: at Vitæ hominum parcatur, dum Quæſtionem hanc dirimat Apoſtolica Sedes, mentis ac Voluntatiſ Dei legitima interpres, cujus correctioni interim hæc omnia mea demiffæ ſubjecta volo.

F I N I S.





1

2

3



